





~~111-5-97~~

XVIII

~~E~~
G.
40

SAMUELIS PUFENDORFII
ERIS
SCANDICA,

Qua

ADVERSUS LIBROS DE JURE
NATURALI ET GENTIUM OB-
JECTA DILUUNTUR.



FRANCOFURTI ad MOENVM.
Sumptibus FRIDERICI KNOCHIL

Anno M DC LXXXVI. †



Julius Rondinus
LECTORI BENEVOLO

S. P. D.

UT alienæ fabulæ prologum agerem, amicitia in causa est, quæ mihi cum editore horum Scriptorum intercedit; cui cum placeret ista denuo publicæ luci tradere, à me rogavit nonnulla præmitti, quæ aliquid lucis hisce controversiis adferre queant. Ipse enim Autor aliis negotiis intentus satis habuit adversariorum calumnias depulisse, ac sententiarum suarum veritatem atque innocentiam adstruxisse, inglorijum de cætero atque indecorum existimans cum hominibus rixosis ulterius, quam necessum fuit, contentionis ferram reciprocare. Cui cum id semper fuerit propositum, ut pro modulo ingenii aliquid in commune conferret, quo se non inutilem reipubl. literariæ civem fuisse testaretur; repente à malevolis eo se redactum deprehendit, ut tantum non de vita & fama certandum sibi foret. Origo ipsi molestiarum ab invidia, quod in Academia Carolina recens tunc instituta lautior quam cæteri salario frueretur, ac magnam partem nobilis juventutis à se haberet pendentem. Ea res cum primis male habebat *Nicolaum Beckmannum*, hominem factum juxta ac rudem, sed cui immensos spiritus dabat vocabulum Doctoris in Schola Aurelianensi triginta scuratis emtum; & quia Collegium Pandectarum Marpurgi distant quodam Professore exceptum in Gallia sumtibus suis publicasset titulo *Medulla Justinianæ*. Is cum nullo se numero fore crederet, quamdiu Lundini Pusendorfius floret, ad eum subruendum omnes cogitationes intendit. Iis destinatis perficiendis idoneam sibi occasionem oblatam puravit, quando istius Libri de Jure Naturæ & Gentium Lundini imprimerentur, quos in typographia subinde inspectos, cum supra stuporem suum sentiret, novitatis crimine arguere instituit, eo securius, quod ipse Pusendorfius

non inficias eat, se nunquam in verba Magistrorum nostrorum jurasse. Sed cum, quæ Anser iste notaverat, nuspiam cohererent, nec aliam idem rationem adferre nosset, quare illa damnarer, quam quod eadem non caperet; Igitur paulo solertior assumitur calumniæ architectus *Josua Schvvartzius*, qui expeditissimam sibi viam invenisse visus est ad Pufendorium perdendum, si Theologos isti negotio immiscere posset. Igitur scelesto artificio non modicum Indicem errorum Theologicorum contexit, nefario modo detortis, aut interpolatis sententiis innoxiiis, & ad Theologiam nihil plane spectantibus. Instigabatur Scaniae tunc Episcopus, senio jam in puerilitatem vergens, ut à Rectoribus Regni postulare auderet, sibi censuram scripti Pufendorfiani committi. Eo foro constituto nil præter rogum manebat Pufendorium, actore juxta ac judice Schvvartzio: qui & eo facilius à reliquo Clero applausum sibi speraverat, quo pauciores ex illo sunt, qui operæ quid posuerunt in eo studiorum genere, quod Pufendorfius excolendum sibi sumerat. Sed cum improbum ausum Rectores Sueciæ non sine indignatione damnassent, ac silentium turbulentis hominibus imposuissent, ad tenebras perpetuas damnato Indice Schvvartziano, nondum à furore quietem sibi imperare *Nic. Beckmanni* malitia potuit, publicato contra interdictum Regis in Germania isto Indice, diffamandi Pufendorfii gratia, & quia crediderat, præcípites aliquos, rixosos aut malevolos homines ibi inventum iri, qui bellum isti movere non sint dubitaturi. Quo præjudicio armati in Suecia denuo imperum in Pufendorfium daturi erant. Enimvero sceleris convictus iste præmium accepit, quale merebatur, infamem è Regno Sueciæ relegationem; ex qua tamen id boni affectus videbatur, ut deletæ jam semel existimationis nullam amplius rationem habendam sibi duceret; eoque postea libellos famulos publicare ausus est, quibus stolidiores juxta atque impudentiores seculum hoc non vidit. Et quia è Protestantibus nemo homini infami & insulto panem gratis præbiturus erat, ejuratis, quibus innutritus erat, Sacris, Ecclesiam Romanam uno morione fecit auctiorem. Diversa Josuæ Schvvartzii in non dispari scelere fortuna fuit. Silere quantumvis à Superioribus jussus; missitavit tamen, & cum primis dignum sacerdote facinus patrasse sibi visus est, si è cathedra sacra velut è plaustrò convitia jactaret, & ibi

latra-

latraret, ubi à fustibus cautum sibi credebat. Post bello inter vicinos Reges exorto, cum Pufendorfius in tuta se subduxisset, jam plenam calumniandi libertatem nactum se judicavit. Itaque coram aurigis & olitoribus, eorumque vetulis, idoneis scilicet talium rerum arbitris, impudentissimas conciones eructavit, quas post typis divulgavit, quod eruditio ipsius non ulterius assurgat, quam ad compilandam miseram homiliam. Sed eo flagitio non contentus ad graviora descendit, & publica iridem concione cives à legitimo suo Rege in hostium partes pertrahere instituit; prorsus quasi civis fide sua exolveretur hoste ingruente, ubi adhuc præcipua munitionum præsidio regio tenebatur, & ipse Rex cum exercitu indies expectabatur, cum hoste manum confecturus. Unde mox hoste victo perjurii & rebellionis pœnam formidans in pedes se dedit, & transfugam egit, apud hostem sola flagitii commendatione, & odio in nationem Succicam panem primo, mox & novam functionem nactus. Ac demum pro eo facinore, quo alii funem merentur, aliquod temporariæ insulæ insigne reportasse dicitur; eodem, ut videtur, facto cum meretricibus Londinensibus gavisus, quas in patria quidem hærentes mox ergastulum aut nosocomium, vel etiam fustigatio manebat; ubi in Jamaicam, aut alias partes Novi Orbis delatæ sunt, matrimonii vocabulo veteres sordes obumbrante, post honestas se matronas ferunt. Cæterum Index iste Schvartzianus, Beckmanno obstetricante in lucem editus, uti auctoris circa calumnias concinnandas dexteritatem orbi satis prodidit; ira primo intuitu, & antequam Pufendorfi strigilem idem expertus esset, in erubescendum errorem induxerat grave alias Collegium, quod ex illo sinistrum de libris Pufendorfi judicium ferre non dubitaverat. Cujus dignitati nisi Pufendorfius pepercisset, in proclivi fuisset ipsi ostendere, quam turpe sit ejusmodi viris, ex solo libelli famosi testimonio judicium ferre de scripto, quod ipsi nunquam se inspexisse fatebantur. Post & alii quidam in controversiâ hujus partem venerunt, sed diverso fine, nec eodem modo. Nam non multum à furore Beckmanniano abire *Fridericus Gesenius*, Garlæ Præsul, & *Valentinus Velschmius*, barbarici apud Jenenses columen non infimum. Cæteri pro hypothesis suis à Pufendorfiانا discrepantibus pugnare videri voluerunt. Occursum est utrisque ad eum fere modum, quem lacescen-

di impudentia, aut disceptandi modestia merebatur; nec puto ullum fore, qui jure queri possit, Pufendorfium in ære ipsius esse. Unicus *Valentinus Albertus* Lipsiensis Theologus nondum adquiescere videtur, velut turpe sibi foret, inane litigium non in infinitum protrahere. Et si in eo vehementer laudandum sit viri ingenium, quod cum utique extremam personam in hac fabula agere pertenderet, ita inficetam defensionem adversus Julium Rondinum adornavit, ut nemo cordatus nœnias istas responso dignaturus sit: quod adversarii silentium ipse post velut concessionem victoriæ interpretaturus sit. Sane enim cum nihil præter crambem bis coctam apponat, rancidis quibusdam distinctiunculis, & pedantico plane pipere conditam, primo statim intuitu lectorem nausea opplet, nedum ut quis in eam se obfirmare patientiam queat, ut commentis istis operose destruendis horam impendere possit. Et si ut verbo præcipuas hominis vanitates notemus, forte non abs re fuerit, si forte istum permovere possimus, ne suis sibi nœniis tantopere placeat. Sic quam putidum est, quod post tam perspicue deductam status naturalis indolem, nondum desinat coccyssare Albertus, à Pufendorfo *pro primario haberi principio statum hominis miserum, fictum illum atque commentitium, in quo hominem, tanquam projectum utcumque aut undecumque in hunc mundum imaginatur sibi*. Nuppiam quippe à Pufendorfo hæc hypothesis assumitur, hominem undecumque aut utcumque in terram projectum: sed cum vellet demonstrare, quantum boni ex societate in hominem redundet, & quam miser sit homo sibi soli relictus, etiam à parentibus fuit abstrahendum, seu ab illo auxilio, quod nati homines à parentibus suis experiuntur, nisi hoc per peculiarem Numinis curam suppletum fuerit. An hæc est hypothesis, aut principium, si alicujus rei usum demonstrarem ex ejusdem remotione? Aut an tali modo demonstrandi admittitur aliquid homini Christiano indecorum? sed & nati parum sibi esse Albertus ostendit, quod non sine gratiarum actione acceptet, regulas, quas ipse commentus est, cum illis comparari, quæ de inventionem medii termini in Logicis jactantur; cum utraq; istæ regulæ vanitatis arguantur. Sane si quis vel millies regulas istas Logicas volvat revolvatque, nihil sibi mediorum terminorum pullulare videbit ad probandam aliquam thesin, ni aliunde ejusdem probationem didicerit. Sicuti nec hilum

quidem

quidem regulæ Albertinæ ad eruenda officia legis naturalis conferunt, ni quis eorundem antea habuerit notitiam. Porro autor rixæ & ille habendus est, qui alterum etiam intra privatos parietes multis arbitris vellicat. Et quomodo alias Pufendorffio de ista Philosophia Christiana, quam Albertus meditabatur, innotescere potuisset? Per miracula concedit Albertus Physicam haud fieri locupletiolem, quia illa sint res plane supernaturales. Et tamen per propositiones personales atque sacramentales Logicam locupletari contendit. Atqui Logica est Disciplina rationalis, & quæ indolem ratiocinii nostri naturalis tradit. Circa dictas autem propositiones oportet captivare rationem sub obsequium fidei. Nec ideo ista Logici, ut ita dicam, sunt commercii, qui constant subiecto & prædicato, sunt categoricæ & affirmativæ. Hæc enim etiam dici possunt de hac propositione: Homo est lapis. Et eo ipso, quod inusitatæ dicuntur, sphæram Logices transcendunt, & ad sublimiorem disciplinam unice spectant. Id vero nimis incogitantè ab Alberto positum, quod dicit: *Aquas supracælestes*, quas sæva interpretatio voculæ Hebraicæ *meal* peperit, *quomodocunque locentur aut ordinentur, tanquam supracælestes esse altiores, ut perinde sit, quodcunque mundi sistema præsupponatur*. Nam si quis ex illis, qui vortices Cartesianos statuunt, quærat, utrum aquæ istæ singulis vorticibus sint circumfusæ, an vero non nisi univèrsis; & hoc posito, quam figuram habeant, aut quem motum, aut num nihil auræ ætheris illis superius sit, plus difficultatum Albertus inveniet, quam ut tam imperioso responsò defungi queat. Sicuti & magnam gratiam à curiosis rerum naturalium scrutatoribus inibit, si v. g. fontes Albis, aut Rhæni, *per continuam aquarum particularium progressionem vel reptationem in materia terrestri ad loca vicina fonti exsurgere* demonstraverit. Sed nimirum ad phænomena physica explicanda liquidiorè demonstratione opus est, quam conglomeratione quorundam vocabulorum sensu carentium, & à natura rerum abhorrentium. Ad eundem gustum reliqua sunt misellæ defensionis, quorum vanitatem quilibet deprehendere ultro potest, qui isthæc Pufendorffii scripta legit, quæ heic conjuncta damus. Et tantum sibi de æquitatè juxta atque ingenio Lectorum pollicetur Pufendorffius, ut ad liquidum istis super controversiis judicium ferendum nullas amplius apologias desideraturi sint.

sint. Quin saepe malæ causæ suspicionem præbet, circa defensionem suam nimis trepide satagere. Nec minus in eo facilem Benevoli Lectoris æquitatem sperat Pufendorsius, quod salem paulo asperiores quandoque adhibuerit, defricandis adversariis. Nam pro horum indole ac meritis calamus temperandus fuit. Et uti circa quæstiones mere literarias valde stomachari impotentis est animi; ita salutem atque existimationem nostram improba ratione impugnantes acriter repulisse, apud æquos rerum arbitros vel applausum strenuæ defensionis, vel veniam iusti doloris habet. B. V.

Postscriptum.

ISta cum jam in chartam coniecissẽ, allatus est Viri Illustris Dn. Viti Ludovici à Seckendorf liber, cui titulum idiomate Teutonico fecit *Christenstaat*: in quo super controversia inter Pufendorsium & Albertum agitata sic pronunciare ipsi placet; *Addit: p. 315. de Jure Naturali, prout id ex Verbo Dei solidius docendum, è D. Valentino Alberti, & aliis. Ex iisdem rationibus, inquit, quibus Professionem Moralem in Academiis emendari optarim, ut nempe loco Ethicæ Aristotelicæ Theologia Moralis tradatur, id quoque suaserim, ut Jus publicum universale, sive id naturale, sive Gentium vocitetur, è principijs Christianismi deducatur, aut saltem, quæ è lumine rationis promanant, ad ista exigantur & attemperentur; uti D. D. Valentinus Alberti in erudito & ingenioso Compendio Juris Naturalis Orthodoxæ Theologia conformato, & Anno 1678. Lipsiæ edito facit. In quo etiam multos egregios autores & suffragatores habet; quos inter merito honoris gratia nomino Jo. Henricum Bæclerump. m. cujus excelsa gloria apud eruditum orbem indelebilis erit, & quo ego ante quadraginta annos Argentorati preceptore usus sum: uti & solidè doctum atque eximium Jctum D. Casparem Zieglerum. Equidem methodum illam, quam Dn. Samuel Pufendorsius à principijs revelatis abstrahendo secutus est, in se rejicere nolim, nec ipsius hypotbesin eandem cum Hobbesiana judicare, multo minus aculeatis disceptationibus, quæ inde surrexere, me ingerere cupiam: pro modico tamen ingenio meo tantam utilitatem è separatione principiorum naturalium à jure divino revelato, seu quod eodem fere recidis à Decalogo quaritur, perspicere non possum, quantà a prima fronte videtur. Est enim verum sit, quod Ethnicus, qui S. Scripturam pro vera, aut regula actionum*

num humanarum non habet, ex sola ratione, & illo lumine, quod saltem apud plerasque & cultissimas nationes agnoscitur, informandus sit: Tali tamen modo in Christiano Orbe scribere, & fundamentum juris divini revelati postponere aut negligere non adeo necessarium est. Turca atque Ethnici libros nostros Latinos aut alia lingua conscriptos non legunt. Cum illis efficacius disceptatur machinis & gladiis; aut si quid cum iisdem super commercijs & similibus negotijs tractetur, principia jam nota sunt; & horum præcipuum, nempe utilitas mutua subtili disceptatione haud constat. Hæc ubi claudicat aut cessat, frustratiocinari instituas. Enimvero è recentibus hypothesebus (contra mentem quidem & scopum Autorum) proterva nostra, & verbum Dei quotidie magis fastidians irruentis ansam arripit, ut veteres regulas, quæ apud ipsos tanquam Christianos merito valere debebant, non amplius magni aestimet, recentibus autem haud constanter fidem adhibeat, & non ulterius, quam quatenus expedit. Unde & hodie plures quam unquam alias dantur homines, qui Principum ac Rerum publicarum destinatis qualibuscunque è laxis illis, & per probabilitatem corruptis principiis facile assentiri, coloremque allinere possunt. Non dubium est, quin ex hoc judicio Viri inter suos non exigua autoritatis Alberto non modici Spiritus accesserint. Sed quia in istum, quantum mihi constat, à partibus non fuit compromissum, ac in Republica Literaria lex ca vigeat, ut si quis ultro circa controversiam quampiam sententiam pronunciare aggrediatur, ubi super sit qui respondere velit, huic quoque è tribunali descendendum, ac æquo animo ferendum sit, ut iudicium suum iudicio subijciatur: igitur nihil iniqui fecisse videbimur, si parem libertatem, quam in alios sibi sumsit Seckendorffius, in ipsum quoque exerceamus. Pusendorffius igitur mens est, Jus Universale deducendum esse è principiis lumini rationis cognitis, quo illud sit ad caput omnium hominum, quamcunque circa sacra persuasionem foveant, quo idem idoneum sit ad dirigenda omnium inter se hominum actiones nullo religionis discrimine. Isthoc autem Jure Universali rite adornato & stabilito licebit ad specialia progredi, & disquirere, an & quatenus ab hocce abeant, quidvè eidem superaddant tum religio Judaica vetus, & Christiana, tum singulorum civitatum statuta. Sicuti & methodi lex hoc requirit, ut generalia præmittantur, sequantur specialia. Et uti Medicus dicitur incipere, uti definit Physicus, ita Theologus Moralis, & certæ civitatis Jctus incipit, ubi Juris Universalis Doctor definit. Unde intelligi nequit, quid religionis Christianæ intersit, ut disciplina sua natura prior eadem religione, nec

ei adversa aut repugnans, sed amice potius conspirans, præter nativam suam indolem alceretur, aut particularis reddatur per assumptas à religione Christiana hypothesés, quæ alii non Christiani ignorant aut non agnoscunt, imo ex ipsis Christianis aliqui in dubium revocant, quibus tamen universali jure utique opus est. Utque adeo pro limpidis & homogeneis fontibus substituitur mixtum Albertina, quæ neq; pro compendio Theologiæ moralis haberi potest, neq; vicem sustinere disciplinæ juris universalis, quæ juri civili subterni queat; quem posteriorem usum inter alios potissimum Pufendorfius respexit. Et si cura promovendi Christianismi utique eo extendenda est, ut Philosophia Moralis è solo ratonis lumine deducta è Christianorum Scholis plane proferbatur, (ad quod majore auctoritate quam Seckendorffii opus est,) inque ejus locum Theologia Moralis subrogetur; in diversam plane formam compendium Albertinum refingendum fuerit, quod longe infra ambitum Theologiæ moralis subsistit. Enimvero hoc modo existet duntaxat disciplina juris particularis, quam plusquam dimidia pars generis humani repudiabit, quæ religionè Christianam non amplectitur. Ac valde dubito, an Jcti disciplinam suâ regulis Albertinis superstruere possint aut velint. Ne nunc multis arguam, quod Seckendorffius non rectè hypothesin Albertinam eandem judicet cum sententia illorum, qui Decalogum juri naturali subternendum judicant. Nam Decalogus, quin tota religio tam Christiana quam Judaica vetus, ac omnium populorum leges, peccatum & statum hominis corruptum præsupponunt. Quæ ipsa res Albertum subegit ad absurdam illam & ridiculam analogiam confingendam, per quam etiam, si Diis placet, bellum nunc ad analogiam status integri gerendum est, & carnifex Lipsiensis jam non quidem formaliter, normaliter tamen ad statum Paradisiacum meretrices virginis cadere jubetur. Cæterum ubi Jus Universale genuinis è principiis deductum fuerit, nemo repugnat, quo minus ejusdem scita in Theologia Morali ad dogmata religionis Christianæ examinentur, & si quid ad regendas hominum actiones quolibet in casu deesse videatur, inde suppleatur. Alia attemperatio opus non est. Videamus nunc rationes, ob quas Albertinum commentum Pufendorfianæ hypothesi præferat Seckendorffius. Negat igitur insignem usum se perspicere ejus instituti, ut nempe decreta Juris Universalis deducantur è principiis per naturalem rationem suggestis, abstrahendo ab illis, quæ revelatio divina suppeditat. Nam apud Ethnicos, S. Scripturam ignorantes, hac docendi via proce-

procedendum; in Orbe autem Christiano ea methodo uti necessum non esse, postposito aut neglecto fundamento juris divini revelati. Enimvero finis & scopus S. Scripturæ tum Veteris, tum inprimis Novi Instrumenti non est tradere principia, aut disciplinam Juris Universalis. Et quanquam eadem passim præcepta morum ingerat; non minus tamen disciplinam ista ex professo tradentem præsupponit, aut saltem non impedit, quo minus hæc ad leges genuinæ methodi constituatur. Sic *Roman.* I. & II. gentes arguuntur voluisse se per vitia lumini rationis repugnantia, habuisse legem inscriptam cordibus, non agnovisse Deum, qualem poterant, & debebant è contemplatione naturæ rerum. 1. *Corinth.* V. accusatur quis flagitii Ethnicis inauditi. Cum autem ista, & infinita ejus generis alia divina licet ex professo, & ad formam disciplinæ aut artis non deducant, non repugnant, quo minus ejusmodi disciplina adornetur, ubi ista è lumine rationis explicentur; quin non obscure eandem præsupponunt. Nec merito Ethnici legem naturalem violasse argui possent, si hæc ad methodum Albertinam utiq; formanda foret, cujus regulæ cordibus hominum inscriptæ non sunt. Deinde Jus civile Romanum, cujus jam usus in magna parte Orbis Christiani est, ab Ethnicis primo conditum est. Ad ejusdem solidam cognitionem multum conducit discrimen nosse inter ea, quæ sunt juris naturalis seu perpetui, & quæ juris positivi. Ad hunc finem plus conducere hypothesein Pufendorffii, quam Alberti nemo inficiabitur, nisi cui invidia mentem plane corrumpit. Unde vel hic usus sufficere possit, ut jus universale ad Pufendorffianam formam adornatum in scholis Christianis tolerari debeat. Ne nunc dicam quanti sit, ope justius disciplinæ judicare posse de legibus quarumvis civitatum, sanæ rationi congruant, an minus, adeoque in imitationem ab aliis trahi, an damnari plane debeant. Non autem *negligit* fundamentum juris divini revelati, qui ex hocce quæ promanant peculiari disciplina, universali Juri contradistincta tractandum vult, nempe Theologia morali, quæ quod respectu ordinis & nativæ methodi hoc sequatur, non magis contemptum aut neglectum aliquem arguit, quam quod cognitio linguarum & philosophiæ studio Theologico præmittenda dicitur. Nec id ratiocinium coheret; quia Turcæ & Ethnici nostros libros non legunt, igitur jus universale non est aptandum ad caput omnium gentium, sed superstruendum est hypothesei, quæ à magna parte generis humani non agnoscitur. Sane artes ac scientiæ formandæ sunt, prout indoles ipsarum requirit, paucos an multos

multos Lectores inveniant. Medicinæ eo minus scita sua formant ad captum omnium hominum, seu ut omnium gentium morbis inservire queant, utur Moësis alium fere panaceæ loco habeatur. Quin si vel maxime illiteratis gentibus ne vocabulum quidem Juris Universalis auditum sit, non minus, quæ cum istis à Christianis exercentur actiones ad normam istius juris moderandæ sunt. Nec ideo populis Christianis pauca negotia cum Muhammedanis & Gentilibus intercedunt, si vel maxime inter Suedes montes ac saltus Thuringicos tractus à solis Christianis habetur. Præterquam autem quod & bello sua sint jura, falsum est, solis armis adversus Turcas & infideles opus esse, nisi quando indictum cum ipsis est bellum. Nam pacis tempore utique communia humanitatis jura adversus istos sunt exercenda. Et hominem ideo hostili modo habere, quia circa sacra diversam à nobis, falsamque foveat opinionem, & religioni Christianæ, & sanæ rationi repugnat. Sic v. g. Germaniæ non minus armis opus est adversus Regem Christianissimum, quam Turcas: nec ideo tamen nullus Juris naturalis usus adversus Gallos est. Ista quoque se non consequuntur, si quis cum Turcis & Ethnicis super commerciis & similibus negotiis tractet, principia jam nota sunt; igitur supervacuum est disciplinam Juris Universalis adornare ad captum omnium hominum. Sicuti non sequitur, etiam rustici norunt, quid sit emere & vendere: igitur supervacuum est in disciplina juris de istis contractibus tradere. Sic haud ideo Euclides & subtilia Mathematicorum tradita proscribenda sunt, quia fabri dimensiones suas ad instrumenta sua parum operosa excogile satis habent. Quin plerarumque artium principia sunt planissima; nec eo minus inde deducuntur propositiones haud quibusvis obviæ. Denique utilitas mutua, quæ haud subtili disquisitione constare dicitur, non est regula actionum inter diversas nationes susceptarum, sed causa, quæ has ad negotia inter se contrahenda impellit: quæ ubi cessat, negotii nihil contrahitur, quia prudentis non est, frustra quid suscipere. Sed quid inde adversus necessitatem atque utilitatem Juris Universalis concludi potest? Querela autem, quæ subnectitur, de fastidio juventutis circa Verbuni Dei, disciplinam Juris universalis ad ductum sanæ rationis adornatâ non tangit. Qui enim jus istud cum Theologia morali non confundit vult, haud impedit, quo minus pietati operetur juvenis. Quin potius pietatis studium commendatur, si demonstretur, ordini in ipsa rerum natura constituto repugnare, qui vitis immergitur. Quod hypotheses in se innoxie in alium ab Autorum mente sensum trahantur, culpa penes calumniatores est, qui alios morficando famam sibi qualemcunq; quaesitum cunt. Quid per *veteres regulas* intelligat Seckendorfius, haud satis assequi possum. Veteres alias regulæ, si falsæ & inutilis sint, merito non amplius æstimantur: si veræ sint, nimirum valde stupidos oportet Doctores esse, qui eandem autoritatem factam rectam conservare nequeant. Recentibus autem regulis, ubi idonea demonstratione nitantur, qui constanter fidem non adhibet, morbo mentis laborare censendus est. Laxa deniq; & per probabilitatem corrupta principia quænam sint, distinctius debebat exprimi. Sane ejusmodi principiis Pufendorffii scripta superstruenda non sunt. Igitur longe solidioribus rationibus opus est, ut credamus, rem Christianam libello Albertino magno opere promoveri, aut Jus naturale ad solius rationis humanæ captum adornatum à Christianorum scholis proscribendum esse.



SAMUELIS PUFENDORFII APOLOGIA

*Pro se & suo Libro, adversus Autorem Libelli Famosi,
cui titulus, Index quarundam Novitatum, quas Dn. Samuel Pufen-
dorf libro suo de Jure Naturæ & Gentium contra
orthodoxa fundamenta Londini
edidit.*

Q. D. B. V.



Difficilis & anceps sane habetur disceptatio, quid cordato viro sit faciendum, ubi existimatio ipsius ab impuris nebulonibus per disseminatos in publicum famosos libellos laceratur; silentioné & contemptu adversus eos sit utendum, an vero eorundem vanitas, autorumque improbitas stylo in justam indignationem laxato sit ulciscenda. Qui enim ejusmodi scripta pari cum latratu canum dignatione habenda censent, dislerere solent; supervacuum esse circa ista discutienda laborare, quæ ipse scribendi modus vanitatis arguit; quippe cum veritas aperta via incedere gaudeat, mendacium furtivis tramitibus grassetur. Dignationem ultro istis furciferis addere, qui iisdem respondere aggreditur. Convicia spreta exolescere; si irascere, agnita videri. Esse pusilli animi, ad cujusvis malevoli gannitum commoveri. Conscientiæ suæ securo famæ mendacia ridenda esse. Falsum crimen in castam vitam jactum perire, sicut ignis in aquam conjectus continuo restinguitur. Præsertim ubi non in obscuro aliquo angulo, sed in luce & celebritate vixeris, innocentiaque tuæ infinitos testes excitare queas. Ex adverso constat, non

A

semper

semper famæ nostræ satis caveri tacito calumniarum contemptu, quæ aliqua probabilitatis specie adornatæ vestigia ferere relinquunt, nisi curiosè abstergantur. Quæ & ipsa causa improbos homines ad audaciter calumniandum impellit, quod vulnere curato cicatricem remansuram sperent. Canes quamdiu latratu tantum personant, negligi possunt: ubi dentes quoque cruribus imprimere instituunt, fustis utrique est expediendus. Neque vero omnibus adeo cogniti sumus, ut per se liquido discernere norint, quid falso in nos jactetur. Multis non vacat, ex nostris scriptis malitiam calumniantium investigare. Plerisque non ea talium rerum peritia est, ut proprio Marte æra lupinis dignoscere queant. Quo si accedat, ut his velut cuniculis ad subruendam nostram fortunam aditus quæratur; nimirum non amplius tacendum est, sed in hostem, sedum licet, arma vibranda. Neque verò summis ducibus in latrones, piratas, aut fugitivos pugnasse inglorium fuit. Atque istæ rationes me quoque jam subigunt, ut stylum in nefarium illum *Indicem* ipse stringam; ut ut fortasse non defuturi sint alii, qui nebulonis istius ruditatem & improbitatem sint castigaturi. Nam nemo mentem meam me ipso accuratius nosse & interpretari potest; & multa ad hujus negotii illustrationem insigniter faciunt, quæ extranei alicujus notitiam fugiunt, utpote heic locorum inter paucos gesta. Licet etiam velut embryo hujus *Indicis* jam dudum à me strituras confossus, & à Superioribus improbatus sit: tamen cum, qui hætenus crucæ instar tacite circumrepsit, nunc nescio quo interpolante & fœvente alas sumserit, & tanquam papilio longe lateque circumvolitet, non abs re fuerit alas isti amburere, ut in sterco, ex quo enatus fuit, relabatur. Licet quoque *Serenissimo & Potentissimo Regi*, Domino meo Clementissimo, qui existimationis & fortunæ meæ summus heic post Deum est arbiter, satis de innocentia mea constet; nemo quoque ex Illustrissimis Regni Proceribus non agnoverit, injuriam mihi ab *Indicis* compilatoribus factam, quorum auctoritate & patrocinio munitus facile possum impuri alicujus scurræ maledicta despicere: videtur tamen ex dignitate gloriosissimæ Nationis, ut ne quis ab Ipsa probatus sibi impune insultari patiatur, utque opinionem, quam apud Eandem habet, apud quosvis quoque alios tueri valeas. Cumque qui hunc *Indicem* à Sacra Regia Majestate jam suppressum interpolare & in lucem protrahere non exhorruit, hoc ipso Ejusdem supremam auctoritatem enormiter violaverit,

nec minus existimationem eorum, qui primum librum meum approbaverant, proterve suggillaverit; officii mei est, apud omnes, in quorum manus infamis ille *Index* incidit, ostendere, utrisque iudicii sui rationem constare. Quid de cætero præmii tam fædi facinoris autoribus debeat, publica Nemesis prospiciet. Illud igitur hoc scripto nobis agetur, ut & pudendam Autoris inscitiam, quam passim in hoc *Indice* prodit, paulo distinctius omnium oculis repræsentemus, & nefarias calumnias atque mendacia in nos jacta repellamus. Quanquam enim multorum literis moneat, à cordatissimo quoque *Indicem* istum, tanquam Idioræ & nebulonis alicujus fœtum contemnere: tamen quia ex adverso constat, invidos aliquos & malevolos se hoc *Indice* delectare, nonnullos complura sibi exemplaria afferri curasse, quibus credo parietes suos sunt exornaturi in vicem pictarum tabularum, aut uti rustici in Germania prodigia januis hypocautorum affigere solent: efficiendum est, ne isthæc voluptas hisce sit nimium diuturna; simulque specimen aliquod exhibendum, non impune mihi venti barbam quantumvis minutam vellicari. De cætero hoc in medio relinquemus, benevoli lectoris arbitrio decidendum, ruditati an improbitati in *Asinio Tenebrione* (*hoc enim* vocabulo calumniatorem insignire tantisper placet,) prior debeat locus. Nam ut hæc quoque disquisitio me exerceat, operæ pretium vix videtur.

§. 2. Antequam autem ad ipsum *Indicem* castigandum accedam, obiter heic visum fuit, querelam movere super injuria, abs duobus aliis viris nomini meo in Germania proximis temporibus illata. De qua ut publice constet, itidem existimationis meæ non parum interest. Et circa priorem quidem ita se res habet. Triennium abhinc est, cum Holmiæ Epistolam super divortio conscripsit *Dn. D. Baltasar Menzerius*; quam postea hoc inscio turbidus quidam sacerdos impressam divulgavit. Aliquanto post prodiit Dialogus de Polygamia, epistolæ illi oppositus, sub ficto nomine *Sinceri Wahrenberg*. Ejus dialogi Pusendorfium esse autorem per non pauca Germaniæ loca disseminavit Vir quidam non obscuræ aliàs famæ, & non infimi subfellii: cujus nomen heic adponere per modestiam, & in respectu certi cujusdam Principis parco. Quo ipso gravis mihi ab illo injuria fuit illata, dum apud multos ea res credita non parum sinistra de me opinionis excitavit. Quamobrem existimationis meæ tuendæ necessitas, quæ optimo cuique maxime cu-

ra est, subigit, ut heic publice contester, Virum istum, dum me autorem prædicti dialogi sparsit, turpiter fuisse *mentitum*. Nec excusabitur à calumniæ crimine, si dixerit, se ab aliis id accepisse. Nam facile fuerat viro erudito judicare, scriptum istud neutiquam ab ingenio meo promanasse, utpote ab indole caterorum scriptorum meorum plane abhorrens. Neque vero sum judicio adeo infelici, ut negotio ad me nihil spectanti me immiscerem adversus virum, quem amicum mihi credebam; aut famam antea eruditorum favore quæsitam ejusmodi libello ultro destructum irem, meque hominibus importunis exagitandum exponerem. Et sane si quis cordatus scriptum istud penitus expenderit, facile ibi deprehendet genium viri haut quidquam literas professi, sed naturali judicio fere subnixi. Quod si autem iste reponere velit, sibi non de me, sed de Fratre meo sermonem fuisse; tunc Ipsius nomine itidem *mentitum* cum pronuncio. Nam habet profecto alia Frater meus, quibus tempus suum impendat. Et si libris scribendis ille voluisset inclarescere, splendidior & plausibilior materia defutura non erat.

§. 3. Altera injuria priore non paulo atrocior videtur, dum quidam valde musteus scriptor, qui sibi fictum *Christiani Vigili Germani* vocabulum indidit, in *Dissertatione super Polygamia simultanea Sincero Warenbergio opposita*, aperte me sub isto Warenbergio latitare arguit. Qui licet forte rumorem à priori disseminatum causari velit, non eo minus tamen calumniæ & mendacii est reus; cum hant quicquam fas sit, utcunque audita chartis illinere, & publice pro suis asserere. Et eo gravius est scripto publico, quam privato sermone mendacia de aliquo spargere, quo plurium in manus ista perveniunt. Accedit præter supra adductas rationes, quæ ipsum ab hac calumnia mihi impingenda revocare debebant, quod in opere meo de *Jura Naturæ & Gentium* l. VI. c. 1 §. 19. clare perspicere poterat, me polygamia neutiquam esse fautorem. Quæ ergo ratio movere me posset, ut alio scripto ejus me propugnatorem ferrem, & dicta Sacrarum Literarum cavillari aggrededer? Præsertim cum mihi semper visum fuerit, ubicunque potius, quam circa oracula divina, ingenium exercere. Equidem iste *Vigil* humaniter valde mecum agere velle videtur, dum invidiosis me encomiis onerat; sed quæ facile ipsi potuissim remittere. Pessimum inimicorum genus laudantes, qui palpum obtrudunt, ut eo acrius mordcant. Apagè istas viperino velle ad-

spersas

perfas blanditias. Abi, & aliam quercum excute, ac vide, num quem invenire possis, qui abste ad errorem suum revocandum compellatur. Nam mihi quidem cum *Warenbergio* nihil commercii est. Et hoc meæ humanitati beneficium debe, quod nomen tuum, de quo optime mihi constat, dissimulaverim, ne publice mendacii exprobrationem deglutire cogaris. Quod si excipere velis, non mihi, sed Fratri meo *Warenbergium* abste adscribi, idem tibi, quod priori, dictum puta. Atque hæc isto loco inferere placuit, quod omnino dicenda forent, nec commodior jam occasio eadem publicandi occurreret.

§. 4. His obiter expeditis, ad *Indicem* evolvendum accingimur; qui in ipso frontispicio non obscure præ se fert, qua classe ejusdem Autor censeatur, dum *Novitates* libri mei notare instituit. Quod vocabulum familiare valde est hominibus indoctis & stupidis, quorum omnis scientia uno & altero compendio memoriæ mandato absolvitur; abs quo quicquid discesserit, hoc solo nomine damnatur, quod ignorantiam ipsorum arguit. Si cut isti hominum generi *novitatis* vocabulum non errorem aliquem in altero, sed in ipsis ruditatis confessionem notet. Hoc ubi insonuit, statim velut ad commune incendium restringendum concurrunt universa semidoctorum turba, ludimagistrorum colluries, & ex sacerdotum ordine, qui postillas tantum evolvere callent. Et sane si quævis nova doctrina ab ipsorum compendiis & tabellis discrepans invaluerit, ad idiotarum classem redigi ipsos manifestum est, qui hætenus magno cum fastu definitiones & regulas suas crepaverant. Judicant quoque isti homines, vocabulo *novitatis* magna cum invidia jactato subtile inesse stratagemata pedanticum, sequestrandæ rationi, & declinando oneri ad aliorum argumenta respondendi; simulque ut postquam vanitatis convicti sunt, aliquid saltem causæ proferre queant, quare tumultum moverint. Enimvero novimus in vera religione, verbo DEI nixa, nihil esse novandum. Crimen quoque est in republ. res novare. Ast in disciplinis, quæ rationi subjectæ sunt, eo amplio ingenii ac industria laudem merentur scriptores, quo plus novitatum in venerint. Contra qui nihil continet liber, quod non ab aliis dudum ad nauseam fuit inculcarum, is relegandus est ad piper, & quidquid chartis amicitur ineptis. Est quoque circa titulum famosi libelli non insuper habendum, quod istæ novitates *contra fundamenta orthodoxæ* editæ ferantur. Cur

non apertius loquebaris, Asini Tenebrio ; contra Scripturam Sacram, & symbola Suecanæ Ecclesiæ ? Scilicet olent & ista *fundamenta orthodoxa* dictionem hominum indoctorum, quibus hoc nomine venire solet, quidquid communiter à Theologis traditur circa quæstiones philosophicas passim systematibus Theologicis admisceri solitas. Atqui cum circa talia dogmata Theologi nondum reliquos omnes, qui sana ratione æque ac ipsi possunt uti, sacramento suo adegerint ; non novitatis aut heterodoxiæ maledictum, sed rationem opponere debent, si quis à tralatitis ipsorum dogmatibus discesserit.

§. 5. In universum autem circa modum, quo in consarcinando isthoc famoso libello autor usus est, observandum ; Asinium utut protitissimæ eruditionis, ab artibus tamen sycophanarum uberrime instructum deprehendi, ac imperitorum animis sat solerter adrepere. Qui alterum non per calumniam erroris arguere instituit, ei primo statuenda est certa thesis, extra dubium utrinque posita, vel ab ipso immotis rationibus adstruenda. Tum ostendendum est, alterum huic thesi directè contradicere ; simulque si quas idem rationes affert, solide destruendæ. Ast nihil horum à sycophanta isto fit. Tantummodo Sociniani, aut Calviniani, aut Pontificii scriptores allegantur. Aliquando ne hoc quidem additur ; quasi immota foret hæc consequentia. Asinius Tenebrio dicit Pufendorffum hoc statuere : Igitur hoc falsum est. Atqui præterquam quod nostra tradita toto cœlo à Socinianorum, Calvinianorum ac Pontificiorum commentis abeunt, etiam maximus imperitis fit fucus insidiosa ista heterodoxorum allegatione. Id enim genus hominum, quod proprio ex judicio inter rectum & pravum discernere nequit, quodque odium erga certos scriptores, sectasque ex auditione duntaxat hausit, statim, ubi ejusmodi invisum nomen insonuit, exhorrescunt, ac de Ecclesia jam conclamatum arbitrantur. Nec mora, autor, liberque inclementi censura notatur, præeunte calumnia primarii cujusdam sycophantæ, cujus ob reverendum schema ab istis omnia, quæ hic per inconsultos affectus, aut inscitiam eructaverit, velut oracula inclinato in terram capite adorantur. Ast quis tam imperitus est, qui nesciat, scriptores extra Ecclesiæ nostræ communionem constitutos non undiquaque ab orthodoxæ religionis scitis dissidere, in multis amice conspirare ; quæstiones autem extra fidem, ac reliquas disciplinas non minus feliciter quam

quam nostros tractare; in non paucis nostratibus palmam præripere. Si quis igitur Pontificii alicujus Logicam magis, quam Manuale Scharfii, aut tabellas Stirii cujusdam sequatur, num ideo orthodoxi ipsius aliquid decedere judicandum est? An & jam in philosophiam, medicinam, & jurisprudentiam inferentur odia, quibus Christiani ob discrepantiam religionis inter se flagrant? Quin potius hanc viam insistimus, ut dogmata fidei à nostra orthodoxia abeuntia damnemus: circa cætera, quæ isti præterea in re literaria elaborarunt, saltem non deteriore eos quam ethnicos loco habeamus, quibus quotidie omnia pulpita resonant. Illud autem improbum & inficetum habeatur, si cum aliquo heterodoxo in quæstione extra fidem convenias, argui, quasi & ejusdem errores circa articulos fidei adprobes. Sic e.g. in nuperrimo *commentario ad primæ juris fundamenta* ab Amplissimo Autore Nicolao Beckmanno p. 678. quæstio sane lepidissima, & rarissima *ingenii acuendi causa* ventilatur, *utrum mulieres sint homines, vel non?* quam pari felicitate, atque Alexander nodum Gordium solvit hoc modo: *quanquam mulier quidem non est* καὶ ἡ ἄνθρωπος, *sicut mas, est tamen homo, cum anima rationali sit prædita.* Atqui eodem tendit effatum Muhammedis in *Alcorano capite de Vacca.* Quistamen ideo magnum Virum Muhammedanum pronunciaverit, aut præputium ejus in dubium revocaverit? Enimvero ad hæc nobis confugere non est necessum, quod dogmata nostra à Socinianorum, aliorumque placitis plane diversa sint, uti ad singulos articulos clare ostendemus.

§. 6. Examinemus nunc singulos errores, quorum me reum peragit Asinius Tenebrio. I. *Statuit, civitatem ejusmodi doctrina personare debere, quæ cum fine & usu civitatum congruat, explicatque hoc ipsum non tantum de scientia humana sed etiam ea, quæ est circa cultum Dei.* Sic enim pag. 910. *Inde expedit, ut publicè &c. confer. p. 911.* Debuerat etiam conferri p. 1013. §. 4. Circa hunc articulum etsi non opus erat aliquid reponi, cum omnes boni Christiani, bonique cives eandem mecum foveant sententiam; vel ideo tamen quædam erunt monenda, ut eo liquidius in apri- cum protrahatur, quid veneni monstrum istud intra præcordia sua alat. Ac illud initio manifestum est, me de civitate, ejusque natura, deque summo imperio civili non alia tradere, quam quæ ex dictamine rectæ rationis, ipsaque adeo lege naturali promanant. Sic & quod de recto duntaxat & legitimo usu summi imperii civilis sermo mihi sit, *caput ultimum libri*

libri VII. de officio summorum imperantium satis arguit. Cum ejusdem abusu, pravisque imperantium artibus nihil mihi negotii est. Deinde usque adeo à me nulla repugnantia inter genuinam politicam, & sinceram, doctrinæque & praxi Servatoris nostri & Apostolorum conformem religionem Christianam adferitur, ut potius d.p. 1013. non obscure innuam; nullam religionem tam perfectâ continere præcepta moralia, & quæ magis ad tranquillitatem & decus civitatum adaptata sint, quam Christianam. Præterea & hoc mihi persuasum est, ideo Servatorem nostrum, Apostolosque nihil novorum scitorum circa politicam architectonicam doctrinæ suæ admiscuisse; quod isthanc satis liquido ex rationis lumine mortales erueri possent, ita ut si illud heic rite sequerentur, voluntari Numinis nihil adversi sint facturi. Quo spectat quoque Augustinæ Confessionis effatum: *Evangeliū non abolet politias*. Ex quibus omnibus tuto videor concludere posse; officia boni civis, politicique, ac boni Christiani haut quidquam sibi invicem repugnare. Qualem porro finem, *assumque civitatum* statuam, perspicue satis exposui l. VII. c. i. §. 7. ut nempe præsidia sibi homines circumponerent contra mala, quæ homini ab homine imminent. Ad hunc finem obtinendum unionem & imperium necessarium esse demonstravi l. VII. c. II. & IV. Hanc unionem quæ destruunt aut perturbant dogmata, & *quæ jus naturale, & sanæ politica scita convellunt, adeoque exitiabiles morbos in republ. producere apta sunt*, è civitate proferibenda censeo, sive *sub specie religionis, sive alio modo obtrudantur*. Ubi probe notandum, non esse hanc meam thesin; *cultum Dei ad usum civitatum aut regulas politicas formandum*, uti Asinius Tenebrio innuere videtur. Nam cultus Dei pressè consideratus ex altiore principio est derivandus. Sed hoc dico; nulla dogmata moralia, qualia omnem fere religionem comitantur, contra jus naturale & sanam politicam pugnantia, *sub specie religionis obtrusa*, in civitate esse toleranda. Qualia sane pestilentissima sub religionis larva alicubi irrepsisse nemo rerum humanarum peritior est, qui ignorat. Ex eo genere sunt isthæc dogmata: dari potestatem extranei alicujus sacerdotis, quibus summi imperantes civiles sint subiecti, quique ipsos folio deicere, ac cives obligatione adversus eosdem absolvere queat: omnibus sacerdotibus cujuscunque reip. Christianæ necessario dependendum ab sacerdote aliquo extraneo: in sacerdotes summo imperio civili nullam esse potestatem: sacerdotibus

bus necessario competere immunitatem ab oneribus reip., ut tamen ipsis in infinitum suas opes cumulare liceat: quemlibet civem actiones suas exteriores, & ad statum civitatis spectantes juxta propriæ conscientiæ dictamen posse regere, etiam contra leges publicas & jussa summorum imperantium: non dependere abs cujusque arbitrio actiones, super quibus in foro humano solet ratio exigi: illicitos esse homini Christiano aliquos actus ad conservationem civitatum in isthac mortalium conditione necessarios; aut dari aliquod vitæ genus civitati necessarium, quod per se vitio & impuritate laboret: fanaticorum hominum deliria & commenta pro oraculis divinitus inspiratis; & si quæ sunt ejus farinae alia. Cum igitur Asinius Tenebrio meam sententiam hætenus expositam, tanquam orthodoxis fundamentis repugnanrem, damnet; necessum est, ut ipse hunc articulum fidei fundamentalem statuatur: *debere civitatem ejusmodi doctrinis personare, quæ cum fine & usu civitatum non congruunt, animosque civium à puero istis imbuendos, etiam talibus, quæ sive sub specie religionis, sive alio modo obtruduntur, jus naturale ac principia sana politica convellunt, adeoque exitiabiles morbos in civitate producere apta sunt.* Hoc tam egregio fundamento substrato superest, ut novus ille doctor pro sublimi ingenio suo integrum systema ejusmodi dogmatum adornet, ut homines turbulenti, inter quos ipse non obscurum nomen decusque gerit, in promptu semper habeant prætextus, ob quos tumultus in rep. excitare queant. Hoc tam præclarum opus cuicumque Principi obtulerit, quam parvus ille sit, præmii tamen loco laqueum scriptori offerret. Cæterum ne sine ratione meam doctrinam damnasce, suamque pro articulo fidei venditasse videatur, addit: *Qui error Theologiam Gentilium in d. i. n. u. sequitur, quippe quæ etiam utilitati publicæ respondere debebat.* Hic primo exorandus est Asinius Tenebrio, ut explicet nobis, quænam sit illa Gentilium Theologia moralis. Cum enim Theologia moralis notet doctrinam de regendis moribus & actionibus, depromptam ex principio illo, quo cultus divinus traditur, (sicut Theologia moralis inter Christianos est doctrina de formandis moribus & vita hominis Christiani, prout super iis divinæ literæ docent:) velim scire, ubinam extent ejusmodi vel ut biblia gentilium, ex quibus præter doctrinam de cultu deorum peti queant officia hominis Ethnici ut talis, seu quomodo idolorum cultor sese debeat gerere, ut professione idololatriæ suæ dignus habeatur. Equidem

dem id tralatitium est, Romanis quondam non nisi inter instrumenta status adhibitam, cujus ope animos vulgi per lætitiā, metum, spem, confidentiam, timorem, similesque affectus versare possent, prout præsentibus reip. temporibus expedire videretur. Quam ob causam quoque sacerdotes ibi non constituebant peculiarem ordinem, à politicis separatum; sed qui amplissimis in republ. muneribus, iidem & sacerdotiisungebantur, ne forte circa temperandam religionem, vel superstitionem potius à commodis reipubl. aberraretur. An tamen super hac re peculiare caput in Theologia Romanorū morali extiterit, adparebit, quando Asinius Tenebrio Catechesin Pompilii Numæ, qui liber diu in bibliotheca ejus rarissimis instructa codicibus latitavit, publici juris fecerit. De cætero dubito, an hæc rite consequantur; quia gentiles religionem non ad perturbandam rempubl., sed potius ad ejusdem utilitatem promovendam adhibuerunt, ideo fas esse sacerdoti Christiano cornu imperio civili obvertere, & plebem in principes concitare, aut peculiarem sibi factionem in republica formare. Sicuti non, quia gentiles mendacium & calumniam pro sædisimo vitio habuerunt, ideo jam hominem Christianum decet Indices novitatum in aliorum libros conscribere. Videmus jam, quomodo impurissimus nebulo ex isthoc articulo ansam arripuerit dirissimam in me calumniam evomendi. *Corrupta hac doctrina, inquit, luculenter innuit, sicut sibi proficuum fuit Heidelbergæ agere Calvinistam, ita in Suecia sub specie pietatis Lutheranum sistere profitetur.* Male pereas, infame caput; ita ambiguum est, utrum oratio tua sit vitiosior, an calumnia detestabilior. Ego Heidelbergæ Calvinistam egi? Atqui impudentiam hujus mendacii norunt non solum omnes ejus urbis incolæ; sed & maximus numerus egregiæ juventutis ex omnibus partibus Germaniæ, ac imprimis Illustres, nobiles, ac præstantissimi juvenes, ex Suecica natione, qui per septennium, quo ego professoris ibi munereungebar, magno numero Heidelbergæ degebant; quorum aliqui contubernio ac mensa, plurimi in informatione mea utebantur. Neque vero is est locus Heidelbergæ, ut ulla quempiam causa subigat hypocritam agere, suamque religionem dissimulare. Imo ultro irrideretur, & pro vanissimo homine haberetur, qui simulationem reformatæ religionis ad fortunas suas ibi stabiliendas aut augendas adhibere institueret. Extruxerant sibi cives nostræ religioni addicti novam ibi ædem sacram, cui primum

nam lapidem ipse SERENISSIMUS PRINCEPS ELECTOR sua manu posuerat. Hic pari nos libertate nostram religionem exercebamus, atque reliqui suam. Nisi quod hoc vehementer conscientias nostras angeret, quod sonitu Calvinianarum campanarum ad nostra sacra evocaremur. De cætero pari gratia cum aliis apud Optimum & Sapientissimum Principem florebamur, cui citra discrimen religionis acceptus erat, quisquis recte faceret. Id tamen non abnuerim, me aliosque Lutheranos cum Reformatis amicè & jucundè conversatos fuisse. Nullæ in congressibus nostris fervidæ disceptationes super religione audiebantur; non maledictis nos & conviciis eo nomine insectabamur; non invicem nos diaboli filios in contestationem Christianæ caritatis salubramus. Tali modo me Heidelbergæ vixisse nec cæteros pœnituit, & incipsum nunquam pœnitebit. Et verò valde dubito, an major laus illi debeat, qui obtentu singularis cujusdam zeli ejusmodi turbas dat, ut in patria sua profugiat, vita sub carnifice sit ipsi ponenda; aut qui moribus est ita retris, ut ubicunque pedem posuerit, rixas Furæ alicujus ad instar ferat, societatemque, in quam malo sidere conjectus est, continuis turbis exercitam teneat. Quod superest ego uti in religione Lutherana natus educatusque sum; ita eandem & Heidelbergæ, & in Suecia non *fictè*, sed sincerè & ex animo profiteor, & ad vitæ finem profitebor. Fictam pietatem illis occine, mi Asini Tenebrio, qui schema pharisæicum præ se ferunt, qui irreprehensibiles sese undiquaque crepant, qui precum suarum horam æris campani pulsu divulgant; & interea pectus ambitione, superbia, contumacia, invidia, aliorumque horridorum affectuum sentina turgidum gerunt, quæ quotidie intolerabilem mephitim cum bonorum omnium detestatione eructat. Sed & ita hætenus SERENISSIMI AC POTENTISSIMI REGIS SUECIÆ gratia, ac gloriosissimæ nationis Suecicæ favor mihi allubuit, & in posterum quoque de se sperare jubet, ut non opus futurum mihi sit in *Muschoria benigniorem fortune auram* captare; in cujus extremas partes potius auctor famosi Indicis deportari meretur, ut cum zobellis & martibus bellum ibi gerat, in præmium bellorum, quæ nullos sane habitura triumphos gerit. Cæterum infra pluribus exponam, quo sine hocce mendacium contra propriam, si quam habet, conscientiam finxerit *niger ille calumniator, nigræ scholæ primipilus, nigri magistri niger discipulus, nigræ scholæ tiro niger, calumniatorum omnium*

*antesignanus, vel potius orci aut inferni monstrum, monstrorum omnium teter-
rimum*; quo elogio luculento sane id genus homines mactat Generosus-
simus atque Reverendissimus Dominus, Dominus PETRUS WIN-
STRUPIUS, Dominus Aulae Lundensis & Weringæ, Theol. Doctor,
Episcopus Scanæ, Academiae Carolinæ Procancellarius, Consistorii Ec-
clesiastici Præses, undiquaq; eminentissimus &c. &c. Poëta & Orator sine
æmulo, cum multis aliis nominibus, tum imprimis vasto opere Pande-
ctarum sacrorum propriis suntibus & citra ullam lucri spem editorum
de Ecclesia meritissimus, in elegantissima sua oratione *Synodica de Calu-
mniâ & Calumniatoribus* anno 1667. habita; cujus alteram editionem non-
nullis annotationibus auctiorem libenter adornarem, si pace Autoris
fieri posset; quia pleraque ibi contenta ad præsens hocce negotium levi
facta immutatione adplicari apta sunt.

§. 7. Circa secundum articulum Indicis prius sententiam nostram,
prout libro nostro exprimitur, perspicue declarabimus. In *capite* igitur
I. lib. II. docetur, quod hominis quidem naturæ non congruat, ut vi-
vat exlex; Deum autem supra leges positum, bruta infra leges abjecta. In
Deum porro §. 3. omnimodam, & omnis defectus ac impedimenti ne-
sciam libertatem cadere asseritur, quæ & ipsa cum omnipotentia est con-
juncta. Unde quod Deus quædam non agit, v. g. quod non plures Lu-
nas circa terram, uti circa Jovem & Saturnum creavit, aut quod non
omnia semper agit, v. g. quod quotidie nova corpora mundana, aut no-
vas species non creat; id non est ex defectu libertatis, sed ex proprio be-
neplacito. Hanc enim solam rationem circa similes quæstiones red-
dere simplicius, & in majestatem divinam reverentiam duco, quam subti-
lia commenta curiosè adornare, quibus omnipotentia divina in ordinem
redigitur. Quod autem Deus quædam non posse agere dicitur, v. g.
mentiri, aut promissa sua destituere; id non provenit ex aliquo impedi-
mento extrinsecus accedente, naturali aut morali, i. e. illud non ideo non
posse dicendus est, quod ens aliquod extra Deum constitutum ipsius
facultatem agendi vinculo quopiam constingat; sicuti qui homo vin-
culis & compedibus oneratur, ei facultas quoquo versus sese movendi
adimitur, aut quod ab ente aliquo extra ipsum constituto obligatio quæ-
dam ei sit injuncta, cujus vi à certo actionum genere abstinere sit eidem
necessum. Nam qui naturale vinculum alteri injicit, robustior, aut
dexte-

dexterior & altior est illo, cui vinculum injicitur. Quia autem morale impedimentum agendi alteri asferre potest, superior est illo, cui id impedimentum affertur. Ergo alterutrum horum asserere, ponit aliquid DEO potentius, aut superius, ipsamque adeo omnipotentiam, & summam Dei majestatem destruit. Imo ex DEO facit non DEum. Qui enim non est summus. DEus non est. Add. lib. I. c. VI. §. 4. 8. Quæ cum ita sint, nil aliud relinquitur, quam ut dicamus, ex proprio beneplacito DEI provenire, quod is quædam agere non posse dicatur; *quod beneplacitum ad magnitudinem & præstantiam ipsius attemperatum concipimus.* Quæ verba Asinius Tenebrio omisit, vel quod ea non caperet, vel quod per ipsam ansam calumniandi sibi præcipi animadverteret. Scilicet quando mortales de Deo loquimur, non solum id reverenter faciendum, & citra omnem petulantem curiositatem, ac dictatorium definiendi insolentiam: sed etiam locutiones, quas à rebus humanis commodato velut sumitis, & ad modulum rerum humanarum primitus formatas, Deo adplicamus, ab omni velut imperfectione depurare debemus, ne Deum angustiis, quæ humana natura circumscripta est, includere velle videamur. Inde quando de homine sermo est, solemus ejus voluntatem, potentiam, & agendi necessitatem seu obligationem sæpè sibi invicem opponere. Sic sæpè dicimus; homo vult aliquid supra vires seu potentiam suam positum; vult quod est contra ipsius obligationem: agit quod est contra eandem. Idque ideo, quia in facultatibus hominis non est ejusmodi perfecta unio, ut omnes semper amice conspirent; sed ille sæpissime in diversa abire, sibi quæ invicem repugnare deprehenduntur. Ast in attributis divinis, quæ ad analogiam facultatum in homine utcumque solemus concipere, perfectissima unio & velut conspiratio est intelligenda; sicut voluntas Dei ejusdem magnitudini, præstantiæ, justitiæ, sanctitati, bonitati nunquam repugnare possit, & consequenter voluntas DEI nunquam ejusdem bonitati, sanctitati aut justitiæ sit opponenda. Sic quando dicimus, Deus non potest mentiri, quia non vult; non hic est sensus, quasi Deus mentiri quidem posset, modo veller, aut quasi hoc agendi objectum ab ipsius magnitudine non abhorreret, modo voluntas versus illud se moveret; (sicuti hominibus sæpè naturalis facultas peccatum aliquod patrandi adest, in quod tamen voluntas ipsorum hæc & nunc non fertur:) sed quia voluntas Dei nunquam ejus magnitudini & perfectioni adver-

factum. Sic ut ista assertio planè conspiraret cum hac thesi : Deus non potest fidem fallere, aut mentiri, quia hoc repugnat ejus veracitati & justitiæ. Eodem inquam redeunt hæ duæ assertiones, quando Deo adplicantur: quæ tamen si de hominibus enunciarentur, diversæ sunt, & aliquando una earum falsa. Perinde inquam est, si ve dicam, mentiri repugnat justitiæ Dei essentiali: si ve dicam, idem repugnat ejus voluntati, quæ ad magnitudinem & præstantiam ipsius attemperata concipitur. Ubi autem de libertate Dei sermo est, convenientius meo quidem judicio ejusdem perfectioni exprimendæ videtur, voluntatem, qualis in perfectissimum ens cadere potest, velut principium ipsius actionum assignare, quam justitiam; quod hoc vocabulum simplicioribus facile insinuare possit, quasi in Deo existeret obligatio extrinsecus accedens, quæ prohiberet certas ipsum obire actiones, abs quibus alias ipsius natura & voluntas per se non abhorreret. Ex quibus ita explicatis ejusmodi resultat interpretatio tralatitii illius; *Deus sibi ipse est lex*: hominum quidem voluntas legibus est circumscribenda, ne ad ea patranda aberraret, quæ ipsis indigna sunt; Enimvero Deo lege aliqua extrinsecus accedente opus non est, sed voluntas ejus ita sancta, ita perfecta est, ut in omnibus exactissime, prout divina magnitudine & perfectione dignum est, sese velut moveat, non secus ac si exquisitissima quadam lege regeretur. De cætero manifestum est, si quidem istud dictærium proprie accipiatur; inde secuturum maximum hocce absurdum; Deum seipso esse superiorem, cum lex decretum superioris sit. Conferamus cum hisce articulum II. Indicis. *Deum, eo quod agens liberrimum est, naturæ suæ legibus ita non teneri docet, ut hoc vel illud intelligi peccata) agere non possit, affirmatque omnia illa, quæ non agere posse dicitur, non per naturale impedimentum, sed ex placito vel voluntate non agere, legemque sibi ipsi non nisi ex placito esse.* pag. 133. §. 3. *Quad autem & p. 166. §. 6. sicut & valde ἀνάγκη ibid. Sed nec citra animadversionem &c.* Hunc articulum si considero, sane mediocris mihi videtur fraus diaboli, quando in allegando Scripturæ dicto unum & alterum vocabulum infidiose reticebat; ita ut si compararetur cum detorsionibus hæc adhibitis, vix pro specimine primæ laureæ in facultate calumniandi haberi queat. Enim vero Asinius Tenebrio Licentiatum & Doctorem se in eadem facultate jam exhibet, ad cujus pedes tiro ille adhuc puto diabolus tanquam discipulus sedere, & biennium suum absolvere debebat, si cum ho-

nore velit in ea facultate locum obtinere, abs qua ipsi nomen est inditum. Primo enim hæc verba, *Deum legibus suis non ita teneri, ut peccata agere non possit*, à deterrimo scyphanta ita sunt concepta, ac si docerem; Deum per leges suæ naturæ non impediri, quo minus peccare possit, adeoque Deum revera posse peccare. Quæ blasphemia tantum à verbis & mente mea abest, quantus ad ætherium cœli suspectus Olympum. Neque dd. ll. neque alibi in meo libro hæc extat thesis: *Deus naturæ suæ legibus ita non tenetur, ut hoc vel illud (nempe peccata) agere non possit*. Sed hæc sunt mea verba; *Quod DEUS quædam non posse agere dicitur, est ex proprio placito, quod mortales ad magnitudinem & præstantiam ipsius attemperatum concipimus*. Sed nec illa mea est thesis: *ONNIA illa, quæ non agere possit dicitur, non per naturale impedimentum, sed ex placito vel voluntate non agere*. Verum ita se habent verba mea: *Quod Deus QVÆDAM non posse agere dicitur, id non provenit ex aliquo impedimento extrinsecus accedente, naturali aut morali*. Quid discriminis inter hæc theses intercedat, cæcus sit qui non videat. Quod si a. aliquis quærat, quare ego thesin meam particularem posuerim; causa est; quia cætera peccata, quæ in homines cadunt, quæque nos animo concipere possumus; ideo in Deum non cadunt, partim quia illa exercentur actu aliquo corporeo; Dei a. essentia est spiritualis: partim quia patrantur adversus superiorem, Deus a. superiorem non habet; adeoque quia objectum ejusmodi actionum in Deo citra contradictionem fingi non potest. Et sic Deus peccare non potest, quia quædam peccata sanctissimæ, iustissimæ, & perfectissimæ ejus voluntati adversantur, reliqua contradictionem involvunt. Denique nec hæc thesis uspiam in libro meo extat: *Deum sibi ipsi legem non nisi ex placito esse*. Quæ & ipsa tam absurda, nulloque plane sensu est, ut non nisi in cerebro Asinii Tenebrionis nasci potuerit. Neque vero consequitur; si homo legibus naturæ tenetur, Deum quoque suæ naturæ legibus teneri. Nam quod homini dictamina rectæ rationis leges sint, causa est, quia Creator O. M. homini præcepta sua per ista insinuat, sic ut iisdem imperium Dei vim legum tribuat; uti ostendimus *lib. II. c. III. §. 20.* Sed si vel maxime essentiam divinam ad modulum nostræ rationis vellemus exigere, quod nempe & ipse, quando actionem aliquam est suscepturus, velut reflexionem faciat super essentia & attributis suis, an hæc eandem deccat, vel non: tamen illud ipsum, quod ita concipitur, velut dictamen,

lex proprie dicta vocari nequit, utpote quæ necessario à superiore proficiisci debet. Nec ad rem faciunt, quæ Asinius deinceps blaterat; (*Ex quo posteriori loco nempe p. 166. §. 6. ubi dixi intolerabile esse homuncionem oggannire suo Creatori, Deus debet necessario aliquid facere,) intelligitur fundamentum erroris esse, quod existimat, legibus naturæ adstrictum esse, majestati omnipotentis incongruum esse: cum tantum quidem absit, ut vel omnipotentia vel beatitudini divina hoc quidquam derogat, ut etiam perfectionem & immutabilitatem Dei quam maxime confirmet.* Equidem majestatem terreni alicujus principis non dedecet, legibus, quæ alias per fastigium suum exemptus videri poterat, ultro se subiectum profiteri; quia omne regnum humanum sub graviore regno est. At hoc utique majestati divinæ derogat, legibus propriè dictis obnoxium esse; quia si Deus legibus propriè dictis tenetur habere superiorem; si superiorem habet, Deus non est. Claudid demum sycophanta hunc articulum: *Sequitur autem Pufendorfus in errore hoc Zvinglianos, qui etiam legibus Numen non teneri ideo docent, quia libere cum creaturis agere licet.* Atqui ego nequaquam assertionem meam ex eo fundamento deduxi, quia Deo libere cum creaturis agere licet. Deinde etsi mihi jam non vacat inquirere, quid illi, quos iste Zvinglianos vocat, super jure Dei in creaturas statuant: hoc tamen mihi persuadeo, neminem eorum tam stupidum esse, ut ita ratiocinetur: *Numen legibus non teneri, quia libere cum creaturis agere licet.* Cum potius inverso ordine dicendum fuerat: ideo Numini libere cum creaturis agere licere, quia legibus non tenetur. Caterum non obscurum est, quo sine nequam calumniator isthanc clausulam addiderit. Vult quippe alius persuadere, me errore isto, tantopere à nostratibus exagitato, teneri, quasi Deus citra ullam velut reflexionem magnam partem hominum ad æternos inferni cruciatus condiderit. Abs quo dogmate tantopere abhorret mea mens, ut illud manifestam in se contradictionem involvere judicem: ex absoluto placito aliquem ad æternas pœnas damnare. Quia omnis pœna justa demeritum præsupponit: nec bonum dixeris creatorem, si hoc sine creat, ut creaturæ infinites pejus sit, quam si creata non fuisset.

§. 8. Articulus III. paucis verbis expediri potest. *Quando p. 133. docet, ex placito vel voluntate non autem ex naturali vel essentiali impedimento provenire, quod Deus quadam agere non posse dicatur; voluntatem utique & essen-*

essentiam Dei non unum idemque sed distincta esse cum Vorstio. Id de Deo docet. Heic verba mea mutilata adduci adparet; quæ ita sese d.l. habent: quod Deus quædam non posse agere dicitur, id non provenit ex aliquo impedimento extrinsecus accedente naturali aut morali, sed ex proprio placito, quod mortales ad magnitudinem & præstantiam ipsius attemperatum concipimus. Ubi manifestum est, furefcerum omittere verba hæc, *extrinsecus accedente*, & pro *morali* substituere *essentiali*, quasi inter duo hæc nihil interesset. Et res ipsa loquitur, me voluntatem DEI opponere coactioni validioris, & imperio superioris; nequaquam autem vel essentiali, vel sanctitati, bonitati, aut justitiæ divinæ. Eat igitur, & alium quærat, quem cum Vorstio heic consensisse mentiatur.

§. 9. Circa articulum IV. prius nostra sententia liquido erit præsentanda, ut eo clarius omnibus adparere queat, qua fide in meo libro A sinu Tenebræ sit versatus. Verba mea hæc sunt, p. 134. *Hinc & quando Deo tribuitur justitia, non illa est intelligenda respicere aliquam obligationem, aut jus in altero, sicut justitia humana id insert. Sed quia talem agendi modum perfectissima sua natura congruere ipse operibus & per revelationes ostendit: inde eidem mortales id vocabulum adplicamus, quo quæ rectè à nobis adversus alios aguntur exprimimus.* Adstruitur eo loco hæc thesis, quod libertas Dei nullis legibus proprie dictis circumscribatur. Obijci heic poterat, Deum utique esse justum. Jam autem justitiam tam personæ, quam actionis involvere respectum ad legem; Ad quod reponitur, justitiam DEI, & justitiam humanam disparis esse indolis. Nam justitia humana respicit obligationem, quæ legem & superiorem ponit: jus autem, si perfectum sit, notat facultatem alterum cogendi ad præstandum vi propria, aut actione in foro intentata; aut ubi imperfectum sit, saltem probabilem rationem super alterius inhumanitate conquerendi. Atqui quæ Deus agit, haud quidquam ex obligatione aliqua, aut distante lege agit, quia DEO superior non datur; & nemo jus adversus Deum valiturum jactare potest. Quis enim vel vi adversus Deum contenderet, vel in quo foro actionem adversus eundem instituat, vel qua fronte creatura super inhumanitate creatoris ex postulat? Quia autem DEUS constantissimè sua promissa servat, & supremi legumlatoris & assertoris, atque judicis munere incorrupte fungitur; idque quia hic agendi modus cum perfectissima ipsius natura congruit, quicum & voluntas ejusdem per-

petuo conspirat : inde istud attributum divinum solet exprimi vocabulo justitiæ, quia & justitiæ humanæ non postrema pars est promissa servare, & jus ἀρεστωνολήπιος dicere. Sic & p. 166. §. 6. & p. 177. §. 12. nihil aliud inculcamus, quam justitiam DEI, & justitiam hominum non eodem modulo esse metiendam. Nam justitia commutativa & distributiva magnam humanæ justitiæ partem absolvit. Atqui justitia distributiva versatur circa contractum societatis; commutativa circa pacta reciproca de rebus & actionibus in commercium venientibus. vid. *lib. I. c. VII. §. 9. 10.* Quis vero mortalium cum DEO contractum inivit societatis circa habendum pro rata parte lucrum & damnum? Quis DEO quid vendidit, quis ab eo quid emit? quis pecuniam ipsi credidit, vid. *Psal. L. 10. 11. 12. Roman. XI. 35.* Add. quoque p. 164. 165. Audiamus jam Asinium Tenebrionem, qui heic utique dat sine mente sonum. Bellua visa loqui, rudere visus homo. Et sanè monstri similis est in eodem animalia astutia plusquam diabolica, & stupor sesquiasinus tam mire invicem mixtus & confusus. *Statuit*, inquit, *justitiam ad Deum propter similitudinem saltem, talem nempe agendi modum, qualis est in hominibus, ad Deum applicari, Deoque ἀνίστας, imò etiam minus Deo quam hominibus competere.* p. 134. *Hinc & quando & c. inter homines sanctum.* p. 166. §. 6. p. 177. §. 13. *Istis locis & c.* Heic patet, priora verba mutilate esse adducta, & prout heic ponuntur, nullum planè exprimere sensum. Per horribilem quoque calumniam affingitur mihi, quod ego scripserim, *Deo justitiam ἀνίστας competere*: quod dictum nullibi in meo libro extat. Ego doceo, Deum eminentissimè esse justum in servandis promissis, & exercendo velut munere judiciario: alios actus justitiæ humanæ in Deum propter perfectissimam ejus naturam non cadere. An qui ita de justitia DEI docet, ἀνίστας seu improprie, DEum esse justum docet? Par mendacium est, quod addit, me statuere, *justitiam minus Deo quam hominibus competere.* Ubi ista verba in libro meo legisti, furcifer? An, si dicam, in DEum non cadit justitia, quæ contractus onerosos regit, quippe qui inventi sunt ad sublevandam indigentiam humanam; ideo dico, DEO minus competere justitiam, quam hominibus? Perinde ac si velles inferre; DEI scientia non paratur per discursus humano ratiocinio similes, à notioribus ad ignotiora procedendo; igitur DEO scientia minus quam hominibus competit. Ex quibus omnibus constat, nihil meam sententiam commune habere

bere cum Socinianorum commentis ; quos passim nebulo in famoso suo libello ad fucum simplicioribus faciendum , velut illi mecum conspirarent, adducit.

§. 10. Articulus V. inauditam novitatem continet. *Deum non principaliter propter essentiam, sed propter potestatem, voluntatem & beneficia coli.* Ubi miseret me Brochmanni, & aliorum, qui hactenus orthodoxi crediti, nunc ab Asinio Tenebrione in Socinianorum classem compinguntur. Ita enim ille *artic. de Prædestinat. cap. 3. quæst. 7. Omne jus, quod Deus sibi vindicat in creaturas, veluti æquitate temperatum est, ita nititur aliquo Dei in creaturas beneficio.* Si enim quidquam in rerum natura esset, quod per actionem nullam divinam esset id, quod est, nullo certe jure illud Deo subditum dici posset, eo quod à Deo non dependeret, ac ea propter sui juris esset. Et sanè ita clarè à me cares d. p. 91. 92. est exposita, ut non nisi alius eam non capere, non nisi sycophantarum princeps calumniari queat. Exponitur tibi, utrum hæc sola ratio sufficiat imperio in alterum sibi arrogando, quod quis natura præstantiore, quam alter, sit præditus? id quod à nobis negatur; quia præstantior gradus essentiae per se non involvit necessario dependentiam minus præstantis gradus. Additur, etsi impia sit Epicuræorum thesis, Deos felicitati suæ immerfos, humana non curare; probandam tamen eorum ratiocinationem, illa thesi posita religionem inanem fore. Nobilitatem enim essentiae admirationem excitare posse, cultum non posse. Cultus enim divini præcipuæ partes sunt ex religione naturali, DEum diligere, timere, in eum sperare, eidem parere. Ast quomodo diligere eum possumus, qui nihil boni nobis fecit, aut qui nullo modo ad nos quid spectat? quomodo timere, qui nihil acerbi nobis inferre vult, aut potest? quomodo in eum sperare, qui nulla nostri cura tangitur? quomodo ei obsequi, qui regimen in nos nullum exercet? Sed res tam clara est, ut putidum sit, verbum amplius addere. Et qui contrarium asserunt, horrendis sese absurditatibus involvunt. Statuendum quippe illis est; DEum propter solam essentiae suæ præstantiam debere coli etiam ab illis, qui ab eodem non dependent. Atqui isti, quos citra ullum à DEO acceptum beneficium sola ejus essentiae nobilitas ad cultum obligare dicitur, erunt DEO vel æquales, vel inæquales. Si æquales, sequetur, plures esse Deos, æquales & invicem independentes: sequetur, cultum ab æquali in æqualem proficisci posse; cum tamen omnis cul-

cultus involvat agnitionem eminentiæ in eo, quic colitur. Sin in æquales, sequetur, DEum non esse conditorem omnium substantiarum; & existere aliquid in hoc universo non - summum, quod tamen à DEO non dependeat; darique entia finita, quæ vel ab alio quoquam DEO præter eum, qui est creator cœli & terræ, sint condita, vel à seipsis originem suam duxerint. Quæ sunt theoremata digna Asinii Tenebrionis theologia, abs cujus singulari ingenio orbis eruditus curiosissimum jam opus expectare incipit, *Systema Theologia eorum hominum, quorum Deus non est creator*. Sed nec citra animadvertionem transmittendum est, quod vocabulum *voluntatis* thesi suæ infercit. Neque enim in meo libro d. I. aliquid de voluntate extat; & nullum sensum hæc propositio habet; *Deus est colendus propter voluntatem*, Solennis tamen hæc ipsi ars est, verba mea suis assumentis interpolare, ut demum thesi calumnia capax procedi queat. Velim quoque considerari ea verba, quæ in Indice sequuntur: *Idque primum implicite his verbis p. 79. Adeoque legibus obeditur non principaliter propter rem ipsam, sed propter voluntatem præipientis*. Jubeo, ut omnes aciem mentis suæ intendant, an possint capere hanc consequentiam: legibus non principaliter propter rem ipsam, sed propter voluntatem præipientis obeditur; Ergo Deus est colendus non principaliter propter essentiam, sed propter beneficia.

§. 11. Sequuntur errores circa hominem in statu integritatis, qui in Asinii Tenebrionis male temperato cerebro sunt enati. Quos ultro evanescere deprehendet, qui consideraverit, mihi propositum fuisse, disciplinam juris naturæ & gentium non ad mores unius aut alterius populi, aut ad genium certæ religionis accommodare; sed ita universaliter eam concipere; ut sit ad captum quarumcunque gentium, quamcunque religionem foveant, modo locum aliquem sanæ rationi apud se relinquunt. Quæ causa etiam fuit, ut ejusmodi fundamenta & principia forent assumenda & constituenda, quæ apud omnes populos citra ullum religionis discrimen admitterentur, aut saltem ad quæ admittenda isti ope solius rationis naturalis adigi possent. Nisi enim in principio conveniamus, frustra omnis opera circa persuadendas alicui conclusiones impenditur. Atque hoc ipsum satis clarè professus sum in præfatione ad Lectorem circa finem hisce verbis: *Cum hac disciplina non solos Christianos, sed universum mortalium genus spectat; tale sane principium constituere convenientius*

tius fuerit, quod nemo modo rationis sit compos, abnuere queat. Inde quando nobis de statu hominum naturali sermo est, i. e. quando consideramus, qualis futura esset hominum vita, si nihil auxilii, nihil communicationis ab aliis hominibus accederet; fingimus nobis animo conditionem alicujus hominis solitarii, undecunque in hanc terram ab omni humano cultu vacuum projecti; ut eo clarius constet, quantum auxilii & solatii homini ab alio homine accedat. Nequaquam autem loquimur de statu Adami, quem Scriptura sacra nobis felicissimum describit; de quo hisce quidem temporibus liquido constare non potest, nisi ex sacris literis; postquam quæ super eodem traditio in genere humano primis seculis videretur, lapsu temporum apud plurimos planè exolevit, apud reliquos tenuia quædam, multisque fabulis admixtis confusa vestigia reliquit. Ex quibus pater, inter ea, quæ Sociniani de statu Adami tradunt, & inter ea, quæ nos super conditione cujuspiam hominis planè solitarii meditamur, tantum interesse, quantum verus homo à fictitio distat. His præmissis excutiamus articulum VI. *Docet illum statum, in quo homo absque ulla cura velope ab alio homine accedente consideratur, longe miserrimum esse; ne illo quidem excepto, in quo homo iuxta statuta ac robore præditus fuit, quamprimum existere cepisset, b. e. statum Adami ante Evam creatam.* p. 140. §. 2. Conferamus cum hisce nostra verba; & desinemus mirari, quare ex eodem flore apis mel, aranea venenum trahat. *Per statum hominis naturalem intelligimus heic illam conditionem, in qua homo per ipsam nativitatem constitutus* CONCIPITUR, *prout ABSTRACTA INTELLIGUNTUR inventa atque insituta humana, quibus aliam velut faciem vita mortalium induit.* Hunc statum ita conceptum & abstrahendo intellectum dicimus miserrimum fuisse futurum. *Si igitur* CONCIPIAMUS, (sunt verba nostra d. l.) *hominem in hunc mundum projectum, si inquam fingamus nobis aliquem hominem undecunque demum in hunc mundum delapsum, & non præditum pluribus dotibus, quamprout nunc homines nascuntur; non autem Adamum à DEO in Paradiso collocatum, ubi vestibus non erat opus, & ubi delicatissimos cibos arbores ultro velut porrigebant: Si inquam fictum istum nostrum hominem concipiamus citra illam curam opemque ab alio homine accedentem, & prout plurimæ partes naturæ rerum nondum per industriam humanam ad usum hominis erant exculta ac disposita; tunc de ejusdem statu pronunciamus eum fore miserrimum.*

Idque non solum si ponamus istum hominem esse infantem, cui sine dubio preiudicium fuerit; sed etiam *si ponamus eum vel maxime jam iusta præditum statura ac robore, quum primum*, ita nempe in mundum projectus, *existere cœpisset*. Id si Asinius Tenebrio capere non potest, age, exuamus eum omnibus vestibus, adimamus ei omnia instrumenta, cibi potusque nihil relinquamus, & in desertam aliquam, ac ab omni humano cultu vacuam insulam deportemus; ibique solum destituamus. Ni intra annum fassus fuerit, à se miseram ibi vitam trahi, tunc ego bonum & doctum virum eum fatebor. Et tamen Asinius multarum in ea solitudine rerum notitiam habebit, quæ isti quem fingimus, homini deest. vid. quæ de Petro Scarano tradit Ynea Garcilassus de Vega Comment. Regii I.I.c.8. Ex hisce omnibus manifestum est, quomodo fœdissimus sycophanta verba mea in talem sensum detorserit, de quo mihi nunquam in mentem venerat. Cum enim hæc sit mea thesis; si fingatur homo solitarius in mundum incultum projectus, etiam si ponatur jam iusta statura & robore esse, cum tali modo existere cœpisset, ejus status erit miserrimus; ex hac talem ille concinnat propositionem: status illius hominis, qui iusta statura erat præditus, quamprimum existere cœpisset, erat longè miserrimus. Quæ profecto major est transmutatio, quam cum ex asino fit Doctor.

§. 12. Quantum articulo VII. sit ponendum pretium, patebit, si sententiam meam declaravero. Postquam igitur d. p. 140. ostendendam, statum hominis alicujus solitarii in mundo inculto destituti fore miserrimum, inde ulterius infero; si aliquis sacrarum literarum cognitione carens, & solo naturali lumine subnixus consideraverit mortalium primariam indigentiam & imbecillitatem, quam debiles sint, quam indigi omnium rerum, ubi nascuntur; cum is utique rationis ductu colligere possit, aliquando genus humanum initium cepisse: non aliter sibi persuadere potest, quam peculiarem curam Numinis circa primam hominum stirpem intervenisse, quousque ipsi usu & meditatione, ac conjunctis inter se operis necessitatibus suis prospicere didicissent. Atq; hoc ipsū etiam auctoritate sacrarum literarum confirmatur. Postquam enim Adamus in eam conditionem fuerat reductus, in qua jam genus humanum est constitutum, (nam hanc conditionem semper præsupponimus, quando ex solo rationis lumine differimus, cui status hominis in Paradiso est inconnitus,)

gnitus,) hanc legitur, Deum ipsi confecisse vestimenta ex pellibus. Ac dum ad agrum colendum eundem ablegar, quis dubitaverit, quin Deus docuerit ipsum naturam seminum, tempora sementis, quo modo, quibusque instrumentis terra semini accipiendo præparanda foret. Quarum rerum scientiam utique ex Paradiso efferre non poterat, ubi hortus ultro ad victum necessaria proferebat. Et si propria demum meditatione & experientia hoc debuisset addiscere, dudum fame fuerat pereundum. Igitur in malam crucem abeat jam cum suo articulo Alinius Tenebrio: *Docet, primum ac recentem orbis incolam, h. e. Adamum servari non potuisse, nisi Deus ipsum necessaria etiam vita media adhibere peculiariter docuisset.* p. 140. §. 2. *Inde licet de originibus &c.* Nam de conditione Adami in Paradiso planè mihi sermo non fuit.

§. 13. In articulo VIII. repræsentatur horridum quodpiam somnium cerebri gravi intemperie laborantis, quo ex variè velut discerptis ac mixtis speciebus male cohærens imago deformatur. *Quod homoprout ex creatione physice perfectus extra societatem existit, sine lege, ordine & decore reluctanter habuerit voluntatem, brutiusque ipsis inferior ac pravior fuerit, quæ causa, quamobrem lex illi superaddita sit.* Hoc sibi vult pag. 3. Nobis illud §. 3. Exinde p. 4. §. 4. p. 136. §. 5. & 6. p. 138. §. 8. Vah mi Alini Tenebrio, quam multi ruditatem & malitiam tuam ignorare poterant, nî malè consultata mens, poenæque suæ imminens, ad Indicem Novitatum compilandum te stimulasset. Nunc quia hac potissimum via inclarescere voluisti, age efficiam, ut voti tui compos fias. Cum igitur Alinio librum meum legenti somnus obrepisset, visus est sibi videre speciem hominis primitus quantum ad substantiam suam creati perfecti, qui tamen foret exlex planè, & horridus, pravisque cupidinibus scatens, sic ut brutis miserior & pravior existeret: donec ea conditio hominis Deo displiceret, qui ad ipsam dispellendam legem ei superaddidit. Credo ad eundem modum, uti qui parietes ex rudilapide extruxit, postea eorum asperitate offensus tectorio eosdem inducit. Mox cum somnus placidè discussus esset, putavit se id in libro meo legisse. Atqui antequam tua somnia chartæ illineres, debueras denuo librum meum legere, ut constaret, num Morpheus forè tibi illuserit. Sanè enim à me nuspiam scriptum est, *hominem physice perfectum sine lege, ordine & decore unquam exitisse.* Contrarium à me docetur p. 6. & p. 312. 314. Nuspiam à me scriptum fuit, *hominem ab ipsa*

moralem personam, quantitatem, & qualitatem,) liquido perspicitur. Estigitur aliquis studiosus, Nicolaus Beckmannus, non quidem auream, sed plumbeam in literis, mediocritatem sectatus, qui ad munus aliquod involandum non parum sibi Doctoris titulum profuturum sperat. Is abit in Galliam, pecuniam Professoribus offert. In cathedram ducitur; per sesquihoram silet & crubescit, quod disputationis inauguralis loco habetur. Post mitra imponitur, Doctor creatur, renunciatur, proclamatur, ab omnibus pro tali haberi & honorari jubetur. Hic, ne comœdiam actam credamus, repente ex omnium entium moralium genere aliquid ipsi fuit superimpositum. In novum *statum* seu ordinem jam protruditur, in quo antea non erat. Nova quoque *persona* ipsi imponitur. Qui enim antea simpliciter Dominus Nicolaus erat, jam Dominus Doctor Nicolaus, & quidem Utriusque Juris factus est. Ex classe *quantitatum* moralium nova quoque existimatio ei superadditur. Qui enim antea frater ignorantiae habebatur, jam ubi nomen Doctoris insonuit, à rusticis creditur herniam posse curare, aut putridos dentes extrahere, aut lumbricos intestinis elicere. Ex classe *qualitatum* moralium superadditur eidem novus titulus, ut Doctor audiat, qui Asinus est. Conferitur potestas publicè docendi, si vocationem nanciscatur; salarium eo nomine accipiendi, si detur; de jure respondendi, si quis consulere ipsum velit. Denique obligatio ei iungitur, ut quando de jure consultitur, in principia juris ne impingat. Tanta moles entium moralium imponitur & superadditur homini, qui jam physicè erat perfectus, i. e. qui corpus & animam, oculos & aures, manus & pedes, ventriculum & jecur habebat. *Superadditur* dico, quia substantiam & qualitates ejus physicas per se entia moralia non afficiunt, aut alterant. Postquam enim Doctor renunciatus fuit, non fit longior aut crassior, non accipit novum membrum corporis; si antea habuit caput acuminatum, illud non fit deinceps rotundum; non fit quoque vel pilo melior & doctior, non saltat elegantius, quam antea, non digladiatur dexterius, non levius inepruit. Ex accidenti tamen fieri potest, ut entia moralia occasionem præbeant qualitates physicas augendi aut depravandi. Nam quibusdam titulus incitamento est ad eruditionem parandam, ut fiant, quod audiunt; aliorum ruditas augetur, dum tituli inani sonitu adquiescunt. Nonnullis gravitas & modestia, aliis fastus & stolidi jactantia accedit. Movet aures meus auditor, credo quod

quod jam aliquid de entibus moralibus quasi per nebulam sibi cernere videatur. Et quia jam aliquod vestigium docilitatis in eo animadverto, scrupulum, qui ipsum urgere videtur, eidem adimam; num igitur nulla dantur entia moralia concreata? Quippini, mi Asini? Nam ego nusquam *superadditum* esse, & *concreatum* esse opposui; nec nostræ sententiæ repugnabit, qui aliqua entia moralia homini concreata, i. e. in ipsa creatione *superaddita* dixerit. Imo & ego de statu naturali p. 6. & de obligationibus congenitis p. 312. trado. Quod autem substantia modo vel accedente, subjectum adjuncto, utut tempore simul, natura tamen prius sit, etiam tirones philosophiæ norunt. Sic ut nihil repugnet, statum aliquem aut obligationem homini esse concreatam aut congenitam; & tamen eidem physicè perfectio velut *superadditam* concipi. Audiamus nunc, num & antehac entia moralia probè intellexerit Asinius Tenebrio. *Intellegit autem*, inquit, *per entia moralia illos etiam modos, (ut loqui amat,) quibus homo creatura esse debet, autorem sui agnoscens, colensque, quibusque diversa qlanè à brutis ratione vitæ eidem exigenda est. (b. e. legem naturæ.) Sic enim entia moralia ipse explicat pag. 5. & 6. §. 6. & 7.* Tu qui in meum librum nefariam tibi censuram arrogabas, tantopere coecutiebas, ut non animadverteres, me nuspiam legem in genere, aut legem naturæ inter entia moralia referre. Equidem *normam actionum moralium* eam nuncupo l. 1. c. VI. Ast ut norma cum normato ejusdem naturæ sit, necessarium non est. Ad ferream normam etiam lapides & ligna exiguntur. De cætero quid planius est meis verbis p. 6. §. 7. dum doceo, statum naturalem absolute consideratum vocari illam conditionem, in qua homo constitutus esse intelligitur, dum eximium præ aliis animantibus eum esse voluit Creator, i. e. dum legi eum naturali obnoxium fecit, à qua bruta sunt immunia. Ex quo statu fluit, (i. e. quia Deus hominē constituit in tali statu, in quo lex naturalis ipsi foret observanda, & ejusmodi dotibus ornavit, quibus bruti acarent, consequitur,) quod homo debeat esse creatura autorem sui agnoscens, colensque, & cui diversa plane ratione à brutis vitæ sit exigenda. Pergit Asinius: *Illud vero, nempe quod entia moralia originis superaddita saltem, non autem concreata homini sint, quando docet, cum Papistis maxime facit. Ex his enim Bellarminus cap. 6. de gratia primi hominis eundem in modum scribit. Creatio refertur ad naturam, indumentum virtutis ad superaddita dona. Et mox. Innocentia autem ad illius vestem non naturalem.*

lem. Atqui virtutes illæ, & innocentia primi hominis, de quibus inter nostrates & Pontificios disceptatur, non sunt entia moralia. Imo ne ipsa quidem virtus moralis ens morale est, sed pertinet ad classẽ qualitatum physicarum; quod Asinio paradoxum videri non miror. Quod autem *Bellarminus* dona primi hominis vocat superaddita, & ego entia moralia homini superaddita doceo, exinde non magis ego cum illo conspiro, quam hæc consequentia est bona: calceus induitur, thorax induitur, ergo calceus est thorax. Subjungitur demum huic articulo emblema aliquod, non quidem *Tribonianum*, sed *furciferianum*. Ut multa paucis exprimantur, inquit, si quis penitus inspexerit *Pufendorfii* opus, non diffitebitur, *Pufendorffium* non modo entia moralia, verum etiam totum ferme liberum primum, tam obscure tractare, ut ipse vix intelligat, quid infirmis suis novitatibus sibi velit, nisi ut eas imprudenti juvenuti sub terminis metaphysicis & fictitiis venales indigne exponat. Ast mihi nimium stolidè *furcifer*, si revera paucis multa volebas exprimere, id debueras dicere; te & alios, qui *Pufendorffii* liberum allatrarent, fuisse asinos ad *lyram*. Et quis cogebat te tuosque complices omnino liberum meum legere, aut ad eum carpendum provolare, si præ obscuritate ipsum non intelligebatis? Quod alias obscuritatem attinet, cum illa duplex sit, dictionis, & rerum; de illa sane nemo queri potest, qui Latine novit. Hanc autem amoliri non semper est penes scriptores. Et quid asinis satis clarum esse possit? Quod si quæ in genere super entibus moralibus traduntur obscuritate quadam videantur laborare, culpa fere penes philosophos est, qui vix levi brachio ista attigerunt. Ac decedet obscuritas, si ista usu trita fieri incipiant. Imo desinent & tibi entia moralia obscura videri, modo per aliquod tempus inter auditores meos asidere velis; qui te eo libentius in cætu suo ferent, quod dum longas tuas aures subinde imortas, eadem opera mulcas à vicinis sis depulsurus, aut lenem ventulum factururus.

§. 15. Articulus X. est. *Primos homines, prout in origine ac statu suo primævo se habuerunt, non tantum mortalium nomine appellat, sed tantam etiam illis imbecillitatem tribuit, ut sine peculiari cura servari non potuissent. Mortalitati etiam causæ genus humanum diversitate sexus, propagandique sese facultate creatum esse,* p. 140. §. 2. *Inde licet,* p. 750. Hujus articuli priori membro supra §. 11. satisfactum fuit; ubi satis patet, nos primos homines in statu integritatis hauriquidquam mortalium vocabulo insignire; cum

de istis eo loco sermo non sit. In posteriore membro calumniator pro more suo verba mea foede corrumpit, quæ p. 750. §. 2. ita se habent. *Postquam igitur morti obnoxium fuerat redditum genus humanum, ne aut nova semper stirps creando esset sufficiens, aut tam nobilis speciei duratio unius ævi spatio extingueretur, sapientissimus Creator prospexerat discrimine sexus, & naturali facultate inditam commixtis corporibus sese propagandi.* Heic animadvertere debebat sycophanta, non frustra verbum plusquam perfecti temporis, *fuerat, prospexerat*, esse positum, ad significandum, genus humanum non ab initio fuisse morti obnoxium, sed postea ad eam conditionem devolutum: & in hunc eventum, quem Deus utique præviderat, velut provisionaliter diversitatem sexus, & facultatem se propagandi humano generi inditam eo quoque fine, ut idem morti obnoxium factum circa novam creationem durare posset. Idem alio modo esse ferri potest. Ab initio par hominum diverso sexu creatum fuit, ut stirpem ex se propagare possent morti non obnoxiam. Postquam homines morti fuerant obnoxii redditi, illa propagandi se facultas huic quoque fini inserviebat, ut non subinde novi homines essent à Deo immediate creandi, nevé intra spatium unius ætatis genus humanum foret extinguendum. Eique rei sapientissimus Creator quasi eventualiter prospexerat per diversitatem sexus, quæ tam in statu integritatis, quam corruptionis usum haberet. Non credo esse, qui luculentiorē heic declarationem desideret.

§. 16. Articulus XI. ex prioribus jugulatur. *Recentum & solitarium orbis incolam attonitum, hoc e. consternatum fuisse*, p. 140. §. 2. Quid tum? Ille recens orbis incola non est Adamus, sed quem fingimus, animoque concipimus in mundum undecunque projectum. Quem si ponamus ita repente solum in orbe inculto destitutum, quis negaverit subita rerum imagine confusum, & attonitum fuisse circumspiciendum vastam mundi machinam, corporum cœlestium splendorem; nec non anxie meditaturum, quid sibi inter omnia ignota & nova agendum foret. Hoc si capere non potest Asinius Tenebrio, per me in Morboniam abeat.

§. 17. Articulus XII. non firmiore, quam prior, stat talo. *Illud autem, quod primus homo extra societatem sine lege, ordine ac decore miserrimus fuerit, probari illo posse dicto putat: Non est bonum, hominem esse solum.*

Pra-

Præfat. fol. 3. fac. 1. Cæterum &c. In primis vero p. 138. §. 8. Igitur quod homo non miserrimam, &c. Tædet me toties repetere, d. l. non esse mihi sermonem de Adamo in statu primævæ felicitatis. Sed quando p. 36. §. 6. seqq. adduco rationes, quare homini non conveniat, ut vivat exlex, earum aliquas desumo ex conditione naturæ humanæ post superveniente, quæ verba extrant, d. pag. 136. lin. 9. 10. Inter has rationes p. 138. §. 8. adducitur quoque hominis imbecillitas, quæ miserrimum ab omni aliorum auxilio & societate destitutum effectura erat. Quem locum hisce verbis claudio: Igitur quod homo, ex conditione scilicet post superveniente, non miserrimam vitam inter omnia animantia degit, à conjunctione suis similium habet. Non est bonum hominem esse solum, non ad matrimonium duntaxat, sed & ad societatem cum aliis hominibus in universum pertinere. Quis non videt, istam sententiam à nativæ suæ sede & intentione ad aliam materiam transferri & applicari; qualis applicatio nec à sacris quidem literis aliena est. Sicuti fas mihi est plerasque sententias Psalmi LII. & CXX. ad conditionem meam, quæ heic inter malevolorum quorundam calumnias per annum & amplius conflictatus sum, applicare. Quæ cum ita sint, planè præter rem Asinius Tenebrio tanto cum supercilio heic febriculosam suam philosophiam expromit. Quasi vero, inquit, externa illa socialitatis felicitate deficiente naturalis etiam & essentialis hominis deficeret felicitas. Quasi vero non ipse Deus declarasset, felicitatem primi hominis etiam in paradiso non futuram fuisse omnibus numeris perfectam citra societatem: Quasi vero inquam, pergit coaxare rana, bonis fortuna deficientibus bona statim animi & corporis discerent. Quasi vero inquam aliquis magnopere gavissurus sit animi & corporis sui bonis, ab omni humana ope in solitudine destitutus. Alicujus, non autem omnis humanæ felicitatis causa est socialitas; augmentum, non fundamentum. Arguè dictum, & supra Asinii captum. Quasi vero ego alicubi asseruerim, omnis felicitatis humanæ causam esse socialitatem. Nam non statim cujus absentia me miserum reddit, ejus præsentia omnem mihi felicitatem conciliat. Si tua uxor in capillum tibi involat, miser es: si eadem blando tibi arridet vultu, non ideo albæ gallinæ filius es.

§. 18. Sequitur Locus de homine in statu corruptionis. Nam tanta fuit nebulonis istius circa calumniam mihi instruendam sollicitudo, ut etiam quos ipse somniaverat errores, velut sub locos Theologicos redi-

geret, ad fucum simplicioribus faciendum, quasi ego integrum systema novæ cujusdam & inauditæ Theologiæ procudere instituissem. Heic igitur primo occurrit articulus XIII. *Entia moralia eorumque effectus originis etiam considerata amitti, vel deleri pro lubitu posse, sine ulla mutatione aut corruptione ejus rei, cujus antea fuerunt, pag. 4. §. 4. Ac per eadem, p. 19. §. 23.* Credit heic Asinius, hac assertionem negari labem illā, quæ ex amissa imagine Dei per lapsum in genere humano consecuta est. Sed uno verbo illi somnium hoc excutiam. Quæ per lapsum Adami amissa sunt, haut quidquā erant entia moralia, sed longe sublimioris indolis. Qui amisso rationis usu in delirium incidit, qui amissa valetudine horridis morbis corripitur, qui amisso visu excecatus est; in eo haut quidquam ens aliquod morale periisse aut mutatum esse dicimus. Quod si tamen stupor Asinii capere non possit, vera entia moralia, eorumque effectus deleri posse, nulla mutatione physica in re, cui erant superaddita, proveniente, seu ut ipsa rerum substantia physica haut quidquam immutetur, age afferamus exemplum, quod Asinius Tenebrio manibus palpare queat. Fingamus Asinium Tenebrionem, si diis placet, professorio munere fungi. Fingamus eundem ob quædam scelera, puta, ob famosos libellos editos, munere dimoveri & infamem fieri. Quot heic sentia moralia perierunt? Perit ipsi status, in quo hactenus egit, perit persona, quam gesit, perit obligatio ad legendum & disputandum, perit denique titulus, ut deinceps audire cogatur Dominus Exprofessor. Et tamen ejusdem jam intra nebulonum classem conjecti substantia physica nullam sentit mutationem. Statura ejus non contrahitur; crura priorem retinent longitudinem; stolidum manet caput antiquo loco positum, manent aures, (nam præsupponimus illas per carnificem non abscindi,) manet facies lurida & cicatricosa; manent qualitates physicæ, manet eruditio, si quam habuit, manet vox graculis æmula, manet libido saltandi; manet ars digladiandi, circumforaneis lanistis non concedens. I nunc Asini Tenebrio, & de entium moralium obscuritate querelam move.

§. 19. In articulo XIV. extremum proponitur, quousque aut brutalis stupor, aut dirisima calumniandi libido progredi possit. Sic enim facerrimus index: *Negat quædam per se citra omnem impositionem honesta vel turpia esse, omnesque actiones hominum, adeoque ipsum furtum, homicidium, incestum, adulterium, blasphemiam &c. natura sua actiones esse indifferentes,*

p. 25. 26. NB. 27. *Hoc enim modo, conf. pag. 47. §. 14. pag. 167. §. 4.* Ad hanc calumniam dispellendam, etsi nihil amplius necessarium sit, quam ut quis loca adducta in meo libro accurate legat; explicare tamen paulo clarius ibi tradita placet, ut eo manifestius constet, Asinium Tenebrionem omnibus scyophantis & nebulonibus palmam præripere. Quando igitur à Scholasticis inquirebatur, quodnam discriminis esset inter ea, quæ naturali, & quæ positiva lege vetantur aut præcipiuntur; id demum ab uno vel altero pronunciatum in tralatitium dogma invaluit, ut quæ lege naturæ præcipiuntur, aut vetantur, in se & sua natura honesta aut turpia esse; quæ vero positiva, per voluntatem & imperium legislatoris talia fieri dicerentur. Et admisisse ut hæc fortasse commodam explicacionem, modo certum constituissemus, ex quo liquido constaret, an & cur aliquid in se esset honestum vel turpe. Id dum non fecerunt, necessum fuit provenire definitionem legis naturalis, quæ non posset non in circulum revolvi, & petere id, quod est in principio. Si enim quæras ex istis hominibus, de quibusnam lege naturæ disponatur? respondent; de iis, quæ per se sua natura honesta & turpia sunt. Sin ulterius quæras, quænam autem sunt illa, per se & sua natura honesta vel turpia? nihil aliud habent, quod respondeant, quam ea, de quibus lege naturæ disponitur. Ex quo & aliud horribile absurdum consequitur; si nempe datur aliquid honestum & turpe in se antecedenter ad Deum, vel admittendum esse fatum Stoicum, cui & ipse Deus sit alligatus; vel dari aliquod principium Deo prius aut cœternum, formas rerum quasi determinans & specificans, cui ne Deus quidem contravenire debeat, aut possit. Quocum nihil stolidius fingi posse videatur, sæpe miratus sum non Grotium solum, sed & plerosque ex nostratibus Theologos istam assertionem citra ullam dubitationem passim assumere. Contra id mihi fixum fedit, discrimen honesti & turpis utique à Deo, ejusque definitione esse petendum, nec idem ab alio extra ipsum principio dependens fingendum esse. Quo posito consequitur, necessitatem illam, quæ actionibus ad honestatem & turpitudinem tribuitur, non esse absolutam, sed hypotheticam, supponentem nimirum creationem animantis rationalis, quam nemo est, quin liberrimæ Dei voluntati adscribat. Id est, quod quædam dicantur necessario honesta aut turpia homini, hoc semper est intelligendum cum relatione ad naturam hominis tanquam animalis rationalis & socialis;

lis ; & consequenter cum relatione ad voluntatem Dei , qui uti omnia , ita & hominem , & quidem tale animal liberrima sua voluntate creavit. Cui conjunctum est , ut si consideremus actiones hominum , prout sunt nudi motus facultatis alicujus physicae , aut ejusdem negatio , antecedenter ad legem , seu abstrahendo ab omni lege circa eum motum aliquid disponente , esse indifferentes , i.e. neque bonas neque malas : bonitatem autem & malitiam , quæ in illis deprehenditur , oriri à convenientia & disconvenientia cum lege. Et annon ipsa Scriptura sacra peccatum seu actionem malam definit per *ἀνομίαν* , seu discrepantiam à lege ? Ac nullus rusticus est tam stupidus , quin intelligat & applicare norit tritum illud : Ubi non est lex , ibi non est transgressio. Enimvero heic probe observandum , quid sit nodus motus physicus ; & quod hautquaquam omnia vocabula actionem exprimentia notent nudum motum physicum , sed quod pleraque expriment actiones cum relatione ad legem. Toto quippe cœlo differentes propositiones sunt ; actio , prout consideratur tanquam nudus motus physicus , citra & ante omnem respectum ad quamcunque legem , est indifferens , i.e. nec bona nec mala : & omnia vocabula actionem exprimentia notant nudum motum physicum , seu actionem in se indifferentem nec bonam , nec malam. Prior propositio mea est , quam ut arbitror invictis rationibus stabilivi. Altera nulli mortalium , præter Asinium Tenebrionem , in mentem unquam venit. Quis enim est tam stupidus , qui nesciat , quasdam voces aut locutiones notare nudum & indifferentem motum physicum , à respectu ad legem abstractum ; alias & quidem longe plurimas notare actionem cum respectu ad legem , seu actionem bonam aut malam , v. g. loqui , scribere , manum extendere , lapidem emittere , arma vibrare , concumbere , rem de loco in locum transferre , ignem excitare , & plurima alia , expriment meros & simplices motus physicos , qui citra respectum ad legem , & ullam designationem objecti , aut alterius circumstantiæ considerati , utique indifferentes , i.e. neque boni neque mali sunt. Sed mentiri , blasphemare , calumniari , Indices Novitatum scribere , lapide vulnerare , armis lædere innocentem , homicidium committere , scortari , mœchari , incestum committere , furari , incendiarium agere , & infinita alia , non notant nudum motum physicum & indifferentem , sed motum aliquem lege vetitum. Pari se modo res habet circa motus animi. Amare , honorare , sperare , probare ,

bare, gaudere, dolere, & similia, citra respectum ad legem utique indifferencia sunt. Prout autem illi motus versantur circa objectum legibus probatum aut improbatum, boni vel mali fiunt, v.g. Amare Deum, honorare Deum, sperare in Deo, probare bonum, gaudere bonis eventibus bonorum, dolere ob peccata, sunt bonæ actiones. Contra amare vitia, honorare idola, sperare in diabolo, probare peccata, gaudere calamitatibus innocentium, sunt actiones malæ. Impossibile autem foret, ut v.g. *amare* pro diversitate objecti fieret bonum aut malum, ni illud extra objecti aut legis considerationem esset indifferens. Et quid clarius verbis meis p. 26. *Hæc ipsa vocabula, nempe malevolentia, impudentia, invidia, adulterium, furtum, homicidium, non notant nudos & simplices motus actusve physicos, sed tales, qui legibus repugnant.* Sic & nuda internisio motus alicujus physici citra respectum ad legem utique est indifferens; v.g. non dare, non facere, quiescere, non moveri. At eadem cum respectu ad legem, objectum, tempus, locum, modum determinante, mala fit v.g. non dare mercedem operario, non reddere mutuum, commodatum, depositum, opus sibi injunctum non facere, quiescere quando laborandum erat, non obedire seu non facere quod à legitimo imperante jubebaris. Judicet nunc cordatus lector, num mica probitatis aut eruditionis insit illis, qui affingere mihi non erubuerunt, me omnia peccata statuere indifferencia, seu (ut horridum vocabulum sædæ calumniæ conveniens fingerent) me indifferentissimum velle introducere. Cæterum quasi impudentiæ nondum satis foret litatum, allegatur quoque contra me disputatio quædam Ultrajectina. *Qui Hobbesii error Ultrajecti nuper publica disputatione refutatus est.* Extar ea disputatio subjuncta libello Gisperti Corquii, cui titulus: *Hobbes iniquitates, sive Vindicia pro Lege, Imperio, & religione*, editus Ultrajecti anno 1668. Ne tædeat, quæso, disputationem illam penitus inspicere. Illa igitur p. 12. proponit sententiam Bacani, statuentis actus quosdam, ut Deum colere, proximum diligere, parentes honorare, esse ex se & natura sua bonos, eosque præcipi lege naturali, & contra furtum, falsum juramentum, homicidium &c. esse actus ex se & natura sua malos, ac proinde lege naturali prohiberi. Hanc sententiam dicit magis esse tolerandam, quam quæ Hobbesio traduntur de cive cap. 14. artic. 9. Sed mox sequenti p. 14. addit. *Nec tamen Bacani sententia simpliciter probanda est. Quare ut intelligatur, quid in hac materia statuendum sit, notare juvat, dupliciter tantum se*

E

habere

habere posse actiones humanas, 1. in statu possibilitatis, prout sunt in potentia ob-
 jectiva, 2. in statu actualis existentia, prout scilicet subjective, vel potius effective
 sunt à Petro vel Paulo. At vero neutro modo sunt actiones per se & natura
 sua bona vel male: non primo quidem; quia ne sic quidem entia realia sunt pro-
 prie, sed tantum ex hypothesi, & κατὰ ὑπόθεσιν; eodem igitur modo neque bona
 aut male proprie dici possunt: non posteriori modo, quia ut sic plusquam manife-
 stum est, habere eas suam bonitatem & malitiam moralem à lege; quoniam mor-
 alis earum bonitas in conformitate cum ea, malitia autem in difformitate ab ea
 formaliter consistit. Non ergo hi actus, Deum colere, diligere proximum, parentes
 honorare, sunt boni ex se & sua natura; sed fluit eorum bonitas, ut jam dixi, ex
 imperio & voluntate Dei, qui de regulandis huius actionibus leges naturales men-
 ti creaturæ rationalis impressit. Atque hætenus in thesi verum est, quod Hob-
 bes dicit c. 12. art. 1. omnem actionem natura sua esse adiaphoram, & quod
 actio aliqua iusta vel iniusta sit, à jure imperantis provenire. Sed in hypo-
 thesi hoc falsum est, nimirum ante leges civiles iustum & iniustum non extitisse.
 Quem errorem Hobbessii & ego confutavi lib. 8. c. 1. §. 5. Locum quan-
 tumvis prolixotem huc transtuli, non quod mea interesset putem, quid
 Cocquius Ultrajecti disputet; sed ut hoc specimen manifestum exhibe-
 rem, æque in aliorum scriptis, quam in meo libro Asinium Tenebrionem
 cæcutisse. Etsi in eo Cocquius ille graviter erret, quod actus illos, Deum
 colere, parentes honorare, putet in se indifferentes; cum illi non sint nudi
 motus physici, sed involvant respectum ad legem. Nam colere, hono-
 rare, sunt tantum motus physici in se indifferentes; sed dum objectum
 additur, statim simul insinuatur actus lege præceptus. Cum igitur di-
 sputatio illa Ultrajectina contra Asinium Tenebrionem faciat, neque ut
 ut contra me esset, magnopere ego Cocquii autoritate terrerer: non
 aliam causam dispicere possum, quare ea hæc jam sit adducta, quam quod
 Cocquii vocabulum vetus ipsi gentilitium nomen Coquinorum è Gallia
 roïundorū perspicua allusione repræsentat. Nam in Asiniorū familiā ad-
 optione transiit. Sub finem magnus ille vir solitudinem suam pro salute
 reipubl. testatur. *Quantum mali, inquit, ex tam impiis novitatibus in rem-
 publ. redundare, incauteque juventutis animos opinione citius corrumpere pos-
 sit, norunt Theologi.* Atqui mihi nimium caute Asine, illas impias novitates
 non liber meus continet; sed tu istas somniaisti, & incaute juventutis a-
 nimos inani terrore agitas, ut etiam in clarissima luce spectra sese cernere
 arbi-

arbitrentur. Miror quoque, quare furcifer nunc aliquid interesse putet, quid ex dogmate aliquo mali in rempub. redundare queat, cui in articulo 1. ethnica opinio videbatur, civitatem personare debere doctrinis cum fine & usu civitatum congruentibus. Nec illud satis digero, quare Theologi potius, quam Politici melius intelligant, quæ dogmata reip. noxia sint. Nisi hoc fortasse dicere vis, Illustrissimos viros, qui nomine S. Regiæ Majestatis librum meum adprobarunt, minus perspicaces fuisse, quam illos eruditissimos viros, qui Londini in Scania Indicem Novitatum in eundem moliti sunt, quorum triumphos inferius tangemus.

§. 20. Articulus XV. *Peccatum alienum exsequi, peccatum non esse*, p. 1028. 1029. non sine maxima fraude ita indefinite proponitur, ac si in omni casu cuilibet citra ullam considerationem liceret alteri ministerium suum ad peccatum exsequendum exhibere. Cum tamen sermo mihi sit de peculiaribus tantum casibus, ac quibus rigidissimæ limitationes adduntur; puta, ut imperans se solum autorem facinoris haberi velit, & alteri meram executionem injungat; ut quis ministerium quantum potest deprecetur; utique eo præfracte denegato gravissimum sibi periculum vitæ immincat. Neque vero habet Asinius, quod contra solidissimas rationes opponat; nisi quod, ne nihil plane dixisse videatur, gānit. *Quemadmodum in plurimis aliis, ita & in hoc casu, amplam fovet conscientiam, & novitatis cum piorum offensione est studiosissimus.* Scelestum caput! De conscientia etiam aliquid mutire audes, qui edito famoso libello, si quid scientiæ, aut conscientiæ forte habueras, prodegisti? Aut quinam sunt illi pii, qui offenduntur? Credo vetus aliquis calumniarum institor, qui compendiosam valde viam invenit quævis dogmata proscribendi; *sepe hac propositione offendi, hoc sibi novum videri.* Ne tamen forte quis objiciat, frustra esse quæstiones nulli futuras usui anxie disceptare; paucis monere lubet, quæstionem isthanc tanti esse momenti, ut ni ea rite decidatur, convulsio disciplinæ militaris, & obsequii civilis inde secutura sit. Id quod uno & altero exemplo declarabimus. Sine dubio peccatum est, bello alium sine justa causa invadere. Peccatum etiam est, cum commodiore via controversia componi possêt, ad arma provolare, tanto maiorum proventu exuberare solita. Denique & hoc peccatum est, fiducia suorum armorum alteri denegare, quæ ipsi debentur. Heic ergo, si nullo casu quis alienum peccatum citra suum peccatum exsequi possit,

necessario sequeretur, vel salva conscientia nullum civem posse arma
 ferre, vel civi obrentu suæ conscientia licere operam militarem recipere
 negare. Scilicet est non levis disquisitio, num aliqua causa sit justa, &
 ad movendum bellum, quod infinitam post se malorum segetem trahit,
 sufficiens. Longe altioris indaginis est illa disceptatio, an heic & nunc
 recipere nostræ necessaria & utilissima sit via, controversiâ cum altero armis
 exsequi; quæ etiam summos viros, & usu rerum præstantissimos anxios
 solet habere. Circa tantæ molis disceptationes non poterit non maxi-
 ma vulgi pars, tanta rerum momenta ponderare nescia, gravissima dubi-
 tatione involvi; & quia id, de quo dubitas, non est faciendum, obrentu
 conscientia omnem operam bello denegabit; cæteri ex timiditate aut
 timore belli scrupulos fingent. Quam faciliè denuò foret civibus ad mi-
 litiam vocatis obtendere; se vereri, ne fiducia exercitus sui rex abutatur
 ad injuriam alteri inferendam; se nolle oblato suo ministerio efficere, ut
 Rex animum peccandi concipiat: si nemo civis militare velit, necessario
 Regi quiescendum, & ab injuriis inferendis abstinendum esse. Add. l.
 VIII. c. l. §. 8. Hoc novum Evangelium si quis rusticis nostratibus an-
 nunciare velit, maximam sine dubio gratiam ab iisdem inibit, qui ad cœ-
 lum usque tam pium, tam angustæ conscientia doctorem efferent, cujus
 concionibus nixi molestiam militiæ plane subterfugere possint. Alio
 quoque exemplo ostendemus, quid absurdi secuturum sit, nostra thesi
 non admissa. Sine dubio peccatum est, innocentem in carcerem com-
 pingere. Nocens autem quis sit, ante causæ cognitionem sciri nequit.
 Ex doctrinaigitur Asinii Tenebrionis, meæ utique thesi opposita, neces-
 sum erit, ut quando magistratus aliquem comprehendere vult, prius
 cum lictoribus in concilium eat, & ipsorum sententiam exquirat, num
 sufficiens ipsis causa videatur adesse ad istum hominem comprehenden-
 dum. Ast ut de hoc solidi quid pronunciare queant, necessum fuerit, ut
 non solum prima juris fundamenta delibaverint, sed & ut ipsam Justinia-
 ni medullam exforbuerint. Et quid aliud relictum erit, quam ut deinceps
 ex ipso Jctorum ordine lictores petantur? Cui fini aptissimus sane
 erit, non tam prout quisque subtili legum peritia, aut insigni docendi,
 disputandique facultate præ cæteris fuerit instructus, quam prout pro-
 ceritate corporis, virium vastitate, accum primis artis gladiatoria dexte-
 ritate reliquos sui ordinis eminerit, ut si forte resistere velit reus, ma-
 num

num cum ipso conferere, aut si idem fugæ se dederit, cursu superare eundem queat. Quibus omnibus si accedat horrida ad terrorem incutiendū apta facies, perfectissimi instar lictoris inde resultabit. Sic ut Asinii Tenebrionis dogma non leve argumentum ad illustrandam Jurisconsulti in republ. necessitatem afferre possit. Addamus tertium exemplum, si forte priora nimis obscura fuerint visa. Peccatum utique maximum est de innocente supplicium sumere. Quod si igitur nemo posset ullo casu meram alieni peccati executionem facere, non sufficeret carnifici, ne conscientiam nimis laxam videatur fovere, & piorum animos offendat, sententiam à iudicibus pronunciatam audire. Sed quia iudicis iniquam sententiam ex ignorantia juris, aut per affectus pronunciare possunt, necessum plane fuerit, viros illos, quibus tam facile est hominem jugulare, quam vulpes pirum comest, in omnibus tribunalibus, ubi de rebus capitalibus agitur, assessores facere, saltem supernumerarios aut honorarios, quo ipsi certo intelligant, ab initio ad finem causam rite fuisse disceptatam. Ne autem velut *αυφ'α πρὸς ὡπα* isti hominum mactatores assideant, & inani tantum tituli sonitu superbi circumvolitent, non paulo plenius, quam lictores Justiniani medullas ligurisse debent. Sic tandem eo res redibit, ut aut carnifices debeant fieri Jureconsulti, aut Jureconsulti carnificum munus exercere. Quod dogma si in republ. introducendum sit, gratulor sane mihi de iudicio illius viri, qui sub finem libelli famosi allegatur, cujus auctoritate fretus, inter philosophos latitare licebit.

§. 21. Jam scēse novus iterum locus aperit *errorum circa liberum arbitrium*; ubi articulus Indicis XVI. ita habet: *in ipsa facultate apprehensiva, & in iudicio naturalem inesse rectitudinem, vel intellectum hominis naturaliter esse rectum*, p. 37. §. 3. p. 72. Si Asinius Tenebrio integra excerptisset verba mea, tuto poteram omni responsione heic supersedere. Primo enim protestatus sum, non esse mihi sermonem de viribus intellectus circa res à peculiari divina revelatione dependentes, sed de illis viribus, quæ sufficere possunt actionibus legi naturali attemperandis, quantum fori humani usus, & ratio vitæ humanæ jam fert. Heic assero intellectum hominis naturaliter, (i. e. non accedente peculiari depravatione & corruptione ex malâ educatione & assuetudine,) esse rectum (i. e. recte apprehendere posse, & judicare, quid honestum, quid turpe sit; neque tam

facultatem adprehensivam, quam judicium ita depravatum esse, ut invincibilis error aut ignorantia circa dictas actiones semper verferetur. Adde tamen, *debita adhibita attentione, & pramissa debita inquisitione*; ne quis etiam circa hasce plenam perfectionem intellectui à me tribui arbitretur. In aliqua autem facultate inesse rectitudinem, cui tamen cultura etiam laboriosa sit adhibenda, nihil repugnat. Cœterum intellectui humano tantum rectitudinis, quantum ad hunc finem sufficit, etiam post lapsum esse tribuendum, manifestissime inde colligitur; quod alias necessum foret, ethnicos contra legem naturalem ex ignorantia invincibili peccasse, & sic non potuisse illis adversus eandem admittamur imputari. Quod non solum sacris literis repugnat, ubi sæpe numero ethnici propter ejusmodi peccata graviter reprehenduntur; sed etiam res ipsa loquitur, ethnicos utique circa agenda & omittenda in plurimis rectissimas fovisses sententias, quas magno numero passim invenire est. Atqui si naturalis in ista facultate esset; detorsio & obliquitas, non magis recte homines talia adprehendere & judicare possent, quam per vitrum fractum aut distortum rectæ rerum imagines videntur, aut per idem coloratum veri rerum colores adparent. Allegatur dictum ex articulis Schmalcaldicis loco de peccato. Verum istud explicandum est ex *Apologia Augustana Confessionis* p. 217. (qui locus etiam in margine citatur.) Ubi ita traditur: *Neque vero adimimus humanam voluntati libertatem. Habet humana voluntas libertatem in operibus & rebus diligendis, quas ratio per se comprehendit. Potest aliquo modo efficere justitiam civilem, &c. Cum enim reliqua sit in natura hominis ratio & judicium de rebus sensui subjectis, reliquus est etiam delectus earum rerum, & libertas & facultas efficiende justitiæ civilis.* Redditur dein ratio additæ restrictionis aliquo modo. *Quamquam tanta est vis concupiscentiæ, ut malis affectibus sæpius obtemperant homines, quam RECTO judicio, & diabolus, qui est efficax in impiis, non desinit incitare hanc imbecilem naturam ad varia delicta.* Apparet igitur, ideo justitiam civilem imperfectionis argui, quod pravi affectus rectæ rationi tam sæpe & valide oblucentur, ut videant quidem homines meliora, probentque, deteriora sequantur. Fatendum tamen est, *Asinio* Tenebrioni constare rationem, quare recto judicio intellectus tantopere infensum sese ferat. Nam si vel mica recti judicii, honestatisque, qualis etiam in maxime barbaros homines cadit, in eo fuisset, nunquam

quam ad ejusmodi Indicem Novitatum compilandum animum adplacuisse.

§. 22. Sequens articulus XVII. pariscum priori notæ est. *Omni-
bus affectibus vel passionibus imperare hominem posse, ne in actionem erumpant,
verbis Cartesii, quæ sua facit, statuit, p. 55. Illud instituto nostro &c. Quous-
que ego homini imperium in affectus suos asseruerim, satis explico, l.
VIII. c. III. §. 14. nimirum ne erumpant in actionem aliquam, in quam
pœna fori humani solet constitui. Et sane si omnium gentium leges
evolvamus, nullibi reperietur illa delicta plane excusari, quæ ex violentia
affectuum fuere patrata. Quod certissimo argumento est, omnes legis-
latores præsupponere, penes hominem esse, affectus sistere. Quan-
quam facile agnoscamus, hunc laborem, hoc opus esse, & uti *Cartesius*
quoque innuit, multum industriæ adhibendum ad homines instituendos
& dirigendos, quibus imperium in affectus suos esse debet. Non omni-
bus enim hanc Corinthum adiri, indicio est, quod mihi sane noti sint ho-
mines, non juvena fervidi, sed proventa ætate, magnoque sapientiæ &
pietatis fastu turgentes, ac in tali officio constituti, quo aliis exemplo mo-
derationis præire deberent; qui tam violentis agitantur affectibus, ut
ætatem, & dignitatem, & munus suum sæpe turpissime prostituant; &
non magis se amabiles, quam ursos, aliasve mordaces belluas reddant.*

§. 23. Nunc in ipsa fundamenta nostri libri invadit Afinius Te-
nebrio, Reatini, Arcadicique agri grandissima bestia, & *Errores circa le-
gem naturæ* proponit; immemor tam fidelis moniti, quod certis homini-
bus in præfatione libri mei occinebam; ne futor ultra crepidam. Est igitur
articulus XVIII. *Genuinum, sufficiens, & adequatum principium co-
gnoscendi legem naturæ esse socialitatem, p. 181. §. 14. p. 183. §. 15. NB. p. 188. §. 9.*
Atqui hoc ipsum ita me demonstrasse arbitror, ut nemini cordato am-
plius super eare dubium superesse queat. Quod si autem aliquis ita inge-
nio polleat, ut ex sola ratione investigare possit aliud principium, quod
omnes gentes, quamcunque habeant religionem, admittant, aut ad idem
admittendum evidentia rationum adigi possint; illum & vehementer
mirabor, & multum ab eo me didicisse profitebor. Neque vero erat,
quare Phylsignathus tanto cum fastu suum illud *quasi vero* crepare inci-
peret. *Quasi vero*, inquit, *Paulus Rom. 1. ex professione juris naturalis principia
enumerans ignoravisset ac omisisset principium maxime genuinum, manife-
stum,*

sum, sufficiens & adequatum. Quid audio? An igitur ex professo Paulus juris naturalis principia enumerat; & ex doctore gentium jam repente factus est doctor juris gentium? O hebetes tot eruditos viros, qui principia ejus disciplinæ tam clare ibidem exposita perspicere nondum potuerunt! Sed nimirum reservabatur inventi hujus gloria Asinius Tenebriوني, abs cujus illustri ingenio eruditi propediem expectant novum juris naturalis Systema, ex solo capite 1. ad Romanos deductum; quod sine dubio reliquorum omnium, qui hætenus circa eam disciplinam aliquid elaborarunt, luminibus obstruet. Equidem d. l. Apostolus ostendit, gentiles invisibilem Dei majestatem ex contemplatione creaturarum ita clare potuisse colligere, ut facile iisdem fuerit animadvertere, indignum esse Deum sub imagine hominis, aut brutorum animantium coli, aut hæc in Dei velut locum substitui. Inde Deum quoque ex justo judicio eos tradidisse cupidinibus suis, ut infandis se flagitiis macularent. Hoc igitur principium solum assume, & ex eo omnia officia hominum inter se perspicue deduc, & ita quidem, ut non solum ipsa præcepta, sed & præceptorum rationes liquido adpareant, & pro Tenebrione deinceps Lucifer mihi eris.

§. 24. Articulus XIX est: *Legem naturæ insitum quandam vel connatum habitum esse negat.* Uti adparet, magnopere nobis sudandum erit, ut ostendamus, infantes non nasci Jureconsultos. Videamus primum verba nostra: *Quam ad rem* (ut nempe ex lumine rationis leges naturales investigentur,) *vix necessarium arbitramur præfractæ contendere, animis hominum ab ipsa nativitate congenita & velut impressæ esse juris naturalis saltem generalia præcepta, admodum distinctarum & actualium propositionum, quæ statim atque usus sermonis accessit, citra ulteriorem informationem aut meditationem abs homine possint exprimi.* Hæc adparet, thesin meam esse hanc; posse ex lumine rationis demonstrari legem naturalem, etsi actualis & distinctæ propositiones circa illam animis infantum ab ipsa nativitate non inhæreant. Sic ut per me nemini sit interdictum quantum velit habituum connatorum credere. Quia tamen Asinius Tenebriون pro imperio jubet me statuere, quod ipsi aliquam calumniandi ansam præbere queat, age ostendamus pecori isti, non ita facile esse in infantibus aliquos habitus intellectuales asserere. Per habitum igitur legis naturæ nihil aliud intelligi potest, quam systema aliquod propositionem, officia

officia hominis experimentium, animo infantis actu inhærens. Illum quippe habitu, v.g. Theologiæ præditum dicimus, in cuius animo hærent propositiones dogmata theologiæ exprimentes. At quomodo quis demonstraverit, in animo infantis hæcere propositiones actuales? Omnis enim propositio constat nomine & verbo; affirmando vel negando inter se combinatis. Atqui infantes nascentes neque nomina neque verba sciunt, multo minus hæc per affirmationem aut negationem conjungere norunt. Quod si autem quis peculiare genus imaginum in animis infantum fingere velit, quæ agenda aut fugienda repræsentent, non tamen ad modum propositionum nomine & verbo constantium; is optime sese captui lectorû accommodabit, si id genus imaginum schemate aliquo repræsentaverit. Et sane manifestum est, quibus incrementis scientia infantum procedat. Primo enim omnium ex frequenti auditione addiscunt nomina rerum, quæ quotidie in oculos ipsorum incurunt. Inde progressus sit ad verba, communissimas actiones exprimentia, sed quæ primo in infinitivo modo, tanquã simplicissimo, efferuntur. Dein paulatim nomina, & verba infinitivi modi combinantur. Inflectiones verbi & nominis, aliæque particule pedetentim addiscuntur. At talibus incrementis etiam imagines rerum, quæ per propositiones exprimuntur, procedere videntur. Cum porro præcepta legis naturalis sint, v.g. homicidium non est patrandum, non mæchandum, non furandum, non mentiendum; scire velim, quomodo in animo infantis existere possint imagines homicidii, furti, falsi testimonii; quæ etiam à majusculis demum pueris intelliguntur. Neque vero satis hisce difficultatibus sese extricare videntur, qui habitus istos connatos *imperfectos* jaçant. Arbitror enim tanta eosdem imperfectione laborare, qua laborant propositiones, in quibus neque nomen, neque verbum, neque copula adparet. Quin ergo satius fuerit, minus monstrose philosophari, & juxta receptam plurimorum veterum & recentiorum sententiam statuere; intellectum hominis nascentis esse tabulæ nudæ similem, cui quidvis posset inscribi, seu habere nativam facultatem recipiendi & retinendi imagines, quæ per sensus sese insinuant; ex quarum tamen collatione inter se idem aptus sit novas quasdam imagines formare, & quam ope sensuum recepit cognitionem in se ipso multiplicare. Cæterum habituum connatorû assertores patet velut arcem causæ suæ collocasse in phrasi illa *Roman II, 15.*

in scriptum esse cordibus. Sed cum illa phrasis sine dubio sit metaphorica, ex aliis S. Scripturæ locis cæterarumque linguarum usu videndum, quid eadem significet. Vid. 2. *Corinth. III, 3. Proverb. III, 3. VII, 3. Jerem. XXXI, 33. conf. XXIV, 7. Hebr. VIII, 10. X, 16. Jerem. XVII, 1. Æschylus Prometheus vincito*: οὐ πολὺδαὸν πλάγῃ φράσαι ἢ ἐγγράφῃ σὺ μνήμῃς, δίκαιε φρονῶν. Tibi edisseram multiplicem errorem, tu inscribas tabulis firmis mentis. Quibus omnibus probe perpenſis hic demum dicti loci ad Rom. II. sensus emergit: Legis naturalis cognitionem ex dictamine rationis hausſtam ita firmiter animis gentilium impressam, eosdemque tam evidentem de ejus certitudine fuisse convictos, ut nunquam eandem excutere potuerint, si vel maxime ad sopiendas conscientiæ vellicationes illas plane animo ejicere conati essent. Igitur à me quidem dictum illud nequaquam *in falsam sententiam detorquetur*, uti Asinius Tenebrio mentitur; sed genuino suo sensui vindicatur. Neque obstat, quod fortasse Sociniani istis habitibus connatis parum detulerint. Nam & hoc ipsum faciunt multi ex theologis & philosophis orthodoxæ religioni addictis. Et quid aliud insinuat Scriptura sacra, quando infantes negat discernere posse inter bonum & malum, *Esaïa VII, 15. 16. inter dextrum & sinistram, Jonæ. IV, v. ult.*

§. 25. Et si articulo XX. in superioribus satisfactum fuit, tamen, quia ita vult Asinius Tenebrio propter eandem crambem bis adpositam; bis quoque vapulabit. *Essentialis Dei justitiam prototypum juris naturalis esse negat*, p. 163. & 164. Si aures paulisper vis immobiles tenere, experimentum capiam, an forte aliquid humani sensus sub ista pelle deliteſcat. Quod alicujus prototypi *ἐκτύπωμα* vocari potest, non solum omnes ejus partes, & veram similitudinem repræsentare; sed & revera ad eundem expressum esse debet, non autem per accidens tantum cum eo convenire; utut de cætero prototypus nobilior aut amplior sit, quam *ἐκτύπωμα*. Hoc posito, dico, *difficile probatu fore*, legem naturalem esse *ἐκτύπωμα* justitiæ Dei essentialis, i. e. præcepta legis naturalis, quæ officia hominum inter se præscribuntur, expressa esse ex justitia Dei essentiali, omnesque ejus partes accurate repræsentare. Justitiam vocamus illud Dei attributum, juxta quod promissa sua firmiter servat, ac munere supremi judicis, legumque suarum velut assertoris incorrupte fungitur. Ea justitia essentialis dicitur, quia ut ita agat non lege aliqua à superiore injuncta compellitur, neque disciplina ad id assuefactus est; sed quia perfectio

fectio essentia divina non alium heic agendi modum fert ; quippe cum diverso modo velle & posse agere cum imperfectione sit conjunctum. Atqui præterquam homini officium suum à superiore sit injunctum, sancta justitia humana longe pluribus partibus absolvitur, quam sola promissorum expletione, & incorrupta jurisdictione. Accedit, quod justitia divina exerceatur à supremo domino in creaturas; justitia autem humana ab iis, qui natura inter se sunt æquales. Unde patet, quanta absurditate sese involvant, qui nostram sententiam oppugnatum eunt; quippe quibus hoc asserendum est: Justitiam Dei, & justitiam hominibus inter se exercendam sibi quoad omnes partes invicem respondere, Deoque eadem, quæ hominibus officia incumbere. Addidi præterea d.l. non videri mihi firmam hanc consequentiam: homo est creatus ad imaginem Dei; ergo justitia hominibus invicem exercenda est expressa ad justitiam Dei essentiali tanquam ad prototypum. Rationem subnecto; quia imago Dei per lapsum amissa est, lex autem naturalis & ejus sensus atque cognitio in hominibus adhuc superest. Hisce argumentis, an ego *justitiam Dei cum ejus imagine, vel eo, quod ei conforme est confuderim*, uti Alinius Tenebrio nugatur, eruditi judicent, Gannit in super, hunc errorem etiam legi in Elementis juris universi, esseque gravissimum, quippe quo fides Christiana de imagine Dei ex ipso fundamento evertitur. Id priusquam Alinius ex doctrina mea exculperit probandum ipsi est, ad hoc, ut homo ad imaginem Dei conditus dici queat, requiri, ut homini Deus per omnia sit similis, ut omnia attributa Dei in homine sint expressa, ut denique Deus iisdem quibus homo officiis obstrictus teneatur. Carpit porro, quod scripseram; *imaginem Dei amissam, cum tamen sensus legis naturalis remanserit*. Gratis à me hoc addi dicit: *quandoquidem ita simpliciter amissam esse imaginem Dei non credimus, ut nullæ ejus supersint reliquæ, quæ nunc lex naturæ sunt*. Neque præterea valet consequentia hæc, *Imago essentialis Dei justitiæ est amissa*. Ergo *lex naturæ non potest esse imago Dei justitiæ*. Nam simpliciter illam quoad spiritualia amissam esse credimus, nihilominus tamen spiritualia illa, quibus ad imaginem Dei renovamur, *imago essentialis Dei sapientiæ, justitiæ & sanctitatis sunt*. Heic non pauca sunt, quæ sustinemere rentur. Inapte dicitur; lex naturæ est pars imaginis divinæ. Si enim utique imago Dei ad legem etiam naturæ pertinet, ita dicendum fuerat, liquida & perfecta cognitio legis naturalis erat pars imaginis Dei. Sic

uti corpus Juris non est pars Jurisconsulti, sed Doctore ad cathedram ambulante famulus illud pone sequens sub brachio gestat. Deinde li- quido probandum est, imagine Dei amissa revera aliquas ejus particulas remanuisse, & quænam sint illæ particulæ, & quod inter illas particulas fuerit sensus & cognitio legis naturalis. Denique demonstret Asinius Tenebrio, quod quævis imago, quævis similitudo, etiam inadæquata & imperfecta, sit *εικόνισμα* quale supra descripsimus, ex amussim prototypo respondens, seu quod homines per regenerationem & renovationem fiant *εικονισματα* seu imagines adæquatæ & expressæ ex sapientia, justitia & sanctitate Dei, i. e. homines fide Christi imputata justificatos, & paulu- lum quid in divinis vel ut per speculum in ænigmate cernentes, & mores suos utcunque emendare conantes, esse *εικονισματα* seu imagines sapien- tiam, justitiam, & sanctitatem Dei undique repræsentantes. Quæ dogmata in Ecclesiæ orthodoxæ probentur, mihi nondum constat.

§. 26. Articulus XXI. est. *Negat legem naturæ esse æternam*, p. 25. §. 6. *Et sane*, p. 28. *Ex quibus apparet*. Circa æternitatem legis natu- ralis res paucis expediri potest. Qui primi legem naturæ æternam di- xere, eidem opposuerunt legum civilium recentem originem ac muta- bilitatem, q. d. lex naturalis non à Solone, aut Minoe cæpit, sed ipsis civi- tatibus antiquior & generi humano cœva est. Nec ea mutationibus est obnoxia, sicut leges civiles, quæ ob mutatam reipubl. utilitatem, aut ex libidine imperantium rogantur, aut abrogantur: sed una & eadem per- petuo durat, quousque genus humanum supererit. Hanc æternitatem & nos legi naturali tribuimus, p. 28. Ut autem lex naturæ Deo coæterna statuatur, id mihi necessarium non videtur. Cum enim illa Deum non spectet, uti supra ostendimus, sed humano generi divinitus data sit: quid opus est, fingere istam legem actu extitisse, antequam homines, quibus ferretur, existent. Quod si autem quis cavillari velit, ejus legis ideam ab æterno in præscientia Dei fuisse, ille hoc modo legi naturæ nihil pecu- liare præ cæteris rebus tribuit.

§. 27. Articulus XXII. verbo potest expediri. *Entia moralia, (adeoque etiam leges naturæ) mutabilia esse docet*, q. 19. §. 23. Nuspiam enim leges à me inter entia moralia referri supra dictum est. Et immutabili- tas legis naturalis à me satis adstructa est p. 163. §. 5. Sed huic articulo additum epiphonema miram quandam affectuum præ se fert mixturam, dum

dum primo quidem turgidum livore pectus pro more in calumniam despumatur; mox sublimiori & velut prophetico spiritu insatur, & incipit loqui ore non suo. *Hac nova*, inquit, *plus veneni, quam commodi juvenibus afferunt*. Atqui in meo libro venenum non invenit Asinius, sed pestilentissimo suo pectore depromptum intulit, dum circa res, quas stupor ipsius non capiebat, stolidi sibi somnia finxit. Miror quoque cur tantam ubique ostenter juventutis sollicitudinem. Mitte quæso hanc de pectore curam. Nam pro speciminibus, quæ tu edidisti, ne bubulcus quidem filium suum tuæ disciplinæ est commissurus. Cæterum repente in aliam se formam mutat turgida mens, & os sacrum in oracula solvere incipit. Ubi tamen illud minus ex decoro, quod lectorem citra præparationem, & ita incompositum ad ista mysteria admisisti. Exclamandum prius fuerat; procul ô procul este profani; aut quod magis pietatem tuam decebat, sursum corda! aut Dominus vobiscum. *Beati*, inquit *sanctissimus vir, qui simplici viâ jus naturæ & decalogum tractant, & entia moralia, eorumque mutabilitatem Pufendorfio soli volvenda ac revolvenda relinquunt!* Eat nunc aliquis & hisce temporibus vates, somnia atque miracula deesse queratur. Heic enim, ni fallor, oraculum adparet Davidico compar, aut sublimius. Beatus qui non ambulavit in consilio impiorum, obsoletum prope jam est. Heic novus sese pandit *maxaeis*, & augustior quædam via ad perfectionem Evangelicam emergendi. Et quia protrita jamdudum sunt illa consilia Evangelica, ex quibus veterum ambitiosa pietas nova sibi vitæ genera comminiscabatur, igitur jam ut adpareret, auspice Asinio Tenebrione (quod felix faustumque sit,) super isthoc oraculo fundandus erit novus ordo Equitum Sanctæ simplicitatis, qui præter tria usitata vota Ruditaris, Stultitiæ, & Invidiæ, hoc quarto loco velut summam perfectionem daturum emittant, inexpressibili bellotentia moralia, (sicuti Equites Melitenses infideles) persequi, & non nisi simplici viâ jus naturæ & decalogum tractare. Et sane videtur hic ordo brevi tempore futurus numerosissimus, quo minus laboris est, non in naturæ solum jure, sed in omni scientiarum genere rudem, & plus quam simplicem deprehendi. Quia tamen hocce tempore plerorumque principum & privatorum liberalitas in pias causas reffixit, valde metuendum, ne novus iste ordo patrimonio fruatur satis tenui, sic ut plerique sine stipendio & tanquam honorarii militare cogantur. Saltem plerique do-

nationes suas videntur suspensuri, quousque constiterit, quem eventum prima Asinii Tenebrionis in entia moralia expeditio sortita fuerit, in qua nisi aliquot millia eorundem trucidaverit, aut ad remum dederit, parum gloriæ novo suo ordini erit circumpositurus. Interea dum Equitum S. simplicitatis insignia, (& quæ alia, quam crux nigra in campo griseo, quam notam asinis natura impresit) habitus & leges publicantur, & quoad de successu novæ hujus militiæ liquidius constiterit, licebit mihi in Asinium Tenebrionem *μαχαεὶς μὲν* illum retorquere, haut paulo verius: *Beati, qui non scribunt Indices Novitatum, quia non confundetur facies eorum in conspectu omnis populi.*

§. 28. In articulo XXIII. singulari studio eruditionem suam ostentare conatur Asinius Tenebrio. *Principium essendi*, inquit, *vel fundamentum legis naturæ non naturam hominis ponit, quatenus integra & incorrupta ad imaginem justitiæ & sanctitatis Dei essentialis velut prototypi creata erat, (quod recte qui sentiunt cum Mævii Prodro mo secundum scripturas & Formulam concordiæ de tertio usu legis, thesi 1. Etenim ne primi &c. faciunt) sed legis naturæ fundamentum, quatenus à Creatore socialis facta est, adeoque ipsam socialitatem cum duce suo Hobbesio Hæretico ponit esse, idque statim in præfat. fol. ult. Caterum id quoque monere visum, ibidem: quid porro planius est, quam hoc &c. Addep. 167. Sic quod &c.* Hic monco, me nuspiam in ista materia terminum illum, *principium essendi* adhibuisse, & cum non nisi ineptissime idem hic adplicari queat, me nolle quid cum ipso habere negotii. Deinde ego nuspiam socialitatem opposui naturæ humanæ, prout à Deo integra fuit creata. Quis enim dubitaverit, quin homines in statu quoque integritatis persistentes futuri fuerint sociabiles. Ergo opponit Asinius, quæ non erant opponenda, seu ut magis ad caput tantum philosopho loquar, committit clenchum oppositorum. Quare autem à statu integritatis abstraxerim, & consideraverim hominem prout nunc est, non attendendo an primitus aliter se habuerit; rationem attuli satis gravem; quia propositum mihi fuit hanc disciplinam ita generaliter tractare, ut & eadem ad caput ethnicorum foret. Qui utique statum integritatis ignorant, quem ex solis divinis scripturis licet addiscere. Socialitatem autem omnes agnoscunt, aut ad eandem agnoscendam evidentibus argumentis adigi possunt. Displicet hæc ratio Asinio Tenebrioni, ut tantopere sibi adamatam quasi vero cructandi iterum habeat

beat occasionem. (*Ratio ipsius est, inquit, quod nostrum Orthodoxorum illud fundamentum illitantum ex Christianis admittunt, qui peccatum Originis agnoscunt, non autem universum mortaliū genus. Quasi vero ab ignorantia illius fundamenti ad negationem ejus descendendum sit; praesertim cum ista sit ignorantia non facti, sed juris universalissimi, quod scire omnes & debent, & possunt, secundum illud Apostoli Roman. 10. v. 16. 18. Multi qui evangelio inobedientes sunt. Ego v. dico annon audiverunt, &c.*)

Heic primo quærere lubet, quo in concilio, aut quo Symbolo definitum sit, quod omnes orthodoxi circa deducendam disciplinam juris naturalis, etiam ethnicis accommodatam, debeant fundamenti loco subternere; hominis naturam ab initio integram fuisse creatam? Sed nec video, quare Hobbesius, si nullo alio errore tenetur, hoc tantum nomine Hæreticus audire debeat, quod fundamentum legis naturalis socialitatem constituit. Nisi si ea Asinio Tenebrioni in socialitatem odiorum causa est, quod ipse revera animal infociabile videatur, omnibus vitiis scatens, quæ societatem perturbare apta sunt, vera Aleæctus soboles, paci infecta, turbis movendis unice occupata. Deinde non impugno ego illud Asinio dictum *nostrum orthodoxorum fundamentum*; sed tantum dico illud non idoneum esse attemperaturo se enim ethnicis; quia nisi principia utrinque confessa constituentur, frustra omnis disceptatio sumitur. Atqui ethnici debebant scire hoc principium & poterant; adeoque versantur in ignorantia non facti sed juris universalissimi. Quid audio? Hæcenus credideram Asinium Tenebrionem nil nisi Theologastrum esse, & quidem uti isthoc specimine ostendit, ab ortu in istius ordinis opprobrium & dedecus elisum. Nunc etiam video eum in titulo de ignorantia juris & facti non medio-criter versatum; nisi forte cum aliquo Jcto societatem coiverit, quo suggerente hæc mysteria hausit. Enimvero mi Asini, sit ignorantia juris, sit facti, quod ethnici statum primæ væ integritatis ignorant, non eo minus tamen nihil aget, qui antequam ipsi divinas literas agnovérint, ex hoc fundamento officia hominis apud eosdem deducere aggrediatur. Addit denique: *quanquam fundamentum illud nostrum materialiter etiam gentes ex parte admittunt, quando principia connata, quæ nihil aliud sunt, quam reliquæ imaginis divinae, nobiscum agnoscunt.* Ast ego tecum materialis & partiali tua admissione in malam rem abire jubeo; ita non materialis-

terialiter & ex parte, sed formaliter & in totum rudissimum juxta & ad vitilitigandum projectissimum monstrum es.

§. 29. In articulo XXIV. sollicitus esse videtur Asinius Tenebrio, ne forte aliquando pro meritis suis pœnæ loco duas domum ducere simul uxores cogatur. *Plures uxores quam unam* inquit, *domum duxisse contra jus naturæ (vel decalogum) non esse implicite docet p. 776. §. 16. ubi dicit 2. Sam. 12. v. 8. Deum Davidi tanquam insigne beneficium imputasse, quod ei complures uxores dederit. Nam singulare Dei beneficium si fuit aliquando polygamia, nunquam contra jus naturæ quod æternum & immutabile est, esse poterit, add. pag. 778. §. 17. pag. 782. §. 19.* Heic repono, me à pag. 776. ad 782. §. 16. 17. 18. tantum referre, quæ ab aliis in utramque partem discipantur. Sed p. 782. §. 19. quid mihi super polygamia videatur, explicare. Quod eo credit, etsi ex adductis contra polygamiam argumentis liquido & citra omne dubium colligi nondum à me potuerit, eandem directè legi naturali repugnare; sicuti cædes, adulterium, furtum, calumnia, confectio indicis novitatum, & alia eidem repugnant: id tamen etiam ex sola ratione perspicui, *optimum & maxime decorum, simulque ad quietem domesticam accommodatissimum esse, unum una vivere contentum; adeoque hoc matrimonii genus sine dubio perfectissimum habendum.* Quid amplius postulas ab eo, qui disciplinam juris naturæ non aliter tractat, quam quatenus ratio sola jam pertingere potest? Intende ergo tu nervos tui ingenii, quod sentio quam sit exiguum, agita aures tuas, & tenta, num tua ratione ulterius possis progredi. Attingo præterea sub finem dicti loci rationes politicas contra polygamiam tam praves, ut licet illa omnibus divinis legibus absolute & semper fuisset permixta; tamen legibus civilibus tanquam plerisque civitatibus exitiosa proscribi debeat. Cæterum illud circa hanc quæstionem de polygamia cordati facile vident, postquam animadversum est, multos ex sacerdotibus ad eandem tantopere commoveri, non paucos in privatis sermonibus paulo liberius heic philosophari cepisse, ut istis hominibus ægre faciant. Nam quod fæminæ ad hanc quæstionem statim incalescant, id inde est, quod nunquam digere queant illud Hesiodicum: dimidium plus toto. Ast profecto uti aliquos nonnullam divortiorum licentiam serio optare non abnuerim; ita paucissimos ex Christianis dari crediderim, qui duas pluresvè iustas habere simul uxores cupiant. Et valde simplex est, cui persuaderi potest,

ullum

ullum esse principem Christianum, qui polygamiam in remp. introducere velit, aut serio velle possit. Sicuti nec capio, quod per licentiam potissimum polygamiae, uti aliqui arbitrantur, atheismus aditum sibi sternere molitur. Nam ad mendicitatem ea quidem certissima via est; & si ad excitandam pietatem aliquid calamitares domesticæ faciunt, longe maximum videtur pietas incrementa sumptura per introductam polygamiam, dum miseri mariti in remedium tantorum malorum beatam analysin ardentissimis precibus indefinenter sunt optaturi. Quod autem attinet Elementa Jurisprudentiæ universalis circa hanc quæstionem, eorum patrocinium commendabo celeberrimo Theologo D. Joh. Adamo Osiandro, qui in *Observat. ad Grot.* p. 748. eandem propugnat sententiam. In quem itidem Iudicem Novitatum adornare licebit Asinio Tenebrioni, si nondum heic satis vapular.

§. 30. Sequuntur jam errores circa Decalogum, ex quibus miror quare peculiarem voluerit locum formare Asinius Tenebrio, cum tamen ipsi jus naturæ cum decalogo idem videatur. Sub isto loco articulus XXV. Indicis est: *Decum præcepta, prout duabus tabulis insculpta, & per Moysen populo Israelitico promulgata fuerunt, civiles (vel forenses) leges ejusdem populi fuisse, p. 1015. §. 4.* Heic satis adparet, Asinium Tenebrionem non legisse, ant cepisse ejus capituli §. 1. p. 1018. ubi *lex civilis dici* traditur duplici modo, *vel respectu autoritatis, vel respectu originis.* Priori sensu civiles leges vocari possunt omnes leges, juxta quas in foro civili jus dicitur, ex quacunque demum origine promanent. In §. 4. autem d. c. proponitur & rejicitur sententia Hobbesii, qui ideo præcepta decalogi civilia, non naturalia vocat, quod ante civitates nihil proprium, nihil alienum, nullum matrimonium, & quidlibet in quemlibet fuerit licitum. Hæc inquam Hobbesii sententia à me refellitur. Addo autem alio sensu præcepta decalogi leges civiles posse vocari; nempe *respectu autoritatis*, quam in republ. Israelitica obtinuerunt, dum juxta istas in foro ejus populi jus dictum fuit, eademque sanctionibus pænalibus, in foro ejus populi valituris, fuerunt munitæ. Quod nemo ignorat, qui pentateuchum inspexit. Poterat autem facile animadvertere Asinius Tenebrio, leges civiles & forenses mihi non esse unum & idem; adeoque me non attendere heic divisionem legis, Theologis usitatam, qua illam intuitu materiæ dividunt in moralem, ceremonialem & forensensem. Debuisset igitur prius discere Asinius quid à me lex civilis

vocaretur, antequam rudere inciperet. Nam quantam calumniandi rabiem hoc arguit, quod in eo ipso loco *intantum sequi me Hobbesium* addit, *à quo tamen perraro discere soleo.* Quid ais carnificis victima? Ego perraro ab Hobbesio discedo? Ostende ergo aliquem, qui errores Hobbesii in politicis, (nam Theologiam, quam ille sibi sinxit, aliotum est destruere) magis ex fundamento everterit, quam ego in libro meo feci. Nam ex illis qui ita in universum eundem damnaverunt, plerique ejus mentem non sunt affecuti; aliqui eum, quem damnant, ne quidem legerunt. Sicuti constat, unum ex illis non imi subsellii, qui negotium mihi heic facesciverant, cum primum de Hobbesianismo mihi impingendo inter socios aginaretur, tunc prima vice Hobbesii nomen audivisse, & ejus librum de Cive velut novum ex Africa monstrum adspexisse.

§. 31. Articulus XXVI. est. *Nudam illam & universalem cognationem, quæ ex similitudine naturæ resultat, causam & fundamentum esse propter quam homo hominem diligit, p. 6. §. 7. In ordine autem, pag. 187. §. 18. Nam revera.* Quod attinet priorem locum, p. 6. §. 7. ibi verba nostra hæc sunt. *In ordine ad alios homines consideratus naturalis status ille dicitur, prout intelliguntur homines sese invicem habere ex nuda illa & universali cognatione, quæ ex similitudine naturæ resultat, antefactum aliquod aut pactum humanum, quo peculiariter unus alteri redditus fuerit obnoxius, i. e. Illi homines in statu naturali invicem vivere dicuntur, qui nullo alio vinculo præter communem illam cognationem juncti sunt. Quid hoc ad fundamentum dilectionis, Asini Tenebrio? In altero autem loco, p. 187. hæc verba extant: *nam revera ad communem istum amorem nulla alia requiritur ratio, quam quod quis homo sit. Natura quippe ob causas supra dictas (p. 183. §. 15.) revera generalem aliquam amicitiam inter omnes homines constituit. Ubi sane patet, rationem illam communis dilectionis, quæ quis homo sit, plura complecti, præter nudam illam naturæ similitudinem. Et si vel maxime solam naturæ similitudinem causam communis dilectionis statueremus quid absurdum inde sequeretur? Annon Adamus causam dilectionis erga Evam allegabat, quod esset caro de carne, & os de ossibus ipsius? Nam quod additur, (ita vero sentit contra illud Genes. IX, 6. ubi imago Dei fundamentum mutue charitatis esse ponitur) ad hoc regero; soli rationi, ex qua ego hanc disciplinam deduco, ignoram esse doctrinam de imagine Dei, quæ articulum theologiæ Christianæ constituit. Deinde d. I. Genes.**

g. non

9. non dicitur, causam dilectionis esse, quod homo sit conditus ad magis-
nem Dei; sed hoc esse causam abstinentiæ à cæde humana. Quæ duo
non sunt idem, nec ex se necessario consequuntur. Non inquam neces-
sario sequitur; quæ causa est, quare ego hominem non debeam occidere,
eadem etiam causa est, quare ego hominem debeam diligere.

§. 32. Articulus XXVII. est: *Dicitum Salvatoris, quo jubemur proxi-
mum nostrum diligere sicut nos ipsos, explicandum esse non tam de gradu dile-
ctionis, quam ejusdem sinceritate*, p. 226. Ad hoc respondeo; disputari à
me dicto loco, defensionis licentiæ non posse opponi notissimam sen-
tentiam Salvatoris. Nam certe, si illa consueque valeret, ut in pari casu
periculi ego potius, quam alter perire debeat, utique jubere-mur proxi-
mum magis diligere, quam nosmetipsos. Ac generale est illud Salva-
toris effatum, ex quo peti non potest decisio casus alicujus particularis,
singularibus circumstantiis vestiti; quid nempe faciendum, si ego meip-
sum & alterum simul diligere nequeam. Nam cæteris paribus proxi-
mum cedere nobis ipsis expresse traditur 2. Corinth. VIII, 13. Quid ergo
aliud inde sequitur quam quod in illis casibus, ubi meipsum recte præfer-
re aliis possum, et sicut teipsum de gradu dilectionis intelligi nequeat;
adeoque illud sicut in genere de dilectionis sinceritate interpretandum;
sed quid in collisione salutis nostræ cum aliis sit faciendum; ex aliis fun-
damentis deducendum. Nam uti casus dantur, ubi ego meipsum recte
præfero aliis; ita vice versa casus dantur, ubi mea incolunitas aliis post-
poni debeat. Hos casus tam diversos quomodo quis ex solo illo dicto
deduxerit; diliges proximum tuum sicut teipsum? Add. *Osiander ad Gro-
tium*, p. 615.

§. 33. Articulus XXVIII. est: *Neminem sibi ipsi obligatum esse, nisi
respectu socialitatis, quo respectu etiam homo Dei servus est*, pag. 86. & *Præfat.
fol. ult. fac. 1.* dantur sane. Hic patet Asinium Tenebrionem pro more
suo affingere mihi thesin, quæ mea non est. Hæc enim sunt verba mea,
d. p. 86. *hactenus homo seipsum conservare tenetur quatenus Dei servus, & so-
cietatis humane pars est, cui se utilem jussu Dei præstare debet.* Quæ ver-
ba ab Indice multum discrepant. Neque in præfatione hæc thesis extat;
homo respectu socialitatis servus Dei est. Sed hoc tantum dicitur: *cum
religio, quatenus ad disciplinam juris naturalis pertinet, intra spheram hujus
vitæ terminetur; eo quoque intuitu ad socialitatem referri potest, quatenus illa*

societatibus hominum efficacissimum vinculum præbet. Quæ assertio nequaquam repugnat illi thesi, quod causa obsequii, Deo ab homine debiti, sit creatio, & alia beneficia, quæ à Deo in hominem conferuntur. Cæterum illud obiter observandum, dum in hoc & quibusdam aliis articulis Asinius Tenebrio nihil causæ allegat, quare assertionem meam rejiciat; non obscure ipsum hoc sibi autoritatis arrogare, quasi quod ipse non capit, aut quod etiam absque ratione ei displicet, aut quod in obsoletis suis compendiis non reperit, citra ulteriorem inquisitionem damnari debeat. An tanta autoritas Asinio Tenebrioni sit tribuenda, si nullum aliud præter hunc Indicem Novitatum specimen ediderit, vehementer dubito.

§. 34. Articulus XXIX. est: *Nullam esse morum honestatem & innocentiam ubique & extra societatem servandam, seu citra reflexionem ad alios homines in præfat. fol. ult. fac. 1.* Est vir constans Asinius Tenebrio; ad finem usque Indicis retinet morem meas theses detorquendi. Nam nuspam à me dicitur: nullam morum honestatem ubique & extra societatem esse servandam. Sed ita dico: *Quenam sit illa morum honestas & innocentia, ubique & extra societatem servanda, seu citra reflexionem ad alios homines, nondum dispicere potui.* Si ergo quid voluisset agere, debebat exemplum ejusmodi morum honestatis asserre. Et tunc meum fuisset ultro tam ingenioso viro pro communicata sua sapientia gratias agere.

§. 35. Postquam Asinius Tenebrio dudum omnem pudorem consumserat, circa finem nihil interesse putavit, quid infelicitis chartis illineret. *In naturali statu, est articulus XXX. neminem altero superiore esse, cujus arbitrio voluntatem suam, suumque judicium submittit, p. 143. & 763. Sic pater filium, & maritus uxorem non regerent, nec iis dignitate, judicio, robore corporis, animo, & ætate prevalerent.* Quis liquido jurare potest, ista ab homine pronunciata esse? An oblitus es, siles, te paulo ante allegasse paginam 6. ubi status naturalis in ordine ad alios describitur, prout homines sese invicem habere intelliguntur ex nuda illa & universali cognitione, quæ ex similitudine naturæ resultat, aut factum aliquod aut pactum humanum, quo peculiariter unus alteri redditus fuerit obnoxius. Aut si hæc obscura tibi videbantur, an non legisti p. 146. §. 5. illos à me dici in naturali statu vivere, qui neque communem dominum habent, neque unus alteri paret, aut imperat. An nondum adhuc capis, inter maritum & uxorem, inter patrem

patrem & liberos pactum & factum humanum intercedere, ob quod unus alteri peculiariter redditus fuit obnoxius, & arctiore vinculo conjunctus, quam communis illa cognatio, ex similitudine naturæ resultans, ferebat? An nondum inquam intelligis, maritum cum uxore, patrem cum liberis non vivere invicem in statu naturali; quia maritus uxori, & pater liberis imperat. An forte hæc ideo nova tibi videntur, quia quid sit uxori suæ imperare ignoras?

§. 36. Opinione citius destituit nos Asinius Tenebrio. Expectabamus integrum systema Theologiæ novæ, per omnes locos deductum. Nunc repente finem mimo imponit, promulgato tamen prius *ingentis errore circa magistratum politicum. Principi (absoluto puta) injuriam subditis inferenti, si evitandi locus non sit, vi occurri posse*, p. 1004. 1006. & 1007. contra illud 1. Petri II, 18. Ubi primo notandum, in hac quidem questione à me Principes absolutos & limitatos, seu qui in certas leges fundamentales & pacta cum populo suo convenerunt, non distingvi, modo revera habeant summum imperium. Ergo ex Asinii Tenebrii doctrina nihil obstat, quo minus principibus limitatis à subditis resistatur. Deinde falsum est, quod ego definitive aut positive asseram Principibus injuriam inferentibus vi occurri posse. Verba mea hæc sunt, p. 1004. *Dum hostem pro principe induit, civi quoque obligationem, qua ei devinctus tenebatur, remisisse intelligitur. Et si fuga heic, quantum potest, sit arripienda, ac tertii alicujus patrocinium querendum, cui nulla adversus principem istum obligatio. Quin & si fuga via non datur, moriendum potius, quam occidendum est, non tam propter ipsius principis personam, quam propter totam rempublicam, que tali occasione gravibus fere turbis solet involvi. Sic & verba paulo post sequentia satis ostendunt, me nihil heic positivè definire. Est insuper & illud observandum, si vel maxime concedatur, inter dum alicui civi nefas non esse, salutem suam vi contra atrocissimas injurias superioris defendere, &c. Pagina 1006. rejicio perniciosum illud dogma politicæ Græcicæ de tyrannorum cæde licita: Illi sane ferendi non sunt, qui ita crude jactant, regem, ubi in tyrannum degeneraverit, posse à populo exui imperia & puniri. Pagina 1007. §. 7. recensetur à me Grotii mens super hac questione, ubi isthæc potissimum sententia à me probatur, nulli principi competere potestatem ex mera libidine innocentem occidendi, ut huic nullo modo resistere liceat; seu, quod eodem redit, nullus princeps, quando innocenti civi uli-*

mum exitium intentat, suo jure postulare potest, ut innocens ille sibi non resistat. Ex qua assertione tamen non arbitramur sequi hanc, aut eidem æquipollere: subditus principi extremam injuriam intentanti recte potest vi resistere. Non inquam sequitur; ille suo jure postulare nequit, ut ipsi non resistam: ergo ego eidem recte possum resistere. Nam ex alia ratione, præterquam ex jure injuriam inferentis, illa resistentia fieri potest illicita. Probatur autem ista assertio duplici argumento; tum quia ejusmodi potestas ad salutem civitatis nihil facit, ex qua sane amplitudo imperii civilis est metienda; tum quia illa à civibus imperanti collata intelligi nequit. An autem sacræ literæ in hac quæstione peculiare quid disponant, aliorum est anquirere. De cætero ea mihi doctrina civitatibus utilissima videtur, ut civibus quidem inculcet, personam principum esse sacrosanctam, eorumque ingenia ferenda; principibus contra diligentissime imprimatur, non solum homines se esse, sed & hominibus imperare, quorum ea indoles, ut atroces & continuatæ injuriæ eos demum ad desperationem adigere queant. Sed & valde dubito, an in hac quæstione recte allegetur dictum 1. Petri II, 18. Sane enim Apostolus in genere ibi docet, etiam *ἐκείνους*, asperis dominis parendum esse, qui colaphis & flagellis per morositatem plus quam par est in servos sæviant: nequaquam autem eam quæstionem definit, an servus jugulum quoque præbere immorum debeat domino, trucidare innocentem volenti. Et nescio quam indignum videretur, conditionem liberi alicujus populi mancipiorum conditioni æquare; parique modulo metiri servum exiguo ære centum, quem pro lubitu dominus vendere iterum possit, cum populo aliquo ex multis myriadibus virorum fortissimorum constante; qui ex singulari affectu, aut ob merita majorum, propriæque opinionem & spem virtutis summum imperium in aliquem ultro contulit. Denique qui citatur ab Asinio *Gerhardus* plane necum facit, *Articulo de Magistratu politico*, in primis §. 488. circa finem.

§. 37. Destructo Indice superest, ut etiam conclusionem tanto opere dignam consideremus. Ex qua sole meridiano clarius patebit, quem scopum sibi perditissimus futeifer propositum habuerit. Quamquam enim fortasse alius articulorum istorum sit autor, alius autem appendices maledicentissimas addiderit, opusque tam nobile in lucem protraxerit: tamen ista jam ita curiose mihi discernere non vacat, & tantisper

tisper Afinius Tenebrio universi libelli famosi autor habebitur. Ille calido mihi sanguine, aut pulverulento potius tergo parnas dabit. Ille erudito orbi prostituetur tanquam monstrum ex ignorantia & malitia conflatum, quod ex invidia furore mixta tam nefario modo, probisque omnibus detestando famam meam maculare, & ad fortunas meas subruendas viam sibi aperire voluit. *Quem, inquit bellua, corruptarum novitatum pruritus prapostere instigat contra juris naturæ & divini solida fundamenta, is unicum omnium instar sibi commendatum habeat Pusendorfium, à quo unius anni spatium tam immensum novarum opinionum cumulum sibi comparabit, quos omnes orthodoxi Theologi per omnem vitam ei adimere non valebunt.* Quin desinis latrare novitates nebulo? quo ipso aut ruditatem tuam debuccinas, aut meum ingenium aut industriam commendas. Quid enim non in omnibus artibus & disciplinis aliquando novum fuit? Quod si cō solo nomine fuisset proscribendum, universo generi humano intra barbariem erat harendum. Cum porro hoc seculo tanta bonorum juxta ac malorum sit librorum copia, nil nisi ludibrium eruditis debet, qui libros edere vult, in quibus nihil plane novi occurrat, aut saltem ubi quæ ab aliis minus exacte traduntur, curiosius non discutiantur & expoliuntur. An credis, si quis ex quatuor aut quinque libris sextum compilaverit, aut ex quadraginta codicibus in machinam versatilem dispositis, quam ipse in sella versatili sedens in vertiginem det, ad eum fere modum, quo Peripateticorum Intelligentiæ orbes calestes rotant, farraginem aliquam sine judicio congescrit: illum aliud agere, quam ut tabernas aromatariorum cucullis instruat? Cæterum quod istæ, quæ à me tradi arguuntur novitates aut corruptæ sint, aut solidis juris naturæ & divini fundamentis repugnent, ex Indice isto expurgatorio hæcenus nondum adparuit. Et si quis alius sit eruditus, qui honesto modo quædam à me tradita inquisitionem vocare velit, sentiet non de futura mihi, quibus mea defendam. Ejusmodi enim stolidorum Indicum confectores, ac famosorum libellorum architectos non magis inter eruditos numero, quam asinos inter citharædos: quibus displicere bonis & cordatis placere est. Abite sues, nihil vobis oleo. Illa vero furiosi plane & mente mori vox est, intra unius anni spatium tantum immensum novarum opinionum cumulum à me posse addisci, quas omnes orthodoxi Theologi per omnem vitam alicui adimere non valebunt. *Quæro enim ex te, totius Arcadiæ auriscissima*

risfima bestia, illæ novitates, quæ ex me intra anni spatium hauriuntur, suntne veræ, an falsæ? Si veræ sunt, quid circa illas orthodoxis Theologis negotii est? Aut cur illi circa eas convellendas aliquid operæ sumant? Nisi forte hoc Theologorum esse credis, barbariæ sese defensores præbere, obsoletis naniis scholas occupatas tenere, bona ingenia opprimere, importunissimam dictaturam in omnes eruditos exercere. Sin autem falsæ sunt meæ novitates, tunc tu vero nescio quam miseros & stupidos homines mihi narras, qui universi per tantum temporis spatium non possint subvertere falsa dogmata viri neque proceritate corporis eminentis, neque prolixo barbitio venerabilis, neque vim miracula faciendi aut diabolos expellendi sibi vindicantis, neque somniorum suorum præfagia, neque doctrinæ suæ papalem infallibilitatem jactantis, & quod maximum est, qui nunquam per somnum carmina fecerit. Post tam stolidam sententiam Asinius Tenebrio jam demum intima pectoris sui recludit, & quid ad famam meam infestandam ipsum compulerit, non obscure fatetur. Nimirum illi Magnatum & Nobilium filii, qui informatione mea usi sunt, & adhuc utuntur Asinium, ejusque complices tanta invidia adversus me impleverunt, ut crepandum ipsis fuisset, nisi hac via virus suum ex parte evomere licuisset. Hos ut abs me averterent, non alia potior aut magis compendiosa via fuit visa, quam de nobis dogmatibus religionem tangentibus rumorem spargere. Quo audito quis amplius suos filios mihi commendaret? Præsertim cum matres eo vocabulo audito mirum in modum soleant exhorrescere; & trepidæ pressere ad pectora natos. Et spes erat, plerosque concionatores aulicos, qui fere circa dirigendam puerilem informationem Palinuri vice funguntur, in patres descensuros. Visu filios tuos commendare Pufendorfio? Per omnes Deos Deasque ne feceris, si ipsorum salutem amas. Ille Heidelbergæ vixit, ubi Lutherani æque ac Calviniani vinum libentius quam cerevisiam bibunt. Ille habet mira principia; non credit amplius in quatuor elementa, nec in sanctissima decem prædicamenta. Ab isthoc viro liberi tui ita corrumpentur, ut compendium logicæ & rhetorices, quo recitari audito tanto solebas gaudio perfundi, deinceps nauci sint facturi. Et habet entia moralia, quibus conspectis asini in rabiem aguntur. An non audisti, quod Monzambanum legit, qui tamen Jesuitis tantopere est invisus, & Hobbesium, qui librum de diabolo scripsit.

scripsit. Imo credit ille, horresco referens ! multos asinos binis pedibus incedere. Quin tu ergo potius commendas eos alicui viro pio & simplici, qui ab antiqua pedanteria ne latum unguem discedit, qui juxta suam in re literaria simplicitatem nulla entia moralia intelligit. Qui meris medullis discipulos suos pascit, sicut quondam Chiron Achillem, ex quo cibi generis magni heroës proveniunt, qui Trojam vel biduo expugnare queant. Ac qui in super recreationis causa cum filijs tuis lectiones saltatorias repetere poterit, circa quas ipsi subtilissimum judicium, non minus quam circa generosissimas species aquæ vitæ. Quis jam dubitaverit, quin confestim quicquid est nobilis juventutis Pusendorfio vale sit dicturum, & ingenti agmine pium illum doctorem, Equitum S. simplicitatis Commendatorem magnum, stipaturum, ejusque crumenam inanjs turgentem auro oppleturum? Ast mi nimium odiose obrectator, credas hoc mihi velim ex animo loquenti. Si vel maxime ego in Moschovia, uti tu auguraris, Knescius factus fuero, tu tamen perfecto Asinius Tenebrio manebis. Ergo brutalibus tandem tuis affectibus frænum impone, & si quid in caduca hac mortalitate curas, id unum cura, ut ne deinceps unquam Indices Novitatum edas. Et ut videas, me calumnias tuas nauci facere, en verba tua bona fide represento. *Multos quidem, (non obstantibus istis novitatibus) Magnatum & Nobilium filios Heidelbergæ olim habuit discipulos, (quo nomine etiam nemo, qui arces suas extra lunam possidebat, ibi me oderat,) & jam Londini in Suecorum Universitate habet, (ut fama fertur.) Atamen eorum neminem ex abortu suo Monz. ambano & damnato Hobbesio, quos ipsis continuo incutere studet, quidquam præclari docuit. Hos accepta eorum pecunia, splendide inanes domum remittit, sic suæ crumena, & non ingenio eorum consulit. O tempora & mores! Ubi nator impuri nebulonis belluinam incogitantiam, quod cum nuper tantam doctrinæ meæ efficaciam tribuisset, ut ab omnibus Theologis per totam vitam extirpari nequeant, quæ à me uno anno hauriuntur; jam omnes à me discipulos splendide inanes dimitti ganniat. Sed talis est Asinius, ut sua mendacia ipse destruat. Discipulos meos quod attinet, eorum duas possum facere classes; alij publicas tantum & privatas meas frequentarunt lectiones; alij in super peculiari meâ commendati fuerunt curæ. Circa priores nos, qui publice in Academijs docemus, pari cum concionatoribus jure fruimur, ut si quod nostri est officij fecimus, de pro-*

secibus auditorum rationem non reddamus. Qui capere vult, capiat. Et tamen multos eorum nominare possum, qui honorificam adhuc mei memoriam retinent. Ex iis qui privata mea disciplina usi sunt, quidam ad insignem eruditionis gradum pervenerunt, amplisque muneribus & in hoc regno, & in Germania admoti sunt; qui summum in me amorem quavis occasione testari non intermittunt. Qualem si Asinius Tenebrio unum haberet, dudum ejus effigiem in domus suæ insigne publice suspendisset. Fuit unus & alter, qui minores profectus fecit. Et quis unquam fuit doctor, qui omnes suos discipulos quantum cuperet erudito præstare potuit? Certum tamen mihi est, neminem eorum unquam culpam in me collaturum. Imo ut videas, Asini Tenebrio, quam parum tuis mendaciis movear, jam publice denuncio, si quis tales meæ informationi commendare velit adolescentes, qui vel stupidissimo sunt ingenio, vel animum à literis plane aversum gerunt, nil nisi arma & venerationem spirantes, aut qui sub prioribus præceptoribus nulla fundamenta posuerunt, & intra annum abs me universam eruditionem deglutire habent, aut qui dimidiam partem temporis domi apud parentes, reliquam heic in Academiâ consumere volant, aut qui formosarum amore puellarum flagrantem maximam dici partem dulcissimis confabulationibus absument, per reliquum tempus domi mellitorum labiorum & seilibrium mammarum memoriam ruminantur; hos omnes denuncio apud me parum aut nihil profecturos, quin me susque deq; habere, an tales mihi commendentur vel non, præsertim ubi culpâ deinde in me conferre velint. Quin & hoc insuper addo, si quis semicruda adhuc studia abruperit, & præmaturo se se peregrinationibus vel discursationibus potius dederit, apud eundem paucissima literarum vestigia, ubi domum reversus fuerit, adparitura. Inprimis autem arguit Asinius, quod ex Monzambano & Hobbesio discipulos meos nihil præclari doceam. Ergo sufficit, quod ex cæteris libris, quos ipsis præterea inculco, aliquid præclari doceam. Priorem autem ne deinceps quoque discipulis meis commendem, Asinius quidem Tenebrio me nunquam prohibebit. Hobbesium autem & Grotium, qui tam multa à religione nostra abeuntia suis operibus immiscuerunt, ne amplius juventuti prælegere cogrer, librum meum præcipue edidisse me professus sum; in quibus non omnia à me probata fuisse, ille

ille ipse meus liber satistestari potest. Quod autem furcifer Monzambanum abortum meum vocat, ad id repono me nunquam id scriptum pro meo agnovisse, ut ut nolentem volentem publica me fama ejus autorem ferat. Inde mea nihil refert, an ab Asinio iste liber abortus vocetur. Id tantum dicere non verear, non erubescere autorem, quisquis is est, eo facta debere, qui tanto cum applausu per cultissimam Europæ partem à cordatissimis quibusque sit receptus; & cujus impugnatores non multo ampliorem gloriam reportarint, quam confectorem Indicis Novitatum manet. Illud tamen nescio, an quis mihi sit suasurus, ut, ne Asinio Tenebrioni præ invidia illa rumpantur, repudiare debeam liberalitatem quorundam Magnatum, & aliorum, qua operam meam, si non semper eventum, tamen fide æstimandam prosecuti sunt; præsertim cum tam raro nostri ordinis homines aureus imber inundare soleat. Neque tamen erat, quare Asinium tantopere mea crumena angeret; quippe cum hanc præcipuam mearum divitiarum partem ducam, quod nemini debeam. Cui rei tamen non parum contulisse judico, tum quod uxor mihi contigit parum sumtuosa, tum quod nullos libros propriis sumtibus edidi. Cæterum illud optime in rebus humanis comparatum est, quod invidia sibi ipsa supplicium est; quæ tunc demum asperrima tormenta admoveat est censenda, quando ad confessionem doloris sui invidos cogit. Et quanto pere istum nebulonem ex cruciari arbitramur, qui continere sese amplius nequit, quin exclamet; *ô tempora! ô mores!* Quid enim heic clamor aliud arguit, quam dirissimos morsus, quibus iste proprium sibi pectus lacerat, dum me aliquo, inter eruditos numero, se non nisi Asinium Tenebrionem videt. Perge igitur invidia æstuar, furcifer, angere dies noctesque, excoque infidum istud pectus, palleſce, exareſce, à laqueo demum vesaniæ tuæ remedium pete, ut ista impura anima per dignam se portam triumphalem exitum inveniat.

§. 38. Restat ut etiam excutiamus auctoritatem magnorum virorum, quos Asinius Tenebrio adversus me testes excitat, quibus & ego & liber meus vehementer displicuit, ne forte solus Asinius ex invidia aut ruditate nos allarrare videatur. Gravissimum sane præjudiciū, vel doctrinæ valde irregularis, vel morum plane difficilium, cætera dissentientes in me improbando conspirare. Eo curatius horum testimonia discutienda mihi erunt, ut quatenus Asinii causa per ista sublevetur adpareat. Primo igitur

tur loco prodeant Possessores Londinenses. *Nobis insuper à fide dignis nuperrime relatum est, ipsos Professores Londinenses, praesertim Theologos Lutheri animositate Pufendorfum jamdudum multorum errorum accusasse, quem tamen procerum gratia penes Regem contra omnium insultus adhuc conservavit, &c. Relatum est, inquit, nobis nuperrime. Ubi credamus Asinium Tenebrionem aulam suam habere? Nam illam longe abhinc sitam esse arguit, quod nuperrime demum audivit rem, quæ jam ante annum non sine strepitu gesta est; cum tamen istum nebulonem plus satis curiosum circa rumusculos de me captandos fuisse adpareat. Et tamen dum dicit, illos jamdudum me errorum accusasse, cum mihi demum paulo ante editum superiore anno librum meum innotuerit, illos nescio quid in me machinari; suspicionem excitat Asinius, quasi dudum arcana quadam commercia ei cum istis intercesserint, ut quid iidem adversus me parturirent, longe ante ipsi innotuerit. Relatum est nobis, inquit, Quo argumento probabis, Asini Tenebrio, tibi non potius hæc fuisse verba adhibenda; quæque ipse miserrima vidi, & quorum pars magna fui? Num etiam ex te scire possumus, quinam sint isti viri fide digni; num fortasse mendacio tibi illuserint? Nam si neminem habent præter te; abs quo commendentur, non erit, qui magnam istorum verbis fidem est adhibiturus. Cur etiam aut tu fuisti tam incuriosus; ut quinam forent isti errores non inquireret? aut si de istis intellexisti, quare erudito orbi tantorum virorum observationes invideres, quæ magnum lumen Indici tuo potuissent afferre? Sed quid multis ambagibus utor? Mi Asini Tenebrio, affatim quidem est tibi improbitatis, ut sis nebulo; sed ad id parum tibi esse astutiz pater, ut scelera tua paulo rectius possis expromere. Nam hic ipse Index à Theologo quopiam Londinensi confectus est, qui jam dirisimis sese execrationibus deovert, illum sibi ab Asinio Tenebrione furto subductum, ac quibusdam in locis interpolatum, seque incio typis exscriptum. Sic ut iste quidem satis tenuem tibi referat gratiam pro tuo elogio, quo Lutheri animositatem ei tribuis; cum ipse vice versa palam jacter, te ut furem & nebulonem egisse. Verum super hac re in judicio videbimus. Cæterum postquam ad hunc locum pervectus sum, solenniter prius protestandum est, me, quæ mox narraturus sum, non referre animo injuriandi; sed ex inevitabili necessitate famam meam ab omni sinistra suspitione purgandi apud omnes, in quorum manus Index iste facerrimus pervenit; ad quod*

quod plurimum facit, si ipsi intelligant, quodnam heic loci Indicis fuerit farum. Neque vero crediderim illum fore cordatum, qui vitio mihi ver-
tat, quod nihil eorum dissimulem, quæ ad tuendam meam existimatio-
nem faciunt. Concessit mihi Deus, ut quantulumcunque nomen inter
eruditos nactus sim, ac largitus est stationem, ultra quam ambitionem
meam non profero. Sed cum tam illud, quam hæc diu stare nequeat,
si talis sum, qualem Asinius Tenebrio mentitur; indignus sane & divina
illa gratia forem, & tanto summorum juxta ac mediocrium hominum
favore, si unius vel alterius invidi calumniis opprimi me per silentium
paterer. Sed & cognatis atque amicis, quin universis meis popularibus
merito erubescendus haberer, ni tantum mihi inesset facultatis, ut rudis-
simi hominis deliria dissipare possem. Seponatur ergo paulisper re-
spectus aliorum, quoad meæ famæ & quæ inde dependet fortunæ con-
sultum sit. Jacturam alii faciant existimationis suæ merito suo, qui im-
merentem fædisima labe adspargere non erubuerunt. Frustra quis di-
gnitatem suam mihi occinit, quando ipse ferrum jugulo meo intentat. Id
tamen mihi gratur, quod nullus Professorum ex natione Suecica huic
sefe negotio immiscuerit, ut ne mihi necessum foret quædam parum ho-
norifica memorare de ullo ex a natione, cujus favorem in me meosque
semper sum expertus pronissimum. Quod si illis, qui me tam atroci
modo impugnarunt, acerbum videatur, sua facta propalari; habent quod
Asinio Tenebrii indignentur, qui serinia ipsorum expilavit, & jam
obelo confossum Indicem in lucem protraxit. Istum nebulonem, istum
plagiariū, istum calumniatorem, istum famosorum libellorū architectū
mecū exseceretur. Duas tamē vias videre videor, quæ excusari possint ea,
quæ in me isti egerunt, sanè à communi jure, & modo inter honestos vi-
ros agendi non parum abeuntia. Una est, si heroico sese spiritu actos
dicant, quem ad vulgares agendi regulas non alligatum, creditur, cuique
adeo jura nata non sint. Atque hoc ipsum non obscure insinuat Asinius
Tenebrio, dum *animositatem Lutheri* illis tribuit; quem sanè virum ani-
mos supra communem sortem gessisse nemo est ex nostratibus, quin
agnoscat. Dicant ergo, se habuisse heroicum Lutheri spiritum, sed quī
per diuturnitatem temporis vehementer degeneraverit, aut qui in im-
pura vasa infusus ex generosisimo velut vino in mordacissimum acetum
abierit. Ni malint uti dicto Poëtæ: ætas parentum peior avis tulit nos

nequiores mox daturos progeniem vitiosiore. Accedit & hoc, quod unus ex illorum numero quondam de altero, qui non parum ad conflandum hocce negotium contulit, pronunciauerit istud dictum; Deum, si insigne opus efficere velit, excitare ingenia heroica: (ita *Winstropius de Nicol. Beckmanno*.) Id quod in vulgus heic notum est. Imo & unitis eorum (*Iesua Schvartzius*) cum proximo anno ipsi mitra doctoralis inter tubarum clangores imponeretur, à quopiam studioso, qui in ejus culina diu ossa arroserat, inter enormia alia ełogia *pretiosus Dei filius* (*Gottes wehrter Sohn*) nuncupatus fuit, quod nomen soli Seruatori nostro in lingua Teutonica tribui omnes linguę ejus periti norunt. Et sane, quicquid est Judęorum per orbem terrarum dispersum, huc velut ad novum Messiam confluxisset, nisi illis Suecię regno interdictum foret. Talis tantusque quare non heroem se ferre possit? Altera autem via paulo simplicior videtur, si nempe pertinaciter hæreseos arguere pergant articulum XVII Indicis, supra excussum: se affectibus suis imperare non potuisse, nec debuisse; se pro orthodoxis Theologis non fuisse habendos, ni affectibus fręna laxarent: iis sese adeo occæcatos fuisse, ut Pufendorfii librum damnaverint, antequam intelligerent, ut neq; Christiani hominis officium, neq; ætas aut dignitas, gravitasq; muneris, nec respectus censurę & ad probationis regię, neque amicitia mecum quondam culta, neq; officia quędam illis à me exhibita, vel paululum ipsos retinere potuerint, quo minus tanquam deterrimum me hæreticum diffamarent; aut saltem damnationem suam eousque suspenderent, quoad meam mentem & explicationem super istis articulis audivissent. Sed dum isti deliberant, utra via sese excusandi ipsis magis sit ad palatum; ego interea rem, prout eadem heic notorią est, fideliter referam, non eo sine quidem, ut aliquem velim infamare, sed ut famam meam contra Asinii Tenebrionis calumnias asseram, qui isto velut præjudicio me premere instituit. Cum igitur ad finem jam properaret libri mei impressio, animadvertere licuit, tres porissimum, inter quos hætenus simultras, aut frigida valde amicitia fuerat, repente syncretismum velut coivisse; concurrere, trepidare, crebra inter se conventicula agitare, (*Beckmannum Schvartzium & Christianum Fossium*.) Cui fundamento nova ista amicitia innixa sit, sequentia ostendent. Ut factioni robur & autoritas accederet, adsciscitur aliquis (*Petrus Winstropius*) cujus canitie cæteri abuterentur, ut, velut post Aja-

cisclypeum Teucer latitans, sagittas suas eo tutius in me emittere possent. Plures sollicitantur, sed qui tamen parum gloriosum huius rei finem augurantes, sacramento jungi recusarunt. His ergo velut quadrigis Bellona in librum meum irruitura invehatur. Stimulabantur illi contra me pari fere odio, causis diversis. Ardebat unus & alter paedagogicam quandam dictaturam in nos sibi struere; cuius quietam possessionem sibi me heic salvo desperabant, utpote apud quem ejusmodi vana arrogantia risum potius, quam venerationem excitare solet; & qui ideo à legibus cuique mitteri suos limites praescriptos arbitratur, ne quis pro sua libidine alijs insultare praesumat. Alius hancce compendiosissimam judicabat viam inclarescendi, si me subvertisset; qui perfectissimae cujusdam, & ad quintam usque essentiam sublimatae Theologiae specimen credebat, Indicem Novitatum in Pufendorffii librum congestisse. Alius denique me sepulto & summam eruditionis famam, & lautissimam fortunam sibi sperabat accessuram; qui me vivum suis luminibus, ut ut toto vertice supra sit, officere putabat. Et commendatione digna est unius (*Schvartzii*) ex isto numero ingenuitas; qui apud amicos non amplius negat, hanc sibi intentionem fuisse, ut ego ab hac Academia dimoverer. Id tamen se nunquam quaesivisse, ut fortunae meae ruinam procuraret. Esse enim S. Regiae Majestati longe plurimas stationes, in quibus opera mea nti possit; quibus non obstat, si vel maxime ego quasdam erroneas opiniones foveam. Cui ego quidem pro singulari sua benevolentia, ex qua pro mea promotione tam sollicitum sese exhibuit, dignas gratias ago; vicissimque opto, ut ille aliquando Martyrum corona potiatur, quae jam jam capiti ejus quondam imminerebat, nisi fuga sibi consulisset; quo ipsius nomen deinceps pro nigro rubrum in Calendario stet. Simulque rogo, velit ejusmodi commendatione mei ad splendidius officium deinceps supersedere. Cum ergo & ceteris sociis mea promotio tantopere cordi esset, ut finem suum obtinerent, nullam faciliorem viam sibi relictam judicant, quam ut calumniam mihi intarent, cui semper apud semidoctorum fecem eruditissimus quisque paruit, me nova habere principia, me juventutem ita corrupturum, ut non amplius antiquum Donatum sit veneratura. Accendebat ista unus ex sociis, qui subinde in typographiam currebat, & cum pleraque pro sua simplicitate, quam ille tantopere in jure naturali commendare solet,

non

non caperet, mir eadem traducebat. Augebat suspicionem, quod ego prohibuissem, ne antequam opus perfectum foret, singulæ pagine hinc inde raptarentur. Hinc certa fides monstruosum esse, quod tam solcite à me occultaretur. Quid multis? Indicitur concilium solenne Cerviæ, Pontificiæ ditionis oppido, missa Spiritus Sancti cantatur, & post aliquot sessiones unanimi Patrum consensu statuitur, Pufendorhium hæreticum esse faciendum. Offertur decretum Concilii Pontifici ratificandum, (nam ut ipse Conciliis intersit, recentiores doctores ejus majestate indignum ducunt.) Ille laudata patrum pietate decretum approbat, & annulo piscatoris obsignat. Hoc facto duo quidem ex sociis in latibula sua se recipiunt, nec apertius deinceps negotio immiscuntur, ex eventu animos sumturi, aut si secus res cadat, extra periculum subduci. Reliqui duo negotii executionem in se recipiunt, somniaturi hæreses, si non invenirent. Nova tamen spes oritur, fore ut si diligenter inquirerent, magnam vim novitatum sint deprehensuri, quod certus homo duo folia de præfatione, digitis forte fortuna adhærentia, è typographico attulisset; in quibus occurrebant ea verba, quæ concilio isti expresse opposueram; quibus tritum illud, ne sutor ultra crepidam, occinebam iis, quos ad sumendam in ejusmodi scripta censuram fastus, ignorantia, aut petulans *παλινγραφισμὸν* impellit. Interea liber absolvitur, ego Holmiam proficiscor. Et jam in publicum emergere incipiunt, quæ hæcenus in me cusa fuerant consilia. Primo in prologi vicem epistola Holmiam scribitur, hoc fere argumento, insignem gravitatem præferente: Prodire jam in publicum Pufendorfii librum, quem ipsi tamen nunquam viderint, quod is noluerit quenquam nasum suum in eo exercere, priusquam S. Regiæ Majestati, cui inscriptus est, offerretur. Quia tamen sibi ejus libri censura non fuisset oblata, se excusatos haberi vellè, si quid iste orthodoxæ religioni, quæ ipsorum humeris, tanquam Atlante calum, potissimum niteretur, contrarium contineret. Petebant præterea, ut sibi denuo lixer iste censendus committeretur; in quo negotio ipsi magnam circumspeditione essent progressuri, & nullam mihi injuriam illaturi. Nam illos Illustrissimos Regni Senatores, qui jussu S. R. Majestatis librum meum adprobassent, tam profunda non instructos fuisse sapientia, ut de jure gentium judicium ferre potuerint; cum politicorum nemo tam demens unquam fuerit, ut privilegium infallibilitatis sibi arrogaret. Adduntur & quædam de Monzambano, quem ego auderem privatim

hec legere. Eum in Germania publico Caesaris edicto proscriptum, (quod sibi solis sit conspectum.) Cum autem hoc regnum provincias possideat in Germania, metuendum esse, ne hæc belli causa arripiatur, & Croatis, milite ferocissimo, Septentrio inundetur. Respondebatur ad has literas à superioribus leniter & humaniter: quiescerent, & rerum suarum satagerent. Librum meum esse politicum, nec ad Theologos quidquam spectare. Jam S. Ræ. Majestatis censuram & adprobationem accessisse. Neminem in ipsos ob eum librum culpæ quid collaturum; nec rationem ejus rei ab illis reddendam, quæ nunquam ipsis foret commissa. Tanta lenitas istorum hominum pertinaciam magis accendit; nec ita facile concilii sui decreta eludi debere arbitrantur; præsertim cum jam dirissima quæque de libro meo in vulgus spargere cepissent, quæ ita repente vana deprehendi auctoritati suæ parum conducere censebant. Interca ne ipsi in me ex invidia rapi aut consueto vitilitigandi morbo agitari viderentur, aliæ literæ scribuntur ad certum Theologum, tunc Holmiæ agentem, in quibus aliqua loca libri mei quasi errorem foventia annotantur, ac iste rogatur, ut pro eo fervore, quo circa religionem flagret, hanc rem apud Illustrissimos Regni Procere diligenter insinuet, & quantum ex meo libro veræ religioni periculum immincat, solícite demonstret. Easque literas iste uni & alteri ex præcipuis regni officialibus recitavit; qui facile infami fraude animadversa, autorem earundem, & fædas calumniandi artes graviter sunt detestati. Nullam enim aliam subscriptionem illæ literæ præferebant quam hanc: *Hafnia, Tuus quem ex fama nosti.* Qua epistola etiam Theologis Hafnienlibus, viris sane cordatissimis, non levis injuria fuit illata, quasi ipsi, ubi quid in libro meo desiderarent, non ingenuè & aperte, prout viros bonos & doctos decet, fuissent monituri, sed per tramites non nisi nebulonibus usurpatos forent grassaturi. Enim vero ne quis aliquem Hafniensem in suspicionem vocet, istæ literæ Londinum habent patriam; ac retulerunt mihi aliquot viri, qui earum literarum autographum apud dictum Theologum huc reversum viderunt, sese manum probe agnovisse. Nec difficile erit; eum scriptorem obscurarum epistolarum in lucem protrahere, si quidem in eam rem serio inquiratur. Ubi miror inficetam plane astutiam illius scriptoris, quod speraret sese tam prudentibus viris ita facile illudere posse; cum potius vel sola hæc fraus istos conatus plane redderet suspectos.

Ros. Jam tertius à publicatione mei libri mensis labebatur, & Index in formam embryonis coalescere videbatur, ac non obscura vitæ signa dabat; cum alius ab istis insultus (ut Asinii Tenebrionis vocabulo utar,) tentatur. Obstabat quippe adhuc censura & adprobatio regia, quæ non sine specioso aliquo obtentu proculcanda erat. Qui facile inveniri poterat ab hominibus, queis conscientia qualitercunque informata regum jus sis longe potior est. Neque enim ignotum est, maxima scelera sub larva conscientiæ, & inter allegata passim seu profane potius detorta dicta sacra expromi. Scribit ergo epistolam senior ad professores Theologos hujus Academiæ; adjungit elenchum errorum, qui in libro meo deprehenduntur; adjurat ipsos per omnia sacra, per tremendum ultimi judicii diem, velint super istis articulis ingenue & libere suam confessionem edere; prout id ipsorum munus, & communis Christianorum obligatio requirit, qua ab Apostolo parati esse jubentur ad respondendum cuilibet petenti rationem ejus spei, quæ ipsis est. Isthoc tam horribile carmen duo priores ex Theologis surdis auribus accipiebant, certi alieno sese furori socios non addere. Tertius autem, in cujus utero Index ille conceptus erat magna cum pietatis & conscientiæ contestatione profertur; se utique illis articulis gravissime offendi, seque adeo posse, & debere, & velle confessionem suam edere, prout pium virum & Theologum decet, quantacunque mala ipsum eo nomine sint mansura. O inauditam animositatem! O genuinam Lutheri sobolem, Asinio Tenebrione encomiasta, dignam! Ubi nescio an magis miranda sit subtilitas commenti, per quod obtinuisse sese arbitrabantur, ut in eodem negotio ipsi actorum, judicum, ac testium loco esse possent; an vero argutissima ratio per compendium de errore aliquem convincendi, dum *offendi* aliqua se doctrina jactant. Lubet tamen quærere, cum fieri possit, ut quis ejusmodi offensam mentiatur, quo indicio liquido deprehendatur, tenebram ejus conscientiam revera lædi? Nam barbitium, & togam, & faciem ac verba in gravitatem composita, & dejectiones multis velanda nequitia inservire, etiam in vulgus notum est. Deinde non dispicio, an satis dignum sit viro, per quem Servatori nostro titulum suum non amplius retinere licet, profiteri, doctrinâ se aliqua *offendi*. Vulgarium hoc animarum, & humi repentium videtur, & qui nullam aliam rationem, quare sibi quid displiceat, allegare queunt, quam incitiam & stuporem suum.

Magni

Magni isti & animosi Lutheri, qui clavem scientiæ possident, quosvis errores solis ronchis dissipare debeant. Infirmi in fide, & qui lacte adhuc indigent, super offensione queri solent. Denique nescio an ad rei literariæ incrementa multum faciat, si bonis & alacris ingenii hanc velimus legem dicere, ut ne quid in disciplinis rationi subiectis eruere, aut olim tradita limæ subicere laborent, ne fortasse aliqui ista novitate offendantur, aut potius, ne in pudorem dentur antiquæ pedanteriæ consulti, dum vident sua compendia, ex quibus ipsi aliquot regulas & definitiones memoriæ mandarunt, inter quiesquilias deinceps habenda. Si tamen hæc ratio superioribus placet, age & nos mentū mentemq; sylvescere patiamur, proscribamus bonos libros, insipidas naniæ per totam vitam cantillemus, denique ordini equitum S. simplicitatis nomina demus, & sub auspiciis Asinii Tenebrionis internecinum bellum in entia moralia geramus. Cæterum cum confessio unius, (*Ios. Schvartzii*,) qui & antea turbulenti ac vani ingenii non pauca specimina ediderat, parum ponderis habitura videretur, à seniore conventus Theologorum indicitur, an tunc fortasse cæteri, ut offendi se quoque faterentur, permoveri possent. Tunc enim exclamatus plane eras meus liber, si abs tota Facultate, (quæ cur non pari jure atque Concilium Tridentinum immunitatem ab erroribus sibi arrogare posset?) fuisset damnatus. Conveniunt; confidetur. In mensa expositus erat meus liber, & protocollum magnæ molis recens compactum, cui nihil adhuc inscriptum erat. Postquam à seniore causa conventus exposita fuit, prima erat quæstio, quis secretarii vices obire deberet; quia protocollum seipsum conscribillare non didicerat. A senioris dignitate id alienum erat. Duo priores Theologi nullam ejus negotii partem attingere volebant. Ultimus ob imperitiam linguæ Danicæ ei scriptioni inhabilis judicabatur. Sic protocollum tunc quidem virginitatem suam immaculatam retinuit. Quamquam autem hoc modo nulla futura erant acta Confessionis Lundensis; hortatur tamen senior, ut nihilominus annotatos in scheda articulo's ordine excutiant, & ubi singuli istorum in libro meo extarent, inspiciant. Enim vero alter eorum negat, se judicium ferre posse de libro, quem nondum legisset. Alter causabatur, sese unum vel alterum locum inspexisse, nec deprehendere potuisse, meam esse sententiam, quam ipsi mihi vellent impingere. Hæc statim senior non sine ronchis fremere; tu ca non intelligis; ille tertius, qui istos articulos non sine labore enixus

est, hæc optime intelligit. Ad quæ & iste incalcescebat; ergo solus, in-
 quiens, iste intelligat. Et sic irritatis animis sellæ crepant, confurgitur,
 & confessui finis imponitur. Interea literæ regiæ advenerant, hoc argu-
 mento; si quis utique jus sibi competere crederet aliquid circa librum
 meum monendi; ut mecum privatim conferret, sententiamque & decla-
 rationem meam audiret. Sinondum adquiescere veller, ad Consisto-
 rium Academicum referret; quod cognosceret an dignares foret, quæ
 ad Illusterrimum Academiæ Cancellarium remitteretur. Omnia tamen
 placide & modeste peragerentur, citra turbas, & infestas concertationes.
 Et mox quoque adest Illustris vicinæ provinciæ Præses, ad negotium
 illud cominus inspiciendum. Auditque primo autorem Indicis, hunc-
 que scripto sibi exhiberi postulat. Inde & me audit, ac ut itidem scripto
 responsum meum ad Indicem paucis verbis concipiam, jubet, Utrum-
 que scriptum in aulam transmittitur. Ex quo cum facile vanitas accu-
 sationis intellecta fuisset, aliæ literæ à S. R.ª. Majestate huc veniunt, queis
 silentium adversariis meis injungitur, & ne quis super libro meo deinceps
 quid movere audeat, severe interdicitur, præter gravem comminatio-
 nem addito & hoc; S. R.ª. Majestati alias curæ fore, ut si utique iste liber
 nova censura opus videatur habere, eares committatur viris idoneis, &
 qui dextre eandem obire queant; nec unquam id censendi munus illis
 deferendum, qui tam præpostere hætenus circa id heic versati essent.
 Cum ne istæ quidem literæ ferociam Indicis scis compescere valuissent,
 tertiæ demum literæ Regiæ mense Januario hujus anni huc
 mittuntur, quibus denunciatur: meritum cum esse, ut severe in ipsum
 animadvertatur, hac tamen vice adhuc ipsi veniam dari; caveat deinceps
 clementia regia abuti. Mihi quoque ut actione adversus eundem su-
 persedeam injungitur. Ac sane pessimum sortita esset exitum spuria
 ista Lutheri animositas, ni singularis quædam S. R.ª. Majestatis clementia
 meritis pœnis subtraxisset virum, nescio an per mollia remedia emendan-
 dum. Sane divino jure calumniatorem manebat eadem pœna, quam
 proximo suo intentaverat. Igitur cum ipse fateatur sibi propositum
 fuisse ab Academia hac me dimovere, deprecari non poterat, quin ipse
 abhinc in patriam suam relegaretur. Petebantur porro per meum la-
 tus Illusterrimi Regni Senatores, quibus libri mei censura commissa fue-
 rat, quos iste vel crassissima inscitia, vel fada negligentia proterve ac-
 cusa-

cusabat; proculcabatur privilegium Regium, ac sæpius repetitæ literæ Regiæ vix tandem contumaciam hominis utcunque frangebant. Quibus omnibus quæ pœna debeat, leges hujus regni non obscure definiunt. Adparet igitur Asinium Tenebrionem parum sublevari autoritate Theologorum Lundensium. Nec credo magnam ab ipsis eundem ini-
visse gratiam, utut alias decempedalibus elogiis immane quantum vide-
antur titillari, quod necessitatem mihi attulerit animosa eorum facta publice jam exponendi. Præsertim cum ipse Asinius Tenebrio sui ob-
litus stupenda mentis vertigine mox meam causam agere incipiat. *Quem tamen, inquit, Procerum gratia penes Regem contra omnium insultus adhuc conservavit.* Contra insultum dicit. Atqui solenne est Theo-
logis diaboli in pios molimina insultuum vocabulo nuncupare. Sicuti
profecto ex eo genere fuerunt insultus, quos animosi isti viri in me sunt
moliti. Quos cum Proceres Illustrissimi tam gratiose depulerint, ac in-
nocentiam meam adversus malevolorum improbas calumnias protexe-
rint, immortales iisdem eo nomine gratias ago. Et sane cum isti viri
me probent, parum puto referre, quid Asinius Tenebrio, & reliqua invi-
dorum turba, qui famam meam allatrant, de me sentiat. Spes quoque
est insultatorum istorum importunitatem, quæ hæcenus molli tantum
ratione repulsa fuit, aliquando ita castigatum iri, ut mihi & probis omni-
bus negotium deinceps facessere sint desituri.

§. 39. Ultimo loco producantur quoque adversus me Professo-
res Heidelbergenses. *Nec mirum, inquit, periculosas & inauditas Pusen-
dorffii novitates Theologis orthodoxis vehementer esse invisas.* Periculosas di-
cit novitates, quia si quis illas eo modo attigerit, quo Asinius Tenebrio,
ei maximum infamiæ periculum imminet. *Inauditas* addit. Atqui
quos Indicis autor mihi affinxit errores, obsoleti sunt, & ab Ecclesia
Orthodoxa dudum proscripti, & in omnibus auditoriis Theologicis
exagitati. *Theologis orthodoxis*, ait, per quos intelligit *καὶ ἑξῆς* compila-
torem Lundensis Indicis, quem jam jam repræsentabimus, hominem no-
mine suo obscuriorē, & qui quid probet aut improbet, nemo sanus cicum
interdui; & alterum illum, cui specimen senilis puerilitatis visum, dam-
nare, quæ non legerat aut intellexerat, ac negotio tam infulto barbitii sui
autoritatem, velut tutelare aliquod numen, accommodare. Nam quod
ullus præterea Theologus periculosas in meo libro somniaverit novita-
tes,

tes, nondum audiui; & ne ullas cuiquam deinceps somniare in mentem veniat, hoc scripto efficiam. *Cum jam ante multos annos*, pergit furcifer, *ipsis etiam Calvinianis Professoribus Heidelbergensibus*, tam Theologis, quam Jureconsultis, ut & Cancellario Blumio propter novas rerum formas, fictitios terminos, monstruosa entia moralia &c. valde displicuerit, quem ut Philosophum & Philosophia Professore magis in studio historico, quam in Theologico vel Juridico versatum autumarunt. Usque adeo, bellua, omnem tibi memoriam consumsit mentiendi libido, ut propria tua commenta ipse destrueres? Supra enim Heidelbergæ me Calvinistam egisse ganniebas, id est, talem, qui Theologis istis maxime placere laboravit: nunc iisdem me valde displicuisse nugaris. Etsi revera heic lupum auribus teneam. Si enim dicam, me istis viris non displicuisse, Calvinistam oportebit me esse apud illos, qui summam hanc orthodoxiæ perfectionem arbitrantur, cœlum nolle introire, si Calvinistis quoque eodem aditus pateat. Sin autem agnoscere velim, quæ forcifer blaterat, indignum sane foret candore præstantissimorum virorum amicitiam unquam abnuere. Sed ea de re supra jam dictum. Fui ego plerisque ibi carus, fuerim uni vel alteri invisus. Quid tum? An cuiquam contigit? omnes pariter habere amicos? An non ubique unum vel alterum *piperis granulum* occurrit? Id tamen certum est, neminem toto, quo ibi fui, septennio ullum verbum super ea displicentia ad me fecisse. Nullumne mihi amicum aut inimicum ibi fuisse, qui tanto temporis spatio super tam horribilibus rebus aut me moneret, aut easdem mihi exprobraret? Nam quam atrocia sunt ista, ob quæ Heidelbergensibus displicuisse arguor? *Nova rerum forma*, seu irregulares rerum. formæ, in gratum valde pedanticis palatis ferculum; *fictitii termini*, quia nupero Imperii recessu prohibitum est, nullos amplius novos terminos procudere, & *monstruosa entia moralia*, Equitibus S. Simplicis tantam triumphorum materiam præbitura. Nec isthoc satis. *Autumarunt etiam, cum ut philosophum*, (ut ignominiam ejus vocabuli declaret Asinius Tenebrio, sanæ rationi bellum indixit:) & *philosophia professorem*, (atqui etiam ipsi justitiæ sacerdotes Ulpiano veram, non simulatam philosophiam affectare dicuntur:) *magis versatum in studio historico* (quia jam magno cuiquam Jcto gloriosum scripsisse ad prima juris fundamenta; *Egyptii reges suos partim Ptolomaos, partim Pharaones, partim ARSACIDAS nominarunt*:) *quam in Theologico*, (ad hoc enim do-

cendum me Heidelbergenses evocaverant;) *vel Juridico.* (Quid in hoc studio præstiterim, vel non præstiterim, scripta mea ostendunt. Id tamen non diffiteor, cum anno 1660. à Serenissimo Electore Palatino professio institutionum juris mihi clementissime oblata fuisset, meam recusasse; quod judicarem, non adeo splendidum exserendi ingenii campum esse, si post nongentos nonaginta novem Institutionum Commentarios, ego millesimum adderem.) De *Cancellario Blumio* nil habeo, quod peculiariter addam, quem vix credo agnoscere tale suum de me iudicium. Quicquid tamen ille de me judicaverit, sane uti ego cuique suam in iudicando libertatem relinquere cogor; ita & mihi contra fas est, & de istis iudicibus, & de eorundem iudicio judicare. Neque enim heic quæfitor Minos urnam mover. Audiamus demum conclusionem tam lepidi scripti. *De hisce novitatibus*, inquit (sane in meo libro non natis) *quas unico obolo venales nimis care vendi emique credimus*, (ingenue agit Asinius, qui merci suæ non enorme pretium statuit;) *suotempore prolixius agam*, (nimirum quando à carnifice tergum tibi pro navata hac opera virgis publicæ fuerit conscribillatum.)

§. 40. Coronidis loco addere necessum judicavi illos ipsos articulos Lundenfes, de quibus supra mentionem feci; qui huic negotio non parum lucis afferre possunt; simulque multos, qui in Germania ob istum libellum famosum immerito in suspensionem vocantur, liberabunt. Eorum compilator est *Josua Schuurvart*, *Theologia Doct̃or & Professor in hac Academia*. Qui tamen publico programmatē d. 17. Kal. Jul. heic publice circa mutationem Rectoratus affixo testatur, illos per Alinium Tenebrionem plagio sibi subductos, & aliquot in locis interpolatos, seque inscio typis exscriptos. Verba ad isthanc rem ex dicto programmate hæc sunt. *Homorudus quidam & pravus illa non solum, de quibus esse aliqua dissensio coepit, per apertissimum plagium, tantumque non calumniandi nocendique studio typis nuper divulgare, sed ineptis etiam suis & improbis commentationibus adspersis, infamare omnia sustinuerit; quando ita meum, ut bonorum omnium de isto, est votum illud Pauli ad Galatas, ὁ φιλὸς αὐτὸς ἐστὶν τοῖς ἀγαπῶντες ὑμᾶς! Repræsentabo autem illos articulos de verbo ad verbum, prout illi superiori ætate Illustri vicinæ provinciæ Præsidi fuerunt ab Autore exhibiti. Ex quo adparebit, quid polituræ illis articulis post accerserit, & quam improba metamorphosi illud innoxium ante & erudi-*
tum

tum scriptum in fœdisimum libellum famosum abiecit. Ut hoc exemplo moniti eruditi accuratius sua scrinia obserare discant, ne tam facile ejusmodi Harpyiæ, quæ contactu suo omnia fœdant, eadem diripere queant. Quod enim antea meram ambrosiam spirabat scriptum, postquam in Asini Tenebrionis manus incidit, nil nisi oletum est.

Index præcipuarum Novitarum, quas Dn. Prof. Pufendorfius libro suo de Jure Nat. & Gentium hic apud nos edidit.

De Theologia in genere.

I. Docet, quod in articulos fidei non abeant, quæ propriè ad Jus Naturæ pertinent, idque in præfatione fol. 2. fac. 2. Neque enim si qui ex illis &c. (Ad hunc articulum ego in stricturis extemporaneis ita reposueram: *Per articulos fidei Autor intelligit capita religionis salvifica, ex revelatione divina profluentia, & ad salutem æternam spectantia. Jus autem Natura quod hoc libro traditur, ex lumine rationis cognoscitur, & tranquillitatem hujus vitæ profine habet. Igitur demonstrandum Schvartzio est, articulos fidei esse, qui ex lumine naturæ demonstrari possunt, & non ad salutem æternam, sed ad tranquillitatem hujus vitæ ultimatotendunt, adeoque universam philosophiam moralem & Jurisprudentiam esse articulos fidei. Probet quoque statim articulum fidei fieri, quicquid Theologi quidam sibi tractandum sumunt, etiam dum falcem mittunt in alienam messiem. Adparet puto ratio, quare primogenitum suum jugulaverit ipse Indicis pater. Sicuti primogenito asini, quod ove redimere dominus nolebat, cervicem frangebantur, Exodi. XIII, 13.*

II. Statuit, Civitatem ejusmodi doctrina personare debere, quæ cum fine & usu civitatum congruat; explicatque hoc ipsum non tantum de scientia humana, sed etiam ea, quæ est circa cultum Dei. Sic enim pag. 910. Inde expedit ut publice &c.

De Scriptura Sacra.

I. Quæstionem facti hoc esse docet, de quo non nisi ex divinarum literarum autoritate constare potest: utpote doctrinam de statu integritatis & corruptionis. In præfat. fol. ult. fac. 2. Enimvero præterquam &c.

(Ego reposueram: *Heic nulla esset novitas, si Schvartzius intelligeret, quid sit quæstio facti. Quo audito patrem sua proles parum decere visa fuit, eoque illam exposuit.*)

De

De DEO.

I. Negat Deum naturæ suæ legibus teneri, ut hoc vel illud agere non possit; affirmatque omnia illa, quæ non agere posse dicitur, ex placito non agere, legemque sibi ipsi non nisi ex placito esse, p. 133. §. 3. Quod autem idem quædam &c. confer p. 166. §. 6.

II. Justitiam ad Deum propter similitudinem saltem, talem nempe agendi modum, qualis est in hominibus, applicari, Deoque æquæ, imo etiam minus Deo, quam hominibus competere, pag. 134. Hinc & quando &c. p. 166. §. 6. p. 177. §. 12. istis locis argumentum à minori ad majus ductum videtur, conf. p. 164.

III. Deum non principaliter propter essentiam, sed propter potestatem, voluntatem & beneficia coli. Idque primum implicite p. 79. his verbis: Adcoque legibus obeditur, non principaliter propter rem ipsam, sed propter voluntatem præcipientis. Deinde explicite p. 92. Inde etsi impia sit Epicureorum, &c.

De Homine in statu Integritatis.

I. Docet, illum statum, in quo homo absque ulla cura vel ope ab alio homine accedente consideratur, longe miserrimum esse, ne illo quidem excepto, in quo homo iusta statura ac robore præditus fuit, quum primum existere cepisset, h. e. statum Adam ante Evam, aliosque homines creatos existentis, p. 140. §. 2. Si igitur, &c. (Ad ultima verba hujus articuli ego monueram: *Obiter petit ut Schrvartzius sibi ostendat, quinam sint ille alii homines, præter Adamum & Evam à Deo creati.* Ne igitur Præadamitas videtur introducere velle, ea verba expunxit.)

II. Docet primum ac recentem orbis incolam h. e. Adamum servari non potuisse nisi Deus ipsum necessaria vitæ media adhibere peculiariter docuisset, pag. 140. §. 2. Inde licet de originibus &c.

III. Quod homo prout ex creatione physice perfectus exitit, sine ordine & decore, reluctantem habuerit voluntatem, brutisque ipsis prærior fuerit, quæ causa, quare lex illi superaddita sit, pag. 4. §. 4. Nobis illud jam &c. p. 3. §. 3. Exinde &c. p. 136. §. 5. 6.

IV. Attributa vel Entia moralia originitus homini physice perfecto superaddita saltem, non concreata esse, p. 3. §. 3. 4.

V. Primos homines prout in origine & statu suo primævo se habuerunt, non mortalium tantum nomine appellat, sed tantam etiam illis

imbecillitatem tribuit, ut sine peculiari cura servari non potuissent. Mortalitatē etiam causa genus humanum diversitate sexus, propagandique facultate creatum esse, p. 140. §. 2. Inde licet &c. p. 730. §. 2. Postquam &c.

VL Recentem & solitarium orbis incolam Attonitum, h. e. consternatum stetisse.

(Ad ultimum vocabulum hujus articuli reposueram: *Probet Schvvartzius fundamentalem hunc articulum fidei: quod Adamus quando primum hanc mundi machinam mirabundus adspiciebat, steterit non vel jacuerit vel sederit, Hinc illud stetisse mutatum in fuisse.*)

De Peccato Originis.

I. Entia moralia, eorumque effectus originis etiam considerata, amitti vel deleri pro lubito posse, sine ulla mutatione vel corruptione ejus rei, cujus antea fuerunt, p. 4. §. 4. Ac per eadem ipsi & p. 19. §. 23.

II. Non posse nobis imputari, quæ ex causis extra directionem nostram positis proveniunt, vel vires nostras excedunt, p. 64. porro ut aliqua actio &c. p. 66. §. 8. p. 37. §. 3. nec vitio nobis verti &c.

(Quia responderam, hanc regulam tantum ad forum humanum pertinere, ergo & hic articulus in manus Asinii Tenebrionis non incidit.)

De Peccatis Actualibus.

I. Negat quædam per se citra omnem impositionem honesta vel turpia esse, omnesque actiones hominis, adeoque ipsum furtum, homicidium, & similia natura sua actiones indifferentes esse, p. 23. 26. NB. 27. Hoc enim modo &c. conf. p. 47. p. 14. p. 161. §. 4.

II. Quod cæli solique genius, & humorum in corporibus temperatura voluntatem hominis ad peccata vergere faciat, p. 33. Inter illa igitur &c.

(Hic reposueram: *Autor non dicit cæli solique genium disponere homines ad peccata, sed ad certum genus actionis: Hoc ipsum autem qui credere non potest, parum sese peregrinatum fatetur.* Hæc causa fuit, cur articulus hic in cunis elideretur. Nam Schvvartzius per integrum octiduum Parisiis fuit; & in Hollandia cum crumenifecis ludens viaticum amisit.)

III. Peccatum alienum ex æqui peccatum non esse, p. 1028. 1029.

De libero Arbitrio.

I. In ipsa facultate apprehensiva & judicio naturalem inesse rectitudinem, vel intellectum hominis naturaliter esse rectum p. 37. §. 3. p. 72. Nam id utique &c.

II. Omnibus suis affectibus vel passionibus imperare hominem posse, verbis Cartesii, quæ sua facit, statuit, p. 55. Illud instituto nostro &c.

De lege Naturæ.

I. Genuinum, sufficiens & adequatum principium cognoscendi legem Naturæ esse socialitatem, p. 181. §. 14. p. 183. §. 15. NB. p. 188. §. 19.

II. Legem naturæ insitum quendam vel connatum habitum esse negat, primum quidem implicite toties, quoties entia moralia naturæ perfectæ superaddita saltem vel superimposita esse statuit, item quoties discrimen honestorum aut turpium ex informatione, assuetudine & discursu esse docet, id quod potissimum pag. 179. 180. 190. facit. Deinde explicite p. 178. §. 13. Quam ad rem &c. adde p. 19. Nunquam enim.

III. Essentialem Dei justitiam prototypum vel fundamentum Juris naturalis esse negat, p. 163. §. 5:

IV. Negat igitur Legem Naturæ esse æternam, p. 25. §. 6. & sane p. 23. Ex quibus adparet.

V. Entia moralia omnia, adeoque etiam leges naturæ, mutabilia esse docet, p. 19. §. 23.

VI. Principium essendi vel fundamentum Legis Naturæ socialitatem esse docet, vel Naturam, quatenus à Creatore socialis facta est, idque statim in præfat. fol. ult. Cæterum id quoque monere visum, &c. Quid porro planius est, quam hoc.

VII. Plures uxores quam unam domum duxisse, contra jus naturæ, quod materialiter decalogus est, non esse. p. 776. §. 16. Sic 2. Samuel. XII. 8. Add. p. 778. §. 17. 782. §. 19.

De Decalogo.

I. Decem præcepta, prout duabus tabulis inscripta, & per Moysen populo Israelitico promulgata fuerunt, civiles leges ejus populi fuisse, p. 1025. §. 4. Quando tamen.

II. Nudam illam & universalem cognationem, quæ ex similitudine naturæ resultat, causam vel fundamentum esse, propter quod homo hominem diligit, p. 6. §. 7. In ordine autem &c. p. 187. §. 18. Nam revera.

III. Dictum Salvatoris, quo jubemur proximum nostrum dili-

gere, sicut nos ipsos, explicandum esse non tam de gradu dilectionis quam de ejusdem sinceritate, p. 226.

IV. Valde dubium esse, an in vafor aliquis sub proximi nomine venire possit, ibid. p. 226.

(Hic regefferam: Si Schvartzius probaverit ex Luce X, 36. 37. latrones viatoris istius seminecui proximos fuisse: Autor quoque credit, ipsum & socios bonorum virorum officio functos, dum eum tanquam haeticum infamare instituunt. Credo posthac matrem suam conterruit infans.)

V. Neminem sibi ipsi obligatum esse, nisi respectu socialitatis, quo respectu etiam homo Dei servus, p. 86. & praefat. fol. ult. fac. 1. Dantur sane & c.

VI. Nullam esse morum honestatem & innocentiam ubique & extra societatem servandam, seu citra reflexionem ad alios homines in praef. fol. ult. fac. 1.

VII. In naturali statu neminem altero superiorem esse, cujus arbitrio suam voluntatem, suumque judicium submittat, p. 143. 763.

De Matrimonio.

I. Quicquid juris habet mas in faminam, ex ipsius consensu habere, pag. 763.

(Ego regefferam: Addet tanquam ex causa secunda & proxima, quare restrictio extat, pag. 770. lin. 15. Et sic iste embryo vitalis esse desit.)

De Magistratu Politico.

I. Imperium Magistratus in subditos ex pactis, Deumque causam saltem ad probantem, h. e. moralem esse, p. 897. 898. 899. 900. 902.

(Hic reposueram: Sine dubio ad finem properanti Schvartzio somnus obrepit, quando istum articulum fidei excerpfit. Nam expresse Autor p. 899. sententiam Grotii rejicit, quasi Deus ex postfacto tantum civile imperium adprobaverit: & antecederet Deum id introduci voluisse asserit. Præterea eo loco de causa proxima & secunda imperii civilis agit. Inde probabile est, somno discusso à matre proli manus illatas; ne per Aginium Tenebrionem pars libelli famosi fieret.)

II. Principi injuriam inferenti, si evitandi locus non sit, vi occurrere posse, p. 1004. 1006. 1007.

De Ministerio Ecclesiastico.

I. Si minister suo jure, seorsim sibi competente, h. e. ita ut hoc jus non

non

non dependeat à magistratu, agat, dominium mundanum contra magistratum sibi sumere, p. 913. Denique penes &c.

(Ego reponebam: *Cautius ut animum suum in principes Schvartzius obtegat, suadet Autor. Interim ubi Schvartzius distincte explicaverit, quousque illud jus ministrus seorsim competens extentat, Autor ab illis, qui ipsius librum adprobarunt, percunctabitur, quid ad hunc articulum sit respondendum.* Hoc audito Schvartzius abortum fecit. Et inde est, quod Index iste, capite & cauda truncatus in nefarii plagiarii manus incidit.

Haecenus Lundenfis Index Novitatum.

Ut puto ita depexum dedit Asinium Tenebrionem, ut cuius in proclivi sit futurum judicare quo loco & Index Novitatum, & ejus autor editorque sit habendus. Sed & illud quivis cordatus agnosceret, ex inevitabili necessitate ad exstimationis meae defensionem isthaec mihi fuisse publicanda. De cetero quid praemii mereantur, qui tam fædo exemplo grassantur in famam bonorum virorum, & qui pro modulo ingenii Spartam, quam sortiti sunt, ornare laborant, magistratui curæ erit; cujus autoritas ne à civibus suis ludibrio habeatur, ipsius quam maxime interest.



SAMUELIS PUFENDORFII EPISTOLA

AD

*Plur. Reverendum atque Celeberrimum Virum DN.
D. JOH. ADAMUM SCHERZERUM, Theologum
apud Lipsienses Primarium, Super censura qua-
piam in librum suum inique lata.*

Plurimum Reverende, atque Celeberrime Vir,



Ntiqua est ista eruditorum sors, qui prius inventis aliquid addere, aut polituram adhibere sunt aggressi, ut primum fere hunc laboris sui fructum percipiant, varia variorum judicia incurrere; ac

eiusdem iniquitatem ulterius diffinilem. Præsertim cum apud imperitos tam speciosa nomina à malevolis magna cum ambitione jactentur, velut quibus ipsorum causa immane quantum sublevetur. Quod autem isthoc scriptiois ad Te potissimum, *Vir Celeberrime*, dirigam, eius ratio inferius satis adparebit. Visum est enim jam una fidelia duos parietes dealbare, & ad maledicum *Vigilis* libellum pauca quædam reponere, ut agnoscas quam turpe Tibi sit futurum, si ab istorum partibus stare videaris, qui ruditatem & malitiam suam tam impudenter aplicantur.

Præter Sycophantias igitur & maledicta; quæ impuro scripto passim spargit *Vigil*, tria sibi præcipue agenda sumit, unum est, ut iniquitatem in *jus naturæ* me admisisse arguat, quod retorsionem ipsi impegerim ob attributum Fratri meo aut mihi *Sinceræ Warendbergii de divortio dialogum*. Heic si quid efficere volebat *Vigil*, probandum erat, vel plane id scripti à se nobis non fuisse tributum, vel vere tributum. Horum cum neutrum præstare possit, nugas tamen agere mavult, quam delictum suum agnoscere. Ac sane nulla erat causa, quæ *Vigili* necessitatem imponebat jejuni illud scriptum emittendi. Horribile mendacium est, in *Suecia* controversiam agitari super *caelestium monogamiarum præcepto*; *triviales ibi discursus in congressibus publicis ac conviviiis solennioribus* ea super re frequentari. Sane illis qui in *Suecia* habitant: de hoc nihil auditum fuit. Neque *Dn. D. Menzeri* epistola tale quid tradit. Non enim, si unus vir super epulis, incertum serio, an ingenij exercendi, vel in formationis petendæ causa cum erudito viro quid disseruerit, id statim trivialis & publica erit controversia, ut non solum fato hujus Regni sit indolescendum, sed & vicinis à contagio periculum immincat. Et quidem ut *Vigil* potissimum ingruenti malo obviam ire debuerit, cui potius incumberebatur auditores suos monere, ut probæ notæ cerevisiam coquant. Sane enim si quid heic in moribus aut dogmatibus labet, non deerunt idonei emendandi autores: nec unquam eo nobiscum res redibit, ut Præfulis Garlebiensis opera Ecclesiæ nostræ indigeant. Ut ut non sine fastu crepet, se à DEO non ita uni Ecclesiæ destinatum, ut non totius etiam salutem quærere debeat. Nam valde dubito, an Pontifex Romanus Præfulem Garlebiensem æquo animo collegam sit admittiturus. Quid porro opus erat *Vigili* scripto, cum jam dialogus iste à *Dn. D. Menzero*, quem ea res propius spectabat, abunde esset confutatus? Cujus tamen æmulum se ferre per-

mode-

modestiam abnuvit, dum ait: *ab initio se sibi potius quam aliis scripsisse*. Cre-
das graves stimulos carnis sensisse hominem, ut ægre à pluribus uxoribus
ducendis abstinere se potuerit, nisi demum emphasin phraseos, & erunt
duo in carne una, sibi ad nauseam inculcaret, ardoribusque suis ab aquis
diluvij, & igne Sodomorum, syllogismisq; in forma propositis medicinā
peteret. Sed si tanta scribendi libidine miser ægrescebat, cur Pufendorf-
sium nomen vellicandum sibi sumebat? Curnon *Dn. D. Menzeri* pru-
dentiam imitabatur, qui rem ipsam tractasse contentus, de autore parum
solicitus est? *Fama publica*, inquit, *susurrabat*, *Pufendorsum esse autorem*
trivialis discursus in Suecia de polygamia divinitus non interdicta. Ast ante-
quam *susurrus* fidem adhiberet præsul, evoluisse debuerat illud *Siracidis*
XIX, 15. Quin ipse *Vigil* agnoscit, à me non potuisse Holmiæ discursus
disseminari, qui in Scaania dego, in quam eo tempore vix biennium erat
cum adpulissem. Fratrem autem meum ejus *opinionis autorem & pro-*
fessorem fuisse, effrons plane commentum erat: quem constat proximis
novem annis apud exteros perpetuis legationibus detentum, hoc spatio
non nisi semel paucos per menses Holmiā invisisse. Quod ipsum æ-
que facile nosci poterat, quam quo munere is quondam in Suecia fun-
ctus esset. Nil ergo habet, quod indignetur *Vigil*, si ad famam nostram
vindictandam retorsione in ipsum usus sum. Cur enim remedium juris
communis nobis solis non pateat? Neque vero in ea retorsione dictum
quid est, quod leges non permittunt. Nam ad ipsum solus §. 3. *Apologie*
spectat. Et quod *Vigil* in Asinij Tenebrionis elogia involare velle vi-
deretur, id si vel maxime ego non invidiam, ipse tamen Asinius intercedet,
qui per ista martyrum se coronam meritum arbitratur. Frustra porro
ad famam *Vigil* provocat, cujus falsitas facillime deprehendi poterat; &
quæ nondum inveterata, aut longo meo silentio confirmata erat. Fre-
quens autem est; ut ubi plures de aliquo sinistri quid sparserint, ille tali-
trum accipiat, qui primus id publice spargere ausus est. Ergo caveat
deinceps *Vigil* nasum suum ante primum agmen protendere. Ridicu-
lum autem est, quod scribit, me debuisse *scandalum*, quod *Warenbergii scri-*
pto Ecclesiæ obvenerat, tollere. Nimirum quia jam scandalum dat is, de quo
mendacia sparguntur, non is qui mentitur. Sed nec dignitas sua *Vigilem*
rurum præstabat, quo minus retorsionem audiret. Non enim credit
Pufendorsius, Præsulatum Garlebiensem id habere fastigii, ut injurias in-
de

de profectis tacite degutire debeat. Intentio pia, quam jactat, excusare *Vigilem* potuisset, si privatim scripta epistola me monuisset. Sed non publice fama nostra lædatur, defensio nobis patet etiam adversus stolidæ credulum, aut inconsultæ pietatis specimen edere parantem. Quin si *Vigil* aliquem ex suis cerevisiæ coctoribus, famæ mendacio deceptus, gravis cujusdam facinoris pro suggestu nominatenus arguisset, injuriarum postulari poterat. Et mihi vitio vertetur, si in conspectu Orbis eruditi scriptum uti vocat *atheum venenatum & perniciosum* falso impingenti retorsionem opposuero? Nisi forte negare velit, se unquam id scriptum mihi attribuisse; sed tantum illi, qui mihi alter ego sit. Atqui ipse faretur, in sua *scriptione ex publica fama Pusendorffiorum nomen menti observasse*, (quæ ipsius est latinitas.) & suum scriptum forte *Beslivianum fortunam habuisse*. Ergo vel meo nomine, vel ejus, qui mihi alter idem est, retorsionem cape. Quis denique credat, sensum communem illi homini inesse, qui me jubet *illam calumniam, illudque mendacium ea, quæ par est, evidentia probare*? Adparet Garlebiæ incognitum esse, quod actori probatio incumbat. Quanto satius ergo fuerat *Vigili* agrotos imitari, qui amaras pilulas non diu intra dentes revolvunt, sed confestim deglutiunt. Nam haberebit jure impacta ipsi retorsio, quousque ingenue injuriam suam agnoverit.

Alteram partem scripti defensio Asinii Tenebrionis occupat; de qua velideo non magnifice sperare possumus; quod ipse clientem suum ignorat. *Plurima dixit in levum conversus; at illi dextra jacebat Bellua*. Sane enim quem tam suavi fratris & socii vocabulo compellat Asinium *Vigil*, ne pilum quidem Theologi habet: sed *Virisque Juris Doctor* est. Jctus inquam est, qui *Indicem Novitatum* ipse veterator jam perpetuis damnatum tenebris denuo protraxit, & nefariis modis interpolatum edidit curavit. Hoc igitur parente iste foetus, à primis suis genitoribus abdicatus, deinceps censetur. Nec ullum unquam sani scincipitis Theologum tam absurda ambitio vexabit, ut isthanc deformem prolem sibi velit vindicare. Et quia tanta rerum novarum prurigine laborat Præsul Garlebiensis, quædam circa hoc negotium ipsi antehac ignota pandam, Clientis igitur ipsius vocatur Nicolaus Beckmannus *Heida Holsatus* J. U. D. & in *Academia Carolina* Ex professor; qui & antea edita *medulla Justiniana*, & *Commentario ad prima Juris fundamenta* suam in excubendis libris solertiam

tiam satis ostendit. Huic viro regentium Indicem Novitatum orbis debet. Quam tamen operam non gratis insumsit. Nam & ipse judiciali sententia infami relegatione est damnatus, & *Index Novitatum* manu carnificis comburendus insigne lumen auctori faverabit. Dignum ergo jam adparet patella operculum Asinii clientis patronus *Vigil*. Quem quod asinum subinde & furciferum salutaverim, mitius irascetur *Vigil*, si ingenii mei simplicitatem cogitare velit, quod scapham, scapham & ficum ficum vocare amat. Sed & illud mali advocati specimen exhibet *Vigil*, quod si vel maxime daremus, ipsius clientem ex sacro esse ordine, ejus causam turpi prævaricatione destituat. Si enim agere quid volebat, macilentus iste Judex in justum systema inaudita ejusdã Theologia erat redigendus. Aut si hoc specimen calumniæ ingenium ipsius superabat, saltẽ ab impudentia subsidium erat perendum, & importune clamandum, illos errores utique in meo libro adstrui. Quorum cum neutrum faciat, sed nil nisi *Atlantem ipsi incumbentem*, ac intemperiem Zeli crepet, & pauculas propositiones philosophicas imperite vellicet, videri potest virum istum non obscure arguere, quasi per inscitiam aut præcipitantiam circa horrendos errores tumultum moverit, quibuspiam nunc adparent. Sed & videtur novus iste causidicus quasdam sententias ponere, quas nescio an omnes citra granum salis sint admitturi. Veluti quod de censura Theologorum in disciplinas rationi subiectas jactat. Sane enim peculiaris disciplina est Theologia, tum ab aliis scientiis, tum ab ipso quoque jure naturali distincta. Licet enim Theologia moralis plurima inculcet præcepta, quæ & ipsa jus naturale tradit: hujus tamen, non illius, disciplinæ est, eorundem necessitatem ex ratione demonstrare. Unde sane nihil repugnat, dari Theologum, articulorum fidei Christianæ gnarum, sed qui in aliis scientiis sit plane hospes. Hinc sane impudenter censuram sibi arrogabit in ea, quæ nondidicit. Quod si autem quis cum Theologia alias quoque disciplinas se conjunxisse gloriatur, illi tamen nec alia via in hisce addiscendis, quam ceteri, progressus esset, nec ideo quod Theologus audit, peculiare quasdam inspirationes sensit, cum & ipsa Theologia non alia jam ratione quam ceteræ disciplinæ addiscantur. Unde si circa alias disciplinas moliri quid velit Theologus, non pro imperio, sed rationibus rem geret, & ex principiis cuique disciplinæ peculiaribus; nisi ea principia falsa esse demonstrare possit. Tum si quid à recentioribus

bus tradatur, quod in ipsius dictatis & collegiis manuscriptis non invenitur, non statim hæresin & atheismū proclamet; sed num illud revera ita se habeat examinet. Deniq; si imperite procedat, non minus eruditus ludibriū se credat debere, quam si aliū ratio fugiat, præsertim si cum ignorantia fastu aut pertinaciam conjunxerit. Ubi porro summis civitatum Rectoribus ipsorum Theologorum scripta sub suam censuram revocandi jus est, quo obtentu isti in aliarum scientiarum doctores dictaturam exercebunt, nisi quatenus sibi ab istis peculiariter sit delegatum? Præterea nisi Theologos supra communes leges ponere vellet *Vigil*, non erat, quare tam indignum facinus clamitaret, si cujuscpiam sacerdotis injuria & vesania ab aliis fortiter repellatur. Equidem merito prudentes rixas cum sacerdotibus vitare monent. Sed si ipsi ultro in nos irruant, num cervices nostros pedibus eorum calcandas prosternemus? Aut si unus vel alter Ecclesiæ minister hostili in nos animo feratur, num ideo cæteris minus amicis uti nobis licebit? Sane enim ut & ipsi inter se capitalibus odiis dissideant, nihil novi est. Quæ insuper *Vigil* de persecutione philosophiæ Cartesianæ gannit, me non tangunt. Non enim, quia sacerdotes in *munitissima* Helvetia eam ex scholis suis exturbarunt, ideo acutem tetigerunt, qui Judicem Novitatum architectati sunt. Et dubito an quicquid ubique est eruditorum Helvetiis sit assurrecturum. Sane mea sententia præstabat inquirere, num ea philosophia cum rerum natura congrueret, quam quousque illa à vulgaris scholarum dogmatibus discedat. Novum quod si dogma, an vetus, modo verum, nihil interest. Et si veritas nova fuerit eruta, non difficile erit eandem cum antiquis veritatibus conciliare. Manceat porro usus, tollatur abusus; abs quo ne vulgata quidem philosophia immunis est. Et fallor an plerique non tam pro veritate pugnant, quam ne nova philosophia introducta ipsi in tironum classem rejiciantur. Sed, quid Cartesio fiat, ejus sectatores viderint. Denique nec id operæ, quod ego in falsis Hobbesii sententiis destruendis colloca- vi, ideo minoris est, quia *Richardus Cumberlandus* eodē anno in diversa regione in eundem arma movit. Ergo hætenus nihil attulit *Vigil*, quo clientis sui causa sublevaretur; nisi forte in eo sibi vehementer placet, quod sacra dictatam profane adplicare calluerit, aut protritum illud Zeli pallium tam putide jactet, quod nunquam non velando sacerdotum futuri inservit.

Ad extremum tamen non vulgaris caudicina specimen exhibet *Vigil*, dum saltem sibi comparatum Asinium probum atque eruditum virum haberi debere pertendit. Et sane si considero, qua via *Vigil* suam in eruendo naturali jure felicitatem voluerit ostentare, jam Asinius sublimi vertice sidera ferire videtur. Ac primo quidem carpit, quod socialitatem (non *adpetitum socialitatis*) constituerim fundamentum legis naturalis. Per fundamentum ego intelligo primariam propositionem in disciplina juris naturalis, extructam ex observationibus à natura rerum & hominum petitis, sub qua ceteræ propositiones facile possint subsumi & in eandem resolvi. Eodem sensu, quo in Sacris Literis dilectio summa legis dicitur. Sicuti & ea sententia Platoni, Aristoteli, ac cumprimis Stoicis est familiarissima; ac fundamente *Hobbesii* de conservatione sui ipsius præcipue opponitur, quod & ipse *Cumberlandius* mecum oppugnat. Unde neq; socialitas natura humana prior constituitur, neque ab hac via jus naturale inquirendi ratio, & quicquid luminis homini post lapsum adhuc superest, excluditur; uti *Vigil* sibi persuadet. Ea porro socialitas non in illis tantum terminatur, qui peculiari nobiscum societate juncti sunt, sed ad omnes omnino homines porrigitur. Et leges universalis istius socialitatis quarumvis particularium societatis leges antecedunt, iisque limitationem & exceptionem addunt. Id quod ex *Operis* mei p. 185. 186. & L. II. c. 1. ac passim adparet. Ut nullus plane locus sit *passimis* illis consequentiis, quas *Vigil* nectit; quibus jam à me occursum est. L. 2. c. 3. §. 10. 11. Quin & iisdem consequentiis Salvatoris nostri sententia de dilectione proximi obnoxia est, si Garlebiensis ratiocinatio valer. Sic illud quantam malitiam arguit, quod *Vigil* hæcce verba nostra calumniatur: *religio quatenus ad disciplinam juris naturalis pertinet, intra sphaeram hujus vite terminatur*: quæ latius explicantur in *libello nostro de Officiis* l. 1. c. 4. §. 8. 9. Ergo ni fallor Garlebia nova jam religio surgit, quæ citra operam Salvatoris nostri ex sola illa notitia circa cultum Dei, quam in hac conditione ex rationis lumine haurimus, salutem æternam confert. Habent Garlaæ coctores, quod sibi de tali præfule gratulentur. Pari rabie carpitur dictum, jam Asinii supercilio notatum: *Expedit ut publice civitas ejusmodi doctrinis personet, quæ cum fine & usu civitatum congruunt, simulque animi civium à puero istis imbuantur*. Quæ sententia ex l. 7. c. 4. §. 8. desunita de directione duntaxat doctrinarum, quæ ex lumine rationis profluunt, ac

præcipue moralis philosophiæ & juris naturalis, agit. Nam de potestate summorum imperantium circa sacra Christiana tractare consulto abstinui, nec id ratio operis mei ferebat. Cæterum quo minus ego deinceps quoque ita doceam, neque Jesuitæ, neque Anabaptistæ; neque Millenarii, neque Quackeri, neque universa Fanaticorum cohors, neque Asinius Tenebrio, neque *Vigil* me prohibebunt; qui omnes heic amice conspirant, & facultatē turbas in republ. movendi hoc dogmate subtrahi indignantur. Nam quod aliqui afferunt dictum *Matth. x. 34. 35.* id quale sit, etiam pueri vident. Nisi forte isti homines in Sacra Biblia Indicem Expurgatoriū moliantur, in quo primo omnium Salvatoris nostri elogium. *Princeps pacis* expungatur; tum præterea virtutes, caritatis, veritatis, humanitatis, mansuetudinis, humilitatis, patientiæ, facilitatis, ad condonandas offensas, & similes, quæ ad pacem alendam faciunt, longe exesse jubeantur; & in eorū locum Christianis commendetur odiū proximi, superbia, morositas, turbulentia, ardor vindictæ, pertinacia, libido calumniandi, & similes, quæ fini & usui civitatum, *Vigili* & sociis tantopere inviso, quam maxime repugnant. Nec dubium est, quin tunc *Vigil* cum suo cliente illustre Christiani orbis lumen sit fururus.

Denique circa quæstionem de origine moralitatis in actionibus humanis nil nisi nugas & virus eructat *Vigil*. Eum moralitatem antecederet ad voluntatem Dei se habere absque sensu dicitur. Cum enim Deus liberrima voluntate creavit hominem, id est, animal rationale ac sociale; quomodo voluntas Dei excludi inde queat, quod eidem obligatio observandi legem naturalem sit injuncta? Si ad totum subjectum producendum voluntas Dei concurrat, cur eadem à præcipua istius affectione removeretur? Sic quando dicitur: ea de quibus lex naturæ disponit, *per se* sunt honesta aut turpia: istud *per se* opponendum est dispositioni legislatorum humanorum; nequaquam autem vel dispositioni Creatoris, qui legis naturæ auctor est, vel congruentiæ aut aberrationi istorum actuum à natura hominis rationali ac sociali, ex qua lex naturalis intelligitur. Ac fateor me non ita esse perspicacem, ut videam, quod periculum rebus humanis immineat, si dicatur; Deum eo ipso dum hominem creat, animamque eidem inspirat, simul eidem legem naturalem tulisse & insinuas- se; cui qui congruunt actus honesti, qui non congruunt turpes sint. Sic & (ut obiter hoc addam,) ille *Professor Ienensis*, qui nuper eandem quæ-

tionem ventilandam sibi sumsit, non multum à *Vigile* abit; dum absurdas aliquot propositiones mihi de suo affingit, & mox postquam propria figmenta operose destruxit, vacuo sibi ipse plausus theatro dat, v.g. Hæc erant mea verba: *Postquam Deus destinasset creare hominem animal rationale ac sociale, non poterat non lex naturalis ipsi congruere non ex necessitate absoluta, sed hypothetica.* Si enim IS (in hac vocula mirifice se jactat,) ad contraria officia fuisset adstrictus, non sociale animal, sed alia feri & horridi species animantis fuisset producta. Ex hisce verbis Ille fingit, me respondisse, hominem dupliciter spectari posse, 1. ut DEUS eum destinavit creare animal rationale ac sociale, 2. ut DEUS eum potuisset ferum & horridum animal producere. Item: postquam Deus decreverat creare hominem, in liberrimo Dei beneplacito fuisse, qualem naturam homini voluerit assignare, num animalis, rationalis ac socialis, an naturam animalis horridi & feri. Item: DEVS potuit creare hominem, & potuit velle creare, ut tamen in beneplacito ipsius adhuc fuerit, qualem naturam homini vellet assignare, num animalis rationalis ac socialis, an feri & horridi. Felicia ingenia, quæ somniare possunt, quod volunt! Quid istis faciemus, qui ex tam plana sententia ejusmodi monstra comminiscuntur? Sane enim uno eodemque decreto Deus constituit cæteris eminentius animal creare, idemque facere rationale ac sociale, cui animali vocabulum hominis inditum: nequaquam autem primo quidem decrevit creare hominem, & post interpositam deliberationem de forma ipsi assignanda constituit. Unde postquam Deus isti animali hanc formam attribuit, non potest non eadem isti competere, hoc quippe sensu essentia rebus necessario convenire, & æternæ dicuntur, quia quam formam Creator illis dedit, eam non possunt non habere; & si quis diversam formam rei alicui velit assignere, non illam ipsam rem, sed diversam concipiet. Unde si quis per superfluam curiositatem quærat: Quid si Deus creasset animal, forma externa hominem, qualis nunc est, referens, quod & ipsum tantisper hominem vocabimus; sed ut idem non foret rationale ac sociale? Ei respondemus, istud animal non futurum verum hominem, qui animal sociabile est, sed aliud ferum & horridum animal, non obstante externa figura inter bruta referendum. Igitur vocula IS d. l. non norat mihi verum hominem, quales nos sumus, sed id animal, quod superflua quæstionis gratia tantisper fingitur. Neque vero ejusmodi locutio plane insolita, aut inaudita est; sed ubicunque similes quæstiones proponuntur, responsio aliter concipi nequit.

nequit. Sufficiat unum exemplum adduxisse. Ponamus constare de diversa natura scarabæi, & grylli campestris seu cicadæ. Ponamus moveri hanc quæstionem; num ex gryllo campestri potuerit fieri scarabæus? Respondeo, minime; quia si IS, qui jam ita petulca & obstrepera est indole, tetricam & inficetam scarabæi naturam sortitus fuisset, non amplius gryllus campestris foret, sed purus putus scarabæus, pomis volendis unice occupatus. Plura addere nihil attinet. Neque enim operosam responsionem istæ naniæ merentur. Sed nec *Vigilem*, qui in furias plane abit, amplius morabor, postquam hoc duntaxat addidero; ne si clamando rumpatur, ipsum heic vesaniæ suæ socios invenrurum. Nam & ejus similes heic Anticyras navigare jubentur; neque moris apud nos est, innocentes viros rabiosorum hominum seditiosis clamoribus ad supplicium dedere. Hoc unicum tamen *Vigil* sua descriptione est consecutus, quod nemo unquam ipsum *canem mutum* sit adpellaturus, (à quo convicio mirum quantum abhorret.) Nam quantum latratu valeat, non amplius puto obscurum est. * * *

APPENDIX.

QUoniam animadverto nonnullis circa doctrinam nostram de *Origine Moralitatis in actionibus humanis*, de quibus solis disquirere nobis propositum fuit, scrupulum hæcere, nonneminem quoque inficetis clamoribus eandem impugnatum ire; visum est hoc loco mentem denuo quanta fieri potest perspicuitate exponere, si forte quibusdam hominibus pudor incuti possit. Primo omnium, igitur distinguimus inter id, quod in actione humana est physicum, & quod in eadem est morale. Physicum istud, seu actionem hominis quatenus præcise consideratur ut motus alicujus facultatis naturalis, abstractendo à rectitudine & pravitate, dicimus esse moraliter indifferentem, id est, neque bonam neque malam. Id quod omnes Theologi agnoscunt, quando circa peccatum distinguunt inter motum physicum, & *actum*, & hanc soli homini tribuunt, ad illum autem Deum tanquam conservatorem naturæ insigne docent; quod citra blasphemiam asseri non posset, ni motus iste physicus moraliter foret indifferens. Et res ita manifestæ est, ut nemini sano dubium heic oriri queat. Cum enim deatur actio-

actiones, in quibus motus physicus plane unus est & idem, quæ tamen moraliter sunt diversissimæ, & unæ in bonarum aut licitarum, altera in malarum classe locum sortiatur; necessum sane est, ut motus ille physicus sese ad bonitatem & malitiam indifferenter habeat. Sic occidit hominem latro, carnifex, miles, occidit alius defendendæ adversus vim suæ vitæ. Latronis actio scelus est; cæterorum factum bonum, aut saltem licitum. Igitur actus physicus in eadē est utrique aliquid indifferens. Et sicin cæteris.

Deinde distinguimus inter vocabula & phrasēs, quæ nudum motum physicum notant, & quæ integram actionem moralem, seu motum physicum moralitate junctum exprimunt. Ad priorem classem pertinet v.g. colere, honorare, opus facere seu laborare, homini vitam eripere, concumbere, rem loco movere, loqui, cupere, edere, bibere, & similia. Eorum autem, quæ ad alteram classem pertinent, plenum indicem texere operosum juxta foret, atque supervacuum, cum nemo sit tam stupidus, quin intelligat, actiones morales bonas aut licitas esse, v.g. Deum colere, honorare parentes, Reges, opus facere suæ vocationis & recto tempore, fontes punire, fortiter se gerere in bello justo, uxori suæ cohabitare, rem suam alienare, loqui veritatem, cupere virtutem, edere & bibere moderate, &c. contra morales actiones malas esse, colere diabolum, aut idola, sagrægere circa aliena, opus facere die sabbati, homicidium, latrocinium committere, scortari, adulterium, incestum patrare, furari, mentiri, calumniari, cupere uxorem alterius, edere, bibere immoderate &c. Quæ cum ita plana & perspicua sint, mirum est, tantam vel calumniandi rabiem in ullum mortaliū posse cadere, ut clamare non erubescat, *adulterium, homicidium, furtum à me pro actionibus indifferentibus haberi.*

Quod si autem ulterius investigemus in quoniam consistat actionis humanæ moralitas, seu quidnam sit illud, per quod motus physicus indolem actionis moralis induat; deprehendimus id nihil aliud esse, quam quod ista à principio libero ut tali procedat, cui tamen insit necessitas quædam intrinseca seu obligatio, actionem certo modo & ad certam normam dirigendi. Ea directio ubi ab agente debito modo facta fuerit, sic ut actio examussim ad normam congruat, ea bona & honesta vocatur; ubi à norma aberratum fuerit, mala & turpis audit. Si enim pecca-

peccatum seu mala actio est *ἀνομία*; etiam bona actio erit aliquid legi seu normæ congruens.

Cum porro in homine præter obligationes, quæ ex imperio aliorum hominum proveniunt, circa factum quoque humanum obligatio ad certas actiones suscipiendas aut omittendas deprehendatur; circa investigandam hujus originem ultimo demum ad DEUM O. M. tanquam conditorem generis humani recurrendum nobis videtur. Huic enim cum pro immensa sua bonitate & sapientia placuisset hunc orbem terrarum non à solis brutis incolis, sed etiam abs tali creatura, quæ ipsum agnosceret, coleretque ac certo inter se more viveret; inde istam creaturam idoneis ad hunc finem dotibus instruxit, regendisque actionibus obligationem legemque præscripsit. Neque enim ullo modo nobis videtur congruere, ut hæc obligatio ex alio fonte, quam ipse homo, derivetur. Sed qui conditor est humani generis, autor quoque obligationis in homine, legisque naturalis habetur, & qui hominem erectos ad sidera vultus gerere iussit, idem quoque data ipsi lege effecit, ut non omnes actiones huic forent indifferentes. Ubi tamen non est cogitandum, distincta per decreta Deum constituisse primo creare hominem, ac velut ex intervallo, & præmissa nova deliberatione, idem rationalis ac socialis, an vero animal irrationale ac infociabile sit futurus, sociale esse demum iussisse, ut tamen eundem infociabilem quoque potuerit creare & ex legem. Nam hoc modo per summam absurditatem Deus sibi ipsi repugnare fingeretur. Cæterum uti omnes fatentur, Deum ex liberrimo beneplacito Universum hoc condidisse; ita & eidem acceptum refert homo, quod à Deo conditus sit. Et quia nullum principium extra Deum statui potest, quod ipsi formas rerum suggererit: inde uti quælibet creatura à Deo habet quod sit, ita & ab eodem habet, quod talis condita sit. Adcoque in homine obligatio ad observandam legem, & ipsa lex, & quod istius actiones certas inde affectiones possunt fortiri, non ex diverso principio debent derivari, quam ex beneplacito Dei, cum sapientia & bonitate summa conjuncto. Sic ut quicquid est necessitatis in homine ad moderandas certo modo suas actiones, & quicquid in ipsis actionibus est habitudinis, juxtaquam ad legem componi queat, ultra creationem non sit retrahendum, abs qua divina voluntas nequaquam excludi potest. Neque tamen eo minus & obligationi hominis & legi inconcussa stat firmitas.

M

Non

Non enim Dei voluntas ita vaga & desultoria cogitanda est, sicut hominum in diversa & sæpe sibi repugnantia volubilis animus; sed ad quem finem semel eadem sese determinavit, ad eum assequendum pro ipsius sapientia & bonitate constituta media non minore, quam ipse finis, firmitate gaudent. Istam ergo sententiam, scriptis nostris sat perspicue propositam, oppugnare aperta via instituit *Valentinus Veltthemius* Professor Jenensis. Cui quidem si ad hanc disceptationem vel ingenij quid & eruditionis, vel saltem candorem attulisset viro honesto dignum, ultro gratias agerem, quod occasionem præberet tam nobili quæstioni illustrandæ. Sed cum eundem audiam diris clamoribus & calumniis in tam celebri loco meæ famæ insultare, non mirabitur, si talis à me habeatur, qualem sese exhibet; qui scilicet in sola stentorea voce, & impudentia omne suum præsidium collocat, securus existimationis, quam nullam habet. Istæ igitur voluntatem Dei ab origine obligationis in homine, legisque naturalis humanæ, nec non moralitatis in actionibus humanis exturbare omnibus viribus connititur, & contra tanquam lapidem angularem omnis naturalis ponit hanc sententiam; *dantur actus PER SE honesti actus per se.*

Ut igitur hæc lis super vocula *per se* ordine disceptetur, primo omnium videndum est, cuinam rei ista opponatur. Si enim hæc propositio accipitur ex mente Aristotelis, qui τὸ δίκαιον φυσικὸν opponit legibus civilibus & positivis, quæ non ubique valent, quæque ex impositione humana, conventionem, aut opinionem oriuntur, mihi non contradicatur. Sed si τὸ *per se* nostræ sententiæ opponitur, eo termino excludetur voluntas Dei cum sapientia & bonitate conjuncta, ejusque beneplacitum, definitio, atque impositio tunc facta, cum Eidem libere genus humanum condere placeret. Ergo ex mente Veltthemij Deus quidem dedit homini ut sit; sed ut talis sit, nempe legi obnoxius, non dedit. Num igitur homo citra Dei voluntatem semetipsum in animal sociabile finxit? Aut num aliud extra Deum fuit principium, quod formas rerum ipsi invito obtruderet, eique nil nisi materiæ adaptationem relinqueret? Aut actus illi citra ullam operam legislatoris seipso determinant? Aut ut quis sit subditus, legique obnoxius non amplius legislatore opus est?

Deinde revera inepte propositio hæc concipitur sine mentione subiecti, cui actus illi honesti aut turpes esse dicantur. Nam sane nulli dan-

dantur actus, qui pecori per se, aut alio modo sint honesti vel turpes. Sed addito subjecto habili omnis controversia tollitur. Nam ambabus modis largimur hanc propositionem; dantur actus, qui per se Deo non conveniant, seu qui salva ipsius perfectione, & citra contradictionem in se cadere non possunt. Amplectimur etiam hanc; dantur actus per se honesti & turpes homini, i.e. quæ posita hac conditione & natura hominis non possint non eidem congruere vel non congruere. Et revera qui istam propositionem ita nude enunciant, non animadvertunt, sese tacite istorum actuum honestatem & turpitudinem ad naturam hominis referre, ac eandem judicio humano, utique sensu legis naturalis imbuto, metiri. Imo id ipsum aperte profitentur, dum huic propositioni probandæ ad rectæ rationis iudicium provocant; quod sane non aliunde, quam ex collatione certi actus cum conditione humana promanat. Quoniam autem conditio hominis primæva beneplacito Creatoris ipsi assignata est, quicum comparati actus humani honesti aut turpes dicuntur, frustra principium moralitatis in actibus humanis fingitur, quod voluntatem Dei antevertat. Imo cum ipse Velthemius *dissertat. sua* §. 28. & 29. jus naturale dividat in *creatum & increatum*, quomodo ab isto voluntas Creatoris excludi possit; nisi Stoica necessitate ipsum ad creandum coactum dicas?

Ratio autem, quare tanto ardore isti homines ab origine moralitatis voluntatem Dei exclusum eant, non alia est, quam quia isthanc ad humanæ voluntatis modulum exigunt, quæ rectæ rationi crebro solet oblectari. Inde metus est, ne forte absurda aliqua mutatio in lege naturali existat, Deo voluntatem suam mutante: eoque aliqui consequentias, juris naturalis firmitatem destruentes, stolidè admiserunt; quidam ab aliis sibi tales per calumniam obtrudi sunt questi. Enimvero mihi non est dubium, quin sapientia, bonitas & perfectio divina divinis placitis sat firmitatis addat. Ac si à libertate voluntatis divinæ mali quid mortalibus immineret, non jussisset nos Salvator orare; *fiat voluntas tua*. Nisi forte Velthemio pro illa clausula substituere placet; fiant quæ per se & sua natura sunt necessaria. Sicuti quondam in Anglia Cromwellij tempore nonnullos tantum odium gubernationis regis ceperat, ut nollent amplius dicere *adveniat regnum tuum*; sed potius videbatur; *adveniat respublica tua*. Et sane quantam hoc vesaniam arguit, quod Velthemius

differtatione quadam *de justo dolore* non exhorruit dicere ; *scite differi à Grotio in prolegomenis*, fore ut jus naturale stringat gentes , etiamsi daremus, DEUM non esse, aut non curari ab eo negotia humana. Ergo & hoc scitum dogma Velthemio videbitur; huic universo integritatem & ordinem constare posse, si vel maxime Deus hoc universum non creasset, aut si idem plane extra mundum relegetur. Eo absurditatis demum devolvuntur, qui circa calumnias aliis intentandas tantopere laborant!

Videamus nunc, quid Velthemius in *priori differtatione super hac quaestione* nobis opponat. In cuius procemio monet , maxime appositam sibi viam videri ad investigandum jus naturale , *contemplari naturas actuum*, qui objectum ejus juris constituunt, in iisque fundatam obligationem. Ast nã actus illos compares cum conditione humanæ naturæ, nihil ages. Nec obligatio in actibus, sed in jussu legislatores fundatur. In §. 2. explicat terminos quaestionis. Ac circa vocabulum *actus* in fausto omine eadem se fraude illigat, ob quam alius jam non mediocriter vapularat, dum exempli loco subjicit , *colere Deum, honorare parentes, omittere furtum, homicidium*. Si enim hanc thesin oppugnat Velthemius, quod motus physicus sit indifferens; per summam ruditatem aut malitiam adducuntur exempla actionum quam maxime moralium. Sin vero id displicet, quod ab origine moralitatis in actionibus humanis voluntatem Dei non excluderimus, tunc ex Velthemio scire velim, an non lumen intellectus requiratur in eo, qui cultum & honorem alteri exhibiturus est. Sane enim inter bruta neque cultus divinus, neque honor parentum reperitur. Num ergo citra voluntatem Dei homo lumen intellectus natus est, cultui divino subserviturum? Aut num usus istius luminis citra beneplacitum divinum per se provenit? Sed & propriam causam destruit Noster, dum §. 3. *honestum* dicit id, *quod rectæ rationi ut tali convenit*. Nam quando ad rectam rationem provocatur, præsupponitur, eam cognitione legis naturalis imbutam. Neque ejus rectitudo aliunde potest æstimari, quam quod ex contemplatione conditionis humanæ legis naturalis dictata, adeoque jussum & beneplacitum Creatoris, bene ratiocinando colligat. Unde etiam si indifferentia motus physici oppugnatur, contradictorie status quaestionis formatur. Sin beneplacitum divinum ab origine moralitatis removeretur, nimirum invito Numine rationem suam possidet Velthemius. Vocabulum *debiti & moraliter necess-*

necessarij, ubi de homine sermo est, principium utique velut debitionis & necessitatis involvit; quod sane non est vocula *per se*, sed decretum & voluntas legislatoris, per legem declarata.

Porro circa statum controversiæ, qui proponitur in §. 4. & 5. notandum, quæstionem restringendam esse ad hominum actiones, de quibus solis mihi sermo est. Unde male Velthemius ita indefinite loquitur; *num ab agentis libero arbitrio quæ talis procedentes actiones dentur, quæ ratione sui citra impositionem convenient rectæ rationi.* Nam si actiones Dei & hominum eadem classè vult censere, & in majestatem divinam injurius est, & improbe dicta nostra cavillatur. Deinde & hoc probe notandum, vocabulum *impositionis* non ita strictè, ut à plerisque à nobis accipi pro ejusmodi determinatione, quæ citra fundamentum in re ex solo lubitu imponentis provenit. Sed ea quoque ex impositione nobis esse dicuntur, quæ exposita voluntate ac dispositione auctoris non possunt non consequi, siquidem ille sibi ipsi constare debet, v. g. Ponamus architectum constituisse domum extruere in habitationi hominum servituram. Heic necessum utique est, ut ejus ædificij partes aliter disponantur, quam hæc aut ovilis. Quis negaverit tamen, istam constructionem esse ex impositione architecti? Qui si haram aut ovile ex mera sua impositione pratorium esse velit, delirare censetur. Unde alia nobis impositio est, quæ nil nisi merum placitum imponentis præsupponit; alia est, quæ provenit ex necessitate hypothetica, sive per consecutionem necessariam eorum, quæ prius ab eodem determinata sunt. Quarum hæc in actibus humanis ad legem naturalem spectantibus, illa in legibus & institutis positivis cernitur. Sicut Velthemium ratio vehementer fugiat, dum putat; si nulli actus sunt per se honesti aut turpes citra impositionem divinam, æque facile Deum quævis peccata posse licita declarare, atque Princeps gladij usum aut bombardæ dispositionem in urbe vetare aut permittere potest. Unde satius erat quæstionem ita formari: Nam natura hominis ita sit à Deo formata, ut posita ea conditione non potuerit non necessitas moralis ipsi injungi certos actus suscipiendi aut omittendi? Sic enim nulla futura erat controversia, cum hoc ipsum nos passim inculcemus.

Cæterum jam copias suas contra nos in aciem producit Velthemius, & in §. 8. recoquit objectionem in meo opere propositam, l. 2. c. 3..

§.4.p.162.ad quam dum ego d.l.respondeo, putat me contradictione involvi hſce verbis: *Postquam Deus destinasset hominem creare animal rationale ac ſociale, non poterat non lex naturalis ipſi congruere, non ex neceſſitate abſoluta, ſed hypothetica. Si enim Iſ (in hac vocula Noſtra omnis ſpes victoriæ repolita eſt,) ad contrariæ officia fuiſſet adſtrictus, non ſociale animal, ſed alia feri & horridi ſpecies animantis fuiſſet producta. Inde Velthemius §.12.exclamat; me reſpondiſſe, hominem dupliciter ſpectari poſſe, 1.ut Deus eum deſtinaret creare animal rationale ac ſociale. 2.ut Deus eum potuiſſet ferum & horridum animal producere. Aſt mi Velthemi, injuriam tibi non facio, ſi dubitem, num non modo rationis vox & ſenſus, ſed & probitatis quid ac frontis tibi adſit, quousque liquido oſtenderis, ubinam locorum in meis ſcriptis iſta duplex hominis conſideratio occurrat. Ibidem ponitur & hæc aſſertio: *Postquam Deus decreverat creare hominem, in liberrimo Dei beneplacito fuiſſe, qualem naturam homini voluerit assignare, num animalis rationalis ac ſocialis, an naturam animalis horridi & feri. Item; Deus potuit creare hominem, & potuit velle creare, ut tamen in beneplacito ipſius adhuc fuerit, qualem naturam homini vellet assignare, num animalis rationalis ac ſocialis, an feri & horridi.* Quæ aſſerta quod Velthemius vaniſſima ac falſiſſima pronunciet, magnopere proba; cum ea non mea ſint, ſed ab ipſo conſicta. Ac mirum eſt, quam univerſa ſycophantarum natio in hoc amiſce conſpirat, quod ex aliorum verbis mire contortis falſam theſin concinnent, quam dein magnis clamoribus impetant, revera propriis cum larvis luſtati. Et quantum vel ſtuporis vel malitiæ in talem cadit, qui tam planam ſententiam vel capere non potuit, vel ita ſœde detorquere non erubuit. Sane poſtquam Deo placuit poſt cætera animantia eminentius hſce creare, uno eodemque decreto, & ut eſſet, & ut talis eſſet, conſtituit. Nequaquam autem decrevit prius creare hominem, & ex intervallo, poſtquam de conditione ipſi assignanda in ambiguo hæſiſſet, denuum decrevit eundem facere rationalem ac ſocialem. Eſt enim hoc ex imperfectione intellectus humani, ut priori loco genericam alicujus rei naturam, & inde ſpecificam concipiamus. Quale quid de Deo circa creationem hominis fingere divinæ eſſentiæ perfectioni repugnant; & in ſe abſurdum eſt duo heic decreta comminiſci, cum rō rationale ac ſociale eſſe, in definitione hominis contineatur. Quod ſi *Parus* aut alius abſurdi quid heic admittit, eoque nomine convitiis fuit proſciſſus,*

scissus, id me quidem profecto non tangit aut angit; quin jure optimo maximo isto elogio Velthemius sibi vindicare potest. Cœterum si quis nolit adquiescere, quod sciat; ideo legem naturalem honesti & turpis, necessario in hominem cadere, quia Deus ipsum creaverit rationalem & sociabilem; sed ex supervacua curiositate quaeratur: quid si Deus creasset hominem adstrictum ad ejusmodi legem naturalem, quæ ei, quam nunc habemus, contraria præcepta contineret? ei respondemus, hanc quæstionem absurdam & contradictoriam esse. Si enim ponere velis, cum ad contraria officia fuisse adstrictum, non is homo, qui ex destinatione Creatoris animal sociale est, sed aliud horridum ac ferum animal esset. In qua responsione vocula *IS* neque notat, neque notare potest verum hominem, qui utique rationalis ac socialis est, sed fictum aliquid, quod absurda quæstionis ergo tantisper supponitur, hoc sensu: si vel maxime ponas animal membris & forma homini, qualis nunc est, simile, is non verus homo erit, sed aliud ferum & horridum animal. Exemplo rem illustrabimus, si forte quis ingenio sit ita stupidus, ut hæc capere nequeat. Ponamus figulum constituisse amphoram effingere. Si quæras, utrum is amphoræ possit formam urcei tribuere; negamus id fieri posse; quia si ista urcei formam haberet, amphora non esset. Quis heic dixerit, amphoram duplici modo conderari; vel ut habet figuram amphoræ, vel ut potuerit habere figuram urcei? Afferamus aliud exemplum, quod fortasse magis sit ad captum Velthemii. Ut Velthemius Jenæ Professor Moralium esset, necessarium non erat. Postquam tamen ex isto ligno Professore sculpere Collatoribus placuit, danda ipsi utique fuit instructio, impacto muneri conveniens. Ponamus jam superfluum quæstionem moveri; num Velthemio inter partes officij professorij potuerit injungi, ut cum histrionibus per Germaniam circumvagaretur, & in comœdiis trionionis personam rageret? Respondeo, minime. Quia si ad hoc exercitij adstringeretur. *IS* non amplius Professor esset, qui impudenti clamore Jenæ doctorum virorum famam laceraret; sed non minus histrio esset, quam frater ipsius, qui lauream Magistralem Lipsiæ obtentam per publica theatra non sine vocis stentoreæ gloria circumfert, ac versatili jam pileo non minus quam olim liripipio sibi placet. Quis jam dixerit, Velthemium heic dupliciter considerari, 1. prout factus est Professor Jenensis; 2. prout idem simul cum profes-

sione potuit histrioniam facere ? Aut postquam Collatores professorum munus in ipsum conferre decreverant , adhuc in liberrimo horum beneplacito fuisse , utrum auditorium Jenense , an theatra vociferationibus ab ipso oppleri vellent ?

Quemadmodum autem error ab histrionibus in primo actu commissus totam fabulam refrigerat ; ita destructo primo Velthemij commento, tota ejus dissertatio ultro corrui. Atque secundum argumentum itidem ex nostro operel. c. defumit : *si non dantur actus per se honesti aut turpes, sequitur Deum si voluisset potuisse ita constituere, ut inter officia hominis esset Deum blasphemare, inter vetita Deum colere.* Ego reposueram, hoc ratiocinium contradictionem implicare. Heic nihil habet quod regeat Velthemius, nisi ut cantilenam jam explosam iustaret , ac suas sycophantias mihi obtrudere impudenter laboret. Nusquam enim mea hæc est assertio, sed Velthemianum somnium ; *Deum ita potuisse creare hominem, ut idem non esse animal rationale ac sociale.* Ergo quo magis de absurditate hujus dogmaris declamat , eo magis propriam stultitiam flagellat. Neque opus est repetere , *colere Deum* non esse motum mere physicum & indifferentem, sed actionem quam maxime moralem ; quippe quæ supponat subiectum rationale creatum, & involvat respectum ad dependentiam creaturæ à Creatore. Nam data creatura rationali, necessarium ipsi est Deum colere. Sicut posito, Deum post cetera animalia voluisse creare hominem, necesse erat ipsi legem naturalem congruere. Quod genus necessitatis ut mihi quidem tantisper hypotheticum vocare liceat , si qui sunt terminorum scholasticorum dictatores ἀνομιότοι, supplex veniam rogo. Si enim Deus hominem non creasset , non erat necessarium Eundem ab homine coli. Ergo necessitas cultus divini ab homine præstandi actum creationis præsupponit.

Circa tertium argumentum strategema jocosæ histrionis Velthemii expressit , qui repente in aliam se personam transire arbitratur , si pileum versatilem & palliolum inverterit. Sic & primum argumentum levi sub mutatione iterum in orchestram prodit. *Si non dantur actus per se honesti aut turpes, sequitur, quod inter hominis debita possit esse seipsum perdere, seipsum odisse, gustus elementa per omnia querere, &c.* Sed velut de sibilo prælagiret , ita repente post siparium sese hoc ratiocinium recondit.

Quarto loco metuit Velthemius, ne posita nostra sententia nullum amplius sit discrimen inter legem naturalem & positivam. Istum metum demere poterant, quæ à nobis traduntur l. 1. c. 6. §. 18. & l. 2. c. 3. §. 23. Sed quia hic actus valde jejunos erat futurus, ideo interscenij loco duas sententias promulgat valde inticetas. Prior occurrit §. 20. *Ut libera voluntas hominis, penes quem majestas est, legem voluntariam ferre & mutare potest: Quidni divina majestas, cum voluntas Dei sit summe libera, æque, imo multo magis, ac in legibus positivis fieri solet, legem naturæ mutare, imo contrarium ejus præcipere posset?* Adparcet Velthemium de voluntate Dei non optime sibi polliceri. Inde tam anxie vincula eidem injicere, aut moderramine rerum dimovere ipsam laborat, ne forte in licentiam degeneret, & absurdas leges hominibus promulget. Quales opiniones istud animal de Deo habere credamus? Quod ne tertiam quidem petitionem orationis Dominicæ novit. Per posteriorem autem sententia nihil sibi rationis, & frontis esse Velthemius testatur. Nam in §. 22. scribit; *me non erubuisse statuere, ac si Deus ad contraria officia hominem potuisset adstringere. Itæ enim aperte loco supracit. p. 162. tradit: Si ad contraria officia (puta ad furandum, mœchandum, calumniandū) homo fuisset adstrictus, non sociale animal, sed alia feri & horridi species animantis fuisset producta.* Quid ais Velthemi? Ego qui statuo, si creatura sub figura humana fuisset producta, ad contraria legi naturali officia adstricta, non ea sociale animal & homo, sed bellua futura erat; ideo statuo, quod homo potuerit fieri bellua, i. e. quod animal, de cujus essentia est rationalitas potuerit esse irrationale? Optionē tibi relinquo, Velthemi, stuporem tuum an rabiem calumniandi accusari malis.

Quinto argumento ita insurgit Velthemius, ut & quinquies cadat. *Si Deus sua natura justus est, sequitur, quod actus dentur per se honesti, suæque natura debiti, itemque actus per se turpes ac ex sua natura illiciti.* Atqui ego non puto hæc consequi: Si summus legislator natura justus est, igitur actus creaturæ rationalis ut morus physicus spectati, sunt honesti aut turpes ante omnem respectum ad legem à Creatore profectam. Nobis quippe propositum fuit inquirere in originem justitiæ humanæ, à qua divinam multis modis differre alibi ostensum. *Juxta naturæ in Deo illis sapientiæ Atlantibus definiendum relinquo*, qui caput inter nubila condunt: Quæ Velthemius ex mysteriis prædicamentorum *de relatione, ejusque fundamento ac ratione fundandi* gannit, nil nisi obstrepera vocabula,

bula, & in ambitiosum gyrum disposita sunt, rerum inania. Neque etiam illa, qua se non parum jactat, *obligatio ex ipsa rei natura*, contradistincta obligationi ex lege provenienti, satis adhuc ad liquidum deducta est. Sed & dubito, an ferri possit, à Velthemio *sanctitatem & justitiam in Deo vocari morales perfectiones*. Nam hæcenus credidimus moralem perfectionem esse, quæ disciplina, usu, adfuetudine comparatur, ad modum habitus acquisiti animo in hærentem. Porro quando de imagine Dei mentionem injeci, unice præ oculis habui propriam ejus & specialem significationem, qua notat eam hominis perfectionem, quæ per lapsum amissa est, & in cujus locum corruptio illa, quæ jam sentitur, successit. Quibus præterea respectibus homo imaginem Dei referre dicatur, mihi inquisitum non fuit. Denique quantum velit Velthemius distinguat inter *conceptum formalem & materialem*; ac sapientiam, justitiam, virtutes, & jus Dei atque hominum quoad illum communia, quoad hunc diversa asserat. Nam licet ista vera esse ponas; ratio tamen mihi constat, quare jus naturale isthac via investigare non placuerit.

Illud autem minus ex legibus artis comicæ, quod fabulam nobis dedit Velthemius quinto actu productiorem. Nam sexto loco quæstionem movet: *Num Deus ullo modo possit velle, ut inobedientia erga Deum formaliter & in se spectata non sit peccatum?* Ego respondeo, stolide quæstionem hanc institui, ni simul ponatur subjectum, cui inobedientia sit tribuenda. Nam posita creatura rationali, negamus Deum hoc velle posse, ni cum sibi ipsi repugnare absurdeingas. Nulla autem posita creatura rationali, Deus super obedientia in neutram partem decernere intelligitur. Quomodo enim Deus possit velle, ut sibi obediat, si nullos condiderit, qui obedire possint? Sint, quibus imperet.

Denique ut sacro numero paralogismos suos terminet Velthemius, septimo loco argumentatur: *si nullus actus per se honestus ac suapte natura illicitus, sequitur Deum posse facere omne possibile realiter à se distinctum, nullamque in genere naturam in Deo importans imperfectionem*. Hujus rationis vanitas planior fiet, si idem pressius ad præsentem quæstionem formaveris, hoc modo: si motus physicus in actionibus humanis citra respectum ad legem est indifferens, aut si voluntas divina concurrat ad hoc, ut homo legi sit obnoxius; sequitur, quod Deus possit mentiri. Id enim exemplum rei, quæ in genere naturæ nullam imperfectionem importat, à Vel-

à Velthemio adfertur. Quis ita ratiocinantem ferat? Ne dicam, quod *mentiri posse* in genere naturæ maximam importet imperfectionem. Qui enim mentitur, vel alteri furtim nocere vult, quod malitiæ est cum degeneri quadam ignavia conjunctæ; vel non audet sensa animi sui palam aperire, quod robustiorem metuentis est; vel plura promisit, quam præstare possit, quod vires suas ignorantis est. Inde patet ratio, quare divinæ scripturæ negent, Deum posse fallere, aut mentiri, quia id repugnat perfectissimæ ipsius essentia. Ex quo tamen nihil, nostræ sententiæ repugnans, concludi potest. De cætero uti fœdum est mendacium, quod Velthemius eructare non crubuit, *me dicta Scriptura sacra in alienum prorsus sensum detorquere*; ita nihil impudentius, quam dicere; propositionem, *Impossibile est Deum mentiri*, hunc habere sensum, *Deus non vult mentiri*. Cur enim tantopere arrident Velthemio sycophantarum artes, ut verba mea mutilate adduceret? Quæ integra hæc sunt: *Quod Deus mentiri non possit dicatur est ex beneplacito istius, quod mortales ad magnitudinem & præstantiam ipsius attemperatum concipimus*. Id perinde est, ac si dicerem: Mentiri adversatur perfectioni divinæ, à qua nunquam divina voluntas discedit, sed cum ea semper amice conspirat. Sic igitur nimum huncce calumniarum egit Velthemius, ut vel iudice Gesenio pro plausu sibilum sit meritus. Altera dissertatione minatur se innumeras legiones *Gentium, Legumlatorum, Ictorum, Theologorum, Philosophorum, cum veterum, tum recentiorum* in aciem educiturum, quæ solo adpectu me exanimem darent. Nondum tamen adeo fortuna mihi fuit propitia, ut istud illustre ingenij Velthemiani monumentum conspiciere liceret. Interim circa auctoritates, quæ jactantur, observandum, earum multitudinem nihil efficere, nisi rationibus suam sententiam adstruxerint, meam refutarint; & quatenus nemini eorum, ut ab omni errore sit immunis, cavetur, piaculum non esse rationem potius, quam numerum errantium sequi. Sic quam multæ in rebus philosophicis erroneæ opiniones per complura secula & scholas & populum occupaverunt, quas tamen posteriorum temporum accuratior inquisitio explosit? Hæc si testium numerus momenti quid habuisset, in hunc usque diem antipodes in cælum delaberentur, harmonia orbium cælestium aures nostras obtunderet, intelligentiæ istis orbibus rotandis insudarent, ignis sphaera proximam Lunam ambureret, denique

barbaries integro adhuc regno suo gauderet. Sic sane non difficile erit multas myriades invenire eorum, qui pro sanctitate numeri denarii in prædicamentis mortem æquo animo subire velint; quæ tamen cæteris puerilis superstitio videtur. Deinde ex testibus illis integræ legiones deficient, si consideretur, plerisque nunquam in mentem venisse vocabulo *per se* Deum ab origine juris naturalis excludere. Denique omnia ista testimonia demum in auctoritatem unius ex antesignanis barbariei, puta Thomæ, aut Scoti resolvuntur, quorum commenta demum in popularia dogmata evaluerunt, postquam cæteri ista sine debita inquisitione in sua scripta transtulerunt; & uuo ansere bibente reliquos omnes sitis corripuit. Præsertim cum notitia juris naturalis valde confusa & jejuna fuerit, antequam hoc demum seculo de isto in formam artis redigendo à quibusdam eruditis labor susciperetur. Id tamen retulit unus & alter, qui recens ex istis oris advenientes heic me salutarunt, in publico conspectu ejus disputationis Velthemium clamore Martem Homericum superasse, & ignea facie, horridis capillis, oculisque ardentibus furiam aliquam egregie expressisse. Quin non erubuisse in tam frequenti cœtu vel decies exclamare; *me nulla agnoscere officia hominû erga Deum & seipsum*. Ergo vel scripta mea non legit Velthemius, vel impudentissimus est mortalium, qui sunt & fuerunt. Pari rabie multoties fuisse ingeminatum; *adulterium penes me hætenus saltem turpe haberi, qua supponeret creationem animalis rationalis & socialis; adeoque secundum mea principia adulterium non turpedari inter vaccas & boves, vel inter caseum & butyrum; qui sunt flosculi Velthemiani*. Quid est furere, si hoc non est? Ergo cum neget Velthemius, adulterium supponere creaturam rationalem & socialem, ex ipsius mente adulterium dabitur inter creaturas, in quibus nulla est diversitas sexus; & ad se multiplicandum potentia; nec minus inter creaturas, quæ fidem conjugalem neque intelligunt neque dant. Quin & deinceps homicidium non-turpe erit, si felis murem occiderit. Quid porro erat opus, ut Velthemius tanta contentione asseveraret, adulterium in se & sua natura turpe esse; cum idem à me adstruatur l. 1. c. 2. §. 6. p. 26. & in *Apologia* p. 38. Quo tamen non obstante certissimum manet; non dato homine, adulterium non dari; sicut non dato homine, Velthemius Jenense auditorium ruditu suo non erat impleturus. Sed nec omitti debet, quod cum unus opponentium urgeret, *cum actiones hominum per cir-*

cum-

cumstantias, i.e. res extra ipsam actionem, fiant morales, non videri, quomodo actio in se & sua natura moralis esse possit; Velthemius respondebat: *Præcellens Dn. Magister, adjuro conscientiam tuam, eloquere, an firmiter credas cum venerandis nostris Theologis dari actus per se honestos.* Quod ille Magister præmissa contestatione observantiæ suæ erga *Maxime spectabilem* (magis adhuc audibilem) Dn. Decanum affirmabat. Et sic argumento erat plenissime satisfactum. Quid hac disputandi via compendio suus? Quæ tamen alteram istam dissertationem invidit fortuna, alio me ingenij Velthemiani specimine beavit, dum donante amico dilectissimo obtinere licuit *synopsin Institutionem Juris naturalis* manuscriptam, quam is auditoribus suis ad calamum dictavit. Cui ipse autor non vile pretium ponit, quando eam *Nucleum juris naturalis* indigitat: *Quo scripto etsi nihil indoctius aut inficetius vidisse memini; veritatem tamen adhuc constare deprehendi Pliniano illi: nullum librum tam malum esse, qui non aliqua ex parte prodesset.* Ingens quippe operæ pretium fuit didicisse flosculum illum Latinitatis Velthemianæ; in *Analytices studio non magis versati sunt, quam rana viridis in nucis arbore.* Nec minoris fuit definiti onem legis cognovisse, qua immane quantum eum sibi placere audio. *Lex est,* inquit, *dictamen practicum in materia universalis, quo necessitas actionis exprimitur in genere morum.* In qua quid mysterij latitet, parebit, si aliis eam vocabulis extulerimus. Sit igitur *dictamen practicum* enunciatio, quæ non cognosci solum, sed & in actum deduci debeat, *in materia universalis* i.e. quæ omnes illos tangat, ad quos enunciatio dirigitur; *quo necessitas actionis exprimitur in genere morum*, i.e. quo significatur quid agendum, quid omittendum, ut actiones bonæ vel malæ, laude vel vituperio dignæ haberi queant. Heic primo necessum erat exprimi subiectum, abs quo dictamen illud promanaret; nam id intellectus sit divinus, an humanus, an uterque. Dein ad cujusnam actiones dirigendas id dictamen spectaret, ad proprias, an ad alienas. Denique unde ea necessitas proveniret. Quam ex ipsa actione resultare absurdum dictu videretur; cum eadem aliter concipi nequeat, quam prius aliquid, & diversum ab actione, quodque adeo in ipsam actionem operetur, An & quatenus illud, quod mortales dictamen intellectus divini concipimus, Deo lex dici possit, alibi à nobis expositum fuit. Deum omnia quæ agit optime agere, & per essentia suæ perfectionem non posse non optime agere, & quæ cum

ista non congruunt non posse non omittere constat. Sed quia legem aliter concipere non valemus, quam aliquid extrinsecus necessitatem adferens certo modo actiones dirigendi; inde si quis velit Deum legi subijcere, faciat id suo periculo. Quod si igitur ad legem, quæ in homines cadit, ea definitio restringatur, vitiosum est, quod ea legibus positivis applicari nequit. Quando autem lex naturæ dictamen rectæ rationis aut intellectus dicitur, nihil aliud innuitur quam medium, quo ista lex investigatur. Atque ea ratio ut recta sit, & talem sese intelligat, oportet ut firmo fundamento ratiocinia sua superstruat. Quod nullum aliud inveniri potest, quam conditio humani generis; nisi quis cujuslibet persuasiones, sæpe oppido quam irrationabiles, pro lege naturali velit venditare: sicut stolidum sit, ultimum hoc habere argumentum demonstrandi aliquid juris naturalis esse; quod recta ratio aliter de hoc vel illo actu judicare nequeat. Sed & illud constat, si definitio illa adplicetur juri humano, inepte à Velthemio §. 11. tradi, *dictamen intellectus* esse aliquid prius, quam *normam seu regulam justæ*; nisi dicere velis, hominem sibi ipsi legem naturalem ferre, aut intellectum humanum dictare quid posse, antequam objectum adsit. Sane ponenda est lex naturalis tantquam norma justæ, antequam intellectus humani dictamina practica possint existere. Id autem nimis quam ingeniosum, quod Velthemius, tantopere alias à novitatibus abhorrens, juris naturalis novam denominationem comminiscatur, quasi *quod primo ac per se fundatur in natura actus, quam præcipit aut prohibet, ita ut propterea justus sit, quia hunc actum præcipit, aut prohibet, quia est sua natura debitus aut illicitus est*. Quo commento uti nihil vanius, & per quod juri naturali circa actiones morales non amplior tribuitur operatio, quam ephemeridibus circa motum planetarum: ita obiter scire velim, quomodo à contradictione sese liberare Velthemius possit, dum *præcipi* aut *vetari* à lege naturali dicit, quæ jam *in sua natura* erant *debita* aut *illicita*? Quid enim præcepto opus est, si ista alias fieri utique debebant? Aut ergo lex naturæ supervacua est; aut si cum effectu præcipit ac vetat, utique actus debitos aut illicitos facit.

Sed tædet quisquiliis Velthemianis diutius immorari, nisi quod obiter spectandum, quid in demonstrationibus valeat, qui tanto fastu peritiam Analyticis crepat; ut tandem discamus nostra ratiocinia in circum, (quæ figura perfectissima utique est,) disponere, & præfultore Velthemio

hemio in perpetuam vertiginem circumvolvi. Si enim quæras ex isto, quare v. g. adulterium juri naturali repugnet, respondebit; quia in se & sua natura est turpe. Si quæras quid sit in se turpe, respondebit; quod rectæ rationi ut tali non convenit. Atqui rectæ rationi quæ tali non convenire est juri naturali repugnare. Igitur juxta Velthemium adulterium juri naturali repugnat, quia juri naturali repugnat. Ac proinde falsum est, quod clamat, *turpe in puncto rationis prius esse, quam juri naturali repugnare*. Sed & par erat, cum qui viam præcepta juris naturalis deducendi nobis placitam ita importunè impugnat, ingeniosius quid aut planius afferre. Quid autem tanto hiatu dignam tritaux isti profert? *Principium primo primum*, inquit, est; *honestum per se sunt expetenda; turpia per se sunt fugienda*. Atqui sane, ne nunc dicam, quod stolidè sit omiſſa mentio subjecti, cui aliqua honesta aut turpia sint; circa hoc principium quærere licet non solum quid honestum aut turpe per se sit, quod non nisi congruentia aut disconvenientia cum recta ratione definiri à Velthemio solet: sed etiam eousque non potest adquiescere intellectus noster, ut rationem omnino nosse velit, quare & unde vel in perſeitate, vel in dictamine rationis necessitas insit. Eoque Velthemio vel iterum circulus suus erit perſultandus, vel si vertigine liberari cupit, demum nostræ methodo insistentum; ex qua ista propositio à priori demonstrari potest. Sicuti & illud nemo sanus abnuet, imperium Dei esse, quod hominem ad adpetendum honestum & turpe fugiendum primo movet aut movere debet, non autem perſeitatem Velthemianam. Deinde ne hoc quidem tantum demonstrandi artificem decebat, pro *principiis secundo primis* venditare sententioſas, v. g. *neminem ledere, suum cuique tribuere*, veras quidem, sed multis determinationibus adaptandas, priusquam ex iis distincta & liquida scientia haberi possit. Sed & nimis quam iracundū, fustes statim intentare, si quis dictata Velthemiana in oraculorum vicem arripere detrectet. Quid enim si Reges, ac integri populi istorum veritatem in dubium vocent? Quid fustibus suis heic efficiet Velthemius? An clamoribus suis eosdem protelabit, qui norunt, animal Cumanum esse quam maxime vocale? Quibus porro argumentis hosce convincet Velthemius, si nihil præter dictamen suæ rationis crepare possit apud tales, qui suam rationem diversa dictantem non minoris aestimant, & legiones Scholasticorum à Velthemio in subsidium evocatas adunco naso suspens-

spendunt? Plura occurrunt in eo scripto emblemata, veluti quod §. 57. juris naturalis *causam efficientem* dicit *hominem*. Aut quod §. 55. hominem tradit *tamdiu vivere in statu animalis, non item in statu hominis, quamdiu usus rationis se nondum exserat, aut ad annos discretionis hominis pervenisse dicatur*. Cui adjungi debet inauditum hactenus dogma à Velthemii discipulo publica disputatione Jenæ promulgatum: quod *majestas sit non Ens*. Nimirum quia ad majestatem sufficit superiorem non habere, nec requiritur potestas gubernandi civitatem; & quia statim majestate Velthemiana præfulget, qui in regionem desertam ejectus nec dominum habet, nec subditum. Quæ monstra errorum aliis exagitanda commendamus.

Restat adhuc *Gesenius* Garlæ Præsul; de quo tamen eloquar, an sic leam dubito. Nam ea est hominis ruditas, impudentia, & vesania, ut merito quivis cordatus tam tetrici monstri contactum refugere debeat. Qui cum nil nisi obscenam virulenti pectoris saniem eructet, passim impio abusu dictis sacris interpolatam, *benedictionem tamen Christianam* emittere videri vult. Prorsus uti reliqua fanaticorum natio tunc, cum maxime delirat, sacro instinctu agitari sese clamat. Verum, uti peculiare scriptum isti opponere supervacuum erat: ita poterit hinc obiter cæteris, qui ex me oppugnato gloriolam inauspicaro captarunt, subungi *Gesenius*, tanquam vilis appendix, & in quem jactari queat illud tritum; *ultimum occupet extremum scabies*. Saltem ne in posterum arguat me criminationes, ad quas plane tacui, agnovisse. Ex decore igitur *Gesenius* à mendacio scriptionis suæ exordium capit, quasi ego *in suprema Regni curia enixe contra ipsum & famam ejusdem egerim*; qua super re monitum se dicit *ab eo qui procul habitabat, & bene cupiebat*. Dignus hoc Orceste Pylades; qui circa veritatem non nimis curiosum se ostendit. Equidem si ejusdem reip. cives essemus, comes ivisset *Gesenius* editori Indicis. Nunc quid contra exterum in curia hujus Regni agerem? Præsertim cum ejus scripta tantum ruditatis ac vesaniæ præ se ferant, ut famæ suæ neminem infestiores, quam scipsum, hostem experiatur. In eo autem nihil à me peccatum est in reverentiam, quam *Serenissimo Electori Saxonie* debeo, quod modeste, & *Gesenij* demum, aliorumque malevolorum importunitate coactus, super nimis præcipiti Ministrorum Ipsius judicio questus sum. Nam de isthoc negotio nihil ad Ipsum relatum constat;

& si

& si Optimus Princeps consultus fuisset, hautquidquam decorum judicasset, inaudita partis alterius defensione sententiam superstruere libello famoso, per carnificem flammis dando. Quod si autem iniqui aliquid mea querela habet, sane is, quem publice provocavi, suam existimationem non destituet, nec *Censura* istius *sanctimoniam* Velthemio alicui aut Gesenio asserendam committet. Ac vel ideo istum omnibus ingenij sui copiis explicatis in aciem prodire cupiebam, ut cum adversario onerubescendo congregiliceret, actandem Gesenio similium hominum ruditus obtricesceret. Quid porro ad rem præsentem, quod Gesenius de Monzambano gannit? Sane publicam famam extinguere penes me non est; & cui non sufficit, quod publice ejusdem me autorem abnuerim, qua ratione istius obturem? *Ejusdem capit VI.* exercitij gratia à me defensum adversus eos, qui id impugnarunt. Quid præstiterim judicent harum rerum intelligentes, & affectibus ac præjudiciis vacui. Cætera quæ carpuntur defensorem accipiant, an minus, mea parum interest. Præfertim cum quæ liberius ibi quibusdam scripta videntur, auctoris, quisquis demum is sit, religioni aut pietati nihil præjudicare queant; si cogitemus, quam ille sibi personam imponat, aut quales loquentes introducat. Et qui nescit, quam multum interfit, Davusne loquatur an herus, is quæso abstineat de ejusmodi scriptis judicium ferre, nâ inter Mida socios censi velit. Ergo fama illa de Monzambano, cui à me contradictum fuit, non obstat, quo minus adhuc Pufendorfius, quam Gesenius esse malim.

Sed ne solis convitiis fœdas chartas maculasse videatur, circa rem ipsam quoque aliquid nugari conatur Gesenius. Ac primo queritur, me ipsius demonstrationibus non respondisse modo tam scholastico, quam ipse proposuerat. Cujus quidem rei nulla alia fuit ratio, quam quia inficeti hominis vestigia legere nolui. *Iniquum me in jus naturæ arguebat, quod atrocem ipsi injuriam intulisset mendacium & calumniam exprobrando.* Ego reponebam, me legitima *retorsione* usum fuisse. Adparet puto, me ad minorem respondisse. Tantum enim abest, mihi unquam in animo fuisse Gesenium lædere, ut quid hominis ille esset, & quænam inter fumos Garlæ deliria cum agitarant, perpetuo ignoraturus fuero, nisi me epistola illa insipida ultro lacerasset. Puto autem satis gravem injuriam esse, alicui falso tribuere scriptum venenatum, uti

ipse vocat, & *atheum*. Eam injuriam ut in me hæere paterer, nullum jus obligabat. Repellendi non expeditior via, quam ut mentitum esse dicerem, qui hæc de me assereret. Prasertim cum nondum auditum foret de aliquo privilegio, per quod Gesenio impune sit honestorum virorum famæ insultare. Atqui in ea accusatione ipse mihi non consto. Modo enim à Gesenio scriptum Warenbergij *aperte* mihi, modo Fratri meo tribui queror. Nimirum quia Gesenius sibi non constabat, & aliquando Warenbergium ita delineabat, ut facile adpareret, me peti; aliquando talia ipsi tribuebat, quæ non in me, sed in Fratrem meum cadere poterant. Ea causa fuit, cur retorsio alternative conciperetur. Sat *aperte* autem aliquem arguit, qui scripto publico id facit. Et licet hæc verba non expresse sint posita; tu Pufendorfii ejus scripti es autor; extreme tamen stupidum fuisse oportet, qui non viderit, nostrum nomen abs Gesenio velligari, quod & ipse menti suæ *obversasse*, dnm ista scriberet, fatetur. Et statim atque illa epistola prodibat, passim amici de injuria nobis illata monebant. Id autem frequens est, ut & qui obliquis verbis alium pupugerit, directe & citra ambages vapulet. Neque vero mirum est Gesenium titubanter scribere de viris, quos tam parum noverat; cum solenne ipsi sit ad furiosi instar discrepantia sibi blaterare. Sicut *benedictio Christiana* eidem vocatur, qui spurcissimus libellus famosus est. Et qui modo nil nisi dicta sacra crepat, & schema hypocriticum ostentat, mox obscenitate convitiis cum balatronibus & ambubaiis certat. Quæ cum ita sint, satis puto manifesta est injuria, qua retorsionem meruit Gesenius. Ac super vacuum est istius verba heic producere, quæ *vel ex aâ ratiõis, vel per æquipollentiam, vel per consequentiam planam, facilem & apodicticam id quod volo arguant*. Ista enim quibusvis exposita sunt; & vehementer dissuadent Medici, ne istud scriptum denuo attingam; quod gravissima nausea, stomachique languor inde sit proventurus. Recte porro ego à Gesenio postulavi, ut, si retorsionem meam abs se amoliri vellet, probaret, vel me aut Fratrem meum autorem esse dialogi Warenbergiani, vel nusquam se id scriptum nobis tribuisse. Nunquam autem credebam eousque impudentiæ processurum Gesenium, ut posterius negare auderet, quod in clara luce est positum; & postquam nostrum nomen scripto publico in conspectu orbis eruditi infestasset, ultro postulaturum, ut ego hoc ab ipso factum probem. Et inde dubitaveram, num sensus communis

munis illi inesset, qui probari adhuc sibi postulare mendacium & calumniam, quam scripto publico evomuerat. Quod si autem altera via retorsionem declinare volebat, tunc utique probandum ipsi incumberebat, vere eum dialogum nobis tribui; mihi autem simpliciter id negasse sufficiebat. Quid ergo mea verba cavillaris, Geseni, nisi ut complusculas paginas nugis & calumniis implere possis? Aut cur adeo tumultuaris, quod tua æque ac famæ mendacia proprio vocabulo à me fuerint designata?

Secundo loco negat Gesenius, Asinium Tenebrionem abs se defensum. Quod ergo aliud non modica parte sui scripti agit? Magnam vero vim *Christiani amoris*; per quam *contemptim sentire* non potest Gesenius de Nicolao Beckmanno, *quem Regia Majestas tanto munere dignata est*, utut Eadem Regia Majestas istum muncere dimotum *propter Indicem editum cum infamia relegaverit*. Nisi forte arcana quadam genij conspiratio ista illustria ingenia Tenebrionem & Vigilem jungit; quorum scripta quoque pares Gratias redolent. Cur porro Gesenius tam odio se altera jam vice cuculat judicium Sarcasij de meis Elementis Jurisprudentiæ, eo tempore latum, quo iste in Parnasso somniabat? Cum alij jamdudum injuriam mihi factam publicis scriptis ostenderint, & ipse auctor, uti amici retulerunt, aliam plane mentem postea induerit. Unde mihi nunquam curæ fuit injuriam istam persequi; & non degenerem animi duxi; qui errorem suum emendare potuit. Ergo quod nunc Gesenius ista dudum sepulta iterum in lucem protrahit, merito vapulare debet, si nova plaga in homine, qui pudorem plane decoxit, locum haberet. Qui autem *Pacificum à Lapide* & ejus scripta novit, non multum referre agnosceret, quid ipse de aliis scribat aut judicet. Qui Bavium non odit, amet tua carmina Mævi. Quanquam & deformes buccæ suos basiatores quandoque inveniant, & similes labra lactucas adpetant. Præterea ex alio me capite iniquitatis in legem naturæ reum arguit Gesenius, quod *contemptim ac duriter habuerim legatos Dei, qui ex officio debite super periculosis novitatibus monuerint*. Ubi primo quidem miramur, quare ardelio Garlebiensis tam importune sollicitus sit, quid in aliena republica geratur. Si quis enim apud nos alterum injuria afficiat, sunt judices, sunt tribunalia; nec unquam ea cognitio Gardelebiam remittetur; ut plane cuculus iste non opus habeat tam radiose ingeminare, quid ab hoc vel illo recte, quid secus gestum fuerit. De cætero nunquam ego debitum

honorem sacerdotibus detraxi, inter muneris sui limites versantibus, iisque ut in conversatione civili amicis uterer, operam dedi; ac si unum vel alterum excipiam, neminem eorum novi, quem non amici loco habere possim. Id tamen firmiter mihi persuadeo, Deo propitio posse gaudere illum, quem unus aut alter sacerdotum iniquis odiis persequitur. Nec minus fas esse, salutem famamque suam contra sacerdotem, quam alium quemvis, defendere. Sed & hoc statuo, censuram librorum ad eos pertinere, qui summum in civitate imperium habent, & quibus eandem hi delegaverint, Eam si quis alius proprio ausu involaverit, non magis ipsius ratio habenda est, quam pratoris, si extra limites jurisdictionis suæ jus dicere aggrediatur. Quin & ubi in ea re malitiose aut imperite versatus sit, injuriam non accipit, si digna facto suo vocabula audiat; præsertim cum ipse Gesenius, velut qui post longum delirium repente ad se redit, non absurde addat; *quamvis humana illorum actiones humanorum errorum rubigine tangi & tentari facile potuerint: nec enim humani quidquam à se alienum putabunt.* Denique nec id saltem in dilucido isto intervallo negabis, Gesenii, si quis vel ex officio vel ex amore veritatis, aut caritate Christiana alterum super errore omnino monendum sibi duxerit, illi esse observandum, ut revera in altero hæreat, de quo ipsum moniturus est; ut alterius errorem idoneis argumentis convincat; ut denique amice eundem hortetur errorem suum exuere. Ubi nihil horum præcesserit, quid faciendum mihi suaferis tu, qui ob impactam retorsionem in furias abiisti? An censeres, cum silentio gladium jugulo fuisse excipiendum? Puto igitur ad demonstrationes Gesenij sic esse responsum, ut etiam acutissimis disputatoribus, qui *Gardelebia habitant*, satisfieri queat; quorum peritiam expressit supremus eorum choragus Gesenius, dum dicit; *quod Professor in publicis disputationibus illos, qui Theasibus tuis opponunt, jubere soles; responde ad Syllogismum, &c.* Nam quantum ego memini, hoc quandoque respondentem ingeritur, opponenti nunquam.

Enimvero uti in convitiis spargendis nemo Gesenium sacundia superaverit; ita ubi ad seria tandem deveniendum erat, nihil ipso est arduius, sicut non amplius latret, sed mustitet. Eo breviori responsione amoliermur hominem rudissimum. Quam late ego socialitatem extendam, tradidi l. 1. c. 3. §. 13. *de Officiis.* Eam in constituendo juris naturalis fundamento rationalitati opponere, stolidum est. Mox ne ob ca-


lu-

lumniam suam erubesceret , simulat se meum responsum non capere. Dixi, *religio quatenus addisciplinam juris naturalis pertinet, intra sphaeram hujus vitæ terminatur*, i. e. ex sola religione naturali jam nemo salvatur. Rationem attuli in libello *de Officiis* l. i. c. 4. §. 8. Hoc si quis negare velit, admittere cogetur, dari viam salutis æternæ extra Christum. Moveaures, Gesenij, ut sciam, an hæc jam intelligas, simulque fatere, nequissimum te calumniatorem esse, qui illud, quod ego de *religione quatenus ad jus naturale spectat* enunciavi, malitiose detorques ad religionem salvificam, quæ ad juris naturalis disciplinam nequaquam pertinet; quasi nempe etiam salvifica religio à me pro nudo vinculo reipublicæ haberetur. Denique antequam *cum ratione mecum agere* desinat Gesenius, hoc ratiocinium, ingenij & candoris sui monumentum nobis relinquit. *Quia expedit, ut publice civitas personæ doctrinæ cum fine civitatum congruentibus*, i. e. quia, uti ego explicavi, solida & bona ethica & politica in civitate doceri debet; igitur ex mente Gesenij *parum interest turpis sit sive honesta, sive vera sive falsa religio, modo huic civitatum fini apta sit & congruens*. Quid hoc argumento solidius? Nunc multas ostendam, quod neque vera religio fini civitatum, quem ego designavi, quidquam obsit, neque falsa prosit. Cæterum ut bona fide rationi renunciassè Gesenium credamus, ecce obsoletum suum carmen de polygamia recinit, quasi ego istam *velut remedium promovenda pietatis* commendaverim. Sane nunquam credidi aliquem fore tam stupidum, quin intelligeret, id me dixisse; non esse, quare circa impugnandam polygamiam tantopere trepident certi homines, cum abs nullo vitio orbi Christiano inprimis in Europa minus periculi, quam ab hoc immineat. Unde frustra tanta cum consternatione ad arma conclamari, ubi hostis non adparet. Præsertim cum nulla major calamitas maritis obvenire possit, quam si plures simul habere uxores cogantur, in cuius mali remedium mortem sint optaturi.

Sed nimirum pauca hæc à Gesenio obiter tantum adducta fuerunt. Summa autem laboris ipsi fuit specimen ostendere, in quantas furias homines fanatici possint ire. Cujus non minima pars est, illis, quos sibi insectandos sumere, gratia divina velle interdicerè. Verum mi Gesenij, postquam semel terrorem digessimus, quem quondam fulmina Vaticano emissa vertice solebant generare, non facile adducimur ut credamus, Præsuli Garlææ claves cæli erebique commissas. Sed nec ea,

quæ inter nos agitur lis, Ministerium Ecclesiæ, ejusque sanctimoniam ullo modo spectat. Tu venenatum scriptum mihi falso tribuis: ego injuriam mihi fieri, addita retorsione, testor. Tu ex candescis, & maledictorum atque calumniarum plaustra evomis: ego quantum ad meam defensionem, ac retundendæ tuæ impudentiæ sufficere judicatur, repono. An & in hoc casu qui sacerdotis furorem abs se repulerit, unctos domini violasse judicabitur? Quin potius si cui ex tuo ordine omnino placeat virus suum in alterum evomere, tutius cathedra sacra abuteretur, ubi intemperies animi & affectuum malignitas speciosiore sub prætextu deservire potest. Ast ubi ad scriptionem publicam idem provolaverit, non est quod eximæ quid sortis præ reliquis sibi polliceatur. Si enim falsi quidasserit, erroris arguetur. Si fictis criminationibus de aliorum existimatione detrahare instituat, mendax & calumniator audiet. Si incepta scripta edat, eruditus ludibrium debebit. Si rationem eiecerit, stolidus judicabitur. Si quæ convitia eructet nihil pensi habuerit, furere videbitur. Si imperite de rebus, quas non didicit, judicium ferre instituat. Mida fraterculus nuncupabitur. Porro uti cum Præfulatu Garlæano nihil mihi negotii est; ita quæ pro salute mea cura vigilas tibi, mi Geseni, imperat, plane supervacua est. Neque enim tali nobis sacerdotum genere heic opus est, qui sub imagine precum fœdam animi inflammationi rabiem exhalant. Dira quoque ista carmina tuo potius capiti cane. Et si quid precando vales, ora, ut tuam tibi ruditatem & vesaniam agnoscere detur. De cætero uti hautquaquam timidum aut imparatum me offendent, si quibus forte deinceps calamum in me stringere placeat, modo incitiam, iracundiam, & fœdas calumniandi artes procul habeant: ita Gesenio id honoris sufficere debet, quod mea opera ad qualemcunque nominis celebritatem protractus fuerit, qui antehac in alta velut caligine Garlæam bibebat. Si in posterum furere pergat, optimum responsi genus fuerit, contemnere & silere.





SAMUELIS PUFENDORFII

EPISTOLA

AD AMICOS SUOS PER
GERMANIAM,

Super

Libello famoso, quem *Nicolaus Beckmannus* quondam
Professor in Academia Carolina, nunc vero cum
infamia inde relegatus, mentito nomine *Veridici Con-*
stantis superiori anno disseminavit.



On dubium est, *Viri amici*, quotquot vel collegio quon-
dam, vel conversatione, vel literarum commercio, vel
benevolentia ex scriptis meis concepta, vel alia ratione
mihi juncti estis, quin gravem dolorem atque in-
dignationem conceperitis, proropente in conspectum
vestrum execrabili libello famoso, quo foediorem
quidem orcus nunquam in opprobrium seculi evomuit. Quanquam
enim & ipsa dictio hominem asinino stupore ac ruditate arguat, & tota
nefarii scripti facies nil nisi professam mentiendi rabiem præ se ferat: do-
lendum tamen videbatur, adversus me potissimum fuisse exferendum;
quousque furor, infernali agitatus oestro, procedere possit, & quid ex-
tremum in mentiendo atque calumniando foret. Sane multi in vicem
mercedis pro utilissimo labore suo malefactorum importunitatem
sunt experti; in plurimos quoque innocentes viros foeda & absurda mul-
ta sæpenumero jactata sunt: tamen quantum mihi ex historia literaria
notum est, hoc certe seculo exemplum non extat viri eruditi, cujus veræ
& innoxie sententiæ per inscitiam aut pravitatem malevolorum mali-
gnius detortæ sint, vel qui obscœnioribus mendaciis, modoque magis
scelesto adpersus sit. Quin & cum hætenus creditum fuerit, penes
monachos & missifices palmam impudentiæ extitisse circa adversarios
suos

suos fœdis mendaciis & criminationibus onerandos; jam tandem repertus est novus Alastor, qui calumniatorum antesignanis omnem ruborem possit abstergere. Quorum & hoc insigne est artificium, plaustra mendaciorum in alios jactare, ac dein postulare, ut ista falsa esse ostendantur; perinde quasi accusasse & convitia sparsisse ad criminis probationem sufficiat. Cæterum eo iniquius fors mea comparata est, quod nec plane filere ad mendacia ista liceat, nec alius detur, qui horum vanitatem ita perspicue demonstrare queat: & tamen honesto viro cum infami isto Alastore congregari erubescendum sit, cui jam amisso honore & existimatione canovistima voluptas petitur, quam magnitudo infamiae apud desperatos gignere sœvit. Equidem apud eos, qui me norunt, defensione nulla opus est quibus de absurditate horum mendaciorum abunde constat. Honesti autem & condati viri ultro ejusmodi sputeas chartas detestantur; improbumque judicant de viris integræ semper famæ sinistri quid suspicari ex tali scriptionis genere quod apud omnes populos moratiorum infamiam & grave supplicium meretur. Et si eo res humanæ redierunt, ut ejusmodi chartis aliqua fides habeatur, jam omnium atrocissimorum scelerum reus est, cui impudens & nequam inimicus obigit. Est tamen non quibusvis tam candidus, animus, nec id probitatis in plurimos mortales cadit, ut quæ aliis infertur injuria, eam abs se quoque non plane alienam judicent. Alii utut pleraque conficta agnoscant, tamen non omnia plane de nihilo esse suspicantur. Denique qui odio aut invidias in nos flagrant, aut qui ex scriptis nostris oppugnantis laureolam aucupantur, saltem in sinu gaudent, quacunque via molestiam mihi creari, si non aperte ejusmodi scelus adprobare audent, quod non detestari impuri animi argumentum est. Visum igitur fuit hanc scriptionem publicare, non ut me ab objectis criminibus purgem, quorum vanitatem DEUS, cujus notitiam nihil fugit, & multi honesti viri, quies vita moresque mei penitus perspecti sunt, norunt; aut quod cum retrico cadavere hominis jam civiliter mortui luctari velim: sed ut Germaniæ ob oculos ponam exemplum inusitati cujusdam & humanæ malitiam supergressi furoris, qui inter prodigia & ostenta hujus sæculi referri mereatur. Simul & hæc inde proveniet utilitas, quod adversarii mei, qui tam insectum mihi bellum movere instituerunt, non magnopere cristas erecturi sint, in lucem protracto suo antesignano, qui primus incen-

centor fuit omnium turbarum, quæ in me, meumque librum sub signis Inſcitix, Livoris & Calumniæ surrexerunt. Plurimum autem ad illuſtrationem totius negotii faciet, ſi Cerberum iſtum ex antri ſui tenebris protractum in aperto velut campo publice ſpectandum deſtituam. De quo tamen nihil tradam, niſi quod in notitia omnium eorum inter quos iſthæc ſcribo, verſatur, & quod ſi opus ſit, fide actorum publicorum, & literarum authenticarum probari poſſit. Neque enim ut Beckmannus deterrimus bipedum habeatur, figmentis opus eſt, qui dum vixit, hoc unicum omni ſtudio egit, ut ſtoliditas & pravitas ſua in obſcuro ne latitaret.

Nicolaus igitur *Beckmannus* Heida apud Dithmarſos oriundus, cum eo tempore, quo bellum Svecicum in Polonia & Boruſſia deſlagrabat, Regiomonte egreſſet, ubi miros profeſtus in Saltationibus Polonicis fecit, neſcio qua occasione in familiam certi cujuſdam Comitis Succici ſe contulit, ut ejusdem filium prima literarum elementa doceret. Holmiam poſt finitum bellum delatus nulla alia re, quam ſtoliditate potuit inclareſcere quæ in faciem ipſi ſolebat exprobrari. Poſt ſexennium in familia Comitis abſumtum Marpurgum abiit, juris ſtudio ſe adplicaturus. Ubi dicitur *Medullam* ſuam *Juſtinianæam* ex privato collegio Mſto Profeſſoris cujuſdam compilaſſe, vel potius id paucis in locis interpolatum præfixo ſuo nomine Pariſiis poſt edidiſſe. Certe vix triennium eſt, cum Nobilis quidam Suecus, qui Marpurgi aliquandiu hæſerat, præſentibus quibuſdam ſtudioſis, & Profeſſore uno heic loci diceret, Marpurgenſem illum Profeſſorem Beckmanno plagii actionem intentaturum. Id certè patet, eam *Medullam* alium præferre genium à *Commentario ab Inſtituta* aliquot poſt annos ſcripto; nec eam ſpirare ruditatem & veſaniam, qua hic ſcateret; cum tamen alias intra tantum temporis ſpatium in melius ire debuiffent ſtudia hominis. Quicquid hujus ſit, ſaltem deſcriptio ejus libri non exiguo labore ipſi conſtitit, cujuſ intemperantia iſterum Pariſiis contraxit. Aurelii titulum Doctōris, qui miros homini ſpiritus dabat, præſenti pecunia emit. Commendatione Comitis, cui per ſexennium inſervierat, profeſſionem juris Romani in Academia Carolina tunc recens inſtituta nanciſcitur. In qua qualem perſonam acturus eſſet, ipſo inaugurationis die luculento ſpeciniune præluſit, dum proceſſione ad ædem ſacram cœpta ſuper præcedentia cum Schvvarzio, qui

P

tunc

tunc extraordinarii professoris Theologiæ titulum gerebat , ita acriter contendit, ut ad manus res jamjam deventura videretur , ni cæteri se interposuissent. Et hæc ratio est, quare in libello famoso, dum *viros Magni Nominis* recitat, meos heic loci adversarios, seipsum anteponat Schvvarzio, ut vel nunc saltem dignitatem suam adversus istum vindicet. Quid post hæc auspicia turbatum apud nos dederit, memorare supervacuum est. Quæ me tangunt paucis recensuisse suffecerit. Ab initio igitur bonus ille vir amicum se mihi simulabat, & cum sub adventum meum forte in Fionia abesset, cujus adibus tantisper uti constitueram, ipse in domo sua conclave unum atque alterum per sex puto hebdomadas mihi concedebat, donec proprias mihi ædes emissẽm. Pro quo officio plus ipsi discedens donavi, quam quanti totius anni pensio esse posset. Quamquam autem stoliditatem hominis & pudendam ruditatem primo statim congressu deprehendebam, eo minus tamen collisionis ab eo mihi metuebam, quod & curæ suæ supellestilis conscium cum crederem, & cum in diverso studiorum genere versaremur, vel Cuiacium peritia juris superare posset, ut luminibus meis nequidquam obstrueret. Paulatim tamen deprehendere cæpi, quam profunda invidiæ flammâ istius pectus adureret; & quod omnes fortunæ suæ rationes heic loci in eo sitas crediderit, ut ego hinc abessem. Cum nondum huc adpulissẽm, (quod postea mihi cognitum est,) non dubitavit ab Illustrissimo Academia Cancellario per literas petere; efficeret, ut ego Heidelbergæ manerem; se enim cum collega suo facile partes meas suppleturum. Et si responsum accepit, quo non magnopere gavissus fuit. Primis temporibus, dum amicum se adhuc simulat, subinde aures meas obrundebat, laborarem, ut in aula splendidiore munere potirer. Quod quo consilio caneret, facile adparebat, postquam non obscure ægrescere ipsum animadverti, cum videret domũ meam à nobilibus adolescentibus magis ac magis frequentari. Apertius sese livor caput exserere, cum intellexisset, librũ meum jam ad umbilicum deduci, & mox loco debito censuræ subjiendum. Ipse enim mire ardebat primus huic loco scriptis suis famam conciliare. Igitur statim quatuor aut quinque commentarios ad Instituta in mensa sua disponit; ex illis novum, si diis placet, commentarium generaturus; & vix paucis paginis utcunque conscribilatis, ejus imprimendi licentiam Holmiæ per literas petit. Mox & bibliopolam sollicitat, ut eidem im-

pri-

primendo sumtus suppeditet, spe præsentissimi lucri facta. Nam confirmabat fore, ut ita cupide iste liber emeretur, sicut calentes à fornace similes solent; quæ ipsius verba erant: *Es wird abgehen / wie warme Semmeln.* Cum isti persuadere non posset, ut pecunias suas perdere vellet, propriis sumtibus tam nobilem ingenii sui factum in lucem protrahere constituit. Ut tamen omnino me præverteret, typographum in has leges adigere tentabat; nullam paginam imprimendam susciperet, antequam opus suum esset absolutum. Hoc quoque conatu depulsa miserrima ambitio eo acerbius indoluit, quod mihi postea injungeretur commentarium ipsius revidere, ne quid legibus hujus regni adversum eo contineretur. Nam ruditatem & stultitiam suo periculo apricari concessum ipsi erat. Interea cum per triennium hominis vesania & pravitas ex variis litigiis ab ipso motis perspecta, patientiam superiorum consumsisset, initio anni 1671. salario privatus est, quo insinuaratur, sedem furoris exferendi alibi esse ipsi quærendam. Heic igitur judicabat, unicam sibi superesse viam heic locorum subsistendi, si qua me evertere valuisset. Etsi ego propalato jam ejus in me livore aperte jactarem; si vel maxime dudum sepultus ego forem, ipsum tamen Beckmannum mansurum. Exinde hoc potissimum parario conspiratio illa adversus me coepit, de qua in Apologia mea satis expositum fuit. Et ipse, dum in typographiam subinde graditur, aliquot articulos, cerebro suo non quadrantes, annotaverat; sed quos cæteri socii tanquam ad rhombum nihil plane facientes rejiciebant. Ac Schvvarzius illibatam gloriam ex confecto Indice Novitarum sibi vindicatum ibat. Spes autem erat fore, ut si *tanti nominis viri* (ex elogio Beckmanni) supercilio me suo notassent, & universus Sueciæ Clerus in me insurgeret, & ego inauditus, indefensusque condemnarer. Sane tam certam victoriam animo præceperant, ut is, penes quem præcipua factionis autoritas, (*Winstropius*) cuiquam amico his ipsis verbis diceret; *ne Regem quidem servare me posse.* Et idem publice in Academiæ Consistorio, me absente, pronunciaverat; omni mihi ingenio meo opus fore, ut hinc me extricarem. Credo equidem, si Beckmanno iudice causa esset disceptanda. Postea cum adversariis meis silentiam foret impositum, Beckmannus nondum sibi quiescendum putavit; sed Indicem istum, abs se quibusdam in locis interpolatum, Gieslæ Hassorum typis excudendum curavit, opera ad hanc rem usus

cujusdam bibliopola Holmiensis; qui cum interrogaret quare non nomen suum scripto adponeret? respondit; exiguum id esse, nec dignum, cui nomen præfigatur; eoque duntaxat sine id conceptum, ut Pufendorfius intelligat, alios quoque homines præter ipsum quid sapere: Ita homini persuasit tam turpem operam sibi navare, cum viri candorem proceritate corporis, & titulo Doctoris metiretur. Curavit tamen, ut Beckmanni MStum sibi remitteretur, quo autorem suum convincere posset, si forte post eam in rem inquireretur. Caterum an istud scelus solo Beckmanno autore susceptum sit, an vero cujuspiam alterius suasu, consilio, aut ad probationem, liquido asserere nondum possum. Et facile patior, ut Beckmannus solus ex eo facinore nebulonis titulum reportet. Nec si quis particeps fuit, ideo poenam divinam effugiet, ut ut humani fori severitatem declinaverit. Causa autem istius flagitii suscepti manifeste adparet. Spes quippe erat fore in Germania aliquem præcipitis animi, & male oculati Zeli Theologum, qui conspectis istis chartis, nulla disquisitione instituta, statim ad arma clamaret. Ex quo novum prostratæ causæ fulcrum accessurum judicabatur. Quis enim deinceps dubitaret, quin Pufendorfius statuisset, quæ ipsi in mentem nunquam venerunt, si doctor aliquis in Germania libellum famosum velut Apostolicum monumentum adorasset, aut Pufendorfii tradita in tabellis suis & dictatis non reperiri assereret. Enimvero uti in eo Beckmannum sua spes non plane sefellit, quod utique infami suo scripto effecit, ut unus & alter tam turpiter se prostituerit; utque adeo juxta Teutonicum adagium unus stultus multos stultos faceret: ita in eo falsus animi fuit, quod aut tanti ponderis apud nos fore putaret unius vel alterius viri cœcum judicium; aut suum se scelus ita occulte instruxisse crederet, ut ejus nunquam convinci posset. Nam cum rescivissem, quis Francofurti id scriptum distribuisset, facile deinde fuit ad fontem sceleris penetrare. Noster autem Beckmannus, cum sentiret me jam jam ad finem inquisitionis pervenisse, repente Holmiam versus iter arripit, & ex itinere ad uxorem refertur, ut supellectilem suam quantum posset venderet. In aulam delatus missionem suam petere cepit; sed prævertentibus meis literis dilatus, cum interea Holmiæ MStum ipsius coram magistratu prolatum esset, & jam lictores mandatum accepissent, ut postera die hominem in carcerem raperent, ipse rem subodoratus, an conscientia vecors, nocte cubia

eubia Holmia profugit, & accelerandæ veredationum promittuntur, an occultandæ fugæ Comitum sese per hospitia edidit. Et quanquam ad portus hujus provinciæ mandatum erat, ut sisteretur; tamen pro coniventiam militum, aut ex litore infrequenti in vicinam Zelandiam evasit. Hafnia mense decembri anno 1673. epistolam ad me scribit, in qua primo me Hamburgum in duellum provocat, eo certior sibi de me victoriam pollicitus, quod ipse dexteritatis suæ in arte gladiatoria non obscurum specimen dederat, heic loci cum Lanista quodam circumforaneo, qui licentiam artis suæ exercendæ petebat, in magna studiosorum corona tantus Doctor & Professor congressus, ut ostenderet, Beckmannianam vesaniam non legibus solum armatam, sed & armis decoram esse. Sed quia suspicabatur, ægre me adduci posse tempore hiberno iter Hamburgum suscipere, ut cum nebulone ibi depugnarem, carnifici victimam debituro; eadem illa epistola minatus est, ni ab ipso persequendo desisterem, se mediate & immediate me aggressurum, etiam cum dispendio salutis suæ æternæ, & illa ipsa mendacia, quæ jam in recenti ejusdem libello famoso exponuntur, mihi publice obiecturum. Quam epistolam ego in Consistorio Academiæ protuli, & quasdam ex ea sententias protocollo inferi curavi. Sic ut isthoc scelus, & universus mendaciorum adparatus mihi dudum sit perspectus, qui ex illa ipsa epistola fere ad verbum est expressus. Etsi dolendum sit, obscura duntaxat vestigia adparere tam argutæ sententiæ, quam in epistola posuerat: se jam me provocare, *quia nunc in statu naturali absque entibus moralibus constitutus esset.* Quo ipso candide in bestiam se degenerasse profitebatur. Nam in disciplina juris naturalis bestia non aliter consideratur, quam animal in statu quasi naturali absque entibus moralibus constitutum. Ego tamen minas istius flocci faciens, & apud cordatos viros plus innocentiam meam, quam Beckmanni mendacia, valituram confidens, intrepide actionem adversus ipsum persequabar. Demum sententia à Consistorio Academico pronunciata, & in aulam transmissa à S. R. Majestate quidem ratihabetur ut tamen clementiam suam testaretur, addidit; veniam delicti Beckmannum obtenturum, si deprecatione, qua ego contentus esse possem, me placaret. Sed tantum aberat, ut ille tam insignem Regiam gratiam amplecteretur, ut potius impudentissimas literas, & quales non nisi à Beckmanno conscribi possunt, ad Consistorium

Academicum daret; in quibus post prolixos furoris vomitus demum concludit, se propter evitandam damnationem maternam precibus uxoris hoc dare, ut lis illa utrinque silentio sopiatur. De injuria mihi facta, aut deprecatione nullum verbum. Minæ tandem reperebantur, & quantum incendium adversus me esset excitaturus, Subjecit tamen, fore ut uterque nostrum parum honoris inde sit reportaturus. Quod de ipso quidem verissimum est. Nam licet & mihi parum gloriosum sit tam terræ bellæ furorem excipere: tamen apud superiores meos, & omnes honestos atque cordatos viros non magis existimationi meæ detrimentum aliquod ex scelesto illo scripto metuo, quam si me furiosus aliquis luto adpersisset. Nam molestum quidem est circa ejusmodi sordes abstergendas occupari; sed quo minus alter insanire præstare meum non est. Compositione amica hoc modo abrupta, executionem sententiæ omnibus modis impedire nitebantur, qui Indicem Novitatum hæc enixi erant; quod metuerent, ne aliqua scintilla existius infami rogo in ipsorum barbas transvolaret; quorum unus (*Schwarzius*) per vulnera *Jesu Christi* obsecrabat, ne id fieret. Cum ea res in Senatu Regni in utramque partem disceptaretur, S.R. Majestatis effatum dubitationi finem imposuit; *Pufendorfio petenti justitiam denegari non posse*. Igitur mense Aprili anno 1675. sententia in Beckmannum hæc publice in foro promulgata, & *Index novitatum* per carnificem igni per quam luculento datus est; ex cujus cineribus novus jam libellus famosus ad phœnicis instar surrexit. Et inde tutum jam est Beckmanno libellos famosos edere, & citra respectum Dei hominumque mentiri, qui semel in desperatum furorem induruit, ut seipso proficiente malit jacturam salutis æternæ facere, quam adversus me non insanire. Et honore jam omni exutus nihil novæ infamiæ amplius capit. Nam ne fustigationem subeat, facile per hos belli tumultus cauturum se sperat:

Cæterum ut eo minus dubium restet illis, qui animal istud penitus non norunt, nullum mendacium tam absurdum esse, quo asserto Beckmannus erubescere possit; age unum & alterum ipsius factum proferamus hæc loci patratum, quo tempore adhuc inter honestos viros censcebatur. Ac ne quid jam repetam de scelestâ illa epistola, sine subscriptione Holmiam missâ, de qua mentio fit Apologia nostra p. 75. cujus Beckmannus auctor laudatur; anno 1669. honorato cuipiam Viro, (cujus

jus nomen, cum nesciam an hoc gratum ipsi sit futurum, heic adponere supersedeo) furti crimen objiciebat. Causa coram Commissariis, magnæ dignationis viris, heic loci cognita, mendacii & calumniæ convincebatur noster Beckmannus, utut syllogismi in forma adornatis magnos strepitus dedisset. Quo tamen tempore poenam magis, quam infamiam declinavit, tantam injuriam interpositu amici condonante isto viro; cui satisfactionis loco erat, quod innocentiam suam demonstrasset, & Beckmannum ad agnitionem injuriæ suæ adegisset. Poterat hoc sufficere, ne inter honestos viros luridum suum os amplius ostendere auderet. Audiamus aliud ejus factum non paulo foedius. Per longum satis tempus domi suæ mola manuarum instructa Regis reditus defraudaverat Beckmannus. Retandem per telonæ deprehensa, furtivo molitori multa centum thalerorum simplicium dicitur. Hic telonam ulcisceretur, publice ipsi peculatum, furtum, homicidium, aliaque crimina atrocia objecit. Res coram Commissariis examinatur: Domino Doctore aqua ubique hæret. Quid heic tanti nominis Jctus ageret? qui ut unius delicti poenam effugeret, pluribus se per vesanam malitiam induerat. Nihil jam restat, quam ut pudoris & exultationis jactura, ipsi vilissima, graviores poenas declinet. Interventu amicorum Sueño Jonæ fil. (id telonæ nomen est,) utcunque placatur, postquam egregias Doctor literas reversales scripsisset in hanc sententiam: se crimina illa, quæ longo ordine enumerantur, ipsi objecisse non quidem animo ea probandi, sed ut suspectum ipsum redderet, quasi & sibi ab eodem facta fuerit injuria. Sed cum jam deprehendat, hanc rem sibi ad effugiendam multam prodesse non posse; igitur se ista retractare, & telonam ab omnibus objectionibus immunem declarare. Telona vicissim injuriam ipsi condonat, salvo tamen superiorum jure. Quomodo tantus Jctus malitiosum calumniatorem & mendacem disertius describere poterat? Aut quem sibi amplius locum inter honestos viros reliquerat? Extant adhuc illæ literæ Beckmanni manu subscriptæ, & exempla earundem in multorum manibus versantur. Quam facile ergo fuerat post hæc specimina famosum libellum procudere, insulsis refertum mendaciis, homini desperato, infami atque intestabili, cui unicum hoc vitæ precium restabat, quacunque via ardorem vindictæ in me exprimere? Nec est quod aliquem moveat temeraria illa asseveratio, quam mendaciis

daciis suis fidem adstruere conatur impurissimus bipedum. Cui enim erectis digitis & conceptis verbis post pramissam de pœna perjurii admonitionem juranti de re, quam oculis se suis vidisse diceret, juxta leges hujus Regni fides haberi non deberet; illius execrationi aliquid pondus tribuetur ex infamibus suis tenebris crocitant in tali actu, qui meri sceleris causa susceptus est? Perinde ac si quis magnifice de pietate alicujus furis sentire velit, ideo quod dum ad furandum se accingit, super successu Deum invocat.

Quamquam autem æqui rerum arbitri ex dictis facile judicaturi sunt, quo numero habendum sit ovum abs ejusmodi corvo exclusum: ne tamen Alastor voto suo ulla ex parte potiatur, nevé ex mendaciis ipsius vel minima suspicio hæreat, quædam ad libellum famosum annotare placet, quæ ad impudentiam calumniæ illustrandam aliquid videbuntur facere. Ac levicula quidem illa & prope puerilia prætereo, quibus tamen Alastor putavit sese animo meo ægertime facere; quod tam solícite *magistrum* me, & *philosophum*, ac *philosophiæ professorem* vociter. Ea enim erat non minima invidia causa in me, quod ego loco, & salario, quam ipse, gaude rem splendidiore, cum tamen titulum doctoris nunquam appetivissem, nec me purum putum legistam tulissem. Quasi omnem eruditionem titulis scholasticis metiri necessum esset; aut quasi inter eruditos opprobrio foret, aliquid præter aridas legum allegationes nosse. Sic & ridicule *risus* meus notatur à gravissimo scilicet viro, qui repente jam tertius è cœlo cecidit Cato. Quod vocabulum nescio quo instinctu jam invaserit homo, qui per totam vitam risui aliorum præbuit materiam, nisi quod bona fide Porcius sit. Et si quod risui tam infectus sit, minus mirum videri jam debeat, utpote qui vesania se sua eo redigit, ut ringendi potius quam ridendi causam habeat. Eoque jam si Diis placet nobis comminiscitur novam *Academiæ Catonianæ*, cui ipse in Apollinis vicem præsideat, non quidem Musis Gratiisque, sed Infamia, Furore, Flagitio & Barbarie stipatus. Quod ipso collabuntur amicorum ejus magnificæ fabulæ, heic magna asseveratione sparsæ; eundem ejurata vitaliteraria Fuldæ Cancellarii munere potitum; postea Marti se consecrassè, & tribunum militum, mox præfectum equitum factum; quasi ad utrumque officium sat commendationis habeat cum infamia relegatum esse, aut à lanista circumforaneo vapulasse. Sed isthæc leviora mittamus.

Alhei

Athei & atheismi convitium & in libello famoso, & in epistola encyclica utramque paginam implet. Quod cur Alastori potissimum placuerit, cum ad mentiendi impudentiam nihil interfuerit, an parricidium mihi, & latrocinium, & piraticam, & veneficium, & plura alia objecisset, in promptu causa est; ut nempe ejus vocabuli atrocitate sacerdotes in me irritaret. Enimvero improbe plane de sacro ordine sentit Alastor, si credit; apud eundem vesani hominis maledictum in libello famoso cruciatum ponderis aliquid habiturum adversus virum bonæ semper famæ, ipsumque statim ad nutum impuri calumniatoris in iras abiturum. Sane ego longe prolixius mihi pollicor de prudentia & circumspeditione istius ordinis: nec facile spero ullum cordatum tam prodigum fore existimationis suæ, ut sub auspiciis Beckmanni tam infami militiæ nomen sit daturus, in qua nihil aliud quærat, quam ut innocentis viri fama variis mendaciis & calumniis maculetur. Sed excutiamus potius argumenta, quibus Alastor probare instituit crimen tam atrox, & tantopere abhorrens à professione & vita mea, & à præsumptione illa, qua dum vixi apud omnes bonos, qui me norunt, gavissus sum. Arguuntur primo *pestifera, nova & inaudita principia*: quæ scilicet, ex consideratione rerum & hominum, operum utique divinorum, hausta, quam proxime ad sana tradita Stoicorum, ad religionem autem Christianam examussim quadrant. Circa quæ excolenda laborem à me susceptum profiteor eo fine, ut quantum in me ex quibusdam Protestantium scholis exturbarem jejunam illam Aristotelis Ethicam, circa evolvenda undecim virtutum vocabula satagentem; & politicam ejusdem inutilem, ac quædam dogmata recip. perniciose continentem integritati & sanitati restituerem: utque nostrates ex sana ratione, quam lacunis Moralistarum, quod justum & injustum sit eruere mallent. Quem meum laborem & scopum rei literariæ & publicæ salutarem existere vel hoc argumento non parum confirmor, quod sentiam Satanam per primum suum satellitem tantum furorem in me effundere; utpote cui dolet, regnum tenebrarum detrimenti quid capere. Qui & ipse non alio modo usus est in persequendis puræ religionis instauratoribus, quam ut doctrinam ipsorum juxta & vitam pessimis calumniis oneraret. Et sane si DEI & veritatis causam ageret Alastor, ejusmodi artibus quales in me sunt usurpatæ, haudquidquam opus erat. Jubentur quoque ab Alastore signum atheismi esse *entia Moralia*; quæ

utique fuerunt, quamdiu genus humanum exitit. Sed quod eadem antehac in ordinem non sunt digesta, nec ipsorum indoles curatius tradita, philosophorum incuria in culpa est. Quæ & ipsa jam à Viro ingeniosissimo D. Erhardo Weigelio Mathematicum apud Jenenses Professore, lingua Teutonica ita perspicue sunt exposita, ut ne à rusticis quidem obscuritatis amplius accusari possint. *Indifferentiam omnium actionum humanarum* à me traditam fœdum est mendacium, ut crediderim, ipsum diabolum eo prolato erubescere posse, quippe quod plane belluinum stuporem arguit. Quid enim rationis illi inesse queat, qui discernere nesciat actionem humanam & moralem à nudo motu physico à lege abstracto. Inprimis velut sedes novi atheismi in epistola insinuat *liber primus*; quem cum Beckmannus à se non intelligi ipse fateatur, quo atrocius contra istum exclamat, eo gravius furere est censendus. Per *novitates* meas nihil in jure naturali immutatum est, cujus præcepta perpetuo sunt & fuerunt eadem: sed disciplina ejus juris, modusque tractandi & demonstrandi culturam atque polituram capit. Et erroribus ac naniiis ejusdem facies exsplendescit. Sed nec illud ad atheismum pertinet, si quis contra ignorantiam, malitiam & invidiam apud superiores suos præsidium petat & inveniat; aut si cordati Principes suorum hominum maleconsultum fervorem temperent, ne per inania litigia existimationem suam prostituant. Id porro commentum non minus scelestum, quam absurdum est, quod odium, quo *Hobbessii* nomen apud multos laborat, in me transfundere studet Beckmannus, & cæteri, qui me allatrant. Cum tamen non ea modo, quæ iste in religione novavit, expresse à me improbentur; sed & meum fundamentum, ex quo ego juris naturalis præcepta deduco, Hobbiana hypothese directe contrarietur. Ego enim Stoicorum sanæ sententiæ proxime accedo; Hobbessius autem Epicuræorum hypothesein recoquit. Et si quis *Richardi Cumberlandi* scriptum, eodem anno in Anglia, quo meum opus in Suecia editum, cum meo accurate conferre velit, videbit, omnia fere, quæ iste in Hobbessio reprehendit, à me quoque fuisse notata; cum tamen idem ex professo hoc egerit, ut Hobbessii hypothesein destrueret, ego autem in accessorii duntaxat loco habuerim ejusdem errores notasse. Id tamen non diffiteor, me quædam Hobbessii loca conatum explicare, & dextra interpretatione emollire; multa, quæ cum recta ratione congruunt, retinuisse. Quod cur mihi non licet, nondum adparet; nisi forte illud

vehementius

vehementer ad rem facit , quod Alastor istum *religione Calvinianum* (quem *mox atheum* designat,) & *natione Anglum* tam solícite inculcat. Quasi non infinita Christianorum multitudo tantum non in verba Aristotelis juraret, qui & religione ethnicus, & natione Græcus fuit. Id tamen valde argutum; quod Beckmannus, ut eruditus orbis jam tandem quidde Hobbessio sentiendum intelligat , ad *præfationem commentarii sui ad Institutam* lectorem remittit. Id enim non ex ambitione tantum sit, ut *tanti nominis vir*, quem seipsum vocat, propria commendatione scripto suo auctoritatem conciliet; sed & hac ratione unius vel alterius curiositatem irritaturum se sperat, ut eum librum emant, Beckmanni sumtibus impressum. Sed videte quam non invideam homini extremum famis remedium. Ipse ego quantum possum suadeo, hortor, oro obsecroque omnes, qui Asinii Tenebrionis sectam sequuntur, emant sibi istum Patriarchæ sui foetum, & sacrosanctum habeant tanti viri monumentum, ex quo nostra ætas videre potest, quid ultimum sit in stoliditate. Nescio etiam an multum ad rhombum faciat putida illa fabula de pugna duorum studioforum, mirandum specimen acuminis Beckmanniani: in qua illud eleganter ex ingenio Beckmanni est expressum, quod ea disputatio *inter pocula* feratur suscepta. Nam id habet noster. Post tertium poculum Syllogismi in forma rupto velut repagulo qua data porta ruunt, & mensam turbine perflant; actotum rectum nil nisi quicumque Atqui Ergo resonat. Sed id valde præter decorum, quod illi, qui à meis partibus steterat, victoriam tribuit, non sine scævo omine pro Beckmanno & cæteris, qui ipsius novæ militiæ nomen dederunt. Circa *Monzambanum*, de quo magnam vim mendaciorum cumulat Alastor, quæ alio loco à me dicta sunt repetere tædet. Quem usque adeo non capir stupor Beckmannianus, ut audere non erubescat, eo libello *versionem statius publici per Germaniam quari*: cum tamen Severinus fundamenti loco subternat; statum Germaniæ, pace Westphalica constitutum; esse conservandum, nec contra eam quidquam novandum. Quo ipso & libertatem Ordinum Germaniæ, & securitatem religionis Protestantium inniti, cœcus sit qui non videat. Ut mirari satis non possim, illos potissimum id scripti impugnasse, qui hisce partibus favere tenebantur. Audiamus tamen argumenta, quibus me istius libelli autorem convincere instituit. Ait, in tota Succia *juxta propriam confessionem* à Magnati-

bus me autorem haberi. Ast ea confessio nusquam extat. Eum *Magnatibus in Suecia & aliis in fidei & amicitia tesseram à me datum esse*, impudentissimum est mendacium. Nulli mortalium unquam libellus iste à me dono datus fuit. Imo ille ipse codex, quo ego utor, ab ornatissimo viro Antonio Christiani Rigensi, tunc meo Heidelbergæ contubernali, ex nundinis Francofurtensibus dono mihi afferebatur. Quam scilicet neum porro est ratiociniū inde desumptum, quod ego *ex ipso* illud politicum de republica irregulari, ad statum Germaniæ applicatum, exercitii causa defenderim? De stylo nemo minus quam Beckmannus judicare potest, quo nemo unquam stolidus scripsit. De *Sphæra celesti* Severino & Apologia mea præfixa ridiculum est; quasi nulli alii libri hoc insigne præferant. Apologia mea Lipsiæ impressa est. Interroget Alastor, num & Monzambanus ibidem impressus sit. Par cæteris mendacium est, *me ambitiose eo nomine gloriatum, quod Monzambanum scripserim*. Quis audivit? Denique ad duorum Virorum testimonia provocare nulla alia occasione Alastori in mentem venit, quam quia norat, Perillustrem quondam Baronem Boineburgium insignem fuisse studiorum meorum fautorem; & cum altero me olim Francofurti frequenter conversatum. Sed mittamus Monzambanum, cui utique aliquis in Germania locus relinquetur, quoad libertas Ordinum, & religio Protestantium ibi firmo stabit talo. Pergit se ipsum mentiendo superare Alastor, dum scribit, *me nullam Religionem cum Platone, (agnoscas hominem in omni antiquitate versatissimum,) aut planè gentilem Romanam fovere*. Quippini? Nam inter alia in opere meo publice scripsi, religionem statui recipi. esse accommodandam, & quasi pro instrumento ad conservandum statum publicum habendam. Quid impudentius unquam orbis audivit? In manibus multorum versatur liber meus, versatur Apologia; post quam peculiaris adhuc dissertatio à me conscripta est eradicandæ penitus isti calumniæ: ubi ad oculum monstratur, id à me tantum doceri: providendum esse rectoribus civitatum, ne sub specie & obtentu religionis falsa & perniciosa dogmata politica disseminentur. Et tamen non veretur tantum mendacium revocare Alastor, cujus falsitatem deprehendere possunt omnes, qui legere norunt. Par mendacium est, *à me resurrectionem mortuorum non credi*. Si Beckmannus producere possit ullum mortalium, qui DEO teste asserere possit, se publice aut privatim audivisse, me ullo verbo articulum istum

istum in dubium revocasse, tunc optimus & veracissimus virorum Beckmannus à me declarabitur. Sic *non credam ego diabolum dari*, qui ejusdem satellitem tanta rabie in me sævire sentio? Nam quæ Beckmannus in me patravit, humanam malitiam longe excedunt. Sed quod *spectra* peculiarem articulum fidei constituent, nondum audivi. Super quibus si quis ad Inquisitionem me trahat, ita respondebo: me nunquam spectrum vidisse, nec ut videam cupere: Ab imperitis hominibus multa nocturno metu & errore caliginis, aut illusionibus aliorum fingi putare: Omnibus promiscue fidem detrahere temerarium censere. De *æternitate mundi* nemo me: vel differendi causa pro Aristotele loquentem unquam audivit; & in libello meo de *Officio* eadem à me expressè damnatur. Porro ut ego plura sabbata celebrem, quæ lex divina & antiqua Ecclesiæ consuetudo jubet, ratio muneris & studiorum meorum non patitur. Quod si autem in eodem templo duo Sacerdotes alternis diebus dominicis concionentur, quorum alter cathedra sacra abutatur ad evomendum in me succum nigrae loliginis, ac omnes occasiones aucupetur me vellicandi & traducendi, num ullo jure tencor istius hominis virus, quod de suggestu in me evomit, hianti ore præsens excipere? Aut quis me prohibebit tantisper in alio templo concionem audire? Crassissimum porro est mendacium, quod ego unquam *duos delegatos meo nomine* ad ullum heic sacerdotem miserim. Omnes si opus sit vel jurato falsum id esse testabuntur. Sed circa *Secretarium Academiae* ita se res habet. Quando primum heic loci bellum contra me movebatur, ut etiam sex vulgi, quæ alia non capiebat, materiam garricendi acciperet, spargebatur, à me doceri, debere unum virum duas habere uxores. Istas nugas ad aures Concionatoris primarii. M. Johannis Ernesti pervenisse ex quibusdam verbis ipsius colligebam. Itaque ne optimus vir in eo errore hæreret, Secretarium Academiae, qui tunc domo mea utebatur, ad eum misi, ut ex meo libro illi ostenderet, mihi eam sententiam à malevolis falso affingi. Quod uti amico animo à me fiebat; ita & in bonam partem id iste accepit, & ex eo tempore nullum amplius verbum ea de re fecit. De *cantatione missarum* sine dubio per somnum Alastori in mentem venit. Nam quid istæ nugæ sibi velint, ego plane non capio. Inde aliam mendaciorum seriem orditur Satanae satellites. De quorum falsitate etsi DEO omniscio, & plurimis honestis viris, qui adhuc vivunt, & decursum vitæ meæ norunt, constat: pauca tamen ad-

dam in gratiam eorum , quibus nulla propior mei est notitia. Ac de abominabili crimine primum videamus, quod *anno 1657. & 1658. Soræ* à me patratum scribit. Annum 1657. ego à principio ad finem Jenæ in ædibus D. Weigeli exegi. Anno 1658. ab Illustri Viro D. Coyeto Lipsia, ubi tunc mensa D. Joannis Bornii Jcti utebar, evocatus fui, ut studiis filiorum ipsius præessem. Nam quod ego nunquam isti viro *ut scriba infervierim*, ipse Alastor optime novit. Ad memoratum Virum Hafniam perveni, ubi istunc Legati munereungebatur, labente mense Aprili. Cum negotiatio Legatorum Succicorum extraheretur, Hafniæ subsistendum mihi erat usque ad mensem Augustum. Quo mense cum repente bellum recrudesceret, cum altero Legato Illustrissimo Barone Srenone Bielke, nunc Regni Sueciæ Thesaurario, (nam Dn. Coyetus paucos ante dies ad Regem Sueciæ excurrerat, me Hafniæ relicto.) ac omni Legatorum comitatu ac familia in custodiam datus, inque ea per octo menses detentus fui. Ergo quo tempore ista Soræ à me patrata mentitur Alastor, ego Soram nondum oculis meis videram. Sub finem mensis Aprilis anno 1659. Hafnia dimissus Helsingoram perveni viribus valde afflictis, quod me nondum à febris petechiali recreassem; quæ paulo ante Hafniæ me morti prope admovebat, in qua Valentinus Caspar Rupitius Magdeburgensis, tunc Medicinæ studiosus, fidelissime mihi medicinam fecerat. Festo Pentecostes imminente Frater recreationis causa, & præcipue ut D. Henricum Ernstium salutarem, Soram me abduxit. Eo pervenimus die Saturni, quæ festum proxime præcedit. Diversabamur in publico hospitio, in quo tunc temporis quocumque agebât Habbeus Secretarius Regius, & N. Mullerus Gedanensis Medicinæ Doctor. Primâ feria Pentecostes cœnabamus apud Præfectum quondam Soranum D. Georgium Rosencrantz, altera apud D. Georgium Witzleben Theologum; tercio die Abraham Wonchter pictor prandium nobis adparaverat. Quarto die iterum Helsingoram versus tendebamus, & in transitu D. Thomam Bartholinum Roschildæ salutabamus, qui tempore obsidionis Hafniensis ibi commorabatur. Hoc modo, & in talium virorum consortio triduum mihi Soræ exactum, quæ ex eo tempore nunquam mihi visâ. Ex quibus & quid de carmine in puellam scripto, & de novellis concinnatis sentiendum sit, adparet. Et satis novi, nemini mortalium Soræ tale quid de me nec per somnium quidem in mentem venis-

venisse, nedum ut unquam constans aliqua fama ea de re fuerit. Sed ista portenta, ut & cætera omnia, diaboli instinctu Alastor sinxit, ut illi cui se devovit, improbitatem suam raro quopiam specimine adprobaret, ac ne perjurium suum vulgari cuiquam mendacio impenderet. De vita mea Heidelbergæ exacta testes excitare possum tum, qui instar omnium est, Serenissimum Electorem Palatinum, tunc Collegas meos, & tot florentissimos juvenes, qui eo tempore studiis ibi operabantur, tum omnes ejus urbis incolas. Quibus vitam me meam adeo adprobasse confido, ut nihil magis optem, quam Alastorem ibidem deprehendi posse, ubi in mei gratiam virgis publice cædendus, & cauterio signandus sit. Et sane usque adeo vita mihi eo loco non dissolute agebatur, ut citra vanitatem asseverare ausim, præter laborem publice privatinq; docendi, plus bonorum librorum Heidelbergæ uno anno mihi fuisse evolutum, quam Beckmannus per totum vitæ suæ spatium inspexit. Quin & ea, quæ vir quondam longæperuditissimus *Bæclerus in epistola dedicatoria Notis ad Grotij librum II. præfixa*, de me in vicina Argentina scripsit, longe diversa ratione, atque Alastor mentitur, ætatem à me Heidelbergæ exactam insinuant. Sed nimirum præcipuum fontem omnium calumniarum dissimulare non potuit Beckmannus, dum nobilem juventutem contubernio meo tunc usam à me corruptam gannit. Illa enim nobilis juvenus tantam mihi invidiam peperit, & eidem à me alienandæ conspiratio ista in me inita est; de qua satis in Apologia mea dictum. Si nullos ego nobiles discipulos & contubernales heic loci habuisssem, ex ipsis Beckmanni judicio, sanctitate, devotione, innocentia nemo superior me existeret. Quod ulterius mentitur Alastor, *Serenissimi Electoris Palatini Primogenitum contra Parentis salutem & jus divinum male informatum* à me esse; ea calumnia in ipsos quoque Optimos Principes redundat. De qua ut omnibus constet, pauca hæc sufficere possunt. Anno 1667. cum jam decretum esset de me in Sueciam evocando, Serenissimus Elector Palatinus Serenissimo itidem suo Filio jussit me certum aliquod pensum extra ordinem explicare; (nam habebat alias ordinarios suos informatores.) Id quod intra tres menses æstivos absolutum fuit. Ac nemo ulterius inquirendum judicabit, ubi intellexerit, id ab Ipso Serenissimo Electore, Principe divinarum atque humanarum rerum callentissimo, fuisse mihi injunctum. Atque iste exiguus labor tantum abest, ut *sine præmio* mihi fuerit

fuerit exactus, ut ipse Alastor non semel fauces suas grandi illo poculo, quo præter alia eo nomine donatum me norat, proluerit. Persummani quoque impudentiam testes excitat Dnn. Blumium & Bœckelmannum, quos honestissimos viros de hoc negotio ne somniasse quidem constat; quorum nominibus ideo abutitur, quod forte audiverat, eos parum a quo in me animo fuisse. Sane Blunnus quo tempore ista informatio fiebat, in ministerio & gratia Serenissimi Electoris Palatini non erat. Bœckelmanno autem nihil unquam negotii cum informatione Principis fuit, cujus directio D. Jo. Ludovico Fabricio, viro mihi amicissimo, commissa erat. Par prioribus mendacium est, quod addit Alastor: *voluisse Scren. Electorem ignominiosè me Heidelbergæ dimittere.* Cum nemo Heidelbergensium ignoret, Serenissimum Electorem, meum discessum ægre tulisse; noluisse tamen incrementa fortunarum mearum, quæ in Suecia quærebam, impedire. Quin post discessum meum Idem clementissimam suam in me propensionem non verbis solum, sed & re ipsa una plus vice testatus est. Ejusdem generis est, quod Alastor pergit, *precario me professionem philosophicam juris naturalis in Scania adeptum.* Sane extant adhuc literæ Illustriss. Regni Cancellarii ad fratrem meum tunc Parisiis Residentem, quibus ab eo requirit, ut mihi persuadeat, ne vocationem Suecicam abnuerem. Et quam precario huc venerim, testatur salarium, & locus mihi assignatus primarius, cujus invidia Alastorem non parum adussit. Ejus quippe stupor digerere non poterat, leges DEI majore dignatione quam Justiniani haberi, & in istis evolvendis non minus ingenii & eruditionis, quam in hisce requiri. Puto jam satis à me ostensum fuisse, abs nullo homine, cui ulla mica honestatis & bonæ mentis restat, tantam *varaginem*, ut Beckmanniana latinirate utar, scœdisimorum & absurdissimorum mendaciorum potuisse confarcinari. ni patris mendaciorum diaboli instinctu ferretur, cui ut eo firmius se pignoreret Alastor, perjurio tandem in conspectu Germaniæ sese adstringit. Ergo vivit profecto Deus, qui impium hominē, cui salutem animæ suæ immanibus odiis & vindictæ libidini immolare propositum fuit, dignis demum suppliciis mactabit, postquam quæ hæcenus pro sceleribus inflicta est castigatio, malitiam nefarii capitis tantum induravit.

Post eructatum perjurium cætera mendacia securius & languidiore asseveratione expromuntur. Nam quod atrociter in apologiam meam involvi-

invehitur, facile Beckmanno ignosco. Ibi quippe sub A sinii Tenebri-
 nis vocabulo suis se coloribus non infelicitè depictum conspicit, &
 quod hætenus ludibrium omnibus, qui cum ipso conversati sunt, ex-
 hibuit, jam etiam ignotis debet. Inde Alastor, velut proprio veneno
 exhausto, à fratre & patrono suo dilectissimo Pontifice Garlebienti non
 nulla mutuo sumit, & solícite enumerat officia erga certos viros *magni*
nominis, inter quos ipse proximum à primo locum sibi assignat, quæ à me
 violata jactat. Vbi illud ex arte calumniandi, quod plures huic negotio
 immiscere conatur, qui idem ad se nihil spectare aperte profitentur, Illu-
 stres juvenes meos discipulos Dn. Fossium, Cervinum, & Papke. Deinde
 uti ample nimis officia mea erga istos, quibus cum mihi revera negotium
 fuit, enumerat, quorum pleraque non agnosco: ita male Beckmannus
 omisit illa officia, quæ vicissim ab istis mihi debebantur, simulque quales
 iidem adversus me sese gesserint. De hoc enim nisi constet, durius an
 mollius justo illi à me habiti sint, judicari non potest. Nec amplius
 quid dici jam opus est, nisi hoc ut Deus retribuat illis, sicut de me sunt me-
 riti. Id tantum addo; inauditum hætenus mihi fuisse, me *ab Episcopo*
Winstropio, aut alio quopiam *publice atheismi accusatum*. Et quanquam
 alias ab ipso nihil omisum est, quo mihi nocere possit: tamen non eo de-
 lirii processisse eundem crediderim, ut Beckmanno tam detestabili male-
 dicti formula præire non erubuerit. Dehinc velut in torrentem se ef-
 fundit eloquentia Beckmanniana, qua mirifice se jactat, ac subinde inge-
 nii sui stricturas spargit; velut quod de collusionè mea cum diabolo ru-
 ctat, oblitus, se paulo ante scripsisse, diabolum à me non credi; item, *de*
Caligula Christianorum persecutore, & *communione uxorum Platonica*, quæ
 si diis placet, à me asseritur l. VI. c. 5. §. 15. 775. Qua declamatione fauces
 sibi præparat ad evomendum obscænissimum mendacium, quo vel ipse
 Beckmanni choragus erubescit, qui ne mendacia autores tantum suos
 maculent, aliquam probabilitatis speciem illis circumdare inter arcana
 artis suæ habet. Heidelbergæ id factū scribit cum totius urbis scandalo. An
 per horam mihi subsistere ibi, & in honesto munere versari licebat talia
 patranti? Fingit quoque de uxoris meæ senectute, quæ æqualis mecum
 est ætatis, & duos menses, antequam Heidelbergam discederem, pulcra me
 prole parentem faciebat. Ex cujus ore nemo mortalium unquam ver-
 bum paulo liberius, nedum tam fœdæ rei narrationem audivit. Et quam

plane mente moti hominis est fingere , *me ipsam coram multis honestis viris & matronis ad hanc confessionem adegisse?* Nam flagitia utique ut taceantur, autores operam dant. Ut tamen Lectori adpareat, qua occasione Alastori in mentem potuerit venire tam foedam fabulam fingere , narrabo leviculum quid omnibus heic loci notissimum. Quando in conviviis, uti jam supra innui, syllogismis suis jam prope nos enecarat, ego restinguendo disputandi ardori, & quia alias in omni congressu hilariori Beckmannus deridiculo esse sueverat, in sterilitatem matrimonii ipsius jocari incipiebam, qui alias vel Centauris generandis sufficere videbatur, si corporis molem spectares, posse. Cateris inde pariter cum risu in cum cavillantibus, ita paulatim à syllogismis ipsius respirabamus. Istas facetias tam inficeto modo nunc ultum it Alastor. Dialogum *Sinceri Warenbergij* à me non fuisse conscriptum non modo ipse Beckmannus novit ; sed & probe ipsi cognitum est , quis revera ejus scripti autor sit, quippe qui in Succia notorius est. Verum isthoc mendacio fraterculus ipsius Gefenius Garlæanus demerendus erat ; cui de fide & amore tam egregii viri ex animo gratulor. Inde recoquitur explosa dudum calumnia de religione ad statum reip. accommodanda ; cui fulciendæ advocatur Monzambanus, qui utiq; dogmata theologica ad rationes politicas examinare instituit. De quo etsi meum non sit rationem reddere ; obiter tamen addo , omnibus non cœcutientibus perspicuum esse, scriptorem istum præsupponere ; religionem Christianam genuinam & sinceram, prout à Salvatore nostro & Apostolis fuit promulgata, nihil continere veræ politicæ adversum. Sed quia pleræque Christianorum sectæ systematibus suis Theologicis , ex quibus singulæ viam salutis æternæ unice hauriri contendunt, aliquid dogmatum humanorum admiscuerunt : igitur uti sapientibus fas est discernere , quid in religione divinum sit , & quid hominibus originem debeat ; ita & iisdem licet detorsiones articuloꝝ fidei, & quicquid est assumendorum humanorum, quod in Theologiam irrepsit, sub disquisitionem vocare, quatenus continent aliquid politicæ adversum , postquam Theologi circa demonstrandam talium falsitatem ex Sacris Literis satagunt. Quod tamen idem Severinus de multorum Sacerdotum vitiis ita libere non dubitavit scribere, id & ipse ægre fero ; & dudum optavi , ut vir quispiam cordatus atque eruditus eam accusationem ex historia Ecclesiastica & civili rerum publ. Christianarum

narum, tum ex praxi communis vitæ, ipsaque experientia solide refelleret. Nam ut Beckmannus aliquis ejus ordinis advocatum se ferre velit, id oppido quam indignum est. Tandem ut sibi per totum scriptum constaret Alastor, ad extremum fingit, multa me ex libro meo adhuc MSto monitu amicorum & precibus uxoris, (quæ nimirum studia mea moderatur,) delevisse, ne cum Theologis mihi controversia oriretur. Atqui nemo mortalium librum meum manuscriptum evolvit, antequam Holmiæ censuræ offerretur, imo nec post eandem, antequam impressus divulgaretur. Ac eam ansam arripiebant architecti primi Indicis meum librum in suspensionem vocandi, qui tunc temporis heic loci præcipui erant amicorum meorum, aut esse saltem debebant. Qui & ipsi multissime dicebantur, me post censuram quædam addidisse. Sed utramque criminationem refellere potest manuscriptum meum, quod adhuc mihi asservatur.

Hocigitur scripto Nicolaus Beckmannus *pios viatores* in Germania contra me excitare potissimum laborat eadem fere ratione, qua ipse frater Pontifex Garlæanus inter Scanos classicum in me canebat. Quorum auspiciis qui militiam in me suscepturi sunt, successum sibi, prædamque & gloriam pro ducum suorum dignitate liquido augurari possunt. Quanquam adparet, Beckmannum non modicum ad sua signa concursum sibi polliceri Lipsiæ, Wittebergæ, Jenæ, & Garlebiæ. Hoc ipsum enim manifeste conspicitur non solum ex infami libello, sed & ex epistola, quam incluso libello famoso ad Lipsienses, Jenenses, & Wittebergenses, nec non Gesenium Garlebiensem eodem argumento conscripsit. Hujus epistolæ autographa duo, quæ Wittebergam & Garlebiæ destinabantur, quomodo in manus meas pervenerint, operæ pretium esse duxi memorare. Commendaverat eas epistolas Beckmannus Francofurti ad Mænum in nundinis autumnalibus civi cuiusdam Salfeldenfi, cui nomen Michael Gurtvasser, ad præscripta loca curandas, qui ex dicta urbe ad nundinas Lipsienses erat profecturus. Hic quanquam alias virum non nosset, precibus tamen ipse permotus eam operam in se suscepit. Cum Jenam transiret, epistolam unam famulo communi Academiæ tradidit, cujus custodiam procul dubio statim Velthemius sibi asseruit, draconis in vicem aureo velleri invigilaturus, ut hoc speciem generosi & candidi sui animi ederet, & quam mire suum cum Beckmanni astro con-

spiraret. Nec dubito, quin idem jam Jubilæum sit promulgaturus, plenariam bonæ mentis remissionem pollicitus omnibus Asinii Tenebrionis sectatoribus, qui ad epistolam illam osculandam peregrinationem susceperint. Nam reliqui Ornatisimi Viri ejus Academiæ Professores magnopere tantum flagitium detestantur. Quin ipsis bibliopolis Jenensibus tam ingenuus est animus, ut dicant, nebulonem esse istius scripti autorem, & quicundem impreslit. Inde dum Lipsiam tendit lator epistolæ encyclicæ, forte fortuna in eodem pilento vehebatur amicus quidam meus, fide atque amore mihi conjunctissimus. Ibi ex improvviso iste Mercurius non nimis astutus interrogabat; num Garlebiæ Academia esset? Cum amicus meus quæreret, quid ipsi negotii cum Garlebiensibus esset; iste statim de commissis sibi epistolis effutiit. Hic amicus meus, qui jam de Jenensi epistola intellexerat, suspicari cœpit monstri quid subesse; eoque ut rem expiscaretur, multa jactabat de amicitia, quæ sibi cum Pontifice Garlæano intercederet. Iste lætus se nactum esse, qui literas Garlebiæ curaret, illas amico meo tradidit, adjunctis etiam iis, quæ Wittebergam spectabant. Hic cum ex omnibus signis sceleris quid subesse colligeret, eas resignavit, & ad me transmisit. Utraque manu Beckmanni scripta est, sed quam omni studio dissimulare laboravit, ut primo obtutu ægre agnoscere queas. Nec Beckmanni sigillo sed affinis, ejusdemque famuli Marci Klinck obsignata est. Quæ ad Lipsienses destinabatur, alia via pervenit. Hæc ideo prolixius retuli, ne Beckmannus exclamet, magicis me artibus adjutum istas literas, intercepisse. Ubi illud primo stultitiæ Beckmannianæ luculentum est argumentum, quod tribus tam splendidis Academiis quartum velut pari gradu adjungat Gesenium Garlebiensem, vanissimum mortalium, & nugacissimum. Perinde ac si quis inter principes Græcorum ad Trojam Therfitem quoque numerare velit. Quanta enim dignatione Gesenius apud ipsos Lipsienses sit, vel inde colligi potest, quod cum aliquot ante annos eidem litis quid cum defuncto Superintendente Lipsiensi ortum esset, & iste pro more suo in deliria effundi cœpisset, Lipsiensis isti per servulum suum, qui spurius erat, responderi curavit, præfixa quoque hujus legitimatione. Quæ demum contumelia loquacissimam ranâ ad silentiū redegit. Deinde illud plane ferendum non est, quod Beckmannus adeo sinistram de tribus illis Academiis concepit opinionem, quasi apud eas

potis-

potissimum inventurus sit, qui flagitio & furori ipsius sint adplausuri, & apud quos libelli famosi tam pronam inveniant fidē, ut citra ullā amplius disquisitionem ad maculandam famam viri honesti & innocentis duce infami nebulone sint incubituri. Enimvero longe alia mihi de candore, prudentia & moderatione istorum virorum est persuasio, saltem quod. judicium suum eo usque suspensuri sint, donec quid revera in controversia sit, adliquidum fuerit perductum. Nec minus quod tantum seculas, ad infamiam seculi pertinens, quod in me patratum fuit, ex animo sint averfaturi. Sane ullum Wittebergensem hactenus aliquam tam fœdæ fabulæ partem attigisse nondum mihi fuit auditum. Nec universis Jencnsibus imputari potest, quod Velthemius deliret; cujus vesaniam plerosque Collegarum ipsius ægerrime ferre novi. Qui & ipse in *Appendice ad dissertationes meas Academicas* responsum ad cavillationes suas accepit, quo non magnopere gavifurus sit. * * * Sic & maxima mihi injuria fieret, si universus sacer ordo in se trahere vellet ea, quæ ego solius ranæ Garlebiensis coaxationibus opposui. Sane si unus impudenter pertendat; sacerdotibus competere censuram censura Regia eminentiorem in quavis scripta, eosdem ab omni errore immunes esse, & eruditionem suam ex peculiari inspiratione divina habere, quoslibet ad injurias ipsorum obmutescere debere, & modo Zeli & conscientiæ vocabulum crepent, tela eorundem à jugulo suo nemini avertere licere; alter autem tam enormia postulata neget: uter in istum ordinem injuriis fuisse censebitur? * Quæ res ut eo clarius fiat, observari velim, duplicem esse de lege naturali tractationem; quarum una ad Theologiam spectat, quæ ex Scripturis Sacris hauritur, nec ulterius extenditur, quam quatenus locum aliquem in catena velut articulorum fidei habet. Altero autem modo tractatur jus naturale, quatenus peculiarem disciplinam constituit, cujus principium cognoscendi unicū est lumen rationis, ac finis & usus intra terminos hujus vitæ coercetur, postquam per eam probitatem, quæ ex solis naturæ nostræ viribus jam promanare potest, salutæ æternæ potiri non datur. In posteriori igitur modo tractandi, qui solus meus est campus, quando agitur de fundamentali aliqua propositione (aut quocunque vocabulo adpellare velis,) constituenda; ex qua præcepta legis naturalis liquido deduci queant; quæstio oritur; Num illa thesis Theologica, *quod essentialis DEI justitia sit archetypa legis*

naturalis humane, idonea sit, ut subire locum fundamentalis propositionis possit in disciplina juris naturalis, soli rationi superstructa, & accommodata ad captum universi generis humani, qua id ratione utitur, quamcunque peculiarem religionem foveat? Hanc quæstionem nos negamus, & nostræ negationis invictas rationes attulimus, tum in opere nostro, tum in Apologia. Equidem hæ propositiones ex sola ratione naturali innotescunt; quod Deus sit justus essentialiter, quod nemini injuriā faciat, quod promissa sua firmiter servet, quod verax sit, quodq; munus velut judiciariū in creaturas legib⁹ obnoxias incorrupte exerceat. Enimvero quod justitia DEI essentialis sit archetypa legis naturalis humanæ, propositio est soli rationi humanæ incognita. Et si vel maxime eam tantisper à Theologia commodato sumere velis; tamen rationi humanæ impossibile est capere vim consequentiæ, si quis ex eadem officia hominum inter se deducere instituat. Si inquam ita velim argumentari: Justitia Dei essentialis est archetypa juris naturalis: Ergo adulterium non est committendum: impossibile est rationi humanæ vim & evidentiam hujus consequentiæ capere, aut investigare propositiones velut interjectas, quibus eadem stabiliaur. Sicut contra si ex nostra hypothesi argumenter; homo debet esse sociabilis; Ergo non est mœchandum; plana est consequentia, & interjectæ propositiones facile per solam rationem investigari possunt. Quo accedunt difficultates jam expositæ; puta, quod justitia humana respiciat legem & superiorem, & ponat in altero jus ad exigendum; id quod in justitiam divinam non quadrat. Item, quod quædam partes justitiæ humanæ in Deum non cadant, quæ nempe præsupponunt indigentiam humanam; uti est justitia, qua contractus reguntur. Item quod justitia Dei vindicativa longe rigidior & exactior sit, quam justitia humana, quæ sæpe delictorum veniam facit citra ullam satisfactionem, ex respectu boni publici, aut soli clementiæ ostentandæ: id quod in justitia divina secus est, quæ citra satisfactionem generi humano in peccatum prolapsa non potuit placari. Accedit & alia difficultas, quod rationi humanæ sibi soli relictæ attributa divina colligenda sint ex perfectionibus, quæ in creaturis, ipsoque homine conspiciuntur, depurando imperfectiones, quæ ex essentia finita, aut materia corporea proveniunt, & ad captum divinæ eminentiæ istas attemperando; quodque adeo notitiæ humanæ, ex solo rationis lumine hauriæ, prius cognita sit justitia

justitia humana, quam justitia divina; & consequenter in disciplina soli rationi superstructa præpostere justitia divina archetypa juris naturalis & justitiæ humanæ supponatur. Quod ipsum etiam agnovit *Richardus Cumberland de Legibus natura. prolegom. §. 6. & cap. V. §. 13.* cui quo minus genuinam jus naturæ tractandi methodum perspiceret, non obstitit, quod natione Anglus sit, & religionem Ecclesiæ Anglicanæ profiteatur; quæ duo attributa Beckmanno tam odiosa sunt. Ergo jam tandem perspicuum satis esse puto, in quo cardo hujus controversiæ volvatur; & ei, qui nobis velit contraicere, hæc difficultates ex sola ratione esse removendas, & liquido ostendendum, utiq; ex illa essentiali justitia divina ope solius rationis humanæ omnia & singula præcepta legis naturalis deduci posse, ita ut propositiones intermedias & evidentiam consequentiarum capiant etiam illi, qui Scripturam Sacram plane ignorant. Quod nullus mortalium præstare potest, * * * *Legem Naturæ cordibus hominum inscriptam esse.* Ast quis hoc unquam negavit, cum totidem verbis id ab Apostolo asseratur? Sed quæstio est de genuino sensu Phræseos hujus metaphoricæ; quæ sane, si omnia S. Scripturæ loca, ubi eadem occurrit, expendantur, nihil aliud significat, quam notitiam firmam, stabilem penitissimæ menti infixam, & planè indelebilem. Neque in emphasi istius dictionis peculiaris aliquis modus ejus notitiæ comparandæ insinuat; cum in aliis omnibus Scripturæ dictis eadem extra controversiam notitiam adquisitam exprimat. Et quis clarius emphasin illam evolverit, quam ipse Apostolus verbis immediate subsequenter? *Ipsa quippe conscientia eos, qui in legem naturæ peccaverant, convincit & cogitationes sese accusantes & excusantes*, sic ut neque ignorantiam ejus juris obtendere possint, neque ejus sensum unquam ex animo delere. Ergo ex locutione metaphorica, nemo unquam *actuales & distinctas propositiones*, de quibus expressè mihi sermo est, exculperit; quas nemo hæcenus in animis infantum recens natorum observare potuit. Et quid me potissimum mordet Scherzerus, cum tamen D. *Joannes Musæus Theologus Jenensis*, Scherzero nihilo inferior, *Introduct. in Theologiam* c. 2. §. 19. anno 1673. edita, diserte asserat: *notitias naturæ intellectui insitas esse non in actu secundo aut primo, sed tantum in potentia propinqua.* Quo ipso utique *distinctas & actuales propositiones* naturæ insitas negat. Et hæc nifallor, communis Jenensium est sententia. Quare ergo mihi soli tam obscuræ

dici

dicat scribitur. Deinde per summam injuriam mihi hæc thesis affingitur: *naturanibile esse turpe*, quæ nuspianâ me ponitur, nec de ea asserenda unquam in mentem mihi venit. Sed triplex potissimum thesis à me 1.1.c.2. §.6. adstruitur. Prima est, *honestatem & turpitudinem esse affectiones aut qualitates morales actionum humanarum ortas ex convenientia aut inconvenientia cum lege*. Hanc thesin si quis impugnaverit, haruspices prodigium nuntiabunt, bovem esse locutum. Altera est, *motum physicum in actione humana absque omni respectu ad legem consideratum, esse moraliter indifferentem*. Nam contraria huic thesi implicat, absque respectu ad legem congruere ad legem vel non congruere. De solo isto motu physico me agere ita crebro inculcavi, ut metuam, ne Lectorem stuporis insinulaverim. Hoc dogma cum inter Theologos hæctenus tralatitium fuerit, quando ad id, quod in peccato physicum & materiale est, Deum tanquam conservatorem naturæ concurrere unanimiter docuerunt, v.g. ad extensionem manus in furto: (quod citra blasphemiam dici non posset, ni motus ille physicus esset res moraliter indifferens;) nunc nescio qua maligna mentis febris à quibusdam tanquam monstruosus indifferentismus moralis diffametur. Sane quamdiu genus humanum fuit solus motus physicus non fuit actio humana & moralis, sed ejusdem duntaxat materiale. Ad actionem autem moralem præter motum physicum requiritur etiam aptitudo ad imputandum, & respectus ad legem: Unde qui indifferentiam motus physici trahere volunt ad indifferentiam actionum moralium, perinde fallunt & falluntur, ac si in physica Peripatetica nullum inter corpora discrimen agnoscere velint, ideo quia materia prima indifferentem sed ad quamvis formam habeat. In primis autem * * cavillari instituit illa verba mea, quæ extant p. 27. *Quod naturalem (eorum quæ turpia habentur) indifferentiam nobis agere concipere queant, inde est, quod à teneris istorum vitiorum detestatio nobis fuit inculcata, qua opinio simplici adhuc menti impressa in vim naturalis cujusdam affectus videtur invaluisse*. Ubi primo observandum est, quam malitiose * de suo parenthesin verbis meis inserat, (*eorum quæ turpia habentur*.) Nam verba immediate præcedentia utique manifesta inculcant, naturalem indifferentiam prædicari non de integra actione morali, non de adulterio, homicidio, furto; sed de *actu physico citra respectum ad legem*. Non inquam dico, furtum, homicidium, adulterium naturaliter esse

esse indifferens: sed hoc dico, motus physicus, qui ad materiale istorum vitiorum constituendum concurrir, est naturaliter indifferens; quia ad illum motum physicum autor & conservator naturæ DEUS influit. Puto autem ignominiosum fore, * si operose ipsum docere aggrediar, quid in actione morali sit motus physicus, & quid illi ex lege accedat, quæ vel qualitatem aut dispositionem agentis, vel objectum, vel finem, vel certas denique circumstantias determinat, vid. l. 1. c. 7. §. 4. De cætero verba mea planissimum habent sensum apud illos, quorum iudicium libelli famosi non corruperunt. Scilicet quia probe educatis à pueritia detestatio vitiorum inculcatur, inde apud multos ipsis affectibus & sensibus quædam istorum aversatio imprimitur, sic ut velut ex naturali quodam horrore ista videantur refugere; quemadmodum objecta sensibus ingrata naturaliter aversamur; utque adeo aduetudo illa & disciplina in naturam velut abeat. Et tali modo educatis vix in mentem subit originem istius aversionis ab interdicto legis arcessere, aut de motus physici, qui istis actionibus subest, indifferentia cogitare. Sicut & ab aliis jam fuit observatum; quanquam primis mundi temporibus connubia fratrum & sororum usitata fuerint; tamen ea post apud plerasque gentes usque adeo non lege tantum, sed & communi aversione exolevisse, ut apud probe educatos ipsi sensus velut obtorpuisse videantur. Inde & juvenes fratres cum formosissimis sororibus versari sine ulla prava cogitatione aut tentatione; quæ tamen sese mox circa alias exferat. Tertia mea Thesis est, DEUM esse autorem legis naturalis, & ad illius determinationem atque impositionem referendam esse originem moralitatis, quæ in actionibus humanis existat. Quæ thesis eo minus scrupuli movebit, quod is utique legem æternam in Deo agnoscit. Jam igitur quæro, utrum illa moralitas, antecederet se habeat ad legem æternam Dei, an per accidens tantum & citra dependentiam ad eam congruat, an vero ab eadem tanquam fonte & origine promanet. Si priorum alterutrum asserere velit, habebimus jam Theologum, qui Deum primam esse causam neget. Postremum à me asseritur. Verum hæc omnia in *Appendice ad Dissertationes meas*, Velthemii clamoribus opposita, ita perspicue deducta sunt, ut sperem, cordatos viros, & à vitilitigando atque calumniando alienos, facile declaratione mea adquieturos. Ast ego dico, inter statum purorum naturalium, quem Scholastici fingunt, &

inter statum hominum naturalem, de quo ego tracto, tantum esse discriminis; quantum inter ea, quæ Theologi de pœnitentia seu conversione hominis, & Jureconfulti de pœnitentia in contractibus docent. Quod qui deprehendere non possit, bardum & blennum, ac politices ignarissimum esse oportet. Sicuti & istud spectrum heic loci jam plane disparuit, post publicatam meam dissertationem de statu hominum naturali. Quæ ubi cum cæteris junctim impressis in Germaniam perlata fuerit, non amplius de sagacitate sua multum gloriabitur. Isthæcobiter hoc loco addere visum est, ut omnes cordati judicare possint, siquidem qui ad me diffamandum hætenus incubuerunt, citra præjudicium & affectus sententiam meam penitus agnoscere, atque explicationem æquamente admittere velint, nullam mihi amplius cum ipsis, saltem circa quæstiones Theologicas, superesse controversiam. Sin autem id agitur, ut judicia de bonis viris, eorumque doctrina formentur ex libellis famosis, qui ex non intellectis, aut mutilatis, detortis, & interpolatis sententiis consarcinati sunt; neque ulla protestatio, interpretatio, & planior deductio locum inveniatur: amplius deliberandum erit, quod remedium tali furori sit opponendum.

Sed ut Beckmannum revertar, confido jam omnes cordatos, etiam qui antea me propius non norant, post lectam epistolam liquido agnuros; hoc seculo non extitisse exemplum fœdioris calumniæ, quā quo me ista orci progenies adspargere instituit: infinitos quoque plus in re literaria præstitisse, neminem autem, quam me, ob labores suos pejoris exempli infectiones esse perpeßum. Si quis tamen adhuc innocentiae favor, si quæ adversus calumnias detestatio, invenientur sane, qui infamem illam belluam condigno malo tandem mactent, aut saltem ab omni honestorum virorum consortio exclusam velut carcinoma nationis Germanicæ, & labem seculi refugiant. Amici autem eo diligentius ad innocentiam meam vindicandam incumbant, quo magis bonorum omnium interest, talia exempla non frequentari. Et Deus justissimus iudex illud portentum generis humani, quod per vesanum nocendi ardorem animam suam exitio pignorare publico perjurio non horruit, ejusmodi tandem suppliciis, quæ frangendo tanto furori sufficiant, coercerebit.

Propter



Propter cognationem materiæ visum est subnectere tria sequentia scripta.

PETRI DUNÆI

p. t. in Academia Carolina Pedelli
secundarii

EPISTOLA

Ad

Virum Famosissimum , NICOLAUM BECKMAN-
NUM, totius Germaniæ Convitiatorem & Ca-
lumniatorem longe impudentissimum,

Super novissimis ipsius scriptis.



Uanquam alias non ita frequens sit, ut Pedelli ad tam in-
gentes viros scribant: tamen si quis æqua lance expen-
derit rationes, quæ me ad scribendum impulerunt, agno-
scet, à me nihil præter decorum fuisse susceptum. Nam
licet tu grandius tibi, quam ego, membrum ejus collegii,
quo antea jungebamur, videreris; tamen quoties cerne-
rem, te in quovis congressu pro deridiculo haberi, sæpe me non usque
adeo despiciebam, ut non malletm sani capitis Pedellus esse, quam fa-
tuus Doctor. Sed & non vulgariter me abs te diligi sentiebam, quando
blandissimo vocabulo *Pelle* me appellabas, & haustulum vini adusti ex
Sacrosancta lagenotheca deprompti propinabas, cujus dulcedo adhuc pa-
latum meum titillat. Nec illud leve vinculum duco, quod & ipse mihi
jure optimo maximo titulum *Antecessoris* vindico, quo tu tantopere tibi
placebas: & miro omine ego secundus Pedellus, tu *secundus Rector* fui-
sti. Denique cum cæteros collegas tuos, postquam à nobis aufugerat,
tui puderet, ego amicitia ad ultimum memor diploma relegationis tuæ
hiscæ manibus loco solito quam accuratissimè affixi, ut elogium tuum ab
omnibus legi posset. Quin & cum canes nostri adeo impudentes essent,

urin cineres *Indici* tui medio foro mejere non erubescerent, ego illos ab ancilla mea in urnam fistilem colligi curavi, ut in Mausoleo, quod *Indici* Novitatum b. m. Garlebiæ communibus sumtibus tuæ scdæ extruitur, aurea urna reponerentur. Quo pietatis officio immortalem gratiam ab universis *Afinii* Tenebrionis sectatoribus inisse me confido. Facit & hoc spem, scriptionem meam tibi gratam fore, quod in te hautquam cadere animadvertam illud tritum, honores mutant mores. Nam non minore nunc vesania agitaris, postquam Cardinalis *Consiliarius* *Jocosus* es factus, quam cum inter Professores morareris: & ob quod artificium apud nos cum infamia relegabaris, id nunc eo fidentius exerces, quod fama jam tua nihil amplius detrimenti possit capere.

Cæterum etsi primo omnium multiplici gratulatione apud te defungi debere videar, quod & apud nos carnificis manus effugeris, & in Germania inveneris, qui nebuloni panem dare velit: tamen quia materiam istam carmine aliquo *Dielherri* Noribergenensis celebrari splendidius fuerit, omnia quæ speciem adulationis habent, seponam, & nonnulla duntaxat pro jure veteris conjunctionis paulo familiarius monebo circa scripta tua novissima, quibus non singulis modo viris, sed & integris nationibus insultas. Nam generose tu quidem facis, quod omnibus modis hoc agas, ut carnifex aliquando ex te literam longam faciat; indignum tamen est, in tantum te ab ingenio & memoria deficere, ut nec unum mendacium ita speciose adornare valueris, quin statim ejus falsitas manifestè deprehendi possit.

Nec minus cum tam anxie eruditionem ac prudentiam tuam verbis extollere labores, miserandum videtur veteribus tuis amicis ita inceptè id abs te agi, ut ne rideri quidem amplius tua stultitia queat. Dabis autem veniam occupationibus meis, si strictim duntaxat quædam annotavero circa ea, quæ velut pro te, aut in *Pufendorfium* aliosque scribis. Nam omnia ad unguem exigere, quæ ab homine profecti furoris proficiuntur, non multum à stultitia abfuerit.

Jactas igitur, te nunquam amasse abundantia poculum. Nam quæ aliis vix siti restingvendæ sufficiebat potio, tibi cerebrum ita turbabat, ut clamoris primo syllogismis omnes enecares, inde saltationibus quicquid erat fæminarum delassares, & reliquis diffugiētibz ancillas demum in vertiginem dares. An in arenam cum inimicis digladiaturus descenderis nescio.

nescio. Vidimus tamen te in aulam Episcopi adscendere, & à circumforaneo lanista non mediocriter vapulare. *Plus a quos te studiis invigilasse dicis, ut aliquo colore nativam fatuitatem obtegas, velut ex intemperantia studiorum delires. Optas ut à Pusendorfio esses liberatus.* Curigitur libellos famosos in ipsum edebas, & eidem necessitatem imponebas facinora tua publicandi? *Fama te nunc cura tangi serum est, postquam sententia judiciali infamis declaratus es: insanum, per novos libellos famosos amissam famam recuperare velle: blasphemum, ob scelera castigatum ad exemplum Christi provocare.* *Inter studiosos olim non primum, sed medium saltem locum occupabas eadem qua medius digitus inter ceteros dignatione, & quia in medium protrudi solent, qui in circulis exagitantur.* Recte quoque *primariis studiosis amulus quoad victum fuisti, quia gladiatores non tenui cibo alendi sunt.* Dicis te *ebrietatem semper ut venenum cane pejor & angere natura aversum esse.* Id quidem ut faceres uxorem tuam subinde tibi ingerentem audiebam, quando in conviviiis ita te deridendum propinaveras. Quid porro sanos homines cogitare credimus, quando legunt te scribentem; te quia *horas subcisivas exercitiis gloriosè tribuisti, inde Pusendorfio harum rerum experto usque adeo esse insensum: & quia ars non habet osorem, nisi ignorantem, prohibe corporis dotibus cum ridere & cachinari artificiosè scire ac praticari.* Sufficere isthæc possunt, ut judicemus, quid sapientiae atque elegantiarum generosus discipulus abs te præceptore discere potuerit. Et si non adeo gloriosa res sit prima literarum elementa puerum docere, nec mirum etiam *famias faventes experiri*, qui omnibus est deridiculo. Sic ut licet trecenti Proceres pro testimonio dicant, te & diligenter opus Ælii discipulo prælegisse, & vermibus tuis sæpe totam heri tui domum exhilarasse, nondum tamen adpareat, quare ea res ullum mortalium *miserrimè angere, torquere, excruciare* queat. Commensales porro tui cur non pro lauto convivio, quo discessurus eos excipiebas, carmen reponerent, enormibus elogiis adornatū, quibus vanitatē tuam tantopere capi animadverterant? Ex *Medulla Justinianea* nihil tuum est præter laciniosum titulum, & præfationem ad lectorem. Dedicationem amicus quidam composuit; ipsum opus plagio subductum: quod cuivis ex stylo patere potest. Et mirū tamen est, quare tantis elogiis commendatus liber tam raros invenerit emtores, ut gratis tibi pleraque exemplaria fuerint distributa. *Primus* literas vocationis

accepisti, ut secundus ordine effēs: puimus etiam ordine motus es, ut infamis fieres. Ridiculum est quod jactas, Rectorem te creatum *approbante Rege Carolo*. Id Rex curat scilicet, præcipue adhuc minorennis. Suffragia facile obtinentur, ubi ordo succedendi legibus præscribitur; & primo absente, secundus in ejus locum succedit. *Prudentiam* tuam non extollerēs, si micam prudentiæ haberes. Hoc faciunt stulti; nosti cætera. Non dissiteor tamen *studiosos tibi perpetuum rectoratum optasse*; quia sub fatuo rectore plurimum istis licentiæ est. Ne tamen nimis tenellam tuam conscientiam excruciet, quod Pufendorfius, tantus amici tibi Numinis Barbarici hostis, sub Rectoratu tuo professionem suam Lundinia auspicatus sit. Nam eo in negotio tu nihil amplius præstabas, quam ego, qui sceptrum præferebam; & ipsum programma ab alio Professore, tuo tum domestico, conscriptum est; quod stylus satis arguit. Inhumanum enim videbatur, dictionis tuæ gangræna nondum talium adsueto nauseam excitare. Credis porro tu, fuisse in Suecia, qui epistolam Commentario tuo ad Instituta præfixam, quam in *lucem edere, Regique dedicare curasti*, præfatore, quem exhalat, perlegere potuerit? nondum ut quis curaret, quid tu ibi de Hobbesio & Monzambano gannires, qui ne grammaticam quidem calles. Quæ circa librum Pufendorffii in Suecia gesta sunt, ipse ita exactè in Apologia retulit, ut malevoli ne minimam quidem circumstantiarum inficiari potuerint. Ut nihil impudentius excogitari possit hoc tuo mendacio; *omnes in Suecia Episcopos, Doctores & Professores isti libro se opposuisse, eumque damnasse*. Id enim Deus avertat, ut quod unicus Schvvartzius deliravit, universus Sueciæ Clerus pro suo habere velit. Is solus te chorago in Suecia fabulæ hujus actor fuit. Winstrupius mutam ferè personam egit, & quæ à Schvvartzio asserbantur, cæca fide amplexus est. Quicquid machinarum adhiberis, duos Theologos Schvvartzii collegas permovere non poteratis, ut Indici subscribere vellent. Et cum Schvvartzius ad nuper defunctum Archiepiscopum Upsaliensem prolixam eo nomine dedisset epistolam, & quantum posset in Pufendorffium classicum cecinisset, iste statim agnovit, ex mera malignitate animi, & calumniandi libidine omnia provenire, ac responso illum nunquam est dignatus. Negas te eo tempore *litem illam voluisse facere tuam*, ne aures tuæ satyrico sale perfricarentur, etsi *conscientia tua* tergo elephanti tenerior, & *Professio Juris* reclamaret. Atqui

qui te earum turbarum primum autorem fuisse, & aliquot paria calceorum circumcursitando contrivisse, ut forori tuo socios quæreres, apud nos notorium est. Et ut aliquam rationem allegares, in Consistorio ad protocollum dictabas, tibi querendi causam esse, quod Pufendorfius tuam Professionem (Juris Romani) *indignam* pronunciasset. Scilicet quia Pufendorfius in dedicatione libri sui scripserat: *Indignum videri, Vlpiani decretum omnia pulpita resonare; Creatoris leges incultu obsolescere.* Et cum iste juxta assidens sensu communi te gaudere negaret, & ruditatem tuam in os tibi exprobraret, quod reponeres nihil habebas. Denique usque adeo litem illum fecisti tuam, ut cum Schvvartzio silentium fuisset impositum, tu illum Indicem, proprio ausu an alieno instinctu nescio, libelli famosi schemate adornatum typis excudi curaveris, ob quod facinus relegationis infamis poena affectus es, cum graviolem castigationem fuga declinasses. Metus ergo carnificis Suecia te expulit, non *defectus pietatis*, cum ob fructum panis, & ut mentiendi theatrum haberes, religionem abjuraveris, nec *defectus justitiae*, quam mox tergo fueras sensurus. *Professionem* te æquo animo *relinquere* potuisses non mirabitur, qui noverrit jam Anno 1671. te ob turbas hic moras salario privatum; ut tunc deum *luxus* Sueciæ tibi displiceret, cum ipse esurire inciperes. *Solenniter* quoque *valedixisti Regi & Proceribus*, uti fures solent domo expilata. Debebas Holmiæ expectasse, quoad dilucesceret, & mox vidisses te in carcerem à lictoribus rapi, & post tergo carmen propempticum à carnifice inscribi. Sic ergo rebus in Sueciâ gestis deinceps Cardinalis *lateri tanquam consiliarius* jocosus *adhaesisti*; qui ramen & ipse, ubi elogia tua penitus intellexerit, mox foras te ire jubebit. Ineptè quoque & impudenter contra sententiam adversus te litem disputas. Statim atque *Index* Londini comparuit, nemo erat, quin te ejus autorem agnosceret, cum aliis indiciis, tum flosculis illis tuis passim aspersis. Nolebat ramen Pufendorfius actionem prius in te instituere, quam talia argumentaprehendisset, quibus tu nihil plane contradicere posses. Ubi demum ipsum & omnes impressionis ministros, & manuscriptum tuum invenisse cognoveras, & crastina luce Holmiæ in carcerem te trahendum præsenferas, nocte aufugiebas. Quamquam autem satis hoc modo te nebulonem declarasses, expedire tamen visum Pufendorffio, ut causa in foro competentis decideretur; neque apud Regiam Majestatem, uti tu mentiris, sed apud

apud Consistorium Academicum ab initio ad finem eadem acta, & ab hoc pronunciata sententia demum à Regia Majestate confirmata est; quæ sub novo imperio clementiæ ostentandæ veniam tibi, si Pufendorfio idonea deprecatione satisfacere velles, offerebat; cum id abnueres, executioni illam dari mandabat. Neque verò opus erat, ut muneribus & aliis artibus Proceres Pufendorfio conciliarentur, cum delictum tuum esset manifestum, & omnibus intolerandum videretur, interdixi Regii auctoritatem ita petulanter abs te proculcatam. Et sane Illustrissimi illi proceres, quos tu nominetenus sædis calumniis, & mendaciis adspergis, ideo quod, ut flagitiis & furori tuo patrocinarentur, inducere ipsos non posses, fortasse aliquando tibi crurifragium parabunt, si modo non indignum fastigio suo judicabunt, ad latratum scabiosi & rabidi canis commoveri. Sic & falsissima sunt, quæ de Pufendorfii genere gannis. Nam Senatoris Regni Sueciæ præfectum aulæ fuisse, & inde senatorem urbis Holmiensis factum, in se nihil plane ignominiae aut sordium habet. Et quid nuptiæ istæ ad eam rem facere potuerunt, cum jam mense Septembri An. 1672. vitilitigatoribus Lundensibus silentium foret injunctum; privigna autem Pufendorfii mense demum Novembri An. 1673. ambiri capisset? Inde dum arguere conaris, injustè te in Suecia injuriarum damnatum, impudentiæ & ruditis illustre edis documentum. Negas Indicem primitus à Schvartzio conceptum, abs te interpolatum atque editum? Atqui propria tua manu, & testimonio illorum, quorum opera in eo imprimendo usus es, convincebaris; & cum socii tui omnia pro te tentarent, nemo tamen adeo effrons erat, ut negare id auderet. Libellum famosum fuisse negas? Atqui sententia juratorum judicum pro tali declaratus & combustus fuit. Et credo satis jam à Pufendorfio ostensum, quale scripti generis Index sit. Nunquam *confessus es te autorem ejus Indicis*? Atqui pro te & manus tua & fuga, & testes, & stylus consitebantur. Nisi forte in vocabulo *authoris* pro acumine tuo ingeniosè cavillaris. Nam Schvartzius eum primus concepit; tu à Regia Majestate damnatum interpolasti & edidisti. *Non es accusatus publicè eo nomine ante abitum tuum è Suecia*? Nimirum mense Junio Anno 1673. Index Lundinum afferebatur. Antequam inquisitio Giesæ, Hamburgi & Holmiæ locis tam dissitis absolvi posset, November aderat, quo te quantum poteris pedes dabas. Mox & publicè per legitima intervalla citaberis, & exemplum citationis uxori

tuz à me ipso in manus tradebatur ; quod te accepisse ipse literis ad Consistorium scriptis fatebaris. Sed quod scriberes , te malle æternæ salutis jacturam facere, quam Pufendorffio deprecari, addebas : te curaturum , ne ista infamia tibi in Germania noceret , quod facinore licet coopertus apud Monachos pabulum inventurus eras. Forum fuisse competens, quo damnatus fuisti, negas ? Atqui juramento, quo Regi & Academiæ eras devinctus, nondum solutus eras, nec missionem obtinueras, sed ipse conscientia vecors clam aufugeras ; domicilium quoque adhuc Londini, Uxoremque & familiam habebas. Et an numquam , qui Parisiis Aurelias peregrinasti, desertorum nomina patibulo affigi vidisti ? Et sane si apud *Regem Hispania natione Danus*, qui Sacramentum ipsi dixisset, scelere patraro in Daniam refugeret, non minus, quam tu in Suecia, jure optimo maximo nebulo declararetur. Quod porro manifestius indicium furoris, quam quod causam rerum adversarum, quas Sueci experti sunt, ad hoc refers, quod illi virum bonum & eruditum vesaniæ duorum Tenebrionum dedere noluerunt ? Quam ergo causam allegabis, quod & Hispani, & Hollandi vapularunt, & quod Dani intra annum vertentem ter acie victi sunt ?

Hæcenus famam tuam mendaciis & calumniis defendisti ; nunc eruditionem ineptiis & barbarie adstructum is. Quare tamen negas, te omnium eruditorum ac doctorum esse sapientissimum ? Nam sera tibi nunc stoliditatis parsimonia, & inglorium nimis est, quod tantum *inter mediocriter doctos viros, & juris Doctores* (tui consimiles,) *nunquam loqui & ratiocinari inter pocula erubuisse.* Et facile crediderim, *Pufendorffium nunquam ratiocinando te hesitantem reddidisse, aut tacentem;* nam illi absurdum videtur, cum morione ratiocinari velle. Et quid tu illum virum inter disputandum ad angustias redegeris ; cum tu scabiosum syllogismum trepidus & pallidus vix multa cum hæsitacione posses exsercare, quod nondum poculis incaluisse ? Nec sane honoris tui gratia Pufendorffius & in Apologia, & in Epistola ad Amicos te depexum dedit, aut *scriptis tecum certare voluit;* nec te unquam velut justum adversarium, sed ut infamem nebulonem & rudissimum asinum tractavit. Circa 14. *russicos*, quos pro dedicatione Commentarii tui ad Instituta accepisse te mentiris, ita se res habet. Postquam per octo amplius menses Holmiæ circumcursitaveras, & exemplaria libri tui eleganter compacta passim distri-

bucras, forte fortuna accidebat, ut Vicariatus aliquis morte prioris possessoris ad Academiam devolveretur. Cui cum eo anno de relictibus jam esset prospectum, Proceres quidam efficiebant, ut tibi de isto vicariatu proventus ejus anni daretur, quo mercedem bibliopægo exsolvere posses, & ut importunum hospitem mensis suis aliquando amolirentur. De cætero nihil ad te spectasse istos rusticos vel hoc indicio est, quod neque locum, neque numerum eorum satis nosti. Nam hic 14. alibi 13. fuisse scribis; eosque *circa urbem Christiano stadium* locas, cum supra quatuor milliaria ista prædia inde distent. Quos fabularis te *circatunum discessum è Suecia Regi obtulisse sub spe compensationis*. eodem se licet modo, quo professorium munus offerebas. Nam per carnificem non stabat, quo minus quam mereris paratissimam solutionem tergo exciperes. Malè verò sit illi, qui arithmeticam te docuit, ita ne tria quidem numerare nosti. Dicis *te octo annis extitisse Professore Juris*. Atqui Anno 1668. Academia Carolina inaugurabatur. Initio 1671. propter turbas, calumnias, & privatæ moletrinae furta honoris gratia salario privabar. Per triennium sterile id tamen operæ pretium feceras, ut An 1673. nocte intempesta tibi foret aufugiendum. Arrige jam digitos, & numera; & ubi ad discessum tuum perveneris, noli nimis gloriari, te Professore fuisse. Sed nimirum *Doctrina Juris* infallibile exhibet argumentum eruditionis tuæ, & te *non minus utilia opera elaborare quam alios*. Cuius, parvis pretiis cum Syndici Görlicensis abortu, vix grano cassæ avenæ digno. In qua, si removeas ridiculam dedicationem, & nefaria maledicta in nationem Suecicam & Pufendorhium, quid tuum est? Nisi id omne pro tuo haberi vis, quod ex aliis ad verbum descripsisti. Fateor tamen isti operi non parum splendoris conciliari tua imagine ari incisa: quæ uti torvitatem tuam sic satis repræsentat, ita miror nihil rugarum & cicatricum apparere. Balthei vastitas non parum terroris. Gallis videtur incussura, quibus tam insensus es. Agnosco quoque vestem holosericam, quam apud nos gestabas, valde jam detritam, & formæ antiquioris; & satius fuerat nquam commodato sumere tantisper, dum à pictore delinearis. Carmen quoque subjunctum planè est ex tua vena. Nec minus mirum acumen spirat emblemata titulo præfixum, casus & studia tua non obscure exprimens. *Concussus surgo*; id est, ex Suecia relegatus religionem muto, ut panem apud Monachos inveniam. *Scribit in marmore laesus*, id est, quos.

quos calumniis & maledictis appetisti, perpetuum furoris & sceleris tui monumentum statuent. Tandem ipse in terribilem deformatus draconem, assultantibus ventri sectatoribus tuis, cruciatus; *Ingratis servire nefas*: malum credo minitatus Monachis tuis, ne furiem tuam affatim exsatiaverint, quod usum Rosarii ipsos docuisti. Carmen versificis Noribergensis ipsi citius delirii, quam tibi cruditionis opinionem conciliaverit. Denique de torque à Casare donato fortasse mentiris; & mirum foret tantam jam Viennæ auri vilitatem esse. Svaserim tamen, ut ab aurifabro ad obrussam eum examinari cures. Nam frequense est, ut notationibus ex orichalco inaurato torques appendantur. Quale potro argumentum multæ tuæ lectionis, quod unum librum plagio subductum, & duos *multo cum sudore* (ideo hircum olent,) ex aliis descriptos *in lucem edere curasti*? Sane quotiescunque te accedebamus, eosdem semper codices in mensa tua expositos cernebamus tres, quatuorve, ex quibus miseras tuas rhapsodias confarcinabas. Negas te scripsisse, *te mediate & immediate Pufendorfi um aggressurum etiam cum dispendio salutis tuæ aternæ*? Atqui loquebantur id litteræ tuæ mense Decembri An. 1675. Hafnia scriptæ, multis apud nos visæ, ex quibus illa ipsa verba Protocollo Academiæ inserta adhuc extant. Et quis cui salutis cura est, avitam religionem ejurat, ut panem, & locum impune mentiendo & maledicendi inveniat? Negas quoque, addita exsecratione, *te literas propria manu scriptas misisse Wittebergam, Lipsiam, Jenam & Garlebiæ*? Fortasse jam à Jesuitis mentali restrictione perjurio diverticulum quaerere didicisti. Nam non eo solum, sed & Giessam, & Altorfium, & ad alios fortasse programma illud Afinii Tenebrionis misisti. Ex quibus quæ Wittebergam & Garlebiæ destinabantur, ab amico Pufendorfi interceptæ sunt. Lipsienses & Giessenses quas acceperant ultro Pufendorfo transmisere. Altorfni in malam rem fædas chartas abiecerunt. Jenæ Velthemius apud affinem suum tunc Rectorem obtinuit, ut Patriarchæ sui scriptum, sudorem adhuc ipsius redolens, in loco Sacrosancto asservaretur. Et ne quisea de re dubitare possit, en exemplum earum literarum, genuinæ Beckmanni sobolis. Nam inter mille solæcistas stribligo tua facillime dignosci potest. Sunt autem illæ, quæ ad Fridericum Gesenium destinabantur, quæ in paucis admodum à cæteris discrepant. Reverendissime, Præclarissime ac Doctissime Domine Superintendens, Frater in Chri

„sto dilectissime, ac atatem venerande. Tibi Vir optime, pietatis studio
 „deditissimo, partim ex publica fama, partim ex ipsis rerum argumentis
 „satis notum est, qualis & quantus sit M. Samuel Puffendorf, Professor
 „Londinensis in Schania in quantum hic perversi cerebri homo verum
 „jus naturæ & morale, & per consequens decalogum, Deique leges novo
 „excogitato suo jure naturæ & fictis entibus moralibus malitiosè ac im-
 „pie evertere studeat; & in quantum is vulpis instar laudabilem omnium
 „Eruditorum conatum, inordinata Magnatum intercessione, & autori-
 „tate à se, suisque scriptis avertere conetur. Ea propter tibi, ut Viro ani-
 „moso ac Religioso inclusa præ aliis piè transmittere volui, ut inde
 „quasi per indicem primo statim intuitu percipere possis, quantum mali
 „in tota Europa & universo Christianismo novus atheus atheismi novi
 „Magister Samuel Puffendorf fraudulentis ac diabolicis suis novis enti-
 „bus moralibus, actionum humanarum indifferentia, Religione statui
 „Reip. accommodanda, & sexcentis aliis in statu suo naturali (quem
 „convenientius bestialem voco) pessime disseminarit, inque juvenum
 „novitatis avidorum animis jam dolose implantare cæperit, quo totum
 „jus naturæ, Dei leges, & præcepta decalogi pro viribus clandestine
 „evertere machinatur. Per Deum & conscientiam te rogo, & exhor-
 „tor, exulet in te animarum Pastore omnis metus, personarumque re-
 „spectus, ne diaboli regnum per has clandestinas machinas magis magis
 „que extendatur. Si eadem mecum deprehendas atheismi principia
 „ex Hobbesio Anglo hausta, ut contra hujus pestiferi hominis principia
 „amore Christianismi conservandi heroico animo mascule insurgas, ju-
 „ventutem studiosam aliosque probos & incautos publicè ac privatim
 „serio admoncas, ne Puffendorffii jus naturæ in sui perniciem legant.
 „Rem sane Deo gratissimam, Reip. literariæ utilissimam, ac Christiani-
 „simo quam maxime necessariam, juxta tuum officium præstabis. Si
 „tibi forsitan non vacaverit totum lubrici Puffendorffii jus naturæ & gen-
 „tium vere gentile relegere, attente saltem legas librum primum, in quo
 „adeo obscurus, & obscure ac lubricè omnia id fallendos incautos tra-
 „ctat, ut nullus Eruditorum eum percipere possit, nisi quod velit atheis-
 „mum sub aliquo pietatis colore vulpium instar indirecto introducere,
 „seque cum Mahomede per fallacia & ficta sua entia moralia immorta-
 „lem reddere. Plura non addam, sed ea exquisito tuo judicio, pruden-
 „tiæ ac

tia ac pietati amice examinanda relinquo, qui funi & ero Reverendissimi.⁶⁶
 mi ac præclarissimi Domini ad aras devotissimus Veridicus Constans in⁶⁶
 Academia Catoniana, sitis mecum Catones probi ac veri rerum Cen-⁶⁶
 sores, Valet. Judicet nunc quilibet, an non hæ literæ Nicol. Beck-⁶⁶
 mannum, eundemque nebulonem prodant autorem. Damneris ergo
 voti tui, & ita *male fiat* tibi, sicuti hæ literæ abs te primum conscriptæ sunt.
 Sed & valde metuo, ne Monachi tui neophyto Catholico parum con-
 venire censeant, quos ipsi tanquam hæreticos & seductores animarum
 damnant, veritatis patronos & fratres in Christo indigitare; neve mox
 agnoscant, te non religionis amore ad eos accessisse, sed quia nemo ex
 Protestantibus tam scabioso molosso pabulum & locum impune latran-
 di concessurus erat. Illud quoque imprudenter, quod cum ipse de im-
 potentia suspectus sis, tam effuse in laudem uxoris tuæ declamites, in-
 memor inter Monachos te degere, nimis quam facile prurientes. Quir
 plane barbarum erat maledicentiam tuam ab honestis matronis sibi tem-
 perare non potuisse, ut adversario tuo necessitas imponeretur & in tuam
 aliquid dicendi, quæ Holmiæ memoriam sui reliquit valde inquinatam.
 Sed infra generositatem iræ virilis est istam camarinam movere; & mise-
 randum alias fatum est mulieris tor proci expetita, te maritum accepis-
 se. Atque hæc ferè sunt, quæ velut in defensionem tui delirare voluisti.
 Sed cum non pauca præterea facinora tibi sint objecta, simulque pluri-
 morum mendaciorum, quæ in Pufendorsum priore libello famoso ja-
 ctaveras, fueris convictus, de quibus ne verbum jam amplius mutire
 audes; non obscure silentio tuo ista agnoscere videris. Præsertim cum
 id brevitate causa factum dicere nequeas, utpote qui easdem nœnias cu-
 culi instar centies resones.

Videamus nunc paucis, quid convitiatorum ac mendaciorum in Pu-
 fendorsum eructes. Ac primo quidem rabiem tuam excipit *familia*,
 ex que oriundus est, quam tu vaccimulgorum progenies sædis maledic-
 tis adspergis, nullo alio argumento, quam quod te & sub Asinii Te-
 nebrionis schemate in Apologia, & post in Epistola detracta larva pro-
 merito depexum dedit. Sane nullus mortalium capere potest vim hu-
 jus ratiocinii: Pufendorsius Asinium suis coloribus depinxit, igitur ipse
 ex sordida familia ortum ducit. De cætero nec te ipsum bubulcige-
 nam, nec quenquam Londensem Professore latebar, Pufendosium in

Misnia & Patrem, & avum, & patruos, & avunculos habuisse Verbi Divini Ministros, viros honestissimos. Quali profapia ortū esse nemo cordatus erubescendum duxerit. Quæ ergo Alecto te in mortuos sævire adegit? In Pufendorffii porro familiari sermone ceteri, qui ejus consuetudine usi sunt, nihil adeo indecori observare potuerunt. Etsi alias mirum non sit, tecum versanti de stercore in mentem venisse. Eruditionem Pufendorffii ut contemneres gravissimas utique causas habebas. Nam neque is unquam paucula verba Gallica & Italica Latino scripto per stultam ostentationem, sicuti tu, immiscuit; nec eos in Theologia sub Hülsemanno præceptore fecit profectus, ut Tractatum *De salutari usu sancti Rosarii* nosset conscribere, qualem nuperus Catalogus Francofurtensis sub nomine Nicolai Beckmanni refert. Cujus si tu autor es, procul dubio te aliquando inter Divos proximus à S. Marculfo manet locus. Alias Pufendorffius neque Theologiam, neque doctos & cordatos Theologos unquam sprevit; fastamen sibi credit esse, Schvartzium & Gesenium, & si qui sunt alii calumniarum architecti, pretio suo æstimare. Jurisprudentiam usque adeo non neglexit, ut non parum opera posuerit, quo ipsa solidis nixa radicibus exsurgeret. *Sole* tamen Goricii *resplendescentes* pro ignibus fatuis habet, ac dolet tui similes asinos pro triginta uncialibus titulum sibi Doctorum posse emere. Id plane festivum, quod nugis tuis aliquid autoritatis conciliare voluisti ex effato *viri illius eruditi, ex Indice Novitatum*. Male tibi sit, qui vetus nobis proverbium corrupisti; mutuum muli scabunt, nam tu jam te ipsum scabis. Tu quippe es iste vir si Diis placet eruditus; tua est ista gemma, qua fuliginem Schvartzianam interstingere voluisti. Loca Biblica à Pufendorffio sæpè quidem in rebus seriis adduci, nunquam in pravum detorqueri sensum audivimus. Sed ut in frigidum & maleficiatum Doctorem regula juris Canonici per cavillum applicaretur, non adeo grande piaculum fuerit. Dum Pufendorffio contemptum *Aristotelis* objicis, miser prodis Aristotelem tibi nunquam inspectum. Alias enim libros ad Nicomachum Magnis Moralibus non postposuisses. *Novus atheismus*, quem singulis prope lineis cuculi ad instar importune ingeminas, cum vetere illo & vero atheismo nihil cognationis habet; sed est peculiare maledicti genus, in improbo tuo ore enatum, furoris & malitiæ tuæ luculentum argumentum præbens. Iste inauditus atheismus ex tua defini-

tione

tionem duobus capitibus absolvitur: quorum primum est, ut quis accuratius quam vulgo factum, moralia à physicis distingvere norit? alterum, ut quædam ipsius sententiæ non intellectæ aut malitiose detorta; ab aliquo Tenebrione calumniis impetita sint. Huc enim omnia, quæ super atheismo cuculas, redeunt. Quid entia moralia sint, te non capere ipse in epistola tua cyclica fateris. Num igitur idem atheismus sub istis latitat? Græcam linguam Beckmannus non intelligit, igitur qui Græcè novit atheus est. *Religionem pro frano tantum populi ac fructuoso Politicorum figmento in gratiam Principum* Pufendorfius censuisse, aut *Religionem statui Resp. esse accommodandam*, eo impudentius est mendacium, quod ejus falsitas ab omnibus, qui legere norunt, deprehendi possit. Aut si vir es, ostende paginam & lineam, ubi illud dogma extet, postquam tam importune crocitas, *litera scripta manet*. Obiter aliud mendacium adspergis, quando scribis, quod Pufendorfius in Schvartzii disputatione inaugurali An. 1672. d. 22. Maji habita in auditorio *personatum se sitit*. Nam An. 1672. Pufendorfius mense Aprili Holmiam proficiscebatur, & sub finem demum Junii Lundinum redibat; quod hic loci notorium est, & ex Protocollo Academiæ demonstrari potest. Ubi nunc artificium tuum mentiendi? Sic & inficeta est calumnia *de indifferentia actionum moralium*, de qua quo plura gannis, eo minus te intelligere; quid in controversiam proprie venerit, testaris. De cætero Pufendorffii vita, pietas, moresque cum aliis quibusvis, tum præcipuè sacerdotibus, quorum ministerio diversis in locis, ubi ætatem exegit, probati sunt, probanturque. Nam Schvartzii malignitatem etiam vulgus apud nos detestabatur, quod cum Pufendorffii hætenus Collega & amicus fuisset, ac pridie quam An. 1672. iste iter Holmiam ingrederetur Confessionarii munere circa ipsum functus eundemque quando currum conscendebat prolixa benedictione profecutus esset; mox tamen tuo furore imprægnari pate-retur, ut tam deformem fatum abortiret, prodigii averruncandi causâ flammis ustulandum. Ex eo tempore quomodo Pufendorfius Schvartzium pro bono viro habere potuit? cum præsertim hic in malitia sua ita obduruisset, ut licet Consistorium Academicum semel atque iterum ipsum in gratiam cum Pufendorffio reducere studuerit, & hic ad omnem injuriâ ei condonandam facilem se præbuerit, & nihil aliud satisfactionis postulaverit, quam ut uterque profiteretur, ipsos sententias suas mutuo-


non satis percepisse, (es sey ein Mißverstand unter ihnen gewesen /) præfractæ reconciliationem abnuerit. Hinc cum postea Pufendorffius Laurenbergium alterius templi pastorem sibi confessionarium adscisceret, & hic ejus rei veniam ab Episcopo Winstupio peteret, quod alias Pufendorffius extra ipsius parochiam habitaret, Episcopus non solum libenter id indulgit, sed & expressè dixit, non congruere, ut Pufendorffius Schvartzii ministerio utatur. Et cum Laurenbergius postea Malmogiam evocaretur, Pufendorffius M. Joh. Ernestum in ejus locum adscivit, quousque Holmiam ipse migraret. Puto hæc sufficere ad ostendendum, quæ de sacerdotibus in Scania & Suecia gannis, mera esse mendacia, & non nisi duos in Scania ex tuo contagio scabie Tenebrionistica infectos fuisse, qui eam ob rem jam puto sat ludibrii debuerunt. Mirum tamē est, quare de religione aut pietate nutire ausus sis, qui ob flagitia infamis declaratus religionem, cui innutritus eras, ejurasti, ut ventrem latrantem placares, & latibulum invenires, unde in alios saniem pectoris tui evomeres. Nam quare ad Principem aliquem Protestantem te non conferebas, si tam splendidis animi corporisque dotibus polles, quales in te jactas? An quia neminem concessurum prævidebas, ut apud se maledicendi theatrum extruces? Si porro propter Rosarii sanctimoniam ad Monachos te contulisti, quare more ad eò meretricio illis adularis, quos ex nostratibus lues Tenebrionistica afflavit? Cum cæteri omnes, qui a nobis ad Monachorum offas transfugiunt, priores suos sacerdotes tanquam animatum seductores detestari soleant; nec alio ferè Sacramento Monachi novos istos combibones æstimant. Igitur crede mihi, ne Geseinius quidem, quem undecim parochiarum rustestrium Inspectorem tu *Reverendissimum* vocas, vel teruncium pro anima tua dederit. De ineptis illis cognominibus, quorum pleraque nullum sensum habent, nemo apud nos unquam audivit, nisi quod Asinii Tenebrionis vocabulum tibi jure impositum omnes novimus; ac si ex illis, quæ fingis, quintum quoque & sextum tibi vindicare velis, nemo repugnabit. Denique quam illa se mutuo destruunt, quod cum antea Pufendorffium semper ridentem dixisses, nunc eundem *lupo & tigride immuniorem* clamas. Nam de studioso illo longè aliter se res habebat, ac tu fingis. Iste à Pufendorffio super aspera nimis tractatione discipuli sui admonebatur, qua re importunus juvenis offensus rota die poculis se ingurgitabat, & sub vesperam

domum

domum reversus furenti similis multa in hospitem & bene meritum per vinolentiam jactabat. Nox furori illius indulgebatur; sed postera luce orta accusante Pufendorffio ego tanquam secundus pedellus jussu Rectoris cum præfecto Vigilum ingratum hominem adibus Pufendorffii extrahebam. Et parata erat relegatio, ni aliorum intercessionibus iste indulgens deprecatione scripto concepta & Rectori Cervino tradita adquiescisset; cujus autographum adhuc superest. Quid ergo jam fiet de fabula tua, quam insuper loci & temporis conditio plane destruit? Pariter anile commentum est de ancilla. Nam Pufendorffio nunquam curæ fuit, quid in sua culina gereretur. Neque frigidius quid poteras comminisci, quam quod de sagis blateras. Nam præfultore illis opus est, qui saltandi peritia se jactant. Quid aurem tu duobus illis Proceribus, magnis Pufendorffii patronis, aliquid affingere crubesceres, cum mox subungere non dubites; Pufendorffium in præloquio Apologiæ confiteri; *sibi à Magnatibus Suecia esse suasum*, ne controversiam hanc amplius moveret, *sed eam tacito pede silentio præteriret*. Sane nec vola nec vestigium ejus sententiæ d.l. extat. Tandem quoque non immunis debuit discedere Petrus Hauboldus bibliopola Hafniensis, qui arguitur operam navasse in Monzambano imprimendo, qui jam biennio antequam Pufendorffius in Scaniam veniret, diversis locis impressus extabat; & in epistola ad amicos, quæ An. 1676. lucem adspexit, cum jamdudum bello oborto nulla inter Scaniam & Hafniam literarum commercia essent. Causa autem, quare bono viro malum mendacio tuo conciliatum cuperes, duplex est; una, quod ex ipso Pufendorffius primum rescivit, quis Indicem Novitarum Francofurti distribuisset; ex quo initio ad fontem sceleris penetratum fuit: altera, quod cum tu multa exemplaria *Medulla*, & *Commentarii ad Instituta* obtrudere ipsi velles, is negaret illa emtorem invenire. Quod crimen morte pium tibi videtur. Sed quare Pufendorffio ista dicta in Danos affingas, facilius ratio patet, si quis belli tempora cogitat. Ast periit tibi fructus mendacii: Pufendorffius Holmiæ est, & replorare jubet. Nec est quod Deo gratias agas ob unum atque alterum vesaniæ tuæ socium inventum, qui sub auspiciis tuis ludibrio se cordatorum exponere voluerit. Nam & quo isti defricentur sal non deerit; & tu si verbum addideris ita accipieris, ut ad restim demum tibi

fit confugiendum; quò factò pessimus nebulo à fædissimo carnifice suspensus dicitur.

Hæc ferè sunt, quæ pro jure veteris conjunctionis amicè monenda judicavi, ne in tanto fortunæ famæque splendore veteris clientuli obli-
vio te plane subeat. Interim vale ut mereris, & si quid novæ scriptionis à Dn. Rolletto acceperis, communicare tibi ne gravare. Dabam
Londini Scanorum è Museo meo, ne in stabulo me scribere arbitreris,
prid. Kal. Octobr. An. 1677.



JOHANNIS ROLLETI,

Palatini,

DISCUSSIO CALUMNIARUM.

Quas absurdissimas

De

Illustri Viro SAMUELE PUFENDORFIO, Relega-
tus è Succia nequam NICOLAUS BECKMANNUS
per causam defendendæ famæ non ita pridem in vul-
gus sparsit.

Ad genuinum exemplar Manheimense.



In malevolorum fabulæ oracula essent, aut mendacia
pondus aliquod, ullamque probandi vim haberent,
non facile inveniretur vir eruditus & publicè utilis,
quin locum in perditissimis obtineat. Etenim id usu
venire solet, ut quo quis doctior ac meritis in publi-
cum major est, hoc pluribus vulgo calumniis traduca-
tur; stimulante invidiâ, vel quia Satanas non meliorem modum novit
suspectos reddendi, qui progressus ejusdem sistere, & regni tenebrarum
auctus morari possunt. Cujus fundamenta ultrò corrunt, excultâ
ratione, sique nullo deinceps numero sint scriptores, quorum somnia
pro-

prodigiosam orbi barbariem pepererunt, quâ postmodum ipsa etiam religio infecta fuit. Sed barbaries quidem illa, tamen si ita late amplius non regnat, haud quicquam tamen usque adeò suppressa videtur, ut omnino apud nos emergere, & vires iterum resumere nequeat; postquam luce Evangelij restituta, Academiae, quæ tum erant, pristino in statu, mansere, reliquæ ad illarum exemplum erectæ sunt. Eò felicius autem hæc Zizania è quibusdam radicibus suis magno Ecclesiarum malo alicubi progerminant, quod adversarii arte illorum proventum juvant; quorum interest, fabulam in tenebris agi, ne quis tertius spectatorem se offerat. Sane enim dum formam, quam vocant, distinctiunculas, & reliquas scholarum suarum tricas urgent, quid aliud agere censendi sunt, quam ut nostrates in oppositum delapsi, Erasmi & Lutheri arma exuant? Ultra quorum victorias nihil hætenus promovimus. Quo astutissimo stratagemate deceptos esse manifestum est, qui exemplo suo juventuti ad barbariem præeunt, eo prætextu, quod alioquin nemo cum adversariis congregi posset. Quasi aliqua obligatio sit, cur eodem, quo hostes telorum genere pugnari oporteat; & nunquam Erasmo cum Scotistis negotium fuerit: è quibus illi omnibus Scholasticorum machinis adhibitis nondum aliquem in castra sua pertraxerunt. Et si quod nascente ex iisdem nugis pertinacia Ecclesia nostra propemodum in partes ivit, non omninò nullum eorum adversus nos meritum est. Cæterum ut maxime hæc & plura nos indicia deficerent, illud tamen abunde testari potest, omnino semina quædam vereris barbariei in plerisque locis superesse, quod prodeunte in publicum scriptore, abs quo, ne barbaries detrimenti quid capiat, periculum sit, velut ex composito integræ stultorum legiones clamorem tollunt; planè exemplo Monachorum Reuchlinum impotentium, quos ad extremum satyra & confusus eorum flosculis libellus compefcuit. Ubi observare licet, longe majori Zelo & contentione negotium geri, si religionis velum simplicioribus obtendi potest, aut res ad illos præterea spectat, quorum interest, cum alios, tum præcipue vulgus eruditorum quam minimum ex se sapere. Eoque quod culturam *Juris Naturalis* utrumque hominum genus tantis vociferationibus petit nemo cordatus mirabitur: quippe quo luci suæ restituto nec conscientia à sacerdotum libidine suspenditur, & formulariorum mysteria agricolis deinceps ludibrium debent. Sed ut in Papatu quidem

dém sic satis felices sunt, qui hanc disciplinam æternis sepultam tenebris optant: ita per seculum inter nos multum ipsa ipse loris nacta est, nuper adhuc felicissimo successu manum eidem admovente Viro illustri SAMUELE PUFENDORFIO; in quem jam Satanas, quicquid calumniarum orcus habet, per juratos quosdam sycophantas evomuit, non alia de causa, quam quod ipse latentis barbariei sententiam movit. Quæ contumelia tantum abest, ut Ejusdem animum deiciat, ut potius hoc ipso confirmetur, personam impostoribus illis detractam esse, quorum illusionibus Satanas ad reducendam barbariem utitur. Præsertim cum omine non careat, quod penes plerosque dolor dissimulationem vicit; & illi optiones, ab auxiliis destituti latibula jam circumspiciant, postquam nihil aliud, quam ludibrium pro navata mendaciorum patri opera sperare licet. Sane enim niger ille corvus, quo crocitante tot inauspicatæ aves advolarunt, cum risu orbis inter Sanctos, aut quemadmodum consecrationis formula habet, *gementes pro Ecclesia columbas* reponitur. Et cæteri etiam miselli socii, quos nondum mores sui ulciscuntur, stultitiæ suæ præmium in tempore ferent. *Nicolaus* interim *Beckmanno*, cujus auspiciis ventres quidam per Germaniam clamare cœperunt, non opus est, per quem stultitiæ moneatur, quam forti exorcista, quando hominem revera complures cacodæmonum manipuli obsessum tenent. Abs quo jacta nuper in vulgus *Defensio* stolidi, absurda, aut si mollius loqui velimus, miserranda, quamquam soli *Asinio* nocere queat, quippe qua suum ipse nidum prodidit; nemo quoque futurus sit stomachi tam patientis, qui ad eandem non nauseet: visa tamen nobis digna est, quam paululum depexamus, non sane in gratiam Beckmanni, qui rer injuriarum convictus, spurcis etiam, quas olim sparserat, chartis per carnificem crematis frustra cuiquam fidem se facturum credit; neque quod Pufendorfius nobis hyperaspistis indigeat. Sed quia hostis humani generis *Alastore* parario studia viri omni calumniarum genere turbare tentat, quæ regno ipsius, si quicquam aliud, mirum in modum nocere possunt, efficiemus, ut & in hoc voto suo excidat Satanas. Simulque cum Beckmannus tam ferox sit, non quidem, quia habet imperium in belluas, sed quod interclusis itineribus scelerum ejus documenta è Suecia transmitti nequeunt, & ipse interim persuasus est, Pufendorffio nullos per Germaniam amicos esse; nos autem optimo viro, qui cum informatione, tum scriptis suis qua-

qualescunque nostros in literis profectus juxta, multis nominibus divinitus: levi & festinato saltem specimine ostendemus, utrique adfuturos in Germania, qui ad Beckmanni mendacia aliquid reponere queant, quosque hæc victima carnificis ab ara profugiens percussoribus cervicem subdet. Neque enim id tutum præstabit nebulonem, quod postquam orcus eundem recipere noluit, in monasterium concessit; videlicet præ desperatione, quæ vel militem vel monachum facit. Quamquam inter bonos illos Fratres non desunt aliqui cordati, qui cognitis facinoribus Beckmanni rabiem hanc & effrontem maledicentiam ex animo detestabuntur. Præsertim cum jam illi ipsi, in quorum caeseres ea bestia primum incidit, venatione sua paulatim erubescant; quod votis suis damnati Dictynæ non leonis, sed alini duntaxat exuvias suspendere possunt.

Illud igitur manifestum est, Beckmannum tam diu nebulonem & infamem calumniatorem mansurum esse, donec non carminibus per ludibrium, & ut ipsius stultitiam adolescentes etiam flagellarent, diu ante hoc negorium tulus, sed rationibus ac testimoniis bonorum virorum omnia illa argumenta diluet, quibus de *Indice Novitatum* edito in Suecia convictus fuit. Quæ argumenta fidei actorum publicorum, & profecto noctu nebulone, ipsius confessioni superstructa effecerunt, ut jussu *S. Reg. Majestatis* sacrerrimus ille index Londini à carnifice flammis datus sit, Beckmanno in præmium laboris pro infami declarato, postquam ipsum nebulonis MS&um publice in Senatu Regni productum esset. At qui tantum abest, ut ista ratione Beckmannus se purget, ut potius de scelere isto contra seipsum nulla re, quam defensione sua manifestius & majori cum pondere testari possit. Præterquam enim quod rotus liber prorsus iisdem flosculis vernat, quibus & Index novitarum & alter libellus famosus refertus est, ut vel ex cantu aviculam agnoscere queas; etiam nihil aliud hinc ingerit lectori, quam quod in illis operibus suis nulla cum specie veritatis mentitus erat. Et si atrocitas illa, quæ in posteriori libello famoso perjurio confirmabatur, in hoc carmine ommissa sunt: quod ipse nebulo remittente paululum furore mendacis suis erubuit, nec male, minimum uxore monente, opinatus est, neminem tam stolidum fore, qui tot scelera, quæ gentiles etiam detestantur, in republica Christiana à viro integræ semper famæ palam & citra poenam patrata credat.

dat. Quo ipso & his mendaciis omne pondus detractum est : cum Beckmannus se fatente perjurus , & semel in mentiendo impudentissimus fuerit. Sed & expressius scelus istud in Suecia se commississe agnoscit, dum initio defensionis suæ citra figuram eloquitur, quod Pufendorfium *arctissima censura iterum perstringere velit*. Ergo Pufendorfium censura sua nuper, opinor, perstrinxit, & ubi, nisi in Indice uovitatum & altero libello famoso, qui à Pufendorfio posteriorem epistolam elicuit? Quin illud quoque Beckmannum infamis illius indicis autorem ostendit, quod etsi aliquoties rem neget, nunquam tamen id illustre monumentum sine elogio nominat. Ita enim alicubi: *Prodiit sine certo autore Index Novitatum, oculos multorum valde claros efficiens. Sine certo autore*, inquit. Atqui is autor omnium confessione est vir scelere & infamia nobilissimus *Asinius Tenebrio. Oculos valde claros efficiens*, dicit. Nimirum ut qui iam sycophantæ *indifferentissimum moralem* inter spectra reliqua prodeambulantem viderent; *Velt hemio* autem aliquot modii squamarum ex oculis deciderent. Denique quantumcunque dolorem suum diffinulet Beckmannus, arguunt tamen universa, quam ægerimè ipse pater prolis suæ ustulationem rulerit. Cætera quæ toto opere non sine tragica verborum atrocitate solita sibi eloquentia deblaterat, omnino à defensione aliena sunt. Cum enim Beckmannus disiteri nequeat, autorem Indicis infamiam commeritum esse; (nam alioquin cur tam impudenter negaret, ejus confectiorem jure sibi impactam?) & verò illa argumenta, quibus se de eodem edito convictum novit, ab ipsomet hac descriptione adstructa sint, manifestum est, Beckmannum infamem & nebulonem manere, etiamsi nondum in pueritia ex tali scelere reatum contraxerit. Neque hoc titulo privabitur, si maximè ponamus Pufendorfium tota ætate sua aliquam in re lapsum fuisse. Ergo si citra pertinacem vesaniam Beckmanni foret, jam hæc causa nobis perorata erat, Placet tamen & aliena illa, quorum alteram partem facinora Beckmanni, alteram mendacia de Pufendorfio constituunt, paulo plenius excutere, saltem cum in finem, ne forte Beckmannus semel in vita sapuisse se putet, cui Holmiæ viventi ad morionem nihil, præter tintinnabula deerant.

Primo itaque ut à vitiis mundanis immunem se probet, (*mundana vitia* dicit in oppositione ad vitia cœlestia) amissa existimatione cum omnium

omnium bonorum applausu laudum suarum testimonia ab emendicatis quibusdam carminibus petit. Quasi verò ignotum foret, tanto meliorem esse Poëtam, quo plura fingat. Et qualem *applausum* esse credimus, si quis ex una Academia in aliam abeat? Imo verò cui abeunti applaudunt commensales ideo duntaxat quia abit, eo præsentem non admodum gavisum fuerint, oportet. Sed & ipsa illa carmina indicio sunt, Beckmannum jam tum in Academiis lubibrio fuisse habitum. Sane enim in Germanico *mutilatè* *lorent* adducto hyperbolæ nimis quam evidentes sunt. In ode autem latina, quam Flaccus Marpurgenfis enixus est, *Nicolaus Beckmannus* comparatur S. Nicolao, quem Moscovitæ nautis patronum adsociant. *Ibi profunda navita gloria Nicolaë!* Atqui dum bonus noster Nicolaus scelere ad gloriam navigat, non prohibente S. Nicolao, famæ & fortunarum naufragium fecit. In *Gallia* autem uti neminem usque adeo simplicem fuisse putamus, ut eidem Beckmanni eruditio probata sit, ita si maxime aliqui de *Medulla Justiniana*, quam vocat, benigne senserunt, id vero Beckmannum nihil juvat. Quippe medulla illa à Professore quodam Marpurgenfi est, cui eandem plagio subduxit Beckmannus. Immo alter Antecessorum Aurelianensium satis animadvertit, abs qua virtute id pecus commendari oporteat. *Cuiusc Romanis Juris fluitore medulla*; i.e. qui tantis lacertis est, & simul juri Romano operam navans, in tam stolidum seculum abiit, uti Beckmannus; *Olli Romanis viribus ossa vigent*, id est: ille non absimilis est rudi lanistæ & robusto cuiuspiam pugili Romano. Judicium porro, quod de labore illo in *Ephemeridibus* eruditorum legimus, in quod vis compendiolum juris quadrat. Etsi satis stulte Beckmannus, quod ita postmodum de opere suo loquitur, quasi Rex Christianissimus intuitu illius judicii ultro & proprio motu bibliopola Parisiensi diploma aliquod obtulisset. Nam id saltem egir bibliopola, ut *in scio Beckmanno* id privilegium impetraret, eo facilius quod qui isti curæ Regia auctoritate præerant, animadverterent, periculum non esse, ne quis in hoc libro medullam Justiniani latere putet, pridem sita & putredine absumptam. Mirum verò, Beckmannum non gloriari, mandasse Regem, ut filio suo primogenito, quam primum præter lac & molulum cibum aliud quid digerere posset, singulis diebus eadem medulla jentaculi loco apponeretur: *Rebhanium* denique Argentoratensem qui noverit, non mirabitur ipsum Beckmanni objectionibus gavisum fuisse.

fuisse. Cujus rei fidem facere ignotis potest censura programmatis Argentoratensis *Baeleri*. Dein Beckmannus multis verbis titulum *Doctoris* jactat; quem sibi maxime digno collatum ait, postquam & exanimis *rigorofum* sustinuisset, & *magnam* de judiciis disputationem conscripssisset. Atqui ut ab ejusmodi sociis multis ex libris magnum volumen compileretur, nihil novi est, & Galli in his examinibus non admodum *rigorosi* esse solent. Quin pueris norum est illud vulgatum: *Sumimus pecuniam, & mittimus asinum in patriam*. Cæterum hunc titulum nemo unquam Beckmanno adimere voluit, (etsi quid hætenus expectare debeat, infra audit,) de quo neque *Diabolus* sollicitus fuit. Et valde ridiculum est, quod scribit, carmina illa & testimonia poetica *miserrimè livore corripere, angere, torquere*, imò *macerare & excruciare* Pufendorfium; per quem licebat Beckmanno eadem vel nundinarum tempore peculiari in theatro rusticis canere, adsumptâ in auxilium uxore, quæ plures spectatores allicere poterat, quam sinia, aut cercopithecus. Sicut penes nullum literatum, cognito acnmine Beckmanni *periculosa amulatio* oriri potest. Nihilominus noster Beckmannus jam velat triumphans verbis Teutonicis præana canit. Quod nulla alia de causa fecisse censendus est, quam quia cachinnum se provocaturum animadvertibat, si Latinè loqueretur, cum ipse tragicum quid spirare vellet. Sane enim ut ut & Germanica sit satis faceta sunt, imprimis tamen quoties Latinis verbis paulo magis patheticè furit, nihil aliud, quam risum movet. Præsertim si quis attendat ad epitheta illa sanè in loco adhibita: *malè, impie, scelestè, pie, gloriose, laboriose*, v. g. Ubi flagitium aliquod commissum mentitur, plerumque id *impie* commissum ait. Quemadmodum quicquid ipse boni fecit, *piè* videlicet fecit. Quasi aliquis *pie & gloriose* malus aut *impie* bonus esse posset. Ut sic mediocriter adhuc profecerit Beckmannus in Schola Velthemij circa doctrinam de vocabulis, quæ in se ac sua natura actum vel honestum vel turpem, exprimunt. Et si pius ille mendax jam admittit *mendacium pius*, de quo non ita pridem disputatio ejus auspiciis prodiit, ab amico nobis missa. Quo & illæ Beckmanni blandissimæ preces spectant, ut epistolam Pufendorffii, priusquam de sua defensione judicium ferret *remotis omnibus corruptis affectibus pie perlegant* Germani. Ergo si Pufendorffii epistolam remotis omnibus corruptis adfectibus pie legere possumus, Beckmanni defensionem impie legamus oportet; quippe quæ illi

illi opposita est. Denique ne lectoribus ignotum sit, quo fatorum ludibrio è Suecia in Germaniam venerit, illud quoque *dum vitam suam deducit in sui dispendium praterire noluit*, se professionem juris reliquissè *ob maximum pietatis & justitiae in Suecia defectum, summumque luxum & latentem amorem Germania ceu nativi soli*. Jam nemo mortalium de pietate Beckmanni dubitat. Addit, quod *Fuldae* eminentissimum Cardinalem Badensem accesserit, ut *declaratus Consiliarius*, postquam *Regi Regnique Proceribus solenniter valedixisset*. Nimirum quia hodie in Germaniam consiliarii vocantur nebulones, bis terve injuriarum convicti, & illa solennis valedictio nocte concubia ideo fortasse facta est, ne ob discessum tanti viri juvenes pariter & senes nimia effusione lacrymarum oculos corrumperent. Quare autem hîc nullum carmen recitat; quod viro tam celebri ad principem tam longinquum profecturo & solenniter valedicenti omnino à clientibus offerri par erat? Sed nimirum eadem absurditas est, quâ anno 1671. ante hos furores in Pufendorhium, cum ob turbas & scelera quædam salario privaretur, persuadere nobis volebat, se *Professorem honorarium* esse factum. Et si lippis & tonsoribus tum notum erat, Illustrissimos Regni Proceres id egissè, ut dæmonem hunc per jejunium ejicerent. Quod genus multa alia commemorare possemus, si quidem hominis fatuitas finem aliquem ac modum haberet. Illud tamen ingenuum in Beckmanno, quod fatetur, se non esse, *Tullianæ puritate puriorem*. Cujus sane rei vel in hac defensione luculentissima aliquot exempla occurrunt. Quo magis miramur, absurdum istud ingenium deinde non erubescere gloriatione ista; *ipsas leges doctrinam suam juris ob linguæ latinæ puritatem & elegantiam rarissimam venerari & adorare*. Quod si *Dietherrus* ita serio sensit, fortasse eadem Venus in utriusque labris sessit. Quanquam potius est, ut dicamus, Poëtam simulasse Dietherrum, ut citra ruborem mentiretur. Quin illud vaticinium, quo elegiam suam finit, *Indici novitatum etiam præfigere potest, à carnifice in rogum conjecto. Flammam perpetuam mox dabit iste liber*. In verbis autem carmini subscriptis proficitur, *se purpure tanti auctoris pannum suum adjuvare voluisse, & rogatum debuisse, ut id opus tanto magis niteret (fulgore panni adfuti) & in Aula Casarea imprimis exsplenderet*. Utique fane operi Beckmanniano à Dietherro non nihil splendoris mutuo sumendum erat, minimum ob dedicationem stolidissimam; cujus revera hic

sensus est : S. Cæsaream Majestatem isthuc bello contra Regem Christianissimum se immiscuisse , ut defenderet Corpus Juris. Quamquam alias Phœbus Görlicensis, cujus facula *resplendescens* nuper in æthere se stitit, plus radiorum in Beckmanni lucubrationes projicere poterat. De Epigrammate autem illo, quod Icon Beckmanni præfret, moriar, ni idem à Beckmanno confictum est. Minutiora persequi supervacuum fuerit. Sanè enim, ut demus, Beckmannum ex honestis parentibus natum aliquantisper in Academiis vixisse, dedisse se præterea peregrinationi seu decursationi potius, Doctorem etiam fuisse creatum, tum panegyricos quosdam eidem dictos extare, denique scriptis editis professione Juris meritissimo admotum esse; tamen per hæc omnia, velut supra diximus, Beckmannus à scelere postea commissio nequaquam excusabitur. Et cui ignotum est, quomodo paucis ab hinc annis in vicina nobis republ. Jctus eruditione & meritis suis Beckmanno infinitis partibus major Saranæ suggestionibus seductus eodem crimine se alligaverit. Abs quo septuagenario licet, & cujus canities ipsis iudicibus miserationem incutere poterat, magistratus supplicium, quod Beckmannus jam mereretur, sumpsit. Ut omnino ridendi sint; qui Doctorem juris unquam cuiquam tam enormem fecisse injuriam credere nequeunt.

Videamus igitur quæ Sycophanta iterum de Pufendorfio mentiri voluerit; de quibus in universum difficile est pronunciare, malitia an stultitia in iisdem prævaleat. Cujus nomini quod tam sollicitè titulum *Magistri* apponit, ideo potissimum factum videtur, ut Pufendorfius vicissim nebulonem Doctorem vocet. Alioquin eadem autoritate Magistri creantur, qua Doctores. Sed non moris amplius est Doctores vocare nebulones à carnifice mactandos. *Entia* autem *moralia*, quæ bestia toties *bestialia* vocat, ne quis ignoret, alias dicuntur res morales. Et videtur ista appellatio manere posse, non obstante Commentario Velthemiano ad Grorium, quamdiu res & ens synonyma erunt. Neque metuendum est, ne Pufendorfius eadem in *lucem prolatura*, ut Solocista loquitur, *defendere* non possit. Caterum primo omnium tristissimus noster *Porcius risum* Pufendorffii notat; quem eundem tamen in fine carminis sui *tygride severiorem* facit. Verba suo cum flore adscribemus: *Pufendorffius cachinnari ac ridere artificiosè practicitur.* Cur non potius,

pra-

prædicat? Aut quodnam est illud *artificium videndi*? Cujus plenariam descriptionem fortasse à Beckmanno nobis polliceri possumus, quippe qui tot annis stultitiam suam Holmiæ rideri vidit. Sed num ridere & hilari animo esse crimen est? Pergit accusator, quod *locabiblica, canonica & juridica in prævum sensum detorqueat*. De locis Biblicis more suo mentitur Beckmannus. Illud verò nequaquam est canones in malum sensum detorquere, si quis Beckmannum alioquin scripturientem roget, ut ad titulum decretalium de *impotentia coeundi*, commentariolum edat. Longè denique à rabularum malitia abest, aliquid ex jure civili ad ridiculum faciendum in loco adferre, & ut alterum levi joco adspargere possis. Jctos *anserum instar idem semper canere*, verum est de Jctis Beckmanni geminis germanis. De universo ordine idem affirmare nunquam cuiquam in mentem venit. *Ebrietatem* scripta Pufendorffii satis refutant, quæ cerebrum hominis vinosi non redolent. Cæterum si qui Norimbergæ stultitiæ Beckmannianæ documentum capere velint, apponant homini cantharum vini, & comœdiam videbunt. Quid verò dicemus de illa exprobratione Beckmanni? *Nec exercitia corporis nobiliora didicisti, nec peregrinasti*. (Hic sine dubio *leges virgines* in genua procumbent, & adorabunt.) Quasi necessum sit Professore saltationes Polonicas nōsse, aut à lanista circumforaneo vapulare. Nam Beckmannus olim usque adeo non *gloriosè* digladiationibus *tempus tribuit*, ut potius cum Londini Professor specimen profectuum in publico edere velleret, plagis in cornua acceptis mire intra testam se contraxerit. Verba interim hunc flosculum proximè sequentia indicant, penes Beckmannum ejusdem turpitudinis vitia esse, *inter libros & inter scorta sedere*. Nam hæc ille conjungit. De *Aristotele* aliquid addere nihil attinet; cujus Metaphysicam dum ipse impugnat, impetum in sociorum cohortes; & præcipue dextram Velthemii alam facit. Equidem olim credebamus, Beckmannum nunquam pictum, quod dicitur, Philosophum vidisse; nimirum ob *morsus Themidis Camanas*, ut ipsius encomiasta loquitur. Et nuper adhuc in frontispicio operis sui imberbis, terribili saltem cum machæra sculpi voluit; videlicet in recordationem plagarum, quas pugil circumforaneus eidem inflixit, & ut Pufendorffius solo adpectu exanimatus duelum recusare pergeret, in quod illum peculiari epistola Hamburgum vocabat. Nunc derepente peripateticus nobis prodit, pallio & barba

ornatus, quali vix Cratippum fuisse putamus. Felicem hoc ipso Aristotelem, qui Politica suæ patronum nactus sit, cujus non calamus modo, sed & gladium latissimo è corio pendentem metuere oporteat. Et si frustra hic ad pugnam se componit loriceatus noster Beckmannus; cum Pufendorsius nunquam modum accidens esse negaverit. Quantum porro piaculum esse credimus, quod Pufendorsius de uxore *Beckmanni* talia scripserat, quæ pueris in Suecia notissima sunt. Et sane uti mulierculam illam reverà *in sui solatium duxit* Noster; ita quæcunque de ipsius forma, probitate ac divitiis somniat, itidem *in sui solatium* scripsisse videtur. Nam ipse quidem rarissime Junone sua vel tantillum sibi favente utitur; quæ si commotior est, etiam si nulla Beckmanni culpa fiat, auctoris conviciis in eundem detonare solet. Nisi forte postquam columna illa Romanæ Ecclesiæ inter crassos & bene vasatos monachos versatur, uxorem paulo minus molestam sentit; quæ sane per modestiam tam facilis est, *ut omnes cujuscunque conditionis eam non satis laudare possint*, Beckmanno videlicet præsentē. Quod autem ipsa ejusdem verba Germanica, quæ dolore ànimi commotam protrudisse ait, satis equidem emphatica, & quibus uti inter piscatores eductam decet, defensionis suæ inferuit Beckmannus, ideo factum est, ut licentiam ab illa impetraret pecuniam perendi. Scilicet quia *commentarius ad prima fundamenta* à nemine emitur, in quem ipse tamen universam dotem & præterea non modicum æris alieni prodegit, eoque Beckmanno de libris edendis ne verbum mutire licet, hic quidem eo prætextu usus est, opusculum scriptum esse causa illius, non sua. Quod ne frustra caneret, adspargenda utique quædam Germanica erant, etiam quæ mulieri suo more fabulanti exciderant, ut opere impresso inveniret ipsa aliquid, in quo phrasin suam agnosceret. Caterum ne uxoris causa Beckmanno ullus moralium invideat, metuere non debet; quæ jam vetula propemodum non facile cujusquam spiritum excruciare potest, ut cum Tullio nostro Heidenstio loquar. Post frigidissime perorati causam uxoris, etiam crimen lazarum Majestatum Pufendorffio impactum it Beckmannus: *Propositum Pufendorffio esse denigrare non modo Schvvarzium* (qui jam antea quovis corvo nigrior est) *sed & maxima venerationis viros in Germania, ut Reverendissimum* (addendum erat: & serenissimum) *Dominum Superintendentem Carlebiensem, celeberrimum Veltheimium Jenensem, & illustrum* (ohc jam fa-

us est, ohe Nicolaë!) *Scherzerum Lipsiensem, contra novum atheismum fortiter insurgentes.* Sed nimirum de Scherzero gestiunt jam eruditi istud novi generis prælium Lipsiense videre, nosque pridem setid optavimus, tandem aliquando copias suas educat, quarum fiducia Pufendorfio tam inanem movere litem non erubuit. Sane enim S. R. Majestas Sueciæ nunquam per literas à Sereniss. Electore Saxonie petiit, *ne cui Theologorum suorum permitteret facultatem scribendi & ratiocinandi contra Pufendorfii principia*; quod Beckmannus comminiscitur; cui dolet, neminem Theologorum Electoralium se præcentore clamorem tollere. E- quidem id sæpenumero è republica est, sacerdotibus *facultatem scribendi* non permittere. Ut tamen iidem prohibeantur *facultate ratiocinandi* hoc quidem tempore supervacuum videtur; quo plerique! Sacerdotes usu rationis citra omnem prohibitionem religiosissimè se abstinere. Velthemii autem cavillationibus non habet Beckmannus, cur exultet; qui famæ jejuniò bona fide gloriam in scelere quærit, novus videlicet hoc seculo *Campester*, mire cognominis Dominicanus, Erasmus adorti; impudentiam nobis referens. Cæterum quæ elogia Velthemium merere putamus, qui non erubuit è libello famoso, ab Alastore quibusdam Academiis oblato, spurcissimo, & quo fœdior ne ab ipso quidem mendaciorum patre confarcinari poterat, obscœnissima quæque in indoctum illud, & plusquam barbarum opus suum transferre, quod introductionem ad Grotium vocat? Nam illa quidem civilitas nihil sublevar Pufendorfium, quod memorato in loco, cum libri mentionem faciat, nomen ipsius reticuit. Reliquæ autem sycophantiæ ingenium produunt stupidum, agreste, malitiosum, & quali omnino opus erat reducendæ barbarici, quæ ab exteris impulsæ, quemadmodum in vorticibus Cartesii materia primi elementi corpora alia ad centrum suum; ita quicquid ipsa difficultium nugarum habet, versus meditullium Germaniæ premir. Et ne lectoribus ignotum sit, quæ demum in Pufendorfio desideret Velthemius, paucis monere juvat, causam tam effrenati furoris revera non aliam esse, quam quòd Pufendorfius Scholasticorum stultos & Moralistarum somnia rejicit; quos utrosque tamen à Grotio magnopere laudari ait. Eoque quemadmodum meruit Velthemius, ne se *senem* decrepitum *de ponte* asinorum aliquis *dejiciat*; (*vid. Disputatio posterior de actibus per se honestis §. 18.*) ita Thomam, magna Pufendorfii invidia, sollicitè *Prin-*

cipem Moralistarum vocat, præsertim sicubi lectori Metaphysicorum Patres Conscriptos ingerit; & inter illos nescio quem *de S. Porciane*, ne non credamus, ipsum magis versatum esse in studio Metaphysices, quam raras vires in nucibus arboribus, (*add. introduct. ad Grotium part. I. p. 62. & 42.*) Ubi quidem de Grotio fatemur, deprompsisse ipsum nonnulla è Scholasticis; quædam etiam Moralisticis non pessimè animadversa esse concedimus. Sed Grotii ingenium profecto Velthemius non habet, ut scorias in aurum convertere possit; qui contra disciplinam istam his sordibus iterum coinquinat, quibus tot vigiliis à Grotio purgata est. Et cur non Ennium juventuti commendamus, è quo itidem Maronem aurum collegisse constat? *De actibus per se honestis* aliquid addere nihil opus est; circa quos Pufendorfius illud revera docet; Jus Naturæ, quo genus humanum utitur, à Deo O. M. originem trahere. Nam quod Velthemius sophisticatur, moralitatem in actionibus hominis saltem in puncto rationis divinam voluntatem antecedere, nemini persuadebitur, cui quidem paulo plus, quam punctum rationis sit. *Peccatum autem transgressionem legis esse, ut est offensio Dei, non ut est malum morale*, ultimum in barbarie videtur. Primarius interim elenchus huc redit. Scripserat Pufendorfius, Deum legem naturæ mutare non posse, non propter voculam *per se*, sed ob necessitatem hypotheticam. Cum enim lex naturæ arctissimam cum natura humana congruentiam habeat, posito Deum velle, ut homo sit homo, quod utique vult, & semper volet, homini contrariam huic legem naturæ ferre nequit. Si enim Is ad contraria officia fuisset adstrictus, non sociale animal, sed alia feri & horridi species animantis fuisset producta. Hic fingit Velthemius, Pufendorcium respondisse; *Hominem dupliciter spectari posse, 1. quatenus Deus eum condiderit animal rationale & sociale, 2. quatenus Deus eum condere potuisset animal horridum & ferum.* Cum res ipsa loquatur, Pufendorcium hoc dicere, hominem, si ad contraria officia adstringeretur, eoque animal horridum & ferum esset, hominem non fore. Quod si ex conditionali hac propositione colligere licet, creari potuisse hominem animal horridum & ferum, nimirum eodem Scortista ratiocinante dari poterunt asini alati, qui nobis Velthemium ad sidera ferant. Quippe id tritum Scholasticis exemplum est: Si asinus volat, Is habet pennas; ut doceant, orationem subjunctivam consistere, etiamsi neutra pars in se vera sit, aut esse possit. Imo verò novâ hac

Velt-

Velthemii dialectica admissa, abesse non potest, quin ipsa etiam scriptura sacra somniam Velthemio sententiam foveat. Sane enim in illo Apostoli, *Rom. LX, 20. Num interrogat plasma (v.g. homo) factorem suum, cur me faciat tale?* (v.g. rationalem ac socialem, & non potius animal horridum & ferum?) parricula ME prorsus eidem calumniæ pater, quâ ob voculam Is, Velthemus se jactat. Terminum autem, *Necessitas hypothetica*, cavillari, puerile est; cum eodem res redeat, necessitatem absolutam an hypotheticam certos gradus habere dicas. Sed nimirum quia animadvertimus rem in se manifestissimam sycophantam per malitiam capere nolle, (quanquam citra omnem adfectionem stuporis sit stolidus est,) liquidem Velthemius ab ejulatu & clamoribus suis non desistit, omnino è disputationibus & ejusdem nobili illa introductione ad Grotium extantiores flosculos peculiari opere æternitati consecrabimus, quod certum est, parum concessurum fore Epistolis obscurorum virorum, aut Frischlini Prisciano vapulanti. Nam ubi ratio ejuratur, & alia remedia consumta sunt, nihil aliud, quam satyra superest. Quæ hic quidem non illud modo efficiet, ut Velthemius velut in speculo sibi ostensus ruditate sua paululum erubescere incipiat, sed & eadem operâ antiquæ barbarici genium deformabimus; quæ jam mirum in modum certis hominibus placere cœpit, postquam non pauci papalium tenebrarum memoriam perdiderunt, & juvenuti ignotum est, quem Velthemius, & alii exiisdem hortis philosopharent, communem naturæ sensum amittere posse. Eo lepidiores autem nobis in his nugis futuri videmur, quo majori tristitia prolata sunt; etsi inter vñeres ac delicias istas non omnino nihil scurrilium jocosum emineat. Neque verò metuendum est, *ne verba Velthemio invertamus, quemadmodum felix invertit ollas; quæ invito coque carnes eripit, ut pisciculos minutos eripit, magnus accipiter, devoratque;* quæ lepidissima similitudine ipse utitur in *Ætioscopia practica* §. 6. circa fin. Nam ut barbarissimi non solum in forma, sed & in materia adseribantur, curabitur; additis & portentis aliis, quorum si lectoribus gustum aliquem hîc dare vellemus, ultro faterentur, barbaricam terras relicturam in operibus illis extrema sui vestigia posuisse. Denique *Pontifex Garlebiensis*, somnium hominis, vix pilum viri boni habere videtur. Quod si Sua Sanctitas deinceps more suo delirare, ac brutis fulminibus sa vires perget, peculiarem quendam modum videbit accipiendi lymphatos sacerdotes, liberum homi-

hominum genus, quod nullis omninò legibus parère novit. Et ejurata religione Lutherana Beckmannus spe sua omninò frustra est. Sane enim quemadmodum Pontifici nequaquam Theologis nostris ex animo favet, nisi quâ horum aliqui communem barbarici causam juvant; ita non temere Vigil frontem ac linguam Beckmanno locabit, qui nullum allegare meritum potest, quam quod ipse patronus defensione sua Gese-nium gravet. Sed ad Beckmannum revertimur. De *atheismo* impudentissimum est mendacium. Nî tamen illa *communis sacerdotum accusatio* attenditur; de qua paulo post videbimus. Si pietatem stoliditate meriti debemus, & illic Sesiuiatheus est, qui Monachorum deliria in dubium vocat, nimirum Beckmannus magnum Ecclesiæ Christianæ fulcrum erit. Quod si ab atheismo parum absunt, qui quamvis religionem ejusdem valoris esse, ac pretii putant, tum vero certi homines meritissimo hîc accusantur, quippe quæis nemo propendentium in syncretismo seculo majus scandalum, & plausibiliorem prætextum affert. Scilicet infirmi illi & in religione nostra non omnino inconcussi, si vident, quantis strophis ac cavillationibus unus alterve theologus viro optimo, & qui ejusdem cum ipso religionis est, crassissimos errores impactum ear, quantaque pertinaciâ, de injuria evidentissimè convictus, malitiæ suæ progressum juvet, quid fieri hi dicent de illis, qui extra ecclesiam nostram sunt? Num quisquam ipsis persuadere poterit, talem theologum in adversariorum scriptis bona fide versari, qui in Luteranum palam injurius est? Sane sunt non pauci, qui hac ipsa quorundam pertinaciâ moti, quidquid vulgo de sententiis adversariorum Theologi memorant, in dubium vocant; quod nunquam horum similes defuerint, quædam etiam dogmata adeo delira videantur, ut impossibile sit, eadem à quoquâ defensa fuisse. Quale monstrum hodie revera est *Indifferentismus moralis*, ingeniosissimum illud figmentum calumniatorum, quem demiror, si Logici inter entia rationis deinceps non referent, quæ nec sunt, nec esse possunt. Nam æquè contrarium sibi ipsi sensum habet, *Indifferentismus moralis*, atque si dicas, homo irrationalis, vel asinus alatus. Quippe morale est bonum vel malum, id est, lege præceptum vel vetitum esse. Jam qui cohercet, ut quod indifferens, id est, neque bonum neque malum est, sit simul morale, id est, vel bonum vel malum? Et pessime profectò de ingeniis hominum sentit, quisquis etiam sit, si credit, ulli mortalium per-

persuaderi posse, viro tam erudito, rem usque adeo & palam absurdam somniare in mentem venisse. Quin jam ita clare ostendit Pufendorffius, se nihil aliud dixisse, quam motum physicum, materiale actionis humane ad quod Deus tanquam conservator Naturæ concurret, esse actum in se indifferentem, ut nemini dubium superesse possit. Nam quod Beckmannus ait: *Querere lubet, salva venia, domine vulpes, in quo foro jam versaris, num in civili vel physico?* alini vox est, nescio ex quo Æsopi apologo desumpta. Quasi qui monet, quod physicum in actione humana est, esse rem indifferentem, materiam moralem tractare non possit. Par priorum mendacium est, Pufendorffium religionem profreno tantum populi & fructuoso politicorum figmento habere. Quam absurdissimam calumniam toties à Beckmanno eructari posse, eo minus miramur, quod ipse eodem loco indistinctè in omnes principes injurius est, dum ita docere Pufendorffium in gratiam principum ait; quos utique tali impietate delectari oportet. Usque adeo nebuloni nihil frontis ac pudoris restat. Nisi forte alia ratione orbi literato suam in Politicis peritiam ostendere nequibat, & quantum in lectione Machiavellii aut Platonis profecisset. Quem admodum in nupero libello famoso, ut Historicum se probaret, *Caligulam* inter Christianorum persecutores retulit. Quanquam id nomen ea potius occasione Beckmanno excidisse videtur, quod tum fortè fortuna laceras suas caligas consuebat, iratà Junone sua, quam illo tempore exul præ miseria compressu lenire, vel ut Beckmanniana phrasi utar, *physicè* examinare non poterat. *Schrovarzium* interim initio istarum turbarum tragico Oreste dementiorem fuisse, satis confirmatur per id, quod Beckmannus de illius disputatione inaugurali nobis pandit. Sed illud omnino falsum, quod ait; Pufendorffius in illo actu personatum se sistit. Ita enim loquitur Idiota, cui ne prima quidem literarum elementa insunt. De *Monzambano* nihil hîc addimus, qui multum supra Beckmanni caput est. *Hobbesii* autem principia Pufendorffium probare, qui hæcenus collatis signis cum eodem bellum gerit? Verba *Marii* verissima sunt, quibus Pufendorffius nihil contrarium docet. Sed nimirum illa huc transcribenda erant, ut vel inde colligeremus Beckmannum & Indicis Novitarum, & alterius libelli famosi autorem esse; quippe quæ illic etiam non sine legentium risu recitat, *Ceonicionibus sacris* Pufendorffius revera nunquam sub specie Christiani interest; sat frequenter autem ut verum

rum Christianum decet. Illud quoque glossema peringeniosum est: *Quis me prohibebit*, inquit Pufendorsius: *tantisper in alio templo concionem audire?* Addit Asinus: *per ens scilicet rationis.* De M. Ernesto ita deinceps noster Beckmannus: *Alter sacerdos, qui est M. Jo. Ernestus aque vehemens erat in atheismo publicè è suggestu reprehendendo; sed eum perstringere non aude, ne sic ipse ex communis sacerdotum accusatione innuat ac prodatur atheismum suum.* Ergo qui atheismum publicè perstringere audent, ex communi sacerdotum accusatione innuunt ac produnt atheismum suum. Et sic cordatissimi è nostratibus Theologi Spizelius & Weberus arthem non mediocriter redolent. *Sacerdotes*, non omnes quidem, sed tamen non paucos togis suis incredibilem tegere nequitiam etiam Lutherus confirmat. Qui & illud præterea addit, sibi videri ex nullo hominum genere plures in tartara detrusum iri, quem ex sacerdotibus. Quibus magnopere *exosos fieri* qui illorum vitia taxant, citra flumen illud eloquentiæ Beckmannianæ facilè credimus. *Polygamia* nuspiam à Pufendorffio defensa est. Obscœna autem illa cognomina neminem nisi Beckmannum autorem habere possunt; què illud, opinor, ad vivum pungit, quod virtutes *Asinii Tenebrionis* & *Alastoris* vocabulo tam plene, tamq; concinne notatas videri. Quibus appellationibus non amplius cohonestabitur, quàm primum reperta nobis vocabula erunt, quæ significantius nebulonem omnimodo deterrimumjuxta & stolidissimè exprimant. Sed *Scherzerum* quidè Pufendorffius haut quicquam *Dictatorem Lipsiensem* facit: quin potius negat, cum Lipsiæ usque adeo Dictatorem agere, ut ceteri in ipsius gratiâ prostituere se velint. Quo alio etiam, quam *Pontificis* nomine veniat sacerdos, qui, ut Vigil Garlebiensis, universæ Ecclesiæ curam sibi vindicat, & tam curiose, quid in aliena republ. geratur, exquirat; adscito inter purpuratos suos Asinio Tenebrione, Sedis Garlææ per Germaniam legato à latere. *Velthemius* interim omnino Beckmanni sectarius est. Et sanè ni inter genios illustris hujus non nihil arcanæ cognitionis intercedit, in amborum tamen genesi mirè sidera consensisse oportet, ut Velthemius Beckmanni causa malum sibi accersat. Neque enim prior laecessus à Pufendorffio est: qui adeo stridore non delectatur, ut crabrones citius irriteret, quàm cicadam, quod Græci dicunt, ala corripiat. Ceterum dum *maculam* esse fatetur Beckmannus, si quem ejus sectatorem dicas, nimium nebulonem se agnoscit, qui sectatoribus suis ad nequitiam præcat.

Nam

Nam alioquin viri boni sectatorem vocari, macula non est. Attegit quoque Beckmannus par historiarum, quæ similes sunt illi, quam in posteriori libello famoso magnâ legentium miseratione referebat, de pugna duorum Studiosorum prope Erfurdum, & reverâ, ut ipse loquitur, *omnem humanam rationem superantes*. Ubi miramur, nebulonem non animadvertere, dum omnium, quæ nominari possunt, criminum Pufendorffium insinulat, & singula fabulis plusquam anilibus probatum it, se mendaciis suis, quod aliquin habere poterant, pondus detrahere, ut nihil omninò hæreat. Et eadem impudentia dicere licebat Beckmanno, Pufendorffium patrem aut matrem occidisse. Quam illud verò præter decorum, quod rei tam atrocis causas nullas, aut nullam prorsus speciem habentes affert. Equidem de *Cassio* illo nemo mortalium unquam verbum audit. Sed quantum ad periculum *ancille*, absque dubio ira secum cogitavit Beckmannus: si ego ab uxore mea propter acum amissam vapulo, non absurdum erit mentiri, Pufendorffium *ancillam suam ob fractam in culina ollam cultro occidere voluisse*. Fabula non paulò lepidior, quam Aulularia Plautina. De *Apologia* Pufendorffii sanè credimus, si qui sycophante eandem *cum mentis stupore & conscientia lesione perlegerunt*, quemadmodum Beckmannus, eos non nimium gavisos fuissè. Prudenter tamen illi, qui *emptam Vulcano obtulerunt, ne in liberorum manus incideret*; coque nepotes avorum suorum stultitiam ridere possent. Et si quod illic nigri salis adpersum est, ad solum Beckmannum ejusque præcentorem Schvartzium & clientem Gesenium pertinet. Nam tunc quidem *magna illa & excellentia ingenia* nondum observationes suas in vulgus sparserant. Frigidæ adhortationes Beckmanni S. Reg. Majestatem Danicæ non facillè permotam dabunt, ut civem suum propter amicitiam cum Pufendorffio velut perduellem tractet; in quam injurius est nebulo, dum Eandem Reges Principesque conviciis insectanti sibi ullo modo auxilio futuram credit. Adsimilat se ad extremum *generosæ aquilæ* Beckmannus; quam non quidem bicipitem; sed longipedem sectatores Asinii Tenebrionis brevi inter insignia sua recipient; & denique tragediæ catastrophæ imponit, lepidam profectò, & qualem omninò à Beckmanno consingi decebat. Ubi dum facetiis lascivire cœpit, nondum fortasse vini poculum hauserat: adeò frigent illi joci, quos ipse tamen sine dubio falsissimos, & mirè præterea acutos credit. Sed nimirum.

rum, si literam amplius à Beckmanno videbimus, ejus sanè martyrium ari insculpetur, quantumcunque sumptuum impendere oporteat. Hoc minus autem artificis manus aberrabit, quod Beckmannus suam ipsè imaginem orbi exhibuit, & facile cogitari potest, quis sit status, gladium tenere hunc asinum tantum. Repræsentabitur enim congressus cum lanista, & sacrificium Beckmanni, ubi nigram illam victimam absque sale & thure masculo Diis inferis per carnificem obtulit. De Pufendorfio interim non est periculum, ne Beckmannus ab eodem aliquod responsum ferat, cui non vacat hominis perjuri atque intestabilis absurdæ faitutis mendacia discutere. Sed illi amici Pufendorffii per *Germaniam*, quod toties *scabiosos* vocat morticinus, cui animæ scæter, ita Beckmanno caput scabent, ut non facile similem tractationem amplius delideraturus sit. Et quia carminibus tantopere delectatur Beckmannus, scito, esse in Germania juvenem festivissimi ingenii, quem non pigebit, cothurnum sibi aptare, ut versu Heroico stultitiam & prælia Beckmanni canat, exemplo Homeri, cui mures etiam ac ranæ hoc genere carminis celebrata sunt. En initium illius novæ Iliados:


*Arma virumque cano, Succis qui pauper ab orbis,
Carnificem fugiens, & justam Regis ob iram
Teutoniam venit; multum vexatus in aula
Virginibus, quandoque jocos uxore juvante.
Musa mihi causas memora, quo turbine mentis,
Quidque dolent Garlaæ caprum jam mulgeat, aut quid
Illius ad cantum juvenem clamare cicadam
Impulerit. Tanto ne foveat Germania stultos?*

Utque uxor etiam Beckmanni maritum suum recitatione carminum devesantia monere possit, qua super alioquin in Senatulo frequentissime queritur, alius iterum versibus Tentonicis stultitiæ Beckmannianæ encomium ludet: adjectis sub finem & literis reversalibus telonæ datis, & comminatione illa Beckmanni, sc *Pufendorffium* mediâtè & immediâtè aggressurum, etiam cum dispendio salutis æternæ, prout in Protocollo Confistorii legitur, de qua nunc quidem mendax consiteri non vult. Simul & ex archivo Academiæ describi curabimus, quæ olim inter ipsum & Venerabilem Virum Dn. D. Bernhardum Ochleisch, Superintendentem *Bremensem*, tum Academiæ Carolinæ Pro-Cancellarium gesta sunt: cui
idem

itidem, ortâ ex levissimis causis rixâ furti crimen obiciebat nebulo; ne quis Beckmannum hac saltem in controversia furere putet. Quæ omnia exactis & documentis publicis desumpta, & quorum singula iurejurando bonorum virorum, si opus sit, confirmari possunt, plus utique fidei inveniunt, quam universus mendaciorum apparatus Beckmanni, quem retulisse est refutasse. De cætero utut nullum pro malitia sua *premium* expectet Beckmannus, sed *gratis* etiam furere velit, quam primum tamen per hos bellorum tumultus licebit, inveniet profecto viam aliquam & modum S. Reg. Majestas Sueciæ, gravioribus jam curis distracta, animadvertendi in nebulonem in carcere profugum, qui pro insigni elementia gratia quæ tam foedis in Eandem convicijs ludit. Saltem Reg. Majestas Galliæ, atrocissime & ipsa attracta, non facile à sua Eminentia Cardinali Badensi repulsam feret; cujus non minus quam aliorum per Europam Principum interest, mutuo Beckmannos non foveri, qui scriptis publicis omni ludibriorum genere refertis in Regum Principumque capita defæviant. Qui idem Rex Christianissimus à S. Reg. Majestate Sueciæ de Beckmanni sceleribus certior, Academiæ illi, abs qua Beckmanno Doctoris titulus collatus est, non frustra mandabit, ut adempto Doctoris elogio Beckmannum publico programme infamem renuncient; & nomen ipsius carnifex Aurelianensis frequenti hominum concursu solennissime in patibulum efferat. Sed jam horas aliquot perdidimus in nugis Beckmanni, quæ id tamen peculiare habent, quod æqualem ad fletum & ad risum efficaciant obtineant. Qui si deliramentis suis denuò in publicum provolabit, quanquam nihil frontis ac pudoris homini superest, acuemus tamen stylum, quæque hic tacuimus humanitate quadam, & quia scelus omnino ad suspendium adigere religio erat, non una scriptione deinceps effabimur, quousque publica Nemesis de eadavere hoc supplicium sumet.

Tu interim, Optime PUFENDORFI, ut aliarum vellicationum, & hujus potissimum injuriæ sensum fallas, animi tui magnitudine efficiatur. Quæ vel ideo concidere nequit, quod ingens Tibi solatium recte factorum memoria præstat, & eodem fato usos esse nosse, quos itidem de studiis in lucem adferendis cogitatio exercuit. Noster verò hic dolor, quod cum seculum plura Tibi & majora debere posset, viles animæ & fordida quædam ingenia meditationes tuas morantur; quæ aliqua sui

parte literis prodita pridem nos in admirationem rarissimæ eruditionis tuæ rapiunt. E quibus, quicquid malevolorum ignaviam urit, mansurum est in animis hominum, & virtus tua invidiam supergressa olim inter exempla erit; ut quæ decus & perennem ex seipsa gloriam habet.



JOHANNIS ROLLETI,

Palatini,

SCARENSCHMIDUS
VAPULANS.

In

Monstrum libelli

CAROLI SCARSCHMIDI,
Jurium studiosi veterani,
EPIGRAMMA.

Juppiter indomitos ut vidit querere prolem
Centaurus, homines, horreo, quadrupedes.
Restitit, & nutu totum tremefecit Olympum,
Divisosque mares fulmine membra dedit.
Juno vicem miserata rogat, num perdere vellet,
Quæ se cunque suo sanguine multiplicent?
Ille negat, pariterque Deus postquam ira quievit,
Infusus gremio talia dicta refert:
Nulla mihi terram monstris opplere libido est,
Nulla gigant eo scommata ab ore pati,
Nec ego semihominem Cacum generasse probabam,
Cujus erat monstri Mulciber ipse pater.

Qui

*Qui quoties Siculos jubet efformare cyclopes,
 Aut majora Iovi telatris sulca facit;
 Monstra etiam quoties iteratò effingere tentat,
 Frustra equidem Superus sic placuisse cupit.
 Nam si terrigenas monstris terrere necesse est,
 Aut si Calicola cernere monstra velint:
 Luridus effosso jam pridem lumine cyclops
 Sat mihi Scar schmidus cudere monstra potest.*

H. à M.

Eques Livonus.

JOHANNIS ROLLETI

SCARENSCHMIDUS VAPULANS.



Voties ingenia nostri temporis cum veterum torpore, & diffusâ olim per Europam barbarie comparamus, illud se nobis offert admiratione dignissimum, quod qui post reductam bonarum literarum lucem in antiquam barbariem relabuntur, multò, quam illi simplicius, & majori fere cum stultitia ineptiant. Nam uti superioribus seculis cultus politorum literarum tantum non penitus ignorabatur, ita ab illis, qui sua sibi barbarie placebant, ea tum persuasio aberat, quâ horum temporum nugatores cum maximè impelli arbitramur, ut nobis lascivorum asinorum coram orbe literato spectaculum exhibeant. Quibus merita, eruditio, dignitas, adedò non attenduntur, ut vel imprimis calcibus petere, & morsibus proscindere instituant, quorum virtutes seculo in exemplum patent; præsertim quando ipsi alia ratione inclarescere non possunt, & facinora sua, foeda licet, à quibusdam utroque pollice laudari sciunt. Et tale animal jam (ne longe abeamus) in Academia Lipsiensi publicis opinor sumptibus alitur, non tam ut peregrinantibus inter alia ejus urbis cimelia & admiranda ostendatur, quam ut prodigiosa cujusdam stultitiæ semina spargat, ne fortè juvenus ultra Magistro-

gistrorum aliquot dictata quid sapere incipiat. De *Scarschmido* nobis sermo est, novo illo fidere inter cyclopes & fabros sandapilarum. Qui stolidissimus asinus diducto in immensum rictu primum tamen rudere duntaxat coepit adversus Virum incomparabilem, Patronum nostrum: postquam autem leviter id propter vapulasset, nuper omninò dentibus sibi agendum ratus est, edita miserabili *Defensione Disquisitionis* suae, in qua ne belluini quidem sensus vestigium conspicitur. Nunquam adeò foedis, adeoque pudendis utimur exemplis, ut non pejora supersint. Sanè Ipsi Beckmanno stoliditatis palinam ambiguum fecit, quem tamen omnium, qui unquam extitère, sycophantarum impudentiam supergressum fuisse, non citra causam credebamus. Cujus vesaniam quemadmodum nuper castigavimus, ita nunc hujus quoque deliria excutere animus est: ut stultissimo adolescenti vanam scientiae persuasionem de pulmonibus depellamus, simulque ostensum demus, quale portentum hoc cyclope Germania foveat. Quamquam ut *Scarschmidus* meliorem deinceps mentem sumat, sperare non licet, quod pridem ipsi nihil mentis aut animi fuisse constet & belluas in homines transformare de Diis quidem videntur posse; saltem talis metamorphoseos exemplum in perpetuo Ovidii carmine non legitur. Sufficiet interim nobis effecisse, ut Vir Illustris SAMUEL PUFENDORFIUS, quantumcunque id dedecus naturae *Scarschmidus* insaniat, studiis suis liberè vacare queat, neque in nugis convellendis bonas horas perdere cogatur, qui erudito orbis alia ratione prodesse cupit. Praesertim cum & Regia Majestas Sueciae Viri cogitationes ab his controversiis avocasse videatur, Quae non ita pridem, morte abrepto Loecénio, Consilarii Ipsum & Historiographi sui munere dignata est. Quam operam aggressuri magnam inde spem concipimus, non omninò frustra fore conatus nostros, quod plerique Lipsiensium, & cordatiores quidem omnes, jam antea *Scarschmido* primum inter stultos locum attribunt; ut qui exemplo Phanaticorum hominum tota die lectulo adfixus nescio quas inspirationes capret, & postquam recitatione tristium nugarum non sine sereno universo orbi per horulam leges dictaverit, affectato gressu Hispanico ad cænaculum moveat. Sicut & illud de feroculo hoc referri solet, cum Generosissimi Baronis, cui praefectus fuerat, studia moderari non potuisset, eoque Wittebergâ Lipsiam, comitante gloriâ rei benè gesta, reverteret, praelectione

atione Institutionum Juris victum quaesiturus, Ipsum illicò commensabilibus suis de *procedias* jure litem movisse; imo clarissimum hospitem suum, in hanc conditionem adigere voluisse, ne quem priorem prae se locum occupare pateretur. Ut actum penè agere videri possimus, quod vanitatem adolescentis depingere animum induxerimus, quem illi ipsi, quorum gratia potissimum id fieri par est, pridem in Cæritum tabulas retulerunt.

Cæterum priusquam ad castigandam cyclopi nostri stultitiam accingamur, operæ pretium fuerit thesin præmississe, quam Scarenschmidus in sicertâ sua dissertatione impugnandam sibi sumpsit, ut Lectores, quid revera in controversia sit, eò liquidius perspicere queant. Præsupponimus igitur, & ex se ipso satis manifestum arbitramur esse, si quidem in civitate summum Imperium ita reperiatur unitum, ut illud indivisum & inconvulsum ab una voluntate (hominis aut concilii) per omnes civitatis partes, atque negotia se dispenset, templ. emergere, cui ad formalem suam perfectionem nihil desit. Qualem Reimpl. regularem vocare placuit, non modo, quia id vocabuli alioquin perfectioribus applicari suavit, sed & quia tales potissimum Respubl. Aristoteles nobis descripsit, præcipuus sanè inter eos, quorum circa Doctrinam Civilem, Architectonicam puta, & quæ indolem rerum publ. in genere contemplatur, tradita ex antiquitate nobis superant. Receptum enim est, ut, quæ cum artificum Regulis & delineationibus conveniunt, aut juxta communioem, notumque jam modulum efformantur, Regularia audiant: sicut contra irregulare nuncupatur, in genere, quicquid præter solitum fit, aut contingit; imprimis verò quod artificum ideas, & designatas semel ab iisdem limites egreditur. Sic irregulare vocamus, v.g. si aliquando solita nobis hora non prandemus; sit abellarius justo tardius, citiusve adveniat; si actus non legitimus die nefasto expediatur; & ita in cæteris. Sic irregulare pronuntiabit Vulcanus, quod cum reliqui Cyclopes præcipuè matutino tempore tenaci forcipe massam versent, Scarenschmidus non nisi multa die, & quinta cum linea tangitur umbra mollibus è stratis opera ad fabrilia surgat. Et cui ignotæ sunt munitiones irregulares, quibus sane præstantissimas per Europam Mathematici annumerant. Cæterum quemadmodum fieri potest, ut quod irregulare est, idem quoque vitiosum sit; nempe si per structuram, aut insolitam dispositionem partium

res finem, cui destinatur, omnino assequi nequeat: ita irregularitas semper, ac per se vitium aut labem non infert: cum naturalium quidem rerum formæ necessario bonæ sint, quæ verò hominibus irregularia producantur, etsi respectu habitudinis ad eundem finem magnopere inter se variant, communem tamen illum finem pari sæpe felicitate consequantur. Aliunde enim, quod per formam fieri nequibat, pensari potest. Eoque irregulare & vitiosum nequaquam nobis Synonyma sunt, multò minus id vocabuli inter convicia referimus, qualia dicacitati Scarschmidianæ, vel potius laboranti ejusdem ex furore animo assestantur. Quanquam disceptatione de formarum præstantia exorta, si cætera omnia sint paria, secundum regulares formas litem dari oportere indubium est. Quibus præsuppositis in proclivi fuerit concepisse Rempubl. irregularem; quæ scilicet unione illa, ad robur & essentiam civitatis regulariter necessaria deficitur; idque non per modum morbi in administratione Reipubl. hærentis, sed ut publica lege vel consuetudine ea facies tanquam legitima sit recepta. Quale Corpus Germaniam constituere nostro quidem Judicio solidissimè ostensum dedit *Severinus de Montembano*; cujus admirandæ eruditionis libellum hætenus impugnandum fumpserunt non viri docti, & quorum lucubrationibus apud externos etiam aliquod pretium ponitur, sed illa sæculi incommoda Publicistæ, quos nobis rabularum per Imperium examina pariunt. Et sanè ne nunc illa heic argumenta repetamus, quib⁹ ipse rem ita evicit, ita exposuit, ut nemini cædato dubium superesse possit, vel sola Principum Germaniæ libertas, qua hoc etiam bello quidam ex ipsis non timide usi sunt, ostendere poterat, utrarum in censu eadem Respubl. sit reponenda. Neque enim si regularis Respubl. est, (in qua omnia ab una voluntate gubernari regique jam diximus) fieri potest, ut dum alii bellum ad se pertinere contendunt, reliqua ejusdem reipubl. membra operam & auxilium suum ipsi etiam reipubl. capiti jure denegent. Sicut illa sententia non rationibus modò, sed & ipso rerum actu omnibus, qui extra partes remoti sunt, jam pridem probetur. Licebat tamen Scarschmido quantiscunque clamoribus eandem incessere, & illo stupore, illaque mentis cæcitate æternum laborare, modo Pufendorfium tam protervè non vellicasset. Cui quo minus criminationes Scarschmidi à se amoliretur, nullo Jure, nulloque privilegio prohibebatur, per quod cyclòpi nostro viris cruditis, & quorum

rum in publicum merita extant, impunè, tanta cum acerbitate insultare licet. Præsertim cum quæ in Severino Pufendorsius exercitii causa, & potius ut Rempubl. irregularem in genere delinearet, quam ut tradita Monzambani super Imperii Germanici forma defenderet, asseruit, adeò non obscura, aut tenebris involuta sint, ut & ipse Scaren Schmidus in lepidâ illa *dissertatione de republ. monstrôsa* fateri cogatur, Imperium Germanicum rectè dici posse *irregularem Monarchiam*. Quod si Imperium, fâtentè Scaren Schmido, irregularis Monarchia est, sine dubio, idem quoque Respubl. irregularis erit. Nisi forte non amplius inferre licet: si Lipsiæ reperiuntur Doctorandi, necesse est, ibidem reperiri homines. Sed nimirum ne hâc consequentiâ admissâ nihil amplius controversiæ superesset, vel potius ut noster Cyclops monstrôse suæ Dialecticæ emblemâ aliquod promulgaret, eam illationem ita limitari vult: Irregularis Monarchia est; Ergo & irregularis respubl. scil. *sub concepta specie Monarchia*. Quod perinde est, ac si dicerem, Scaren Schmidus homo est; ergo & animal sub concepta specie hominis. Ne forte quis putet, ipsum animal esse sub concepta specie asini aut bovis. Qualem cogitationem non posse non eruditorum animis obversari, facile agnosceat, qui monstrâ illâ Scaren Schmidiana, quæ ipse tamen non citra gravissimos dolores, & postquam totis decem annis uterum gesserat, enixus est, eminus duntaxat conspexerit. Imò contra si datur Monarchia irregularis, & Aristocratia irregularis, & Democratia irregularis, nemo mortalium tam stupidus erit, quin agnoscat, etiam dari Rempubl. irregularem. Id quod probasse Pufendorffio satis est; quippe qui non tam formam Imperii Germanici definire, quam Respubl. irregularis naturam in universum scrutari constituerat.

Excutiamus jam paulò pressius, quæ pro defendenda stoliditate sua Noster affert; ut appareat, quanta hellebori caritas insit, si Scaren Schmidus laboranti è stultitia capiti medicinam facere incipiat. Ac proloquium quidem, quod ea prorsus Majestate orditur, qua Parasitus Gnatho apud Comicum elementa artis suæ tradit, nihil ad Pufendorffium. Neque enim quod Idiotæ, qui adscito Polyhistoris vocabulo superbiunt, quandoque extra oleas vagantur, ideo aut Imperium irregulare respubl. non est, aut Scaren Schmidus deinceps primum inter Politicos locum fortietur. Quanquam alioquin ipsum columnam esse non diffitemur *gigantei sui*

fuiorbis literati, in quo, prædominante paulatim tyrannide Sacerdotum, Affectare ferunt regnum cæleste sophistas, Altaque congestos struxisse ad sidera pontes, quos vocant, alinorum, aut tabellas Metaphysicas, ut quæ craticulis & harpagonibus suis scalæ cujusdam Jacobææ vicem commodissimè subire possunt. Neque quod non omnes eruditi Sacro-Sanctum Corpus Juris pari reverentia æstimarunt, aut quod *Angelus Politianus* (quem liquet mihi dejerare, ne inspectum quidem esse Scarsenschmido,) quid revera olim fuerit *suus hares* ignorare se fassus est, ideo Imperatoribus leges fundamentales, quæque peculiariter à singulis in Capitulatione, quam vocant, promissæ sunt, negligere licuit; per quæ status Germaniæ multum supra conditionem subditorum, proprie dictorum, constitui, cœcus sit, qui non videat. Quibus tamen cum adhuc aliquid ad summum Imperium desit, neque obligatio, qua Cæsari, tanquam capiti obstringuntur, ex fœdere aliquo expresso originem trahat; etsi illa non plus fere virium habet, quam vinculum pacti inter fœderatos inæquales: id propter Imperium recte dici rempubl. irregularem arbitramur, quicquid de *Polyhistore* Scarsenschmido, aut antiquo *Patrum Romanorum urinario* fiat; è quo delibato chrismate in vicem opobalsami principio statim lectorum suorum nares ungit scurra. Neque verò ideo Germania *campus* vocari non potest, cui quisque *Scholasticus papiliones cerebri sui immittat*; quæ Grob Schmidii nostri sententia est. Nam & in civitatibus, quæ regularem formam manifestè præ se ferunt, non minus quam in irregularibus rebuspubl. sæpe omnia stultorum plena sunt; & ipsi nos, implicarâ his bellis Germania chimæras, ac nescio quos cerebri papiliones, (velut animas Platoniorum per inane volitantes,) magno numero, in Imperio vagari & errare conspeximus, agmen ducente progenie Scarsenschmidiana, terribili illa, & quâ conspectâ Turcas de Hungaria abdicanda consilia captafse dicunt, *Mars Germaniæ perpetuus*. Quorum infinitam multitudinem densam in æthere nubem referre, quæ Germaniæ lucem suam non minima ex parte eripiat, jam pridem apud cordatos in confesso est. Sic quod ad abstrusissimam illam quæstionem de *Austregis* non nemo auditorum Scarsenschmidi *barbam & nasum instar galli gallinæ demiserit*, putaveritque præceptorem suum loqui de *estreis*; quod instante merendâ, circa quam Scarsenschmidus ferè è plumis prospicere, sensimque ad profitendum accingi solet, animum in patinis ha-

beret;

beret; & alioquin Ostrea calleret primo deprendere morſu; id quidem arguit, miræ ſimplicitatis adoleſcentes eſſe, qui Scarenſchmido ſe in diſciplinam tradunt. Sed num Auſtregæ eam in Status poteſtatem Caſari largiuntur, quæ alibi locorum Regi in ſubditos adest? Aut num Principum libertati per id derogatur, quod ipſi inter ſe controverſias ſuas componere poſſunt? Num denique nexus ille feudalís, quo Status Caſari & Imperio obſtringuntur, ideo plus virium habet, quam vinculum pacti inter foederatos inæquales? Atqui contra, ſi maximè Caſar citra diſcrimen cauſarum ubique primus ac neceſſarius in Imperio Judex eſſet, cui per ipſas tamen Auſtregas poteſtas judiciaria ita illimitatè non competit, id ſolum quidem regularem Rempubl. haut quicquam argueret. Neq; enim, ut Grobſchnido perſuaſum eſt, qui neceſſario hunc, & non alium controverſiarum ſuarum Judicem habent, cui tamen reliquas Majeſtatis partes in eos dem exercere non liceat, illicò in ſubditorum propriè dictorum claſſem compingentur, aut ea inſallibilis *nota eſt diſcernendi Imperii à ſociali ſyſtemate*. Cum etiam inter foederatos, præſertim inæquales, neceſſarium Judicem vi pactorum conventorum dari nihil repugnet, & ejus rei hodie adhuc exempla extent. Sanè Grœningæ, exorrâ non ita pridem cum Omlandis controverſiâ, Delegati reliquarum Provinciæ Belgicarum neceſſariò judices erant, neque coram arbitris ea cauſa diſceptari poterat, ad quos tamen eandem deferri altera pars magnopere videbatur velle. Sic ut comparatione cum Provinciis Foederati Belgii facta, quibus ſingulis Majeſtas propterea non deeſt, hætenus Statuum Germaniæ libertas, quam illarum, fere major ſit habenda: utcuque vulgus Belgii libertatem ſuam non ſine contemptu Germaniæ jaſſet. Denique nec *Camera Spirenſis*, nec *Judicium Aulicum* impediunt, quo minus Ordines Germaniæ poteſtate ac Juribus ſuis frui queant; quæ cum conditione ſubditorum propriè dictorum conſiſtere poſſe, nemo temerè affirmaverit, qui genuinæ Politicæ modicam duntaxat noticiam habet. Nam multum falleris, Grobſchmidi, qui putas, dijudicandæ Imperii formæ ſatis eſſe, *Jus civile*, *Feudorum Conſuetudines*, *Sanctionem Carolinam*, & *Receſſus Imperii noſſe*; ſed ad regulas diſciplinarum Univerſalium ſententias ſuas exigere debent, qui de forma reipubl. judicium ferre inſtituunt. Et vel hoc nomine paulo magis reverentem adverſus *Magiſtros* eſſe, quos ſubinde vellicas, & coram quibus Lipſiæ nu-

dato capite, si quid controversiæ tibi cum civibus sit, sententiam audire cogeris, te decuisset; ut quorum aliqui te stolidissimum animal, modo id pridem non recusasses, è bestia iterum in hominem refingere poterant.

Quæ cum ita sint, nihil aliud superesse videbatur, quam ut Scarsenschmido æternum valediceremus, nî convicia, scommata & sycophantiæ hominis prolixius animadverti mererentur. Quorum absurditatem si qui mirari incipient, illi cogitare velint, in patria Scarsenschmidin *mares & nates cavillari*. Nam id nobis emblemata promulgat miser, ac verè deplorandus Idiota, cujus agrestes pariter & scurriles joci, quos adfectat, tantum abest, ut cuiquam risum movere possint, ut potius ex animo lachrymentur, qui agnoscunt, quam seculo infamiam Scarsenschmidus, & reliqua id genus carcinomata inpegerint. Neque verò illud hic magnopere attendimus, quod noster Grobbschmidus velut summi acuminis convicium præmittit; *in novellis Academiis Cathedra adhiberi*. Quem enim fugit, in novellas Academias evocatos hæcenus non fuisse Magistros nostros, quos fama obscura recondit, aut qui non nisi suis Ortvinis Gratiis noti sunt, sed clarissima quæque ingenia, & primariæ eruditionis viros, quorum vel sola præsentia celebritatem loco adferre potest. Et frustra est Scarsenschmidus, si metuit, ne erecta alicubi nova Academia ipse cum *cerebri sui papilionibus* primus cathedræ politicæ admoveatur. Et si plerisque nondum liquet, quid doctrinæ aut dexteritati docentis conferat, Academiam, in qua vivit, veterem vel recentem esse. Si tamen antiquitas Scholarum omnino ad augendam eruditionem facit, tum quidem sua ferim *Valentino Veltbemio*, ut cum dissertationes, quas evomit, & Epistolæ obscurorum virorum alioquin magnam inter se convenientiam habeant, hauriendæ velut ex ipso fonte toti barbarici, simulque ne tantum temporis sophisticationibus utcunque addiscendi impartiat, Coloniam quanto citius proficiscatur, & collectum ibi in operibus Doctoris Angelici, & MSCris Ortvini Gratii planè sacrosanctum pulverem solitâ humilitate osculetur. Qua antiquitatis vi admissa profectò non medioeriter sapuit Scarsenschmidus, qui relicta Academia Salana in Lipsiensem sese contulerit, quæ & illa antiquior est, & in qua olim vixit *M. Irus Persivus*, cujus stultitiam ipse haud dubiè jam imitatur. Nam Jenæ quidè bonus noster Grobbschmidus sexennio, quo ibi dormi-

vit,

vir, modicum in literis profecerat, quicquid interim de *disputatione sua Inaugurali & summis in Jure honoribus oblati* jactat. Quæ tamen una cum cæteris ineptiis & vanitatibus ne quis in malam partem accipiat, prudenter addit: *intentato iſtui, qua ſcribo, imputentur*; Quasi non posset non injuriam à Pufendorſio animadvertere, eoque neceſſum fuerit horribilem & ſacrum hunc libellum in vulgus ſpargi. Aſt mi Scarenſchmidi, ſi utique tua tibi ignorantia placebas, licebat tibi quantumcunque in conſpectu orbis literati nugari, modo Pufendorſium hoſtem non delegiſſes, virum, ad quem collatus tu nihil eſt. Qui dum tuas à ſe criminationes amoliebatur, quid aliud ſcribere debebat, quam quod ipſa dabat res. Neque verò aliquid ab ipſo contra te dictum eſt, quo Majestas tua lædi potuerit; quin imò infinita propemodum non tui, ſed aliorum cauſa reticuit. Et vide, ego non vereor illud de te ſcribere, qui per *duodecim continuos annos* in Academiis delituit, nec meliores, quam tu, in literis perfectus fecit, cum ne porcorum quidem pabulo dignum eſſe. Niſi fortè infulſam dicacitatem ipſe in te admiraris, qua omnes in trivio ſcurras vincis. Equidem ſalibus, jociſque literatis orationem condiri tantum abeſt, ut improbemus, ut contra arbitremur, acrimoniam dictionis in loco adhibitam magnam rebus vim & *éclat* addere. Sed quale iſtud eſt acetum, quo tu, infulſiſſime aſine, meritiſſimum & incomparabilem hunc virum perfudiſti? Aut *Veltbemi*ana tibi facinora probantur? Qui impuriſſimus homo decerptos è libello famoſo floſculos ſætidiffimos, & quales ne rixanti quidem vetulæ exciderent, imò quibus prolatis ipſum Satanam pudere videbatur poſſe, Commentario ſuo ad Grotium pluſquam barbaro intexit. (Part. I. p. CCXV.) Qui uti nuper ſtultitiæ præmium pro parte tulit, ita, ſi nondum acquieſcet, à nobis etiam, ut meritis eſt, deinceps caſtigabitur, compilatis ex operibus Tenebrioniſtarum *Epistoſis obſcuro virorum ſæculi XVII.* editoque dramate, *Veltbemi*us *Heautontimorumenos*, quod fratri ipſius, chorago hiſtrionum Hamburgeniſum, tibiſi dextris & ſiniſtris, per theatra Germaniæ agendum commendare ſeder. Eſſi latibula jam circumſpiciat, ſuiſque facinoribus paulatim erubeſcere videatur velle inſcelix puer, atque impar congreſſus Achilli. Sic quam turpiter te dediſti, Scarenſchmidi, cum tua inſipida detorſione nominis Pufendorſiorum! Quæ locum habere non poteſt, quamdiu eruditi cum fæce Italiæ Conia pro ciconia, aut cum ruſtico Plautino

Rhabo

Rhabo pro arrhabo dicere volunt. Er tamen haud dubiè co'invento lepôrum difertus & facetiarum tibi videris, cum nemo mortalium invita Minerva & Musis collacrymantibus te magis unquam sit jocatus, aut frigidiora ineptiis suis scommata miscuerit. Sic cur non prævidebas, cum politicam stili tui *Lipso, Tacito, Plinioque* comparares, risurum fore, quicquid Lipliæ est, cachinnorum, & illud tibi ingestum iri: *O Imitatores, stultum pecus!* Nam eadem illa Venus, quæ in Javelli labris olim sessitavit, ruum Diis adamatum os irrigasse videtur, nec meliores, quam Ortuvinus Gratinus foscuculos subinde spiras. Qualis est, dum scribis, *te regularum Mysteriorum non palpassè*. Quid enim ista locutione tibi vis? An Philosophiam tam arguto axiomate traducis; cui suum apud prudentes pretium fuit, priusquam tabulæ per Germaniam dominarentur, & tu ferulam, natibus malè habitis, revereri didicisses. Credo te existimare, mundum etiamnum esse tam stupidum, ut JCTi vocabulo audito omnem omninò eruditionem animo concipiat, simulque, qua potest, veneratione prosequatur, qui cum *Haberkornio Görlicensi* Politicam suam ex *Tractatu Ottonis Taboris de Jure Cerevisario* hausere, & novos hoc tempore Bartolos Baldosque parturiunt. Olim isti fuit generi quæstus apud seculum prius. Nunc qui neglectis politioribus literis, rudes historiarum, nullaque solidæ Philosophiæ scientia instructi, velut noster Scarschmidus, Politicas commentationes enituntur, illi sanè quantocyus Anticyras navigent, ni eruditus asini audire malint. Præsertim si pulmonem ventis rumpant, & fatorum ludibrio publicè docendi ac nugandi potestatem nacti, viros doctos fœdis mendaciis, aut jejunis sophisticationibus provocant. Hos irasci, si digna factis suis elogia audiant, quod tu facis, dic, quæso, bona fide, an Sapientis putas, Scarsenschmidi? Sanè ni gloriatio tua vana est, evolvisi utique *autores Romanos*, & quidem pluries, quam nos, qui tuam eruditionem non attingimus miseri. Ergò & illud meministi, quod Phædrus exemplo cicadæ ostendit. Illa cum nescio cui avi acerbum sæpè convicium faceret, rogata ut taceret, multò validius clamare cœpit; & rursus admota prece accensa est magis; donec leto admota, quod viva negarat, tandem mortua tribuere coacta est. Nemini, præterquam sibi ipsi, irascatur, qui dignum scelere præmium aufert; & humanitati qui se non accommodat, sibi habeat, si poenas superbiæ suæ det. Reputabis hunc tecum apologum paulisper,

Scarsen-

Scarenschmidi; quem si prius attendisses, quam laciniam illam tuam nitidissimis Pufendorffii Dissertationibus assuere animum induceres, nimirum non paulo rectius existimationi tuæ consulueras. Facies interim officium Christiani, si Velthemium Jenensem è propinquo adinonebis, cum alioquin omen in nomine sit, velit cavere, ne, continuatis mendaciis & sycophantiis, idem, quod cicada apud Poëtam in se exemplum statui videat. Nam nuper quidem; cum exercitus Asinii Tenebrionis prope Bambergam lustraretur, & commentarius ad Grotium vicem tormentorum bellicorum subire deberet, hic primam ante aciem digna atque indigna relatu Vociferans, tumidusque novo præcordia partu, Ibat, & ingentem sese clamore ferebat. Cæterum quod eruditionem tuam ipse tam sollicitè commendas, in eo more vilium animarum facis; quæ postquam aliquas disciplinas vix a limine salutarunt, illicò doctrinæ apicem se attigisse existimant. Quanquam in universum stultorum est, sibi ipsi buccinatorem fieri: & omnem omninò modestiam egreditur, quod tu tibi, tuisque nugamentis elogium tribuisti. *Ridebam, ais, primò hominis insolentiam, eamque contemptu potius transmittere, quam agnoscere induxeram.* Et quidni? Si ego tuo loco essem, ne quidem cum hominibus loqui vellem, tantum abest, ut cujusquam gratia calamum in manus sumerem. *Porro igitur, pergis, retorquenda erunt tela, quæ vel barba vel pallio excipere poterit.* Facetè. Eat nunc aliquis, & Scarenschmidum præcæ simplicitatis hominem neget, qui hosti suo modos præcavendi ictus telorum suppeditat. *Naso enim obtuso, ait noster Grobschmidus, certè imperii forma maximè periclitabitur.* Ergo salus Imperii à salute Publicistarum tam arctè dependet, ut unius ex illis naso obtuso, libertas ordinum, forma Imperii, & præsens Germaniæ conditio vacillare incipiat. Nam tu, & tui similes Publicistæ columnas Imperii esse, multoque quam Pufendorffius rectius vobis sapere videntini. Quanta Germaniæ calamitas instat, si Scarenschmidum omninò mori contigerit! Rationis profectò est, ut Principes nostri, patriæ amantes, quique contextum Reipubl. in partes ire nolunt, naso hominis primo quoque tempore præsidium circumponant, ne militari satellitio defectus, si quando talitra ipsum pati necesse sit, aut famulorum pugnos experiri, integritati narium & quæ inde dependet saluti Germaniæ prospicere nequeat. Nam *scutum Arivisti*, quo hætenus utrunque nasum protexit.

non videtur impetum tot Magistrorum, quos provocavit, sustinere deinceps posse. *Pressoprius nomine, dicit, ne quid captasse putarer, de-ram Disquisitionem de Republ. monstruosa, contra Monzambano.* Atqui præscripseras tamen nomen Perillustis Dn. à Friesen, Eique id nobile scriptum strenz loco obtuleras. An hunc tantum virum tam imperitum rerum humanarum esse credis, ut ignoret, quid sibi id genus salutationes velint? Sanè Augustus è vestigio penetrabat mentem futoris, abs quo educatus corvus xxi. ipsi acclamabat. *In antro Platonis non formantur Respublica*, inquis. Neque, inquam, formantur Respublicæ in dolio *Justiniani*, quod tu sub finem *Disquisitionis* tu comminiscer s. Nam nobis omninò non liquet, quid rei sit antrum Platonis & dolium Justiniani. Nisi forte, quæ tua ferocia est, Platonem in antrum Trophonii, & Justinianum in dolium Diogenis relegasti, aut illud orbi acumen ostendere voluisti, quo non ita pridem tui similis JCrus publicâ scriptione *segleba Juris Justinianei adscriptitium* professus est. *Consultius erat nasum suspendere*, habet oraculum Scarsenschmidi. At illi Prophetæ consultum erat naso helleborum ingerere, si modo cerebrum aliquam adhuc medicinam capiebat. De quo tamen ut dubitemus, multa nobis causæ sunt. Quantumcunque enim *collegiæ tua ad ff. & nescio quam reconditam Jurisprudentiæ* notitiam jactas, nihil tamen è mysteriis *regnantis in dolio Justiniani* tui deprehendere licet, quod Pufendorfio oblivione semel iterum transmissum non sit, priusquam tu prima Juris elementa degustasses. Et alijs omninò armis indutum te esse oportet, si qui sententias Pufendorfii in animum demiserunt, tibi & fociis tuis credere debeant; de quo interim §. 18. stolidissimè conquereris. Quid enim? Num Philosophis sola fide opus est? Imò rationibus hîc pugnari oportet, & stultum est in Philosophia alteri incredulitatem exprobrare: cum quod scitur, non possit non credi. Probate sententias vestras viâ evidentia argumentorum, & credemus. Sed quid asino concionamur, qui ejurato sensu communi; jam pridem ea capere non potuit, quæ lippientibus, sin minus oculis usurpantur, tactui tamen dijudicanda se offerunt.

Videamus ergò paucis, quid post tam nobile procœmium circa rem ipsam nugetur Scarsenschmidus. Ubi §. 10. primo loco tradit; *in formando rebus publ. promensura seu regula haberi potius delere, quod materie aptitudo, & populi genius admittat, non quod idea, & regula literalis singat.*

Nam

Nam litera occidit. Atqui eadem ratione dicere possumus, in extruendis munitionibus Architecto mensuram, vel potius primum quod attendatur, esse debere genium loci, non ideas, quas nondum conspecto loco ipse animo conceperat, vel alibi delineatas, habuerat. Sed num illud obstat, quo minus munitio regularis ab irregulari discernatur? Imò ne quaestio quidem est, quid præcipuè in extruenda republ. Politicum respicere oporteat; sed an dentur respublicæ irregulares, & utrarum in classe Germania sit reponenda, id verò controvertitur. Cæterum quod ad istam appellationem, ejusque fundamentum attinet, respondemus, cum ea quæ artificum regulis, quas ipsi fere à communioribus abstrahere solent, conveniunt, usitato passim vocabulo regularia audiant; Aristoteles autem, cujus Politica Architectonica sola propemodum ex antiquitate nobis restat, eas præcipuè respubl. descripserit, in quibus actiones publicæ ab una voluntate diriguntur; quales respubl. hodie etiam communiores sunt: idèò civitates, quarum voluntas per unum hominem, vel unum concilium se exercit, regulares vocare placuit. Sicut contra irregularis Respubl. nobis est, ut jam supra ad nauseam usque inculcavimus, in qua unio illa, quâ civitas velut animatur, ita perfectè non deprehenditur; idque non per modum morbi, aut vitii in administratione reipub. hærentis, sed ut publicâ lege, & consuetudine ea facies velut legitima sit recepta. Quo unico observato nullam difficultatem habent, quæ §. 11. *Secundo & Tertio loco* monere voluit noster Grobschmidus. Etiam si enim verum sit, *rigorosa regulæ applicationem plus mali habere propter vitiositatem materie*, i. e. si genius populi non permittat, frustra esse, qui regularem temp. constituere velit: neque illud non concedamus Scaren Schmido; *regulas istas esse particulares & imperfectas, nec totum objectum, ejusque partes exhaurire*, i. e. Politicam architectonicam, quoad enumerationem formarum regularium deficere; quod nemo temerè affirmaverit: tamen nullus mortalium, puto, erit, qui inde colligat, inter regulare & irregulare discrimen non dari, & collatione facta Imperii cum traditis Politicorum nullum formæ dijudicandæ indicium suppetere. Neq; obstant, quæ addit Noster: *Nam à præsupposito, seu Rebuspubl. in individuum existentibus, earumque formæ regulæ istæ desumptæ*, i. e. cum Philosophi doctrinam civilem in formam artis redigere molirentur, jam tum Respublicæ extabant; earumque intuitu illi formas rerumpubl. describere

perunt; *quo pacto igitur futuris rebus publ. propter objecti varietatem formas proponere queunt.* Nequaquam enim ea Severini mens est, omnes res-
publ. debere esse regulares; neque de *futuris* rebus publ. ordinandis dis-
quiritur. Pari etiam ratione dicere possumus, Mathematicos Archite-
ctonicæ militari manum admovisse post munitiones quasdam
jam extructas. Neque tamen quenquam tam stupidum fore arbi-
tramur, ut Mathematicorum tradita ob distinctionem munitionum in
regulares, & irregulares cavillari occipiat, quasi *futuras* munitiones
omnes jubeant fieri regulares. Sine dubio certæ cujusdam reipubl. for-
mationem, cum ista scriberet, animo agitabat Scarschmidus, ut planis-
simam Pufendorffii sententiam eò detorqueret, ac si respubl. regulares
orbi pro regula obtrudere vellet, ad quam omnes in universum civitates
refingi oporteat. Et fallor, ni sub idem tempus somniaverat, à S. Ma-
jest. Catholica solenniter se evocatum, ut distributas hinc inde per A-
merican colonias in justæ civitatis formam digereret. Istiusmodi enim
imaginationibus Phanatici, & Melancholici, & qui alioquin tristia arro-
gantia laborant, sæpe numero distineri solent; & peculiariter Scars-
schmido talia sibi visa effingere rarum non est; qui jam ante sexennium
Jenæ dicitur confirmasse, se prius loco non excessurum, quam abs certo
Principe Imperii in aulam accerferetur, misso pilento, cum tribus paribus
equorum. *Si enim alia*, pergit Scarschmidus, *rerum publ. forma tum*
existissent (nempe cum Aristoteles Politicam suam Architectonicam
concinnaret) *plures aliaque regula conscripta fuissent.* Atqui post Ari-
stotelem non pauci scriptores politici in publicum prodire, neque ta-
men quisquam novas formas regulares, diversas ab illis, quas veteres
jam tradiderunt, commentus est. Habet enim & ipsa regularitas fun-
damentum suum, & numerus formarum regularium Politicis in visâ
apodixi ostenditur. Quod autem noster addit: *Quo animadverso recen-
tiores doctrina civilis scriptores plures regulas, scil. reipubl. mixtas, formasque*
communiter statuunt; id non magis sententiæ Severini obstat, quam ideo
irregulares munitiones non dantur, quia, nî fallor, Fournierius, Brisfacy,
Ostendæ, aliorumque oppidorum egregias quidem illas, sed tamen irre-
gulares munitiones singulatim depictas exhibuit. Neque enim illi re-
scentes Politici propterea mixturas suas se confecisse fatebuntur, quod viro
illi, cujus Trismegisto nomine audito alioquin attoniti stupent, oblata-
re,

re, ejusque Politicam nūmā ex parte suppletam velint; sed ut Imperium Germanicum lepido quodam vocabulo insignirent, postquam illud ad simplices & regulares formas haud satis congruere vidissent, Aristoteles autem (cui cetera quidem formæ plenè descriptæ sunt) non magis irregularium rerum publ. quam systematum mentionem faceret. Præsertim cum non pauci pari ferè anxietate mixturæ illius vestigias in Aristotele quarant, qua hodierni Alchymistæ modū conficiendi lapidis Philosophici in Raymundo Lullio venari instituunt; neque quisquam unquam adeo desipuerit, ut Respubl. mixtas regulares esse, quæque mensuræ vicem in quacunque republ. ordinanda subire debeant, contenderit.

Cæterum cum Pufendorfius scripsisset, *homines ante Vitruvium adificasse; quæstionem movet noster Scarsenschmidus; An ades hodie ad regulas Vitruvii non formata sint irregulares.* Ad quod problema respondemus; Etsi usu non ita frequentetur, ut ædificia dicantur regularia vel irregularia, quemadmodum munitiones, dubium tamen non habere, quin qui locum turribus, aggere, aut castellis muniunt, ædificent. Eoque primo non adeo *ridiculum* videri, ædificium irregulare dicere. Deinde discrimen faciendum esse inter Architectonicam veterem & recentem. Quanquam enim utraque in dispositione partium ordinem, certamque Symmetriam observari jubeat: tamen, ut sunt res humanæ, quæcunque salvo ædificiorum fine corrigi aut murari possunt, non eandem hodie, quam olim faciem obtinere conspicimus. Nam & hîc varietatē delectare constat, & sæpè imperito alioquin homini commoditas quædā observatur, quæ aciem præstantissimi artificis fugerat. Cum ergo comparatione demum cum aliis facta res regularis vel irregularis audiat, siquidē ædificia ad prisce Architectonicæ leges exigamus, omnino irregularia dicentur, quæcunque Philonis, Democriti, Vitruvii, aliorumque regulis non congruunt. Quod autem Scarsenschmidus iterum iterumque, & præsertim §. 38. super ædificiis irregularibus, cachinnum tollit, id sanè manifestio indicio est, idiorā vocem irregularis munitionis (loquamur in gratiā fabri nostri Germanicè, *Einer irregular-Bestung*) nunquam fando percepisse. Equidem si in Junonis gynecæo hæcenus puerulus delituisse, ubi lingua artificum non magnopere requiritur; si *dolio Justiniani*, quod vocat, immersus nunquam Lipsiam adspexisset, cujus munitio palam irregularis est; si denique inter fabros nomen non profiteretur, è quibus

neminem tam imperitum esse constat, quin vim istius appellationis norit; utcunque excusari posset ignorantia hominis. Nunc cum Vulcani auspiciis plusculos per annos ferrum exercuerint vasto cyclopes in antro, Brontesque. Steropesque & stultus corde Scarsenschmith, pudenda profecto socordia est, talia ipsum in armorum officina non attendisse, quæ, ne de tyronibus fabrorum, aut gregariis militibus dicam, pueros sanè, tonsores, lippos, imò mulierculas non fugiunt. Ut mirer, quomodo Jurisprudentiam profiteri, & Advocatum agere homini in mentem venire potuerit, quem cyclopes velut carcinonia ordinis sui, pridem à se ad stivam & aratrum relegare voluerunt. Usque adeo illud Maronis, levi mutatione facta, hic locum habet; *Excudent alii spirantia mollius ara, Orabunt causas melius, rabelasque dolabunt, Tu modo, Scarschmidi, minus insanire memento. Hæ tibi erunt artes: monstris imponere finem, Parcere Rolletis, & debellare bubucos.* Denique quicquid de *Materia* solita sibi eloquentia deblaterat Noster, omnino supervacuū est. Etsi enim res formam, alionā sortiri non possit, ni materia ad eandem recipiendam apta sit; seu, ut vulgo loquuntur; *nisi forma educatur è potentia materiae*, num tamen ideo nullum inter formas discrimen statuetur? Aut num id propter rebus antiquum chaos relabentibus unus erit toto naturæ vultus in orbe? Neque etiam de irregularibus civitatum formis egit Pufendorfius, quasi *ipse solus sciat taxare formas rerum publ.* quæ Grobsschmidii observatio est: sed quia inter regulare & irregulare, inter unitum & disjunctum, inter habile & inhabile, ingens in re ipsa discrimenprehenderat.

Tandem reliquis cyclopis nostri ineptiis diluendis id unum suffecerit notasse, mentem Pufendorfii nequaquam esse hanc, quod Germania foedere aliquo expresso contineatur, aut quod imperium systema duntaxat foederatorum sit. Sed illam obligationem, quæ ordines Germaniæ Cæsari & Imperio obstringuntur, qualicunque eam nomine insignias, non habere plus virium, quam vinculum pacti inter foederatos inæquales, minimum intuitu Electorum, & præcipuorum Imperii Principum, id verò Monzambanus ait, id Pufendorfio persuasum est, & idem ipse rerum actus palam loquitur. Sunt autem istæ theses diversissimæ; quemadmodum aliud est dicere: Scarsenschmidum Licentiatum non esse, sed saltem vetulum Studiosum Juris. Aliud: eruditionem Scarsenschmidii majorem non videri, quam tyronis alicujus. Prius in medio relinquitur;

mus; posterius autem tam certum est, quam certum arbitramur, Imperium rectè dici Rempubl. irregulare. Ac principio quidem, quod *definitionem civis Aristotelicam* attinet, de qua in §. 13. declamat noster, dubium non habet, quin illa sit civium Democraticorum. Quomodo autem differant *jus suffragii*, & *notio suffragantis subjecti*, aut quid illo sibi paradoxo velit, dari in certis societatibus suffragia, ut tamen suffragantes non sint Cives, ista, inquam, subtilitates nobis nondum penetrantur. Egregium interim dogma Politicum, quod literato orbi propinat Scarenschmidus in regno unicum esse civem, nempe Regem, & regnicolas ob defectum juris suffragandi, cur a quod, ex doctrina Aristotelis, uti ipse contendit, nemo verus civis sit, nihil aliud esse, quam servos publicos, quibus tamen, ne hanc compellationem indignè ferant, id solatii loco ingerit: *libertas personalis respectu libertatis civilis minus absurdè dicitur servitus*. Atqui eodem argumento ostendemus, Scarenschmidum esse idiotam. Nam quicquid ipse in Jurisprudentia Romana sapit, id quidem respectu Cujacii aut Jacob. Gothofredi non absurdè dicitur ignorantia. Quam tandem Politicam comminiscetur nobis natio Tenebrionistarum! Jam primum Scarenschmido unicus in regno civis Rex statuitur; Regnicolæ autem, quacunque dignatione sint, nil nisi servi publici audiunt. Valentino Veltchemio, citra respectum, quod sociorum aliqui Imperium civile non ordinationem, sed omnino creaturam Dei esse, contendant, quam Deus immediate velut olim Manna producat, & postea in noviter electos Reges plure jubear, nuper religio non fuit, publicæ ac solenni disputatione inauditum istud dogma promulgare: *Majestatem esse Non Ens*. Gesenius, Pontifex Garlebiensis, execrabili devotione, imò anathemate fulminare in pleno Patrum consensu decrevit contra omnes, qui fateri recusabant; expedire, ut in civitatibus perversa, ac fini civitatum repugnans Ethica doceatur. Cui denique ignota sunt *αυτοκρατορία*, quas candidissima illa anima, Josua Schvvarzius, & ipse sacræ militiæ Deus tutelaris Nicolaus Beckmannius non citra tumultum rebus publ. obtrudere annisi sunt. Neque verò si Imperium regulare systema non est, ideo Status Germaniæ ad plura, quam Federati inæquales tenebuntur; & qui negat, Principes in subditorum propriè dictorum classem compingi posse, is eosdem omni omnino obligatione liberos solutosque pronunciat. Nunquam enim Pufendorfio in mentem venit affirmare, conditionem subditorum nullâ prorsus ratione

tionem membris Imperii congruere; sed pleraque Imperii membra pro subditis propriè dictis, & Principes pro meris Praesidiis, quales Romani olim provinciis imponebant haberi non posse, id ait. Contra quam thesin ista nobis Scarschmidus opponit, §. XV. *Hac Juris Publici Interpretes in utraque partem disputant, alii verò distinguunt. Simpliciter, certè classis subditorum status jungi, civilis eorum vetat qualitas, quamvis in nonnullis vix secus censeantur. v. c. in judicio Aulico, in Juramento, quod Caesar praestant, ne de curialibus dixerim.* Quid ergò impugnas Scarschmidi? Nam eadem est thesis Severini, & ideo Imperium res publ. irregularis salutatur, quo minus Principes Imperii *subditorum classis simpliciter jungi possent, qualitas eorum civilis seu libertas obstat*; quæ alioquin populis & populorum Rectoribus tributa (docente Grotio J. B. lib. I. c. 3. §. 21.) sine summo Imperio non intelligitur. In regulari enim republ. omnia ejusdem membra simpliciter, neque in nonnullis duntaxat, quæ ad ipsam rei summam partem faciunt, sed in omnibus *subditorum loco, censeri solent.* Circa *Judicium Aulicum* verò & quæ §. 17. grunnit noster, tædet toties repetere; Et si Imperium systema foederatorum non sit, tamen nihil repugnare, quo minus inter foederatos etiam detur *Jurisdictio necessaria.* Sicut & illud ineptum est, quod, quia Jure Romano cavetur, *ne quis invitatus in societate manere cogatur*, §. 16. negat, contrahi posse foedus perpetuum, cui salvis pactis renunciare non liceat. Reliquas absurditates sigillatim percurrere tædiosum juxta & supervacuum videtur. Nam Scarschmidus, postquam in vitiorum callum obduruisset, in furorem quidem agi potest, corrigi non potest. Et quis ista nondum sufficiunt percipiendæ menti nostræ, aut in jectis sibi à Scarschmido scrupulis eximendis, illi nullius doctrinæ animum capacem gerunt.

Jam epilogi loco compellendus nobis est Vir clarissimus, qui hætenus in Scarschmido mensæ suæ membrum sanè quam indignum habuit: non quasi stolidissimo huic sycophantæ socius jungi mereretur, sed quia Medicum non novimus, cui rurius hominem biliosum, & extremè spleneticum commendare liceat. Equidem si ea secundo felicitas obtigisset, ut arcanum lapidis Philosophici, tot carbonum clade frustra hætenus quæsitum, cognitum, aut divulgatum haberemus, ipse præstantissimus Medicus minus opinor desperaret, posse valetudinem hominis in melius ire. Nunc cum plerisque tam beatis esse non liceat, & qui

divinæ

divinæ hujus medicinæ consiciendæ modū reperere, juxta Poëtam, bene vivere, qui bene lateat, existiment, nescio quâ ratione sensus reddi possit ægrotanti, cui ne candentis quidē ferri ustulatio percipitur. Nisi forte ultimū hīc erit, detecta nostris temporibus Transfusio; quæ re desperatâ Medicis quibusdam non pessimè cessit. Cujus adversus melancholiam si prudentissimus Poliater ipse vim atque efficaciam expertus est, nobis perhumaniter rogantibus, non recusabit, vitulo aut porcello venas quantocyus incidere, ac cruorem nulla febris aut tristitia infectum cordi per canales instillare; ut sic asinino sanguine purgatus, sin plenè restitui non possit, saltē ruditu suo bonis viris parcius negotium faceffat. Quanquam, ut vincula homini parentur, cordatiores expeditissimum sint judicaturi; postquam melancholia magis magisque ingravescit, & Sirius, qui propediem æstus Solis adaugebit, canina id genus capita multorum sæpe exitio præcipitat.



SAMUELIS PUFENDORFII

Specimen

CONTROVERSIARUM

circa Jus Naturale ipsi nuper motarum.

Propert. l. 2.

Maxima de nihilo nascitur historia.

Reverendissimo Domino

DN. JOANNI BAAZIO,

S. Theologiæ Doctori, Archi-Episcopo Upsalienfi,
Ejusdemque Academiæ Pro-Cancellario,

Bb

Domino

Domino ac Fautori meo venerando.

QUO calumniarum adparatu Libros meos de Jure Naturæ & Gentium malevoli quidam invaserint, apud Rever. T. Dignitatem multis exponere supervacuum fuerit, quippe cui dudum istius litigii origo indolesque est perspecta. Ita malignitatis aut inscitie documenta, ut ut sparsim jam à me discussa, denuo uno velut fasce comprehendere, solidaque responsione adjecta orbi erudito exponere, existimationis meæ magnopere interesse judicavi; simul ut aliquando molestæ huic scripti clausulam imponerem. Nam postquam semel ita perspicue ostendero, quam procul ab illis erroribus absum, quos tanta cum importunitate certorum hominum intemperie mihi impingere sategerunt, non magnopere mihi deinceps curandum erit, nuni alii malignitati suæ immori malint. Cæterum quod isthoc scripti Rever. Tuae Dignitati potissimum inscribere sustineam, præter admirationem, qua sapientiam tuam, aliasque quæ præfulges virtutes prosequor, hæc me ratio subegit, ut ostenderem, quanta me causæ meæ fiducia teneret, dum velut arbitrum sumere non vereor, ex eo ordine, cujus unum aut alterum nescio quam splendidum membrum eas lites præcipue excitavit, aluitve. Simulque ut hoc facto demonstrarem, ut ut malevoli ordinis sacri autoritate in fraudem meam abusufores sese speraverint, illibatam tamen penes me perstare venerationem, quæ isti ordini debetur, nec injurias unius aut alterius universis à me imputari. Quin potius me confidere, Rever. T. Dignitatem, & quibus par animi integritas, quam maxime detestaturam artes oppido quam deformes, quibus ad famam meam maculandam isti homines grassati sunt. Optime nimirum Rever. Tua Dignitas perspicit, quanto opere à prudentia, gravitate, atque moderatione, virtutibus vestro ordini tam commendatis, abhorreat, re non intellecta tumultuari, per calumniam aliis fæda dogmata affingere, vera & innoxia cavillationibus in sinistram partem detorquere, ad rationes denique aurem obstruere. Et qui circa inania aut falsa tanto cum fervore se jactat, is etiam ubi solida propugnat, impetu potius rapi, quam judicio duci videtur. Sed mihi causam meam asseruisse suffecerit; adversarios pro suo quemque merito cordatorum virorum censura notabit. Mihi post tam acerbas insectationes non modico solatio erit, si Rever. T. Dignitas cando-

rem

rem instituti mei benevole interpretetur, & me, qui virtutes Ipsius ex animo æstimo, favore suo amplectatur. Ita Deus O.M. Rever. T. Dignitatem multos per annos Ecclesiæ & Reipublicæ bono servet!

Reverendissima Tua Dignitatis

Dab. Holmiæ. prid.
Kal. Julias Anno 1677.

Addictissimus

SAMUEL PUFENDORF.



LECTORI BENEVOLO

Salutem.

ET si plerasque calumnias & cavillationes, queis libros nostros de Jure Naturæ & Gentium livor & inscitia incesse hactenus laboravit, jam antea, quantum cordatis & æquis rerum arbitris sufficere poterat, discusserim; visum est tamen hoc scripto universam illam litium telam retexere, unoque obrutu eam talium rerum curiosis conspiciendam exponere. Nam & dispersa minus ad memoriam valent, & interea temporis quædam istorum hominum schedæ, non modico veneno turgidæ, in manus meas inciderunt, quibus aliquid reponi existimationis meæ interesse videbatur. Simulque otium quantumvis ingratissimum suppetebat, turbatis bello Musis nostris, & intra Malmogiæ munimenta sese abdentibus. Intra quæ claustra dum cæteri connixio studio publicum hostem arcere satagunt, mihi juratos famæ meæ latrones propulsaſſe muneris instar fuit, postquam nihil operæ à me in remp. conferri poterat. Et sane istos homines condigna virtutibus suis elogia audire, eorundemque artes in manifesta luce constitui non mea magis, quam omnium bonorum ingeniorum intererat, & quibus aliqua ad excolendam rem literariam facultas. Quæ si pro industria sua nullum aliud præmium manet, quam ut eam sordidorum dentium lancinationi exponantur.

tur, præstiterit barbariem deinceps & ruditatem, quam bonam mentem habere amicam. Equidem id nunquam sperare ausus sum, ut mea sese omnibus adprobarent; quia & optandum mihi duxi, si cordatus quispiam & eruditus vir discutienda sibi sumere veller, quæ dubii quid habere viderentur. Nam heic vicisse gloriosum, succubuisse non indecorum fuerat futurum; & poterat fortasse ejusmodi collisio ad illustrandam aut solidandam veritatem aliquid momenti non poenitendi adferre. Ast quæ mihi mora fuit lis, non disceptationis literariæ, sed latrocinii potius indolem habuit; cum adversariis meis nihil aliud fuerit propositum; quam consumto omni calumniatorum adparatu maculam famæ meæ adspargere, & livori suo, misellæque ambitioni litare. Qui præter alias molestias hujus quoque tædiosisissimi laboris necessitatem mihi imposuerunt, ut elogia ipsorum meo potissimum stylo forent publicanda; postquam non parum ad illustrandam hancce controversiam facit, istos homines paulo penitius nosse; & *Apologia* meæ nebula potius istos involvere, quam in aprica luce destituere propositum fuit. Ac de *Nicola* quidem *Beckmanno*, cujus vesania primos veluti motus hisce turbis dedit, peculiari scripto satis expositum; nec ut tam infami nomine memorando ulterius immorer, decorum fuerit. Nisi quod hoc prætereundum non est, Alastorem istum usque adeo ab ingenio suo non discedere, ut etiam nupera Danorum in Scaniam irruptione affinem suum cohortis optionem subornarit, ut me cum uxore & liberis trucidaret. Qui sanguinem meum sitiens cum manipulo sicariorum Londinum advolabat, & cum ibi me non invenisset, Malmogia capta facinus sese executurum frendebar. Verum ut istum sicariû sceleris irritum Lundenfè prælium extinxit: ita sine dubio univèrsa Tenebrionistarum secta ex tanta sui conditoris virtute non parum splendoris mutuatur. Quanquam nescio, an primo huic loco celsurus sit *Josua Schurvarzius*, quippe ex cujus cerebro *Index Novitatum* progenitus est, qui solus exprimendo viri animo ingenioque sufficit, & qui novam apud sectam symboli vicem subit. Istum hominem in me impegit genii scævitas turbis serendis nata, & quod hoc velut compendio ad famam singularemque eruditionis opinionem grassari in proclivi duceret, postquam bonas per artes tenebris sese eripere non dabatur. Ac statim quidem cum post absolutam peregrinationem, quam ad exemplum Imperatoris Hadriani pedibus fere obierat,

in

in patriam revertisset, obtentu Zeli, aut cestro potius, id turbarum dedit, ut ni Gedanum profugisset, capitis supplicium subiturus fuerat; Quod totum negotium in Pomerania Electorali notorium est. Cum Gedani fatis tutum se non crederet, Holmiam se penetravit; ubi prima cura erat fami depellendæ quid circumspicere, simulque bipatentem braccarum portam obstruere. Inde pastoratus indagabatur. Et cum sub id tempus munus Concionatoris Teutonici Holmiæ vacaret, magno cum ambitu, & non sine turbis in plebe excitatis ad idem ne quidquam adspirabat. Sed mox cum de instituenda ACADEMIA CAROLINA ageretur, ut importunum flagitatorem aliquo extruderent, Concionatorem Teutonicum Londini ipsum agere jubent, adjuncto extraordinarii Professoris titulo, ut ansam haberet studia sua ulterius excolendi. Sed postea cum qui vocatus erat celebris Theologus accedere abnuisset, viro, qui tunc gratia quorundam Regni Procerum florebat, adulando adrepsit, quo procurante Professoris Theologiæ vocabulo potitus est. Talem in locum protruso facile quidem erat turbulentæ & rixositatis famam acquirere, mota vanorum litigiorum serie, in quorum præmiumparum aberat, quin munere dimoveretur. Sed cruditionis opinionem sibi circumponere difficile fuerat ei, qui ex universa Philosophia præter vocabula elenchorum sophisticorum, & ex Theologia recentes quasdam controversias, crepare nihil poterat. De cætero in linguis orientalibus, Patribus, historia & antiquitate Ecclesiastica, elegantioribus literis ac solida Philosophia plane hospes; ingenio insuper ita infelici, ac tardo, ut ad jejunam concionem confarcinandam integra septimana opus esset, totque annorum spacio vix duæ aut tres misellæ dissertationes procuderentur, modici tyronis specimen; nisi quod aculei calumniarum, quibus posteriores duæ refertæ sunt, insignem artis Sycophanticæ peritiam præ se ferunt. Igitur cum mire gestiret ostendij, & dicier, hic est, uno momento ex numero obscurorum vitorum emerfurum se sperabat, si quam maculam operimeo mihi que possit adspargere; cum speraret, prætextum Zeli Theologici apud imperitos adplausum, & si secus res cecidisset, excusationem sibi pariturum. Præsertim cum nativum ipsius stuporem, & tenuitatem eruditionis singularis quædam facultas suppleret innocentissime dicta detorquendi, & vis quædam, qualis in cæcto muscarum genere deprehenditur, prolyvie sua etiam

optimas carnes polluendi. Sicuti & de istius hominis pia & candida intentione hoc testari potest, quod cum silentium ipsi aspera cum increpatione & comminatione foret impositum, hoc solario isthanc ignominiam sibi levavit, quod à suo amico & socio *Nicolao Beckmanno* tanta mihi per libellum famosum contumelia foret inferenda, ut ex illa multum detrimenti exiltimatio mea per Germaniam sit captura. Hisce igitur si jungamus fraudes circa hoc negotium adhibitæ, quas in *Apologia* mea satis exposui, & quarum pleræque à *Schvvarzii* malitia promanarunt; Sane nemo cordatus fuerit, quin agnoscat, mirius quam pro meritis *Asinium Tenebrionem* vapulasse. Cæterum ut quæ mihi intentabantur calumniæ majore cum pondere procederent, in partes quoque trahitur *Petrus Winstrupius Scania Episcopus*, qui cum *Schvvarzio* nuper atrocissima lite collisus fuerat, cui hicce & errores circa religionem, & neglectum officii & animum Regi infidum objecerat, quæ lites demum, cum in exitium *Schvvarzii* erupturæ viderentur, mea potissimum opera compositiæ sunt, pro quo officio tam egregiam mihi gratiam *Schvvarzium* paulo post retulit. Quod autem *Winstrupius* ille, quem per quadriennium ego omni observantia & sinceræ amicitiae exhibitione coluissim, tam facili negotio permoveri potuerit, ut in fabula tam insiceta primarum partium actor esse vellet, una quidem causa fuit, quod illi nunquam moris fuit, actiones suas ad sanam rationem exigere, sed cæco potius impetu ruere. Altera autem, quod solo officii sui vocabulo me oppressurum se speraret. Enimvero auctoritatem & munus istius viri calumniis in me jactatis parum ponderis addidisse nemo mirabitur, qui cogitaverit, impudenter sperasse sui ullam rationem habitum iri, cui cum talibus tam fædo in negotio societatem coiisse religio non fuit. Præsertim cum nulli mortalium minus quam ipsi perspectum foret, quid proprie in controversia esset, quippe cui vocabulum juris gentium vix fando auditum foret, & cui nullo alio argumento erronea quædam libro meo contineri constabat, quam quia *Schvvarzio* tale quid fabulanti fidem adhibuerat. Sed cum non modica clade istorum copiarum in Suecia conciderentur, ex Germania supplementum sibi quæsitum ivere successu non plane irritum. Nam & ibi inventi sunt alii viri, qui tam fædæ militiæ duces se ferrent. Quorum primus *Fridericus Gesenius Garlebiensium* Præsul, cum sibi à me rectorio justissime impacta foret, id omni-

omnibus viribus egit; ut furoris palmam fraterculo suo *Nic. Beckmanno* ancipitem redderet. *Valentinus* autem *Veltbemi*us cum nescio quo fato in cathedram publicam protrusus esset, & omnibus jam occupatis nullo tabellis novis locum relictum cerneret, ac mire tamen aliqua via inclarescere arderet, expeditissimum judicavit litem mihi intendere; præsertim cum misere metueret, ne quisquilæ Scholasticorum, & Magistrorum nostrorum Collegia MSCra, quibus innutritus erat, detrimenti quid caperent. Fiduciam autem homini potissimum dedit impudentia, & quæ ignorantiam comitatur audacia, & quod stentoreæ vocis in hoc litigio non modicum fore usum prævideret, simulque quod in proclivi ipsi esset magnam vim inficetarum dissertationum evomere, quarum puto facile me nausea enecaret. * * * Cæterum quam pium & candidum isti homines scopum circa movendas & fovendas hasce lites habuerint, artes ab ipsis adhibitæ satis loquuntur. Quibus cavillationibus autem strophisq; universam calumniarum scenam adornarint, tum aliis scriptis, tum hoc ipso manifestissime fuit expositum, sic ut cordatū Lectorem nihil amplius desideraturum sperem quod vel ad depellendas adversariorum criminationes, vel illustrandam meam sententiam faciat: Eoque post hac minus sollicito mihi esse licebit, si qui calumniarum & nugarum desinere non velit; cum semel ita perspicue formatæ controversiæ statu quæ ex adverso afferri possunt ultro collabuntur, & mihi parum decorum sit futurum, quibusvis jejunis sedebis peculiari scripto occurrere. Qui enim hæc nostra capit, ei facile fuerit, si quid præterea scrupuli movetur, proprio Marte discutere. Sed qui ne nunc quidem inania litium mihi motarum perspicere valet, illius circa negotium literarium nulla ratio est habenda. Et cum ab erroribus Theologicis, quos isti impingere mihi sunt, alienum me esse protestatus sim, ac verbis meis vim illatam ostenderim, si quis ne nunc quidem adquiescere velit, quid aliud præter professum calumniandi studium præ se fert? Denique si cuiquam quid acerbitalis hoc & alia istis hominibus opposita scripta videantur habere, is facile veniam justo dolori dabit, si modo cogitare velit, quid animi sibi futurum fuisset, ejusmodi calumniis & injuriis adperso, & num mollius tractari mereantur, qui vitam, famam, fortunasque meas & meorum infensissimo atque implacabili animo perditum & subversum ivere, animæ insuper salute me exuituri, si mendaciis & maledicentiæ aliqua vis Divinum apud Numen foret, B. V.

CAPUT

CAPUT I.

De

ORIGINE ET PROGRESSU DISCIPLINÆ
JURIS NATURALIS.

§. 1.

Jus naturale, humano generi cœvum, quod omni tempore populorum mores & negotia ex pleraque parte rexit, quodq; actu ipso exprimere optimo cuique semper cordi fuit, hoc demum seculo injustæ formam artis redigi cœptum est. Equidem olim non defuere, qui cultiorum populorum leges civiles, in quibus naturale jus magnam partem faciebat, literis consignatas luculentiis commentariis illustrare sategerunt. Uber quoque fuit proventus Philosophorum moralium, quibus circa mores hominum ad dictamen sanæ rationis componendos opera est posita. Verum, qui naturalia jura à positivis accurate discerneret, & ista in plenissimo systematis rotunditatem disponere aggrediretur, ante *Hugonem Grotium* nemo extitit. Equidem in legibus Ebraeorum & origine divina & antiquitate quam maxime venerabili vix ullum est caput juris naturalis, quod tactum non sit. Sed uti in ipso legum codice, ita & in commentariis, quibus eas leges istius nationes Doctores illustratum vivere, positiva naturalibus immixta conspiciuntur, ad quæ curiose digerenda sese accinxit *Joannes Seldemus*, honesta, uti adparet, & minime livida adversus *Grotium* æmulatione, & quia alias præcipuas juris Ebraici partes illustrandas susceperat: sic ut ab hocce in peculiare volumen colligeretur, quicquid ex sententia populi Ebraici juris naturalis & gentium haberetur, se paratum ab eo jure, quod duntaxat inter cives ejusdem reip. valebat. Quo minus tamen eruditissimum & quantivis pretii opus vicem pleni, & ad captum omnium populorum attemperati systematis in jure naturali subire queat, tres potissimum causæ mihi obstat videntur. Prima est, quia ibi non satis exposita reperiuntur ea, quæ ad perniciem juris naturalis pertinent. Per eam autem intelligimus illa velut præcognita, quæ ad præcepta legis naturalis, earumque rationes plene & distincte intelligendas requiruntur, & quidem quæ velut domestica sunt huic juri,

rec

nec ex aliis disciplinis mutuo sumuntur. Ex quo genere est doctrina de indole rerum moralium in genere, de principiis actionum humanarum, earumque natura, & affectionibus, de principio moralitatis, de legibus in genere, de statu, conditione & natura hominis in respectu ad actiones morales, de natura & requisitis pactorum, de origine & natura sermonis, & domini, de modis acquirendi, de pretio rerum. De natura & varietate contractuum, de origine & natura tam societatum primarum, quam civitatum, de imperio civili, ejusque partibus & affectionibus, & si quæ sunt alia. Deinde *Seldenus* legem naturalem non deducit ex tali aliquo principio aut hypothefi, cujus evidentiam omnes nationes agnoscant, aut ad quam agnoscendam argumentis ex rationis lumine petitis adduci queant. Nam fundamenti loco subternit septem illa præcepta Noachidarum, quorum autoritas apud Judæos antiqua traditione nitebatur, quam adstruere aut elevare necum non est. Et si mihi quidem valde probabile videatur, primos homines potius ex divina quadam & peculiari informatione, quam propria ratiocinatione præcepta legis naturalis hausisse. Verum ut quis omnibus populis & *universis* ejus traditionis, & numerum istorum præceptorum argumentis utrinque admissis persuadeat, id vero valde arduum fuerit. Præsertim cum nec circa id sollicitus fuerit *Seldenus*, ut istorum præceptorum necessariam convenientiam cum natura humana, aut eorundem sufficientiam ad regendas omnes actiones hominum morales demonstraret. Denique & illud tantum agit *Seldenus*, ut quid Doctores Ebræorum senserint, exponat; quam accurate autem istorum sententia cum sana ratione congruat, parum examinet. Quod tamen necessarium erat, siquidem pleni systematis vicem istud opus subire debebat; quippe cum populus Judaicus seipsum quidem eminenti dignatione, alias autem nationes sat maligna æstimaverit. Cum tamen jus naturale ad gustum totius generis humani adaptaturum necessum sit ponere, omnes homines circa fruitionem juris naturalis esse æquales.

§. 2. In libris Novi Fœderis præcepta legis naturalis passim luculentissimè inveniuntur expressa, & quidem ut illa non solum jubeantur exerceri citra ullum nationis discrimen, sed & omnibus cum requisitis, quæ perfectam actionem absolvunt. Et ea omnia ut ad unum caput, velut ad legem quampiam fundamentalem, possent revocari, ex qua cæteræ

perspicua consecutione deducerentur, ipse Salvator noster cum in finem dilectionem proposuit, quæ cum nostra societate quam amicissime conspirat. Isthæc porro præcepta omnibus modis illustrare conati sunt, qui in libros divinos commentarios ediderunt tantum non infinitos; sic ut in Theologia Christiana nullum præceptum desiderari videatur, quod ad regendas in universum hominis actiones, moresque faciat. Non eo minus tamen res literaria etiam apud Christianos peculiarem disciplinam exponendo juri naturali requirebat, postquam universum genus humanum, cui utique communi lege opus erat, in religionem Christianam non consensit. Cum enim ea pars religionis Christianæ, quæ de regendis moribus tractat, satis habeat dogmata sua confirmasse ab autoritate & jussu DEI, qui Filium suum Salvatorem mundi misit, in alias eorundem rationes inquirere parum laboret; inde fit, ut hoc modo adornata præcepta legis naturalis sanctimoniam suam iis duntaxat adproben, quibus divina Christianæ religionis autoritas agnoscitur; Sed cum hancce non exigua humani generis pars ignoret aut adspernetur, cui tamen & interesse & cum Christianis agentis negotia utique ad legem naturalem attemperanda; adparet sane ex alio principio, apud omnes æque agnito, & ad omnium captum attemperato deducendum esse jus, ad quod omnium eorum actiones exigantur, qui tam diversa circa religionem sentiunt. Est præterea religio prout ex adæquato suo principio hauritur, in sua natura ad sublimiorem finem & usum ordinata, quam qui tantum intra hujus vitæ limites coerceretur. Inde non Christiana solum religio, sed & pleræque aliæ devotis suis sectatoribus præmia, malitiosis violatoribus supplicia post hanc vitam decernunt. Ita tamen ut non vera solum religio, sed & falsæ cuique abs se diversæ religioni efficacia ad præmium post hanc vitam nanciscendum detrahant. Sed in eo omnes consentiunt, quod actiones moresque ad legem naturalem bene compositi ad decus, tranquillitatem & emolumentum hujus vitæ manifeste faciant. Igitur qui disciplinam juris naturalis ad captum universi generis humani adornare vult, ei sublimior iste probioris vitæ finis & usus velut sequstrandus est, & Theologis relinquendus, & ad eum duntaxat usum respiciendum, qui apud omnes in confesso est, & quem vel sensuum judicio deprehendere queas. Idque eo magis, quod controversiæ Theologicæ tanta fere contumacia animorum disceptari soleant, ut si quæ disciplina

illis

illis involvatur , non secus atque ac incerta syrtium navis adhærescat, nec cursum suum ulterius tenere queat. Accedit, quod neque in authenticis novi Fœderis libris , neque in commentariis ea inveniantur, quæ ad prædium juris naturalis pertinere supra dicebamus; quippe cum talia tradere extra scopum istorum Scriptorum fuerit. Nihilominus in aprico est , plurimum lucis & subsidii nostræ disciplinæ accedere non solum ex divinis libris, sed & ex commentariis eorum, quibus primæva & genuina religionis Christianæ dogmata unice cordi sunt. Ast vero illi Doctores, qui in Episcopi Romani verba jurarunt , quæ omnia ad potentiam & quæstum Sacerdotum vertere labor est, legi naturali, & universæ de moribus doctrinæ magnam caliginem offudere , dum immensa voluminum mole id agunt, ut penes solos Sacerdotes facultas sit conscientias hominum ex suo lubitu temperandi, cæteris liquido suarum actionum judicio adempto cæci obsequii necessitas incumbat.

§. 3. Inter veteres populos, quantum nobis constat, non est, qui plus operæ in illustrandis suis legibus posuerit, quam Romani, quibus disciplina juris plurimum sane debet. Et dignum admiratione est, quantum excelluerint ingenia Romana, ubi ad certum studiorum genus velut impetu quodam incumbere cœperunt. Sic quantum eloquentia, quantum poësi & historia valuerint, nemini est ignotum, qui literas novit. Post cum sub Cæsaribus peritia juris plurimum commendationis haberet ad nanciscendas administrationes aulicas, & provinciales, per duo fere secula præstantissima Romæ ingenia excolendæ Jurisprudentiæ sese adplicuerunt. Ex quorum scriptis longe ampliorem nostra secula fructum potuissent capere, si illa volumina integra ad nos pervenissent. Verum Justinianus, instituto rei literariæ oppido quam pernicioso, pro integris operibus lacinias quasdam & excerpta nobis transmisit, quæ recentioribus seculis immensam commentariorum molem pepererunt. Cum utique longe satius fuisset veterum Jctorum scripta, erudita sane & magno studio elaborata evolvere, quæ universa non unus ex recentioribus scribacitate sua æquavit aut superavit, quam per inexhaustum commentariorum oceanum jactari. Et veterum monumenta integra, sua luce velut radiantia, parciorem longe recentiorum operam admisissent. Fatendum tamen est, quicquid adhuc Romanæ Jurisprudentiæ superest, juri naturali plurimum lucis attulisse, non solum quia isti ma-

gnopere curæ fuisse adparet omnia ad rectam rationem & æquitatem revocare; sed etiam quia plurima ad pædiam juris naturalis spectantia ab JCrīs Romanis luculenter fuere pertractata. Quantamcunque tamen laudem Romano juri tribuamus, fatendum utique est, peculiari adhuc disciplina juris naturalis opus fuisse, siquidem doctrinæ morali sua constare debebat perfectio. Nam nec omnia, quæ ad pædiam juris naturalis pertinent, in jurisprudentia Romana ita accurate, prout par erat, deducta inveniuntur; & cum ibidem naturalia positivis & quæ ex peculiari indole reipublicæ Romanæ proveniunt, immixta sint, ista utique liquido discernere non poterit, nisi qui aliunde hauserit, qua notæ hæc ab illis dignoscantur.

§. 4. Veterum Philosophorum monumenta non paucas quidem sententias continent ad jus naturæ illustrandum facientes; ut tamen longe minoris sint, quam expectari ab illis par erat, quibus hæc præcipua esse opera debebat, mores hominum ad legem naturalem formasse. Neque isthunc veterum defectum suppleverunt, qui proximis abhinc seculis Philosophiæ studium professi sunt. Cum enim inter diversas veterum Philosophorum sectas Stoicorum placita, nonnullis emendatis, in solidum juris naturalis corpus facillime videantur potuisse componi, istis neglectis sola Aristotelis dogmata in scholis rerum potita sunt. Cujus viri admiratio nescio quo fato per complura secula gentem scholasticam ita velut ætonitam reddidit, ut nihil perfectius ab humano ingenio proficisci posse crederent, & summus eruditionis apex haberetur, istius scripta posse interpretari. Equidem quin inter summa ingenia, quæ unquam innotuerunt, Aristoteles sit referendus, nemo talium rerum intelligens abnegaverit. Dicere tamen, ab eo cæteris nihil relictum, quo ulterius progredierentur, & in Creatorem injurium, & in tot secula contumeliosum fuerit. Ne de aliis partibus Philosophiæ quid dicam, sane ipsius Ethica, si seponas, quæ de principis actionum humanarum traduntur, vix aliud quam officia civis cujuscumque Reip. Græcicæ continere videtur. Sicuti & in politicis maxime præ oculis instituta Græcarum suarum civitatum habuisse, earumque libertatem cum primis æstimasse ipsum adparet; qui gravis est defectus disciplinæ universi generis humani usus inservituræ. Id quod peculiari scripto deducere animus erat, ni ingruens calumniatorum importunitas alio cogitationes aver-

tisset.

tisset, & alacritatem meam non parum refrigerasset. Cur enim me scribendo defatigem, si nullum aliud laboris præmium apud me manet, quam ut latratores à fama mea depellam.

§. 5. Ne igitur res literaria diutius nobilissimam juris naturalis disciplinam desideraret, primus effecit vir incomparabilis *Hugo Grotius*, tunc temporis otio literisque abundans in Gallia, quæ in patria male habitum humanissime exceperat; idque instigante potissimum *Nicolao Peirescio*, celeberrimo illo litteratorum fautore & *iprodium*. Quem tamen ut de ejusmodi opere concinnando cogitationem susciperet, monitum fuisse crediderim iis, quæ à sapientissimo *Bacone*, Angliæ quondam Cancellario, super augmentis scientiarum tradita sunt. Hic enim vir præcipue nostro seculo velut classicum cecinisse, & signum sustulisse videtur, ut in rebus philosophicis aliquid ulterius & exquisitius investigaretur, quam quo hæcenus scholarum parietes resonuerant. Sic ut si quæ est pulchrius nostro tempore efflorescentis Philosophiæ gratia, isti viro non minima ex parte debeatur. Accinxit porro sese *Grotius* ad moliendum opus, in quo nulla priorum vestigia ipsam regebant, admiranda instructus ingenii & judicii felicitate, pari scientia litterarum sacrarum, juris civilis, omnigenæque eruditionis, & infinita lectione. Velut tamen diffusus universam disciplinam primo conatu abs sese exhauriri posse, ita titulum operis temperavit, ut ne eidem temere imperfectio posset objici. Cæterum quo adplausu istud opus apud solidæ eruditionis æstimatores receptum sit, memorare nihil attinet. Et quantamcunque alii culturam aut polituram disciplinæ juris naturalis addiderint, *Grotii*, luminibus haud quidquam obstruent, ut ut ab ipso spicilegium haud spernendum sequentium ingenio & industriæ fuerit relictum. Neque eo minus illustre opus suos passum est manes. Cum enim vir iste nulli inter Christianos sectæ ita rigide se videatur addixisse, nisi quod ad illos proxime accedat, qui Arminiani audiunt; eoque fuerit ingenio, ut propter discrepantes opiniones non statim in partes discedendum arbitraretur: à sacri cum primis ordinis hominibus sat aspere acceptus fuit. Nam à Pontificiis quidem ejusdem opus inter libros prohibitos est relatum non tam ob ea, quæ ipsorum placitis circa religionem dissona continet, quam quia in universum solidior Philosophia moralis rationibus regni tenebrarum adversatur; cum alias facile fuisset medicinam facere, resectis

materiis Theologicis. Sicuti à nostratibus hominibus factum est, qui contenti errores notasse, veris debitam æstimationem ideo non detraxerunt. Cum præterea in opere tam densis sententiis conferto non possint non plurima occurrere, quæ vel dubii quid, vel obscuri videantur habere: istis fulciendis aut illustrandis, simulque emendandis, quæ & illum hominem fuisse arguant, nonnulli commentarios adornare instituerunt. Quos inter præcipue *Bæclerus* iudicium attulit & doctrinam *Grotiano* opere parem. Sed & aliorum unus & alter opere pretium fecit non spernendum. Ausi tamen sunt etiam in publicum commenta sua protrudere homines adolescentes, aut leviter literis tincti, aut non nisi nugis Sophistarum innutriti; quos non pauci alii videntur secururi, qui & ipsi par jussibi credent peritura non parcere chartæ. Ut plane metuendum sit, ne successu temporis tot in *Grotium* commentarii, quot in *Petrum Lombardum* aut *Instituta Juris*, enascantur. Quorum molestiam neque *Grotio* multum lucis, & disciplinæ juris naturalis plurimum remoræ adfert, collisis inter se ipsis Commentatoribus, & lite orta non tam de veritate, quam de sententia *Grotii*, denique novis libinde exortis scriptoribus, qui in priores commentarios commententur.

§. 6. Post *Grotium* circa jus naturale operam quoque posuit *Thomas Hobbes*, vir summo ingenii acumine; qui uti ipse studiis mathematicis innutritus erat, ita & æpistolarum demonstrandi mathematicis usitatam doctrinæ moralia accommodare, licet non usquequaque modo scholastico adornatum, laboravit. Cui fini etiam certam doctrinæ suæ hypotheseos substravit, in quam ultimo demum demonstrationes ipsius resolverentur. Arrisit autem ipsi potissimum vetus *Epicuræorum* hypothesis vel genii convenientia, vel quod eam in praxi civitatum, omnia fere ad sui conservationem & utilitatem referentium, conficeret; vel etiam, quod aliquando suspicatus sum exemplo & æmulatione viri amicissimi *Petri Gassendi*, qui cum in Physicis maxime Epicuræorum dogmata recolenda suscepisset, *Hobbes* ejusdem in moralibus tradita novo schemate induta in theatrum orbis cruditi producere instituit. Ni malis dicere, ipsum vim ingenii ostentare voluisse, suscepta defensione hypotheseos tam exosæ vulgo, & paradoxæ. A quo non multum abit, quod *Serenissimus Magnæ Britannia Rex* ante aliquot annos *Samueli Sorbierio* de hoc *Hobbesio* dixerat: *se illo viro uti in vicem ursi ad molossorum vires tentandas &*

acuen-

acutendus. Quicquid hujus sit, id sane adparet, hoc præcipue ipsum agere, ut potestatem regiam adversus turbulentos homines, qui tunc Angliam sub obtentu libertatis graviter exercebant, assereret, simulque jus circa sacra summo imperio civili adversus fanaticos vindicaret. Quod institutum uti in se quidem magnopere probandum est, modo isthoc jus legitimis terminis coerceretur: ita ferri plane non possunt hypothesis ipsius ita crude assumpta, & quæ eidem superstruuntur dogmata quædam, à sana ratione abeuntia, & non exiguam labem rebus humanis inferre idonea. Ne de ijs memorem, in quibus circa religionem Christianam à vero sensu divinarum literarum diversus abit; quibus destruendis operam impendere aliorum est. Neque tamen quisquam rerum intelligens inficias iverit, inter multa mala reperiri quoque plurima exquisitè bona, & quantivis pretii; & illa ipsa, quæ ab eo falsa traduntur, ansam præbuerunt scientiam moralem & civilem ad fastigium perducendi, sic ut de non paucis, quæ ad perfectionem istius faciunt, vix cogitare alicui in mentem venisset, absque *Hobbefio* si fuisset. Cæterum oppugnatus est iste rum à suæ nationis hominibus, tum ab aliis, qui tamen non omnes parem ingenii laudem eo nomine adepti sunt. Quantum tamen mihi constat, ipsius hypothesein inter Anglos solidissimè destruxit *Richardus Cumberlandus*, libro erudito & ingenioso *de Legibus Naturæ*; simulque adversam hypothesein, quæ ad Stoicorum placita proximè accedit, firmisimè adstruxit; quorum utrumque & mihi propositum fuit. Et fateor me magnopere gavissimum, cum id scriptum in diversa terrarum parte eodem anno prodiisse conspicerem, dispari quidem facie adornatum, sed quod tamen eandem mecum hypothesein assereret, & pleraque à me in *Hobbefio* notata destrueret. Nec ideo alterutrius nostrum opera minoris est, cum uterque præter illa communia etiam peculiaria quædam habeat: nec minus dexteritatem suam adprobet jaculator, qui eundem cum altero scopum eodem tempore tetigit. Quid præterea intra proximos abhinc annos in nostra disciplina elaboratum sit, in sine momentum eidem afferens, ob itinera bello hæc loci, ubi isthæc scribo, fere interclusa nondum videre contigit.

§. 7. Quid causarum me impulerit, ut & ipse circa excolendum jus naturale operam navarem, in præfatione Operis mei satis exposui. In quo id præcipue me egisse adparet, ut quantum ingenio adsequi possem, omnia,

omnia, quæ ad disciplinam juris naturalis pertinent, complecterer, & in ordinem non hiulcum aut salebrosum digererem. Tum ut omnes controversias Theologicas ab eadem sequestrarem, ipsamque ad captum universi generis humani, quod circa religionem in diversissimas opiniones discessit, accommodarem. Id quod etiam solícite video egisse *Richardum Cumberlandum*, ut ut ipse professione Theologus esset. Scilicet quod nunquam nativo nitore exsplendescere, & tranquilla velut pace læta efflorescere queat hæc disciplina, ni supra istas tempestates subducta fuerit. Præsertim cum viri eruditi iniquissima lege cum talibus congregiantur, qui vel affectibus vel inscitæ suæ tam venerabilis vocabuli auctoritatem circumponere soleant, & non contenti super veritate inquisivisse, omnibus viribus ad opprimendos aut infamandos suos adversarios connitantur, quos rationibus sese superaturos desperant. Eo molestius iniquitatem fortis meæ fero, quod cum omni studio id egerim, ut Theologis amicis uterer, ab illorum uno & altero potissimum initium sit factum calumniarum, quibus loca quædam libri mei exagitata sunt. Neque sermo mihi est de *Jesuitis Viennensibus*, qui librum meum ad ipsos perlatum in publico mercatu Viennæ vendi prohibuerunt, ut ut, cum super hoc facto interrogarentur, nullam idoneam ejus prohibitionis causam asserre possent. Nam id mihi apud sapientes bonosque commendationis efficacissimæ loco est, quod istis hominibus mea scripta invisa sint, utpote quæ cum rationibus regni tenebrarum, cujus ipsi columnina sunt, haud quidquam congruunt. Sed super importunitate unius & alterius ex nostratibus queror, quibus licet verba ac mentem meam sat perspicue explanaverim, & quam longe absim ab illis opinionibus, quas mihi asserere non verecundantur; tamen velut aures oculosque ad meam responsionem obturassent, ita cœptam semel criminationem pertinaciter coccyllare pergunt. * Igitur & veritatis & æstimationis meæ asserendæ causa visum est, hanc quoque operam suscipere, & denuo præcipua quæ adversus librum meum objecta sunt, quantum quidem eorum in notitiam meam pervenit, explanare & diluere. Quo ipso æquos doctosque rerum censores manifestè perspecturos spero, si qui deinceps in me clamare perrexerint, id non aliam ob causam fieri, quam quod per improbam & impudentem injuriæ continuationem obtenturos sese arbitrentur, ut *me injuriam intulisse* videantur.

tur. Mihi tamen hac opera defuncto fas deinceps erit, calumnias istas negligere, & qui resipiscere nōlunt, malevolos livori suo immerfos despicere. Cum enim in mea potestate non sit, ut isti bonam mentem habeant propriam, causa non est, quare me ulterius torqueam. Quin & infinitus juxta atque inglorius labor foret, tantum scalpere, quantum isti homines pruriunt.

CAPUT II.

De

NOVITATIBUS PHILOSOPHICIS.

§. I.

REcepta sunt inter homines certa quædam vocabula, odiosam alicujus rei notationem habentia, quibus istas velut per compendium, & citra allegationem alterius rationis damnari moris est. Ex quo genere etiam vocabulum *novitatis* est, quo illi qui in magistrorum suorum verba jurarunt, aut receptis semel opinionibus mancipio sese addixerunt, magno cum supercilio proscribere solent, quicquid ab ipsorum sacrosanctis traditis discrepaverit. Cum enim se solos in possessione veritatis, omnibus numeris absolutæ, constitutos arbitrentur, & veritatem uniformem esse tralatitiū sit, eo ipso graviter antea sibi incognita notari arbitrantur, si ea nova sibi videri pronuncient. Sic Pontificiis ad dogma aliquod damnandum sufficere id hæreticum declarasse. Sic inter opifices, qui in ipsorum tribunal receptus non est, certo convicio notatur, ut ut alias sit callentissimus.

§. 2. Videamus igitur, num ipsa novitas in se aliquid vitii aut falsitatis contineat. Novum aliquid duplici respectu dici potest, vel quod id recens existere cœperit, vel quod nuper in notitiam ejus pervenerit, à quo novum adpellatur. Priori respectu novum esse, in se quidem nihil plane vitii habet; imo novitatem, quæ quidem cum bonitate conjuncta est, peculiaris sua comitatur gratia. Ast qui ideo doctrinam aliquam vitiosam velit declarare quod nova sibi videatur, illi hoc primo demonstrandum fuerit, eam, quam ipse hætenus possedit scientiam, non veram modo esse, sed etiam omnibus numeris absolutam, ita ut nil melius inveniri,

D d

veniri,

veniri, aut eidem addi queat. Alias enim tyroni aut semidocto, etiam quæ cruditis protritissima sunt, nova ac mira videntur. Ast quis erit ita sibi Suffenus, ut tam perfectum rerum philosophicarum scientiam sibi arrogare præsumat? Quantum est quod scitur! quantum est quod nescitur! Igitur mittamus querere, quam nova aut vetus aliqua sit doctrina, & illud unice investigemus, quam vera aut falsa eadem sit. Et verò mirum est extare adhuc, qui ex novitate in rebus philosophicis invidiam alicui movere aggrediatur, cum constet, quam multa veteribus ignorata recentium, & nostri seculi felicitas aut industria in Medicina, Astronomia, Mathesi, rebus naturalibus eruerit; imo quam ad plura nova investiganda doctissimi viri sub patrocinio & auspiciis maximorum Regum & Principum quotidie adhuc conitantur. Imo ex novis illis Caronibus libenter quaesiverim, si quis loci alicujus ex sacris Scripturis novam interpretationem eruerit, quam genuinam esse liquido demonstrare queat, an non isthæ omnino sit admittenda, & vetus hæcenus recepta, repudianda? Sane si quis istam solo novitatis nomine repudiaverit, satis indicat, magis sibi cordi esse hominum errantium auctoritatem tueri, quam Dei & veritatis genuina effata amplecti. Sed nimirum in aperto est, quod nova dogmata, priusquam usu recepta fuerint, gravem sæpe oppugnationem sentiant, id à veteribus Ludimagistris oriri; quinon solum invidia flagrare solent adversus recens inclarescentia ingenia, tanquam luminibus suis obstructura; sed etiam ad auctoritatem hæcenus partam defendendam necessarium vident omne illud opprimere, quod ab ipsorum scitis discrepat. Nova enim doctrina recepta, ipsi dictatura hæcenus possessa dejiuntur, & in Caritum tabulas referuntur. Tum ab ipsis prælecta & commendata compendia, manualia, tabellæ, synopses, & quæ festivo titulo vade mecum superbiebant, ad piper relegantur. Inprimis vero gravissima tunc strages incumbit collegiis manuscriptis, quibus excipiendis miseri adolescentes tantam atramenti vim profuderant. Ex quibus etiam ratio patet, quare novæ doctrinæ apud juvenes maxime ad plausum inveniunt. Nimirum quia ipsi non solum gloriæ cupidi sunt, & scientia nondum protrita ostentare se gestiunt; sed etiam quia à præconceptis opinionibus vacui nondum mentem suam in certam partem flexerunt; & præcipue quia existimationis istorum nihil interest, an vetus doctrina collabatur, cui ipsi nondum nomina sua dederunt. Multo mi-

nus.

nus autem reprehensionem meretur illa novitatis species, quæ non tam consistit in novis veritatibus eruendis, quam in veteribus expoliendis, ac concinna methodo adornandis, aut qua disjectæ hæcenus & confusæ res in formam artis digeruntur, & demonstrationibus stabiliuntur; modo dignum sit opera, quod hæcenus receptis superadditur. Talis enim labor in re literaria eandem laudem habet, ac si à magistratibus viæ publicæ muniantur, remotisque salebris atque ambagibus eadem planæ & directæ reddantur.

§. 3. Atqui, reponunt aliqui, qualiscunque novitas non in religione solum & republica, sed & in re literaria & Philosophia motus & turbas solet excitare; eoque satius fuerit jamdudum tritam viam placito tenore decurrere. Sæpe enim veteres opiniones & antiqua instituta ita penitus animis hominum sunt inolita, ut etiam meliora introduci citra graves motus, ingentia mala producere idoneos, nequeant. Enimvero uti per minutæ imperfectionis correctionem gravissima incommoda excitare, & lippitudinem eruto oculo curare absurdum fuerit: ita superiori seculo cum instauratores purioris religionis judicarent, errores, qui receptæ tunc religioni admixti erant, exitiabiles esse, non ideo omiserunt eosdem impugnare & exturbare; etiam si facile prospicerent, isthanc etiam in melius mutationem citra graves motus non perficiendam. Sic in republica rectores quædam vitia inveterata quietis causa sæpe tolerant; sed ubi ea demum in exitium publicum eruptione videntur, periculis per ipsa peti- cula medicinam facere non dubitant. Quæ autem in re literaria & Philosophica emergunt novitates sæpe strepitum excitant, sed qui se re ultra nubeculam pulveris scholastici, & λογιστικῆς non procedit. Atramenti plus in hisce bellis, quam sanguinis effunditur; & postquam scommata, cavillationes, convicia, clamores, & reliquis adparatus umbratici Martis est absumptus ultro malacia redit. Et ubi rixæ istæ reipubl. molestæ cœperint esse, facillimum est eas injecto levi pulvere, sicut apum prælia, sedare. Quod si à partibus novitatum veritas stet, multoque magis si emolumenti quid in genus humanum exinde provenire sit aptum, vesaniæ proximum fuerit solertibus ingeniis torporem imperare, & eximia Creatoris donâ abdicare ideo tantum, ne alicui veterum naniarum cantillatori bilis moveatur. Ac si, qui superiore seculo elegantiores literas instaurabant, magnopere curassent, quid *Magister Ortuinus*

Dd 2

Gratius

Gratum & id genus obscurorum virorum indignaturi essent, barbaries forte in hunc usque diem Europam sepultam teneret. Quod si alicui grave videatur, tabellas & compendia, tanto adplausu hactenus celebrata, juventutis manibus excuti, receptis novis libellis; ei cogitandum fuerit, valde insolens esse, cum tempus edax rerum & invidiosa vetustas nobilissima humanæ industriæ opera destruat, tabellas istas indignari, si in pulverem, ex quo succreverunt, revertantur; cum & novos libellos, qui veteres nunc rejiciunt, deinceps idem fatum sit mansurum, provenciente feliciois ingenii foetu.

§. 4. Instat tamen *Fridericus Gesenius Garlebiensium Superintendens*; Philosophiæ Cartesianæ novitates omnem pæne Europam perturbasse, eoque ex *præpotentissima Batavia & munitissima Helvetia* fuisse proscriptas: idemque meis novitatibus fieri debere contendit. Ad quod repono; si quid in quacunque parte rei literariæ minus recte sese habeat, ejus negotii curam nemini minus competere, quam *Gesenio*: qui quanta dignatione inter suos sit, documento esse potest, quod Superintendens Lipsiensis ante paucos annos defunctus ad istius nugax & maledicum scriptum sub nomine servuli sui, qui spurius erat, resposum edicaverit; adeo indignum ipsum ducebat, qui cum honesto viro scriptionis commercium intercederet. Deinde non video, quare mihi præjudicio sit, quod in Cartesium alicubi statutum est. Sane non omnes in Philosophia novitates, sed Cartesianæ duntaxat notatæ sunt. Quæ autem à me circa jus naturale expoliendum tentata sunt, è Cartesianis principiis haud quidquam profluxere; neque cum ipsius Philosophia quidquam commune habent, nisi quod utrinque autoritati veterum magistrorum parum defertur, quæ firmis rationibus non subnituntur. Quod si autem nonnulli Cartesianæ Philosophiæ sectatores quædam dogmata civitati Theologica hætenus adscripta sollicitare cœperint, ea primo non Philosophiæ culpa est, sed hominum eadem abutentium. Deinde & illud prius dispiciendum erat, num dogmata à Cartesianis in dubium vocata fuerint vere Theologica, seu quæ sedem & fundamentum suum in expressis sacræ Scripturæ dictis habeant, an vero ex eo sint genere, quæ ex Philosophia Aristotelica, aut Scholasticorum commentis in systemata Theologica irrepserunt, eoque Theologicam sanctimoniam non sua inde, sed per diuturnam usurpationem obtinuerunt. Nam priorent
veriti-

veritatem sollicitare impium fuerit. Quæ autem ad posterius genus pertinent, ubi à veritate abierint, sub examen revocare non magis nefas fuerit, quam quod superiori seculo puræ religionis instauratores magnam vim traditionum & commentorum humanorum è Theologia exturbarunt. Quin si quis cordatus & solide doctus manum admove-
 re velit, non paulo spissius volumen de abusu vulgaris Philosophiæ posset conscribere, quam *Samuel Maresius* de Cartesiana Philosophiæ abusu, intra quindecim dies confarcinavit. Facit quoque heic illud *Baconis Novi Organii*. l. c. 65. *Pessimare est errorum apotheosis, & propeste intellectus habenda est, si vanis accedat veneratio.* Præterea nescio, quas turbas memoret Præsul Garlæanus, per omnem panem Europam ex Philosophia Cartesiana exortas. Sane de bellis, aut seditionibus aut insignibus mutationibus in religione aut rebus publ. ex eo fonte scaturientibus nefando quidem auditum est. Ridiculè autem inter turbas Europæ refer-
 tur impotentior rixa quorundam ludimagistrorum, aut pueriles factio-
 nes scholarium, pro autoritate præceptorum verbis, aut quandoque pugnis decertantium. Quod enim tanto cum clamore inter istos ho-
 mines res geritur, in causa non est materiæ gravitas, sed plerumque inex-
 pugnabilis illa pervicacia scholasticis ingeniis usitata, qualemcunque
 opinionem adhibito omni iracundiæ instrumento defendendi. Sed neque
 auditum mihi unquam est de interdicto aliquo ordinum generalium
 apud Batavos, quo Philosophia Cartesiana è Republica proscripta fue-
 rit; cum eam unus & alter ibi publice docere aut profiteri non vereatur.
 Et si maxime tale quid promulgatum fuisset importunitate eorum, qui
 quod juvenes didicerant, senes dediscere nolebant; tamen nescio quod-
 nam ea res veritati præjudicium afferre queat, aut quid decreta Ordinum
 Hollandiæ, aut magistratus Helvetiorum contra naturam rerum, sanam
 rationem & experimenta faciant. Equidem facile largimur, Bataviam
 esse *præpotentissimam* & Helvetiam *munitissimam*. Sed num aut istius clas-
 ses, aut hujus montes aliquid momenti habent ad hoc, ut Sacerdotes earum
 regionum quam dexterrime de Philosophia judicasse cense-
 re debeant? Enimvero quid Cartesiana Philosophiæ fiat, me quidè nec tangit,
 nec angit. Et si qua parte illa à rerum natura & ratione abit, rectè impugna-
 tur; quæ cum utraque conveniunt, suos reperient defensores quantos-
 cunque clamores & Scholasticorum mancipia tollant. Eo minus autem

aliquis abusus in Theologia ex nostra Doctrina metuendus est , quod ego non solum eandem omni studio à controversiis Theologicis removeam , sed & expresse protestatus sim , ea , quæ à me de natura poenarum traduntur , ad tribunal humanum duntaxat pertinere , non autem ad tribunal divinum ; eoq; justitiam , quam homo in hominem exercet , & justitiam divinam haud quidquam eodem modulo metiendâ. Seu ut apertius dicam , articuli fidei de lapsu Adami peccato originis , satisfactione Christi , fide , justificatione hominis , & similes non magis ex disciplina Juris naturæ , ad captum omnium gentium adornata , dijudicari possunt aut debent , quam mysterium Trinitatis ex Physica.

§. 5. Non minore animi ardore novitatis Philosophicas impugnat *Valentinus Veltbemius* , Professor Jenensis , cui magni instar piaculi habetur , quod ego id agere videar , ut Moralistæ & Scholastici manibus juventutis studiosæ excutiantur. Inde acri instinctus œstro non ita pridem in promotione Magistrorum orationem recitavit de *Laudibus Scholasticorum* , quæ , si digna tractatio accessisset , ob argumenti cognationem locum merebatur inter ludicras illas Eruditorum declamationes , puta , *Magoragii* de Luto , & *Dan. Heinsii* de Pediculis , & ni fallor Passeratii de laudibus Scabiei. Atque ut erudito seculo salivam moveamus , locum ex illa declamatione adducemus , ex quo simul stratagema istius hominis , quo ingens causæ suæ præsidium sibi comparatum it , adparet , dum caniculæ instar caudam sub alvum deflecentis Theologorum pedibus adrepat. Cum igitur plurima super argumento suo acerrima faucium contentione vociferatus esset , demum adjungebat : *Sed ne cum turba nobis vos sit , demus ei advocatum , & quem alium , quam qui novissime opus de Jure Naturæ conscripsit.* Et postquam verba ex præfatione operis mei huc spectantia recitasset , pergebat. *Vos venerandi mei Praeceptores Theologi , vos inquam rogo , vos obtestor , eloquimini , per Deum eloquimini , an Moralistarum Princeps Thomas , Metaphysicorum Papa Suarez , Molina , Vasquez , Valentia , Conimbricenses , Sanchez , & beatus Stahlus noster Scriptores aternitate dignissimi , nugæ duntaxat venditaverint.* Ubi non possum quin maximas agam gratias *Veltbemio* , quod ita ingenue arcanam , ac præcipuam causam prodiderit , ob quam tantos clamores isti homines in me sustulerunt. Scilicet quia ægre ferunt illi , qui omnem ætatem in Scholasticorum iaculis contriverunt , in votis mihi esse , ab orthodoxa juventute limpi-

limpidos Doctrinæ moralis fontes aditi. Quid enim in hoc genere præstabilius à me posset effici? De cætero quo minus elogiis Scholasticorum oppido quam frigidis immoriatur *Veltbemius*, ego quidem minime omnium invideo. Habeat ille secum suas delicias, servetque sepulchro, gaudeant similibus fabra lactucis, consenescat in nugis, denique vel vivus ob propagatum barbarici regnum in Beatorum classẽ transcribatur. Majorem sane mihi adplausum apud solide eruditos polliceor, si Scholasticos dixerim tractare Doctrinam barbaris vocabulis, frivola subtilitatis speculationibus adornatam, scientiæ proficiæ inanem, astutissimo consilio nutritam ad otiosa ingenia vanis disputationibus destinanda, ut à scrutandis divinis literis, solidaque eruditione, simulque fraudibus regni tenebrarum perspicendis removerentur. Quæ non solum per se nihil ad culturam aut decus vitæ confert; sed & pestilentissima est, dum bonas & utiles literas suffocat, ingenia vana scientiæ persuasionẽ discedit, veræque sapientiæ incapacia reddit. Quæ denique sola qui imbuti sunt, ne hilo quidem meliores, prudentiores, rebus gerendis aptiores, aut circa solida rerum dijudicanda perspicaciores redduntur. Quin observatum est, eorum, qui unice istis nugis immergi sunt, ingenia velut sideratione afflari, ut & circa tractanda solida & seria longe ineptiores, & in conversatione actuque communis vitæ longe sint intractabiliore, quam illi, qui sola nativa ingemii bonitate subnixa nunquam literas attigerunt. Sic ut revera præstet omnes literas nescire, quam nihil præter Scholasticos nosse. Et mirum quam misere liberalitatem suam collocent Principes, qui stipendiis ejusmodi homines alant, per quos juvenus nihil sapere discat.

§. 6. Atqui ad venerandos Theologos provocat *Veltbemius*, qui sanè Scholasticam Philosophiam nauci non faciunt, quippe absque qua negant se cum Pontificiis disputare posse. Ad hoc terribile amentum, quod velut caput Gorgonis mihi ostentatur, repono; mea parum interesse, quam sordida veste illi suam Theologiam adornent. Nam ex eo nequaquam consequitur, disciplinam Juris naturalis iisdem quoque pannis involvendam. Neque enim mihi propositum est cum Pontificiis disputare, sed jus omnibus gentibus commune tradere ex principiis ad omnium hominum captum accommodatis. Neque inventa est nostra disciplina, ut disputandi materiam præbeat, sed ut actiones ac negotium singulorum hominum, tum integrorum populorum ad eandem exigant.

exigantur. Neque tam præclare de morali Philosophia meriti sunt isti Scholastici, ut quia è re ipsorum fuit heic nugari, nobis quoque in eorum gratiam necessità nugandum sit. Denique nulla me causa tam abjecte de me sentire cogit, ut non ex meo potius iudicio disciplinam Juris naturalis tractare debeam, quam ex supercilio eorum, quorum spura *Vilhelmus* lingit. Præsertim cum nec illa ratio omnibus cordatis probetur, quare in Academiis orthodoxis fovenda & propaganda sint Scholasticorum commenta, quod alias cum Pontificiis disputari non possit, & hoc ipso nativam Theologiæ faciem non quidem fucò, sed illius & squalore deformari necessum sit. Cui enim fini cum hisce disputare volunt? An ut ex istis suffragia & testimonia pro firmandis nostris dogmatibus petant? Atqui hoc levi & superficiali eorum evolutione obtineri potest, & quæ haud quaquam legentis animum aut dictionem tinctura sua inficiat. Illis ipsis tamen suffragiis neque nobis opus est ad veritatem nostram adstruendam, neque operæ pretium sit circa convincendos aut convertendos, & velut propriis telis conficiendos Pontificios. Sane *Luthero* nostro, & aliis puræ religionis instauratoribus, de hac methodo Papatum subruendi in mentem non videtur venisse, qui dictis sacræ Scripturæ maluit rem gerere, quam disputationibus Scholasticorum, quos Sophistarum vocabulo notare solenne ipsi est. Quique satius duxit Theologiam plano & perspicuo modo ex divinis literis proponere, quam barbarie & obscuritate dictionis, aut Sophismatum importunitate cum adversariis certare, aut disputationem à solidis & perspicuis rebus ad intricata otiosorum aut astutorum hominum commenta ventrilandatransferre. Neque unquam videtur iste vir credidisse, ut quis nugatorè convincat, necessum esse cum nugis istius se conformare, aut aciculis in hostem pugnandum, ubi gladii & tormenta ad manum sunt. Et sane superfunctorie admodum rimati sunt compagem regni Pontificii, qui putant, detrimenti quid posse eidem inferri, si quis disputandi & sophisticandi dexteritate ipsorum Doctores Scholasticos excelluerit. Quin & animadversum est, ex quo tempore quidam nostratum Theologorum istis Scholasticis pretium aliquod ponere cœperunt, neque in universum eodem cum *Luthero*, inter εκύβαλα numerarunt, res nostræ religionis subinde in deterius ivisse, Pontificios contra fines suos promovisse, & ad recuperanda, quæ quondam amiserant, non parum spei concepisse. Quod si

si tamen quis sit Theologus, qui ad perfectionem muneris sui Scholasticis se carere non posse persuasus sit, ei quidem ego suas delicias minime omnium inuidebo. Sed unum tantum ab ipso rogo, ne mihi irascatur, si ego vetus & mucidum fermentum ex doctrina morali, ejusque præcipua parte, disciplina nimirum Juris naturalis, exesse jubeam.



CAPUT III.

De

STATU HOMINUM NATURALI

§. I.

INter ea, quæ à malevolis meis secus intellecta inclamandi & calumniandi occasionem arrepta sunt, primum videntur locum occupare, quæ super statu hominum naturali à me tradita sunt. Cum enim isti neque quid status naturalis à me vocitaretur, aut quibus limitibus ejus consideratio includeretur, accurate attendissent, neque de ipso aliquid in libellis moralibus, si quos evolverant, legere se meminissent; in eam prolapsi sunt opinionem, quasi ex Theologia mutuo sumpta ea dogmata forent, & quasi de primæva conditione protoplastorum in Paradiso mihi ageretur. Eoq; cum mea tradita de statu hominū naturali à primæva conditione Adami multis modis abire viderentur, gravissimorum me errorū esse tecum atrociter vociferari cœperunt. Enimverò vel ex solo hoc specimine constare potest, quam dura sit conditio scriptorum, ad quæ censenda homines semidocti, & livore in ipsorum autores tumidi provolant: qui licet apud sapientes turpissime se prostituant, apud imperitos tamen & sui similes indignas sæpe suspiciones in viros innocentes excitare possunt. Ut autem malevolorum meorum inscitia eo facilius in apicem prorahatur, pauca quædam præmittere necessum est, quæ ad cæterarum quoque controversiarum enodationem multum conferre possunt.

§. 2. Ac primo quidem considerare debuissent importuni isti censores, quod diserte in præfatione Operis mei professus sum, & in ipsa tractatione passim expressi; me disciplinam Juris naturalis instituisse tractare universaliter, seu ita ut ea foret ad captum omnium hominum & nationum, quamcunque demum circa divina persuasionem haberent.

Ec

Qua

Qua de causa etiam quem juvenilibus annis delincebam libellum, rudimenta hujus disciplinæ continentem, titulo *Elementorum Jurisprudentiæ universalis* inscripseram. Eoque talia à me fundamenta hujus disciplinæ constituenda fuerunt, quæ ad captum omnium hominum essent, & ad quorum veritatem agnoscendam omnes homines ope solius rationis adigi possent. Hujus sphaeram quæ excedunt, quæque ex revelatione divina dependent, apud omnes populos non æque probatâ aut receptâ, velut scopo nostro parum inservientia, & ad partem duntaxat humani generis informandam idonea, seposui. Eoque consulto abstinui ab illis quæ in divinis literis, rationis sibi relictae captum superantia traduntur. Cavi inquam solcite, ne ullam controversiam attingerem, quæ vel gentiles inter & Christianos, vel inter horum sectas agitari sueverunt. Cum autem doctrina de statu protoplastorum in paradiso ex solis divinis literis hauriatur, & ex solo rationis lumine investigari nequeat; debebant malevoli ex præsuppositis meis, ac præmissa protestatione colligere, mihi de statu paradisiaco sermonem non institui, neque hunc à me vocabulo naturalis status designari. Quanquam enim apud scriptores gentiles, Poëtas cum primis de aureo seculo, & recentis adhuc mundi placida temperie quædam jactentur, quæ multi ex felicitate Adam in Paradiso detorta autumant: ista tamen vel ex cerebro Poëtarum plane conficta sunt, vel ex dulcedine otiosæ & dissolutæ vitæ interpolata, quæ priscis Græciæ incolis ante inventas urbes & leges agitabatur. Sicuti & hodie gentes quam maxime incultæ suam barbariem politiorum populorum culturæ & disciplinæ longe præferunt. Nam neque in ista aurei seculi felicitate Poëta unum duntaxat par hominum sed insignem jam eorum multitudinem vixisse memorant; & degeneratio morunt, de qua illi cantant, non ad intrinsicam velut labem naturæ humanæ, sed ad corruptellam ex prava consuetudine ortam pertinet.

§. 3. Deinde neque hoc insuper habendum erat circa alia plura justo satagentibus, vocabula *natura* & *naturalis* quam maxime esse ambigua. Eoque uti qui istis usurus est, in antecessum perspicue definire debet, in quo sensu ista abs sese accipiantur: ita plane absurdum & malitiosum est, limites, quos scriptor ipse sibi constituit, migrare, & diversas vocabuli significationes, iisque innixa dogmata nolenti volenti obtrudere. Perinde ac si quis Jctos hærescos arcescere velit, ideo quod ipso-

rum

rum de pœnitentia in contractibus placita toto cœlo discrepant ab iis, quæ Theologi de pœnitentia seu conversione hominis ad DEUM docent. Jam autem manifestum est, in quam diversis disciplinâ, & quam diverso sensu de statu hominum naturali soleat & possit agi. Physicus statum hominis seu conditionem naturalem capit, quatenus is opponitur monstroso, distorto, mutilo, aut male conformato; Medicus, prout idem morboido contra distinguitur. Quidam ex Interpretibus Juris Romani, quando de statu hominum tractant, divisiones hominum vel secundum statum naturalem, vel secundum statum civilem considerant. Juxta naturalem statum considerant hominem, prout est vel mas, vel foemina, vel hermaphroditus; & prout in utero adhuc vel extra eum existit. Sic Theologi, si ipsis videatur, statum integritatis poterunt vocare statum hominis naturalem, qui oppositus est statui naturæ corruptæ, seu in quam genus humanum per lapsum Adami devolutum est. In disciplina autem Juris naturalis triplici à me modo status hominum naturalis consideratus fuit. Uno modo, prout opponitur statui & conditioni brutorum, per quem homo spectatur tanquam eximium præ cæteris animal, insignibus à Deo præditum donis, per quæ idoneum fit Creatorem ex operibus suis agnoscere, mirarique, & vitam agere honestate ac decore ordine conspicuam. Huic statui & conditioni vocabulum naturalis recte tribuitur, quia non ex proprio arbitrio homines sibi ejusmodi vitam elegerunt & instituerunt: sed ad eam agendam obligatio à Creatore per ipsam nativitatem injuncta est, ad eamque cognoscendâ solû rationis lumen, quod nunc homini superest, utique sufficit; etsi illa universum hominis officium, quantum ad finem ejusdem supremum requiritur, non plene absolvat. Altero modo statum hominis naturalem consideravimus, prout opponitur illi culturæ, quæ vitæ humanæ ex auxilio, industria, & inventis aliorum hominum propria meditatione & ope, aut divino monitu accessit. Ad quem statum designandum supposuimus naturam hominis, qualis ea nunc deprehenditur pravis inclinationibus scatens, & quam summa indigentia, incitiam, atque imbellia comitatur, antequam ab aliis hominibus quid opis ipsi accefferit. Quem statum miserissimum esse propter pauperiem, incultum, incitiam atque infirmitatem pronuntiavimus, si cum eo comparemus commoditates, quæ postea ope aliorum hominum aut propriam per industriam nobis accedunt.

dunt. Quæ quidem res ita manifesta est, ut sensu plane destitutum oporteat, qui ista capere nequeat. Et ne quis arbitretur, in hac doctrina novi quid esse, is expendere poterit dicta S. Scripturæ, v.g. *Jobi* I, 21. *Ezech.* XVI, 4. 5. 6. *Ecclesi.* V, 14. 1. *Timoth.* VI, 7. & similia, quæ sane homini nascenti non multum splendoris aut opum circumponunt. Potuit autem & huic considerationi hominis vocabulum status naturalis non absurde tribui, quod utique usus sermonis communis ferat, naturalia, seu quæ per nativitatem adsunt, contradistinguere iis, quæ factio alieno aut proprio postaccédunt. Tertio modo statuitur hominis naturalem consideravimus, prout opponitur statui civili, per quem plures eidem summo imperio civili sunt subiecti. Juxta hanc considerationem illos invicem in statu naturali vivere patet, qui neque communem in terris habent Dominum, & quorum unus alteri non imperat, aut patet, qui que adeo nullo alio vinculo invicem juncti sunt, quam quod ex communi humana natura resultat, seu quod alter æque homo sit atque nos. Et istum hunc statum naturalis vocabulo insignire nobis placuit non solum exemplo recentium quorundam Politicorum, sed & quia naturale ei, quod ex facto & pacto humano fuit, opponi usitatissimum est. Hæc igitur considerationes naturalis status quam parum pertineant ad statum Adami in Paradiso, de quo ex sacris literis constat, vel pueri nosse poterant, qui nondum ære lavantur. Quod si autem harum litium autores excipere velint, se de statu naturali in tabellis suis Ethico-Politicis, & in notis ad easdem MStis nihil legisse, & ne verbum de eodem apud Metaphysicorum Papam, Cardinales, Acoluthos, Ostiarios & Exorcistas haberi; eoque hoc vocabulo audito statim Paradisum sibi animo obversatum: scire debebant, fædam hanc esse & plane inexcusabilem præcipitantiam, quod ad censuram ferendam provolaverint, antequam quod à me & quo sine traderetur, intellexissent.

§. 4. Quibus præmissis facile patet, quam malitiose & imperite primus Indicis Architectus *Josua Schuvarzius* mea verba in alienissimum sensum torquere conatus fuerit. Quod licet in *Apologia* mea sat perspicue expositum à me sit: tamen pertinax stupor, aut corrigi nescius calumniandi morbus certorum hominum necessitatem mihi adfert eadem denovo inculcandi; & ad veritatis jubar ultro cæcutientibus forcipe palpebras diducendi. Ut igitur repræsentarem indolem status hominum naturalis

turalis juxta secundum modum considerandi, ita disputare incipio l. II. c. 2. §. 2. p. 140. *Si concipiamus hominem in huncce mundum projectum, citra ullam curam operæ ab aliis hominibus accedentem, & prout plurima partes natura rerum nondum per industriam humanam ad usum hominibus erant excolta ac disposita, statum ipsius longe miserrimum fuisse, manifestum est: si vel maxime jam juxta præditum statum ac robore ponamus, quum primum existere cœpisset.* Ex hisce verbis Indicius autor pro candore suo talem propositionem elicit: *Docet, illum statum, in quo homo absque ulla cura velope ab alio homine accedente consideratur, longe miserrimum esse; ne illo quidem excepto, in quo homo juxta statura ac robore præditus fuit, quum primum existere cœpisset, h. e. statum Adami ante Evam creatam.* Quis non videt, vim verbis juxta ac sensui meo inferri, & mihi plane Sermonem non esse de Adamo in Paradiso? Sed ut eo clarius ostenderem, qualis esset homo sibi solirelictus, finxi duntaxat, aliquem hominem undecunque in orbem incultum projici. Idque ipsum satis inculcavi adhibitis vocabulis *concupiamus*, & *ponamus*; quæ usurpari non solent loquenti de iis, qui revera existunt, sed qui tantum finguntur, seu melioris declarationis ergo supponuntur. Si enim de Adamo sermo fuisset institutus, non opuserat dicere *concupiamus* statum ipsius; qui non fingendus, aut per meram hypothesein assumendus est, sed quem revera existentem in divinis literis descriptum reperimus. Neque de Adamo pronunciari poterat, quod sit in huncce mundum *projectus*, quod de tali dicitur, quem unde venerit, nescimus. Adamum autem velut deliberato Dei consilio in mundum huncce introductum novimus. Sic etiam de Adamo absurde diceretur; *ponamus* cum juxta statura fuisse, cum existere cœpisset. Hoc quippe non ponendum est, sed certo constat, à Deo non infantem, sed hominem juxta statura præditum esse creatum. Quam porro malitiose verba mea in aliam structuram transmutantur! Cum enim hæc sit mea propositio: Etiam si iste homo solitarius, undecunque in orbem incultum projectus, ponatur fuisse juxta statura, cum cœpisset existere, ejus tamen status erat futurus miserrimus; ex hac *Indicius autor* talem concinnat enuntiationem: Status illius hominis, qui juxta statura erat præditus, cum primum existere cœpisset, erat miserrimus. Perinde ac si dicerem, *Schvvarz* cum rogam gerat ad talos descendente, tamen totus quantus calumniator est; & illud sic invertere velim; quicumque rogam talem gestat, calumniator est. Aut si dicerem; Simia manet si-

nia, etiamsi aurea gestet monilia: ergo qui aurea gestat monilia, est simia. De cætero quod ejusmodi homo, (qualcm nos fingimus aut concipimus, ut ostendamus quid boni homini ab homine accedat,) sit futurus miserimus, nemo tam stupidus est, qui persuadere sibi possit.

§. 5. Nec minus ea verba, quæ d. I. immediatè sequuntur, à Schvvarzio male habentur: *Inde licet de originibus primorum hominum sacra litera tacerent, tamen ipsa mortalium primæva indigentia & imbecillitas nobis fidem faceret, primam hominis stirpem servari non potuisse sine peculiari Numinis cura, recentem & adhuc attonitum orbis incolam media vitæ necessaria adhibere docentis.* Adparet puto vel mediocriter perspicacibus, hisce verbis continuari hypothesein cœptam, ac satisfieri illi dubio; quomodo iste, qui in mundum projectus fingitur, in tanta ignorantia & indigentia rerum servari potuisset? Ad quod hisce verbis respondetur; etiamsi quis sacras literas ignoraret, ex quibus constat, Deum ante & post lapsum singulari cura primos homines complexum fuisse; tamen si quis solo rationis lumine usus supponat, hominem undecunque in mundum incultum fuisse projectum, simulque consideret ejusmodi hominis ignorantiam & indigentiam, non aliter colligere potest, quam impossibile fuisse eum sine peculiari Numinis cura servari potuisse. Quis non videt, heic per *primam hominum stirpem, & recentem orbis incolam* à nobis non intelligi Adamum, sed illum, qui in orbem incultum undecunque projectus fingeatur seu supponebatur. Scilicet si quis abstrahat à cognitione ex sacris literis hausta, & super originibus generis humani ex solo rationis lumine meditari incipiat; id sane primo deprehendit, genus humanum non extitisse ab æterno, sed aliquando initium cepisse, & quidem orbe terrarum jam existente. Inde ulterius progrediendo alterutrum præsupponere cogitur, primos illos homines vel infantes fuisse eum primum existerent, vel iusta jam statura præditos. Utrisque colligit tanta miseria & inopia fuisse consistendum, ut percundum ipsis iterum fuerit, nisi Deus peculiarem eorum curam egisset, quoisque eo proVecti forent, ut invento adparatu aliquo vitæ, & juncta atque communicata ope suæ indigentia succurrere didicissent. Et ad hoc colligendum inducit *primæva mortalium indigentia & imbecillitas*, i. e. quam indigi jam sint homines & imbecilles, quando recens nascuntur. Quis ita stupidus est, quin intelligat, hæc ad Adamum non pertinere? Quanquam

nec

nechuic peculiarem Dei curam defuisse ex divinis Scripturis apertissimū sit. Sic & quod recentem istum incolam orbis terrarum dicimus *attonitum* fuisse, id nequaquam ad Adamum spectat, sed ad eum, quem nos tantisper supponimus. Talem enim siingas repente in hoc mundo constitutum, omnium rerum ignarum prima vice adspexisse clarum Solis jubar, vastissimum coeli spatium, ignotas arborum atque animalium species, mox obortas tenebras, cœlum stellis consitum, se solum inter omnia nova locatum; annon credimus talem ista attonitum adspecturum, quousque adfuetudo admirationem minuisse?

§. 6. Sed & alio ex loco conatur evincere *consector Indici*, quasi Adamus in statu integritatis à me miserrimus fuerit pronunciatus. Ego enim cum I.I.C.L. instituissem ostendere, quare naturæ hominis non congruat, ut vivat exlex, rationes defumo *ex conditione natura humana primigenia aut postsuperveniente*. Cum enim in natura hominis deprehendantur quædam egregia, quædam prava, & vero per solam rationem firmiter demonstrari nequeat, imperfectionem & labem illā ex culpa ipsius hominis provenisse; inde origo ejus labis in medio relinquitur in disciplina, quæ ultra rationem adsurgere non vult. Et si ex divinis literis constat, quæ præclara sunt in hominis natura ex primæva conditione, prava ex superveniente esse. Unde illi quidem, qui sola ratione agit, non opus est explicare, ex quo fonte bonæ aut malæ affectiones hominis promaneant. Sed Christiana religione imbutus etiam me non momente intelligit, ex conditione hominis postsuperveniente, i. e. quæ per lapsum Adam in genus humanum redundavit, esse quoque hominis regens nati imbecillitatem, quæ tanta est, ut nisi accedat aliorum hominum auxilium, vel pereundum ipsi esset vel in animal quovis bruto horridius adolefcendum. Eum locum hisce verbis claudio: *Igitur quod homo non miserrimam vitam inter omnia animantia degit, à conjunctione & societate sui similium habet. Non est bonum hominem esse solum non ad matrimonium duntaxat, sed ad societatem cum aliis hominibus in universum pertinet.* Heic manifestum est, sermonem mihi esse non de Adamo in Paradiso, sed de infantibus in ista, quæ nunc conspicitur, imbecillitate natis. Sententia autem illa, *non est bonum hominem esse solum*, quæ initio à DEO ad significandam necessitatem comparis Adamo adjungendæ proferebatur, à me latius extenditur, & ad præsentem materiam applicatur. Id quod in materia gravi seriâque

facere

facere fas piūque est. Hinc patet, quantum specimen calumniæ sit, quod *Index Novitatum* verba mea hoc modo adducit: *Illud autem, quod primus homo extra societatem sine lege, ordine ac decore fuerit, probari illo posse dicto putat: Non est bonum hominum esse solum.*

§. 7. Alio quoque corradit *Autor Indici*, quæ cavilletur, tanquam pugnantia cum dogmatibus, quæ super primævo statu hominis in nostris Ecclesiis recepta sunt. Dicit, me p. 140. *primos homines, prout in origine & statu suo primævo se habuerunt, non tantum mortalium nomine appellare, sed tantam etiam imbecillitatem illi tribuere, ut sine peculiari cura servari non potuissent.* Atqui jam abunde ostensum fuit, mihi d. l. sermonem non esse de statu Adami paradisiaco; sed unice mihi propositum fuisse quadam fictione repræsentare conditionem hominis ab omni ope aliorum hominum in orbe terrarum adhuc inculto destituti, indicio capti & ab illa imbellia, ignorantia, & incultu, quæ nascentes jam mortales comitantur. Hæc quippe isto loco nobis est *primæva indigentia & imbecillitas.* Igitur nullo modo à me Adamo in statu innocentie mortalitas tribuitur; neque negatur mortem demum per peccatum in mundum introivisse. Sic & manifesta calumnia est, quod ulterius arguit, me asserere; *Mortalitatis causa genus humanum diversitate sexus, propagandi se facultate creatum esse.* p. 750. Ita enim mea verba sunt: *Postquam igitur morti obnoxium fuerat redditum genus humanum, ne aut nova semper stirps creando esset sufficiens, aut tam nobilis speciei duratio unius ævi, spatio extingueretur, sapientissimus Creator prospexerat discrimine sexus, & naturali facultate indita commixtis corporibus se propagandi.* Hec sane impudentissime mihi tribuitur hæc propositio: genus humanum ab initio mortale creatum, eoque sine datam ipsi diversitatem sexus. Sed dum verbis plusquam perfecti temporis utor; *genus humanum morti fuerunt redditum obnoxium, Creator prospexerat;* satis innuo, ab initio genus humanum morti non fuisse obnoxium, sed ex facto post accedente tale redditum. Et quia omniscius Creator illum casum utique præviderat, eidem quoque velut eventualiter prospexisse per discrimen sexus, & facultatem propagandi, ne genus humanum ultra ætatem unius hominis non duraret. Eoque per sapientiam Creatoris generandi mediante sexus diversitate usum habuit in statu hominis tam integro, quam corrupto. In illo enim statu proventura erat soboles primæ integritatis hæres, ut plures

DEUS

DEUS haberet cultores ; in altero autem statu proventura erat soboles corrupta, ne per irrepentem ex peccato mortem intra unam ætatem genus humanum interiret, postquam Deo visum non fuit, extincto priore novum genus hominum innocentium denuo creare ; eoque maluit orbem terrarum à corruptis hominibus incolì, quam plane desertum jacere. Patet ergo *Autorem Indicis* ejusmodi errores in meo libro non invenisse, sed de suo intulisse, ac postquam decreverat omnino quosdam errores mihi impingere, verba mea quovis modo ad scopum suum detorsisse ; quæ sane lectori a quo & crudito, & qui ex calumniis, vanisque litigijs gloriam non caprat, tale quid ultro non insinuant.

§. 8. Non erubescit quoque *Autor Indicis* aliam non paulo atrociorē calumniam circa hoc caput mihi impingere, dum hanc mihi sententiam tribuit: *Quod homo prout ex creatione physice perfectus extra societatem existit, sine lege, ordine & decore reluctans habuerit voluntatem, brutisque ipsis inferior ac pravius fuerit, quæ causa, quamobrem lex illi super addita sit.* p. 3. 4. p. 136. 138. Si hoc artificium viris cordatis probatur, ut ex diversis locis non quidem integræ sententiæ, sed singula verba combinentur, & nonnulla de alieno infarciantur ; tunc sane facillimum fuerit, vel sanctissimis sententijs diversos, eosque fædissimos sensus tribuere. Nulli enim in omnibus meis scriptis hæc propositio extat: *hominem physice perfectum sine lege, ordine & decore unquam extitisse.* Quin potius contrarium doceo p. 6. ubi statum hominis naturalem ex primo considerandi modo per quam tenetur esse creatum autorem suum agnoscens, colensque, & opera ejusdem admirans, & cui vita sit diversa à brutis exigenda, expresse trado hominem comitari *ab ipsa nativitate.* Et p. 312. ex professo explico *de obligationibus connatis, seu quæ omnibus eo ipso, quod prædita ratione animalia sunt, inherent, seu quæ ipsam naturam rationalem ut talem comitantur.* Quomodo igitur in mentem mihi venire potuerit, asserere, hominem physice perfectum unquam sine lege, ordine & decore extitisse ? Si obligationes insunt homini ut tali, quomodo lex unquam ab eo abesse potuit ? Sic & nullibi in meis scriptis doceo, *hominem ab ipsa creatione reluctans rationi habuisse voluntatem, brutisque ipsis miseriorem ac praviorem fuisse.* Quin potius etsi meum non fuerit de hominis integritate aut corruptione tradere, cum ea doctrina Theologiæ sit propria, tamen ut omnem cavillationibus ansam præscinderem, disertis verbis

conditionem naturæ humanæ dixi esse *primigeniam aut postsupervenientem*. Quo ipso utrique satis pro ratione instituti mei, quod nequaquam fuit locos Theologicos conscribere, insinuavi, quicquid miseræ aut pravitatis in natura humana jam deprehenditur, non ad primigeniam ipsius conditionem, sed ad postsupervenientem, mediante Adami lapsu, referendum. Et valde lippum esse oportet, qui cernere nequeat, ea quæ d.l. I. §. 5. traduntur, ad conditionem hominis primigeniam, quæ §. 6. 7. 8. ad postsupervenientem statum pertinere. Sed & in eo insignis stupor *Schwarzii* conspicitur, quod putarit, quia d.l. ex contemplatione naturæ humanæ colligo, non congruisse homini, ut viveret exlex; igitur me statuere & præsupponere hominem unquam à lege immunem extitisse. Nullo inquam modo sequitur; Quia incongruum est homini, si conditionem naturæ ipsius contemplerur, ut sit exlex; igitur homo ullo temporis momento sine lege extitit. Sane enim & Medici, quando de usu partium in corpore humano commentantur, non solum positive ostendunt, cui usui quævis pars in corpore humano inserviat; Sed & quam incommodum, noxium, aut indecorum fuerit, si illa pars deesset. Num idcirco statuunt aut præsupponunt, istam partem aliquando abfuisse, & post deprehensa ea incommoditate superadditam? Si dicant, v. g. congruum valde esse homini, ut cervicem habeat flexilem, ne semper toto corpore sese inclinare aut circumvertere opus habeat; Num ideo statuunt, homines aliquando rigida cervice extitisse, & vertebrae post accessisse? Nisi quis forte eo absurditatis velit descendere, ut dicat; Deum non potuisse velut in antecessum prospicere, quid creaturæ abs se producendæ decorum sit futurum, sed capto prius experimento defectum deprehensum supplevisse. Sicut imperiti Architecti solent, qui jam extructa ubi displicuerint, reformant, & mutant quadrata rotundis. Scilicet imperfectionis humanæ hoc opus est, tenrando demum rei convenientem formam adaptare, & Creatoris opera, ab ipso uno velut momento absoluta, per partes contemplari, & addendo aut abstrahendo horum inter se convenientiam & relationem rimari, ut hac via vestigia sapientiæ divinæ utrinque deprehensa admirari liceat. Ex eo autem creaturarum attributa re ipsa separare velle, & unius sine altero, existentiam comminisci, summa ruditas aut malitia foret.

§. 9. Sed & ea, quæ super indole entium moralium in genere tradidi

didip. 3. ab *Indicis compilatore* arripiuntur, velut grandem errorem adversus primævum hominis statum, prout Theologi hunc considerant, continentia, dum inter errores meos & hunc recenset: *Attributa vel Entia moralia originitus homini physice perfectō superaddita saltem, non concreata esse.* Ubi planiorem nobis respondendi viam fecisset, si paulo disertius explicasset, adversus quem articulum fidei nostram sententiam pugnare judicaret, aut ubi in locis Theologicis de natura entium moralium in genere traderetur. Nunc conjectura tantum nobis indagandum est, quid scrupulorum ipsi suggererit rerum moralium ignorantia. Et id quidem pro more suo *Autor Indicis*, quod de suo infarciat hæc verba, *non concreata*, quæ in libro meo nullibi extant. Quin potius eorum contrarium à me docetur, eoque fingit iste repugnantiam inter *superaddita & concreari*, quæ revera nulla est. Deinde quantum supplicando licet assequi, id sibi, aut aliis persuadere voluit *Schwarzius*, à me statui; hominem ab initio creatum partibus quidem physicis perfectum, sed absque omni velut moralitate, quæ deinceps ipsi tanquam extrinsecum aliquod accidens, & quod essentiam ipsius non necessàrio comitabatur, sit superaddita. Ex quo consequi somniat, à me negari, imaginem Dei fuisse homini concreatam, aut quod ea ad naturalem primi hominis perfectionem pertinuerit; sed habuisse tantum rationem ornamenti cujusdam accessorii, quo sublato de perfectione hominis nihil decesserit. Enimvero in hoc hominem istum ratio vehementer fugit, quod imaginem Dei in classẽ entium moralium conjicere vult, cum tamen illa quam maxime inter entia naturalia locum sortiatur. Equidem videre mihi videor, quid istum moverit; Putavit scilicet id omne ad entia moralia referendum, quod quemcunque respectum ad mores habet. Sed quo privilegio, quam sibi ipse finxit definitionem, authentica erit? Aut quare cum ad librum meum calumniandum provolaret, non id otii sibi sumsit, ut accurate consideraret, quid mihi entia moralia dicerentur, quæ super earum origine & natura traderentur, quæ classes denique earundem constituerent? His enim perspectis facile fuisset animadvertere, imaginem Dei, & dona primi hominis, de quibus Theologi agunt, nullo modo ad entia moralia posse referri, prout illa à me definiuntur. Alias enim si quæ iste super entibus moralibus somniat, obtinerent, in eorum classe quoque censeri deberent omnes libri, qui ad mores spectant, imagines itidem sanctæ apud Pontificios; tum ipsa templa, & campanæ, atque earum sonitus,

nitus, quo homines evocantur ad audiendos sacros sermones morum emendationi subservientes; toga insuper holoserica ad talos descendens, capillus castigatior, collare fistulosum, abdomen & ronchi, superciliumque, tanquam gravitatem morum arguentia; denique & ipsum patibulum, cui maxima inest efficacia ad malos mores dedocendos. Quo cum nihil absurdius dici queat, vel hoc indicio esse potest, quam turpiter se dare soleant homines semidocti, idiotis longe intractabiliore, magisque importuni, qui ad censuram ferendam provolant super rebus, quas vix primis labiis degustarunt; & quam horribilia fingendi ansam sua incitia præbeat ingeniis turbulentis, & quibus ad famam, cujus tam ardens sitis eos coquit, nulla alia patet via, quam ex litigiis adversus viros celebres susceptis. Sic uti & ex eodem fonte promanat alius articulus *Indicis*: *Entia moralia, eorumque effectus originis etiam considerata amitti vel deleri pro lubitu posse sine ulla mutatione aut corruptione ejus rei, cujus antea fuerunt.* p. 4. & 19. Ubi utidem primo loco observanda est facta illa verborum in eorum interpolatio; non nisi triobolaribus calumniatoribus usurpata, quippe quæ fraudem ita aperte apricatur. Nam nullibi in meo libro extant hæc verba; *originis etiam considerata*, quorum sensum mihi divinando nondum tum suspicando assequi. Sicuti & vocabulum *amitti* de suo addidit *confectio Indicis*. Tum & dicto *pro lubitu* insidiosè posita est, quæ fortasse imperitiam insinuari posset; entia moralia pro nudo lubitu ejus, cui inhærent, deleri posse: cum tamen hæc sint mea verba; Entia moralia eorumque effectus deleri iterum posse pro lubitu *eorundem*, à quibus suam habent originem. In quo ipso cum utique momenti aliquid sit ad istorum naturam exprimendam, à viro candide agente id omitti non debebat. Denique & hoc malitiosè est positum; *sine ulla mutatione aut corruptione ejus rei, cujus antea fuerant.* Quod non leviter abiit à meis verbis; nulla mutatione physica in re cui erant superadditi proveniente; item, ipsa personarum aut rerum substantia physica haud quidquam immutata. Sane enim licet substantia physica subjecti non mutetur, sublato ente morali; potest autem eandem sublationem gravis mutatio, aut corruptio alterius sequi; Sic. v.g. ubi statu suo quis exiit, ejus substantia physica non mutatur; sed nihilo secius gravissima inde mutatio ipsi provenire potest, quæ ad contemptum, in sultationem aliorum, paupertatem, aliaque mala illum deducere valent. Sic dominio in res suas amisso non mutatur substantia physica hominis,

mole-

molestam tamen idem mutationem inde sentit, & divite pauper factus. Sic dispensator ille iniquus munere dimotis suam substantiam physicam retinebat, ut tamen mox de insolitis laboribus aut mendicitate meture inciperet. Igitur cum ego de mutatione substantiæ *physicæ* ita solícite inculcarim, malitiosum est pro ea substituere *ullam* mutationem aut corruptionem. Sed hæc ideo tantum à me paulo latius deducta sunt, ad ostendendas fædas calumniandi artes istihominum tam familiares. Nam ad me ab opinione erroris eximendum sufficit dixisse; Inaginem Dei, qua primus homo præfulgebat, & qua per lapsū amissā natura nostra labe peccati originalis est infecta, non fuisse ens morale; sed fuisse perfectionem quandam physicam naturæ humanæ, eoque ipsa sublata utique substantiam physicam hominis sensisse mutationem dum morti, variisque imbecillitatibus ac sensui tot malorum obnoxia fuit reddita.

§. 10. Porro quos *autor Indicis* ex vocabulis *superaddendi* & *imponendi* scrupulos concepit, illi itidem ignorantiam agnoscunt parentem. Neque ex eo quod dicimus, entia moralia rebus jam existentibus & physice perfectis superaddi, inferre licet; nos asserere, hominem per ullum temporis momentum revera extitisse omnibus entibus moralibus vacuum. Sane nos de statu hominis naturali p. 6. & obligationibus congeneritis p. 312. diserte docemus, quæ homini utique coævæ sunt, & sine quibus nullo momento temporis homo extitit. Sed dum indolem entium moralium penitus rimamur, deprehendimus ea diversum quid esse à substantiis, eoque ad modos, aut si ita mavis, accidentia esse referenda. Jam autem modorum natura est, ut intelligantur prærequirere subjectum aliquod, cui inhaerent, quod licet non semper tempore, tamen naturæ & ordine concipiendi prius est. Eoque summa inscitia est, si quis naturæ & ordine concipiendi prius quid altero dicat, arguere, quasi idem tempore quoque prius existereasserat. Sane & circa attributa physica prius Subjectum, quam adjunctum, prius materiam quam quantitatem concipimus, ut ut illa nunquam sine hac extiterit. Quia porro entia moralia non ex substantia & qualitatibus hominis physicis resultant, sed originariè à determinatione, decreto atque imperio Creatoris; inde istorum subjectum non aliud animo concipere possumus, quam hominem physice perfectum, cui ista attributa ex impositione Creatoris superaddita intelligantur. Nam de cæteris entibus moralibus, quæ ex impositione

hominum proveniunt, manifestum est, illa substantiæ hominis jam perfectæ post superaddi, eoque & tempore posteriora ipso homine sunt. Unde & patet, *non concreari*, & *superimponi* imperite sibi opponi; cum utique dentur entia moralia, quæ humano generi concreata, i.e. in ipso creationis momento superimposita sint. Eoque superimpositionis vocabulo non notatur productio aliqua creationi quoad tempus posterior: sed idem adhibetur peculiariter ad exprimendum modum originarium producendi entia moralia; sicuti ex usu Theologorum modus originarius entia Physica finitæ producendi creatio nuncupatur.

§. 11. Cæterum *Schwarzius* longe post flagellatum Indicem inter vallo, calumniam, quam supra §. 8. excussimus, alia dissertatione removere non erubuit, etsi paulisper interpolatam hoc modo: *Reluctanti legi voluntate, qua nunc vivitur, velut re per se & naturam suam indifferente, creatum esse hominem*. Ubi mirari libet hominis vesaniam, cui non sufficit de eadem calumnia semel convinci, & insuper ruditatem suam fædis modis apicari. Nam isthæ propositio, quam mihi malitiose affingit, revera est ineptissima; & aperte contradictionem involvit, *aliquid legi reluctans indifferens esse ante respectum ad legem*. Quod perinde est ac si dicerem, qui pedalem habet barbam citra respectum ad barbam imberilis est. Deinde & hoc magnam ipsius in rebus moralibus insecitiam arguit, quod indifferentiam de voluntate dici posse putet. Sane bonitas & malitia, quando sunt attributa actionum, medium habent, indifferentiam. Sed quando personæ aut rei Physicæ, in quam bonitatis aut malitiæ denominatio cadere potest, non datur medium, v.g. inter rectum & pravum, justum & injustum, integrum & corruptum. Ex quo genere est etiam voluntas hominis, quam aut bonam aut malam, seu integram, aut corruptam esse oportet; indifferentem, seu quæ neque bona neque mala sit dari absurdum dictu est. Denique miserabiles plane sunt consequentiæ, quas ex somniis suis elicit; quasi nempe ex sententia, quam mihi affingit, sequatur: Deum creasse aliquid, quod infinitæ ipsius sanctitati & justitiæ adversatur, Filium Dei de rebus per se indifferentibus hominem factum, in vita æterna rebellionem affectuum locum habiturum. Quorum ineptiarum absurditas clarius adparebit, si hæc illatio cum thesi mea conferatur. Ita enim iste ratiocinatur; Si lex in ipsa creatione homini super-

superaddita, & nunquam sine lege homo fuerit. E. Deus creavit aliquid, quod infinita ipsius sanctitati & justitiæ adversetur. Id est, quia Deus statim in creatione hominem esse bonum iussit. E. eundem malum ipse creavit. Item; Si Deus nullo momento hominem sivit exlegem esse. E. Filius Dei de rebus per se indifferentibus homo factus est. Item: Quia malitia hominis post creationem ipsi supervenit. E. in vita æterna rebellio affectuum locum habebit. Antecedens meum est, illatio *Schwarzii*. Quem animi morbum ejusmodi ratiocinia arguant, Medici viderint.

§. 12. Denique & illud summi stuporis est argumentum, quod malevoli statum hominis naturalem, de quo mihi sermo est, confundere instituant cum *statu purorum naturalium*, quem Scholastici quondam commenti sunt. Quirites vestram fidem! Quid cognationis mea dogmata cum istis commentis habent? Ubi ego de puris naturalibus Scholasticorum ago? Ubi locorum mihi inquiritur, dona gratiæ, seu quæ hominem in statu gratiæ ponunt, Adamo esse concreata, an post superaddita? Neque vero qui vocabulo superaddendi in alia materia utitur, is statim cum *Bellarmino* sentit. Et plura utique sunt, quæ homini superaddita dici possunt, præter ea, de quibus inter Theologos nostrates & Pontificios disceptatur.

CAPUT IV.

De

FUNDAMENTALI PROPOSITIONE
LEGIS NATURALIS.

§. I.

POSTquam constitutum mihi fuerat Jus naturale in justæ formam disciplinæ redigere; cujus partes inter se bene cohererent, & ex se evidenter fluerent; Prima cura fuit circa constituendum idoneum fundamentum, seu propositionem fundamentalem, quæ videlicet omnia ejusdem præcepta compendio complecteretur, & ex qua ista facili & perspicua subsumptione deduci, in eamque resolvi possem. Quæ quidem, si congruere debebat scopo nostro, quo eam disciplinam ad captum universi

versigeneris humani attemperare, & supra controversias circa peculiarum cultum divini Numinis elevare studemus, debebat talis esse, ut non solum cetera præcepta per evidentem consequentiam inde fluere, sed & ut ejusdem veritas ex solo rationis lumine exsplendesceret, adeoque ad eandem agnoscendam omnes homines perspicuis demonstrationibus adigi possent, quamcunque de modo propitiandi Numinis haberent opinionem. Neque enim opus erat, ut isthæc propositio esset ex earum numero, quæ communiter natura notæ vocantur, seu quarum evidentia citra ratiocinationem intellectui sese adprobat. Sed sufficebat eam ex ejusmodi extructam observationibus, quas ipsa natura rerum & hominis suppeditat, & quæ à nullo sanæ rationis compote in dubium vocari possunt. Hæc porro propositio licet eundem in disciplina juris naturalis usum præbeat, quem in physicis & astronomicis exhibent hypotheses; eadem tamen hypothetis proprie dicta non est, ideo quod non duntaxat tanquam vera supponatur, non desinito utrum revera cum natura rerum congruat, an minus; sed ejus veritas & existentia manifestis & certis demonstrationibus utique subnitatur. Quod si quis vocabulo *fundamenti* in alio sensu utatur, faciat id suo lubitu, dummodo non putet, eo ipso se mihi contradicere, aut per ea, quæ ipse super capis declamat, destrui ea, quæ ego de aliis commentor. Sicuti *Velthemio fundamentum Juris* vocatur id, quo aliquid aptum est, ut sit vel fiat Jus; & in specie *fundamentum naturalis juris* constituitur natura objecti juris natura, ideo quia actus illi, qui objectum juris naturalis esse dicuntur, talis nature sunt, ut si quis recte ratione utitur, & de hisce præctice judicare vult, aliter judicare nequit, quam quod hujusmodi actus ex sua natura necessarij sint in genere morum. Quæ *veia dicta* promulgatur ab ipso in præfatio *Synopses Institutionum juris natura* §. 22. *manuscripta*. quæ ubi publici Juris facta fuerit, orbem eruditum novum sidus irradiabit, quod splendeat velut inter ignes Luna minores.

§. 2. Talem igitur, quam designavimus, propositionem fundamentalem ut inveniremus, visum fuit eas, quæ à quibusdam loco talium adhibitæ sunt, paulo curatius excutere, & nam scopo nostro congruenter examinare. Ex hoc ipso enim ratio adparebit, quare cæteris sepositis illa quam elegi, scilicet porissimum potuerit adprobare. Primo igitur loco excutitur, quod Jcti Romani jus naturale pronuntiaverunt id, quod

quod natura omnia animalia docuit, ita ut ad hoc jus spectent illi actus, in quos connata quadam necessitate fertur, aut à quibus refugit hominum æquè, ac brutorum animalium indoles. Ex horum mente fundamentalis propositio legis naturalis hæc esset: in quoscunque actus homines æquæ ac bruta feruntur illi legi naturali præcepti, quos utrique refugiunt, eadem lege vetiti intelliguntur. Isthæc propositio quare à nobis repudiata sit, non opus est, ut heic repetamus. Neque ad rem facit, quod non nemo hoc sensu jus naturale in bruta cadere tradat, quatenus brutorum certæ actiones instinctu quodam, voluntatibus hominum simili, peractæ congruant cum divini Numinis ordinatione, & eatenus sint justæ; & per consequens in bruta hætenus cadere rectitudinem suorum actuum, quatenus secundum ordinationem divinam peraguntur. Nam hoc non obstante dissimilitudo & inadæquatio inter actus hominum, & brutorum remanet, dum diversum utrique scopum actibus hominum, quam brutorum Creator præfixit, & diversa speciei brutorum actus non minus cum hominum actibus, quam inter se discrepant. Et si vel maxime regulam illam, juxta quam Deus ab æterno actus creaturarum suarum regere decrevit, legem Dei æternam vocare velimus, cujus intuitu brutorum æque ac hominum actus æterna lege Dei regantur, aut ad eandem quadrent; haudquaquam tamen ideo actus brutorum & hominum eodem modulo metiendi sunt; cum lex illa æterna bruta regat tanquam machinas vel automata quædam, quæ nulla abs regula sibi præfixa discedendi libertas, aut voluntaria & deliberata ad eandem conformatio; eadem autem lex regat homines, tanquam tales, quibus actuum suorum antegressa cognitio & libertas est.

§. 3. Inde tanquam scopo meo incongruum rejeci thesin isthanc: quod in se & sua natura honestum aut turpe est, id lege naturali præcipitur aut vetatur. De qua sequenti capite peculiariter erit disceptandum. Tum ulterius à me inquisitum; num commode ad finem meum adhiberi queat dogma nostratibus Theologis familiare; quod jus naturale sit *ἐν νόμῳ* justitiæ Dei essentialis; adeoque num in disciplina juris naturalis, ad omnium hominum captum accommodata, propositionis fundamentalis vicem subire possit isthæc: Quicquid cum justitia Dei essentiali congruit, id lex naturalis hominibus præcipit; quicquid eidem repugnat, eadem lex hominibus interdicit. Hæc propositio, quare à nobis

bis non potuerit ad eum, quem diximus, scopum adsumi, l. 2. c. 3. §. 5. & in *Apologia* §. 9. & 25. expositum fuit. Quæ super re ne cuiquam scrupulus remanere queat, denuo eam quantum potest perspicue inculcare radio non erit. Ac primo quidem observandum est, ea quæ super iustitia divina nobis perspecta sunt, vel ex solis divinis literis hausta esse, rationi nostræ in se incognita, vel ex lumine rationis, conspirantibus simul sacris Scripturis, innotuisse. Ad posteriorem classẽ pertinet, quod Deus promissa sua firmiter servet, in verbis suis sit veracissimus, nemini injuriam faciat, munus velut judicarium in creaturas legibus obnoxias incorruptas exerceat, et regulas iustitiæ divinæ vindictivæ non parum à regulis iustitiæ in foro humano exercendæ abire, satis patere potest, si quis ea, quæ nos l. 8. c. 3. tradidimus, cum articulis fidei, qui ad munus velut judicarium Dei respectum habent, conferre velit. Et quidem ut hæc iustitia competat Deo essentialiter, id est, ut hoc attributum ex perfectione ipsius essentiæ necessario resultet, & ut per essentiæ suæ perfectionem non possit aliter cum creaturis suis quam iuste agere. (Nam iustitia etiam in DEO concipitur tanquam attributum, quod respectum ad alios involvit) Non autem quod ad consuetudinem sibi talem perfectionem comparaverit, aut quod ad eam exercendam lege aliqua à superiore lata obligetur. Ad priorem classẽ spectant ea dogmata de iustitia divina, quæ substernuntur & implicantur articulis fidei Christianæ de lapsu Adam, & subsecuta inde miseria generis humani; de incarnatione Filii Dei, ejusque satisfactione, merito, & passionẽ; de justificatione hominis, de pœnis impiorum æternis. Hæc uti caput humanæ rationis superant; ita eadem excedere regulas iustitiæ humanæ, eoque has ad illam applicandas non esse, diserte protestati sumus l. 8. c. 3. §. 2. Nam nisi quis huic discrimini iustitiæ divinæ & humanæ pressè innitatur, mihi quidem non adparet, quomodo Sacristianorum strophis satisfacere queat, qui regulas iustitiæ humanæ ad iustitiam divinam translatis, articulos jam memoratos, adeoque integrum systema Theologiæ Orthodoxæ subversum cunt. Quæ ergo à me obiter super iustitia divina tanguntur, unice ad posteriorem classẽ pertinent. Prioris generis dogmata caput humanæ rationis superantia Theologiæ in solidum reservantur.

§. 4. Deinde quamquam Deum esse iustum essentialiter etiam

ex lumine rationis notum sit; tamen quo minus hoc effatum; (essentialem Dei justitiam esse *απαλότου*, legis naturalis, & hanc esse illius *εὐνομία*,) vicem propositionis fundamentalis in disciplina Juris naturalis subire possit, graves rationes obstant. Sane enim non potest sola ratio nostra, quæ tamen pro unico cognoscendi principio nostrorum dogmatum circa jus naturale fuit assumpta, perspicere, quod Deo necessum fuerit, justitiam, quæ in homines cadere debebat, exprimere ad propriam & essentialem suam justitiam; aut quod necessum sit creaturam perfectionum divinarum adæquate præsertim, representare. Deinde rationi nostræ sibi soli relictæ justitia humana prius cognita est, quam justitia divina, eoque in disciplina soli rationi superstructa loco fundamenti adsumi non potest, justitiam humanam divinæ esse *ἐκ' ὑπομ. 2.* Ratio enim humana sibi soli relicta Deum ex operibus suis cognoscit, ejusque attributa colligit ex perfectionibus, quæ cum in aliis creaturis, tum in homine præcipue conspiciuntur, depurando imperfectiones, quæ ex essentia finita, aut mole corporea proveniunt, & ad caput divinx eminentiæ istas attemperando. Sic quando animadvertimus præstantiam & perfectionem in se habere, si homo fidem datam servet, verax sit, nemini injuriam inferat, jus incorruptè dicat; colligimus sane hanc perfectionem in eo utique intelligendam, qui prima est causa, & hujus universi summus Moderator, modo tamen longe nobiliore, & qui in Entē eminentissimo & independente locum possit invenire. Unde inconveniens est, id quod intuitu nostræ cognitionis posterius est, supponere tanquam fundamentalem propositionem, ex qua id, quod ordine cognitionis prius est, deducendum sit. Accedit, quod ratio nostra non parum discriminis inter justitiam divinam & humanam deprehendat. Nam uti jam dictum, justitia divina est essentialis, humana imperata. Justitia humana exercetur inter natura æquales, superiori tribunali obnoxios; divina à Creatore cœli & terræ adversus hominem terricolam. Quæ homo ex justitia exhibet alteri, ad ea exigenda hic Jus habet: atqui ad aliquid à Deo exigendum nulla creatura jus habet; quippe cum etiam quæ ex promisso Deus nobis præstat, ejus gratiæ in acceptis referre debeamus; & omnes pii exsecrantur impudentiam istius Monachi moribundi, qui velut suo jure Deum cœlum poscebat hisce verbis; Solve quod debes. Scilicet, homo non debet aliter, quam juxta facere, Deus non

potest non iuste facere. Tum etiam actus quidam sunt iustitiæ humanæ, qui in Deum ob eminentiam essentiae ipsius cadere non intelliguntur; uti sunt non pauci actus iustitiæ universalis, & illa iustitia particularis, quæ contractus regit, ad sublevandam indigentiam humanam inventos. Unde si quis ex sapediſta propositione præcepta legis naturalis deducere instituat, deprehendit, non solum consequentiam sæpe fore inevitabilem, & quam sola ratio comprehendere nequeat, sed & illud principium non una parte esse insufficiens. Sic si ita colligere velim; homo debet pacta servare, quia Deus sua promissa servat; homo non debet injuriam homini facere, quia Deus nemini injuriam facit: isthæ connexio soli rationi evidens non est, cui infinitum discrimen inter Creatorem cœli & terræ, & homuncionem semper animo obversatur. Alit si ita inferam reddite debita vestra, quia Deus reddit suis creditoribus; estote grati, quia Deus est gratus adversus suos benefactores; obedite regi, quia Deus obedit superioribus suis; honorate parentes, quia Deus honorat parentes suos, ineptam & falsam rationem allegasse judicabitur. Quæ omnia qui probe expenderit, facile probabit rationem meam, quare alia propositio fundamentalis mihi fuerit investiganda. Præsertim cum non ratio solum, sed & sacra Scriptura in æquationem inter iustitiam divinam & humanam discrete agnoscat. Sane enim non minima pars iustitiæ humanæ est, quæ in contractu emptionis venditionis conspicitur; aut quæ cernitur in retribuendis beneficiis. Atqui neque illa per *Psalmum* L. 10, 11. 12. neque hæc per *Roman.* XI, 35. in Deum cadit.

§. 5. Ist hæc quanquam in se sint planissima; omnem tamen lapidem movent adversarii, ut errorem aliquem mihi heic impingat. Et primo quidem in occasionem calumniæ arripiuntur hæc mea verba: *Hinc & quando Deo tribuitur iustitia, non illa est intelligenda respicere aliquam obligationem, aut jus in altero, sicut iustitia humana id inserit. Sed quia talem agendi modum perfectissimæ suæ naturæ congruere ipse operibus & per revelationes ostendit: inde eidem mortales id vocabulum adplicamus, quo quæ recte à nobis adversus alios aguntur, exprimimus.* p. 134. Heic quid scrupuli cordato, & à ligiis alieno oriri possit non despicio. Adferitur eo loco hæc thesis, quod libertas Dei legibus proprie dictis non circumscribitur. Adversus hanc obijci poterat, in Deum cadere iustitiam, seu Deum iustum esse. Jam autem iustitiam tam personæ quam actionum involvere respectum ad legem. Iustitiam enim cuique tribuere, quod legibus ipsi

ipsi tribui jubetur; & justum vocari, qui alteri talia tribuere studet: eoque talem haud quidquam sibi libertatem omnimodam posse tribuere. Ad quam objectionem respondetur; justitiam Dei, & justitiam humanam non per omnia pari passu ambulare. Nam justitiam humanam respicere obligationem, quæ legem & superiorem ponit; quia homo ad juste agendum obligatur per legem superioris. Alterum autem, adversus quem justitia est exercenda, habere jus ad id obtinendum, vel perfectum, vel imperfectum; id est, ut quod sibi debetur, possit exigere vel per modum belli si vivat in naturali libertate, vel actione in foro intentata, si civis sit; vel saltem ut possit super iniquitate non tribuentis querelam movere. Horum autem nihil in Deum cadit, quippe quo superior non datur, qui legem ipsi præscribere, aut obligationem injungere queat: & adversus quem nemini jus competere potest, deficiente foro, & quia quicquid creaturæ habent boni, bonitati ipsius in acceptis referunt. Quia tamen perfectioni divinæ essentiae congruit tali modo cum creaturis agere, ut & promissa sua constantissime servet, & nemini injuriam faciat, & supremi Latoris atque assertoris legum, judicisque munere incorrupte fungatur: inde huic attributo divino, ex quo Deus tali modo agere intelligitur, idem vocabulum justitiæ tribuitur, quo homines solent exprimere, quæ recte ab ipsis adversus alios agantur. Quanquam enim ejusmodi vocabula, quæ æque attributis Dei & hominum tribuuntur, tanto eminentiorem perfectionem in Deo, quam in hominibus notent, quanto divina essentia humana est nobilior: iisdem tamen vocabulis utraque attributa fuerunt exprimenda, non solum quia per lumen rationis à cognitis perfectionibus humanis ad perfectiones divinas utcumque investigandas ascendimus: sed etiam quia alias nullum conceptum formare apud nos possemus attributorum divinorum, nisi vocabula significationis ante nobis notæ ad ea applicarentur. Istac igitur verba hæc, nus explicata ita de terra adducit novarius Index: *statuit Justitiam ad Deum propter similitudinem saltem, talem nempe agendi modum ad Deum applicari. Deoque à dñs: imo etiam minus Deo quam hominibus competere.* p. 134. 166. §. 9. p. 177. §. 12. Hæc adparet, priora quidem verba multitate esse adducta, & prout ab ipso exprimuntur, nullum plane sensum præ se ferre, nisi quod infestissimus calumniator hoc insinuare velle videtur, quasi à me plane justitia divina negetur. Quæ quam atrox sit calumnia, ex jam

dictis satis patere potest. Par illi est, quod mihi affingit, quasi scripserim, *Deo justitiam ἀνθρώποις competere*. Quod dictum nullibi in meo libro extat. Equidem p. 166. à me scribitur; *valde ἀνθρώποις dici, Deum à se ipso, aut à sua essentia obligari*; nimirum quia obligatio proprie dicta & quæ vinculum Juris est, principium aliquod extrinsecum & superius præsupponit. Sed num ideo Deus ἀνθρώποις justus dicitur, quia juste agit propter essentia suæ perfectionem, non autem propter obligationem extrinsecus accedentem? Num justitia essentialis minus *κατὰ φύσιν* justitia est, quam imperata, & habitualis? Denique concolor auctori mendacium est, quod in Indice scribitur, à me statui *justitiam etiam minus Deo, quam hominibus competere*. Num si dicam, justitiam divinam & humanam non eodem modulo merendam; divinam naturam eminentioris esse indolis, quam humanam; quosdam actus justitiæ humanæ, qui nempe præsupponunt indigentiam, in perfectionem Dei non cadere; ideo statuo justitiam Deo *minus* competere, quam hominibus? Perinde ac si dicerem; Deus non opus habet ejusmodi operosa structura oculi ad videndum, sicut homo. Ergo Deus minus clare intuetur res, quam homo. Sic p. 177. dico; *justitiam divinam & humanam eodem modulo merendam esse, haud quidquam inde statim evincitur, quod in sacris literis saepe ad exemplum Dei revocamur*; Luc. VI. 36. Matth. V. 44. 45. XVIII. 33. quippe cum in illis locis argumentum à minori ad majus ductum videatur. Ubi nimirum id doceo; quando jubemur misericordes esse sicut & Pater noster misericors est, non statim inferendum esse, misericordiam divinam & humanam ejusdem indolis esse, aut eodem modo & ex eadem causa Deum teneri ad misericordiam exercendam, qua homo tenetur: verum *ἡ ἀπὸ τοῦ Θεοῦ* ejus dicti hoc modo longe solidius exprimi; Si DEUS supremus omnium, beatissimus, ἀβυσσὸς, nulla unquam venia indigens, est misericors erga creaturam suam, quæ peccato iram ipsius in se provocavit; quanto magis par est hominē misericordem esse erga fratrem, cujus venia & auxilio ipse quoque opus habet. *Damus hanc veniam, petimusque vicissim*. Si herus misericors est erga servum, quanto magis servus debet esse misericors erga conservum. Si Deus oriri Solem facit etiam super malos, quanto magis par est hominē benefacere suo inimico; hominē inquam, qui & ipse aliis tam crebram offensarum materiam præbet, & qui aliorum auxilio tantopere indiget. Ubi sane manifestum est, licet hoc genus ratio-

rationandi à minori ad majus adpelletur, non ideo tamen necessario attributum illud commune minus priori quam posteriori inesse. Sic si dicam; Si Rex, in summa fortuna constitutus, humanus, modestus, ab omni fastu & luxu alienus est; quanto magis modicæ conditionis civem his virtutibus studere par est, cujus opes stultitiam non patiuntur. Ratiocinium hoc bene se habet; sed inde non sequitur, necessario istas virtutes minus inesse Regi, quam cuiquam privato; cum utique Reges dentur animo modestissimo & à vanitate alieno; multi contra privati & tenuis fortunæ homines intolerabili fastu turgidi.

§. 6. Opponunt quoque nobis auctoritatem nostratium Theologorum, quibus legem sanctitatis, misericordiæ, justitiæ & perfectionis divinæ *ἐνότημα*, & velut *ἀπεκρίσμα* adpellare familiare est. Ad quod regerimus, alio nos sine, & ex aliis fundamentis de lege naturæ tractare, quam Theologi, qui isthanc doctrinam ad indolem & usum suæ disciplinæ attemperant, & Scripturas sacras pro adæquato principio suorum dogmatum habent, rationem tantum in secundas partes admittunt, & Scripturis divinis ancillari jubent. Igitur quæ isti super lege divina ex suo principio tradunt, id nostræ disciplinæ nullo modo præjudicare potest. Deinde & illud constat, istam sententiam totidem verbis in literis sacris non extare, sed inventam à Theologis, & elogii loco legi divinæ applicatam, ut sanctitatem atque justitiam legislatoris, & perfectionem ipsius legis inde æstimemus. Nequaquam autem ea dictio est cavillanda, aut ultra illorum scopum & intentionem, & rei ipsius naturam extendenda. Neque crediderim ulli unquam, cui eas sententia usurpata fuit, in mentem venisse, ex vocabulo *ἐνότηματος*, aut *ἀπεκρίματος* hoc exsculpere; quod justitia Dei adversus creaturas sese exerens, rationales cum primis, & justitia hominibus invicem exercenda quoad omnes partes sibi invicem respondeat, Deoque eadem, quæ hominibus, officia incumbant. Multo minus autem arbitror aliquem eousque delirare, ut cum *Schwarzio* statuere velit: *Qui nescit legem Dei esse adequatum ἐνότημα justitiæ divinæ, nescit legem, nescit peccatorum deformitatem, non capit denique necessitatem Salvatoris.* Quid ejusmodi sequela ægrius fingi potest? Altego infinitos fuisse dico, qui istorum articulorum fidei plenam & salvificam cognitionem habuerunt, quibus tamen nunquam in mentem venit, Creatorem *ἀνυπόθετον*, & incorporeum iisdem officiis ad-

adstringere, quibus hominum conditio est obnoxia, imperio superiorum subiecta, & corporea mole pressa. Sane qui cerebrum non habet in calcaneo, facile capere potest, plurima officia hominum, adeoque plurimas partes iustitiæ humanæ, subiectionem, & naturam corpoream præsupponere, nec citra hanc intelligi posse; quæ Deo, tanquam enti supremo & incorporeo, attribuire absurditas blasphemix proxima foret. Vix opera pretium fuerit aliam ineptiam *Schwarzii* heic repetere, qua taxare voluerat id, quod scripseram; Deum esse veracem in suis verbis & promissis, & munus velut iudicarium incorrupte exercere. Adversus quæ ille magnò cum supercilio crepabat: *Deus est iustus non per maiestatem verbis, aut dignitatem, à iudiciis solum, sed & à iustitia ab essentia; eoque iustitia proprie magis illi quam hominibus competit.* Ubi quidem exagitare nolo stolidam applicationem terminorum Græcorum *per maiestatem & dignitatem*, qua ignorantiam Græcæ linguæ ostentare voluit; sed qua si verum tantummodo; ubinam ego negaverim Deum esse iustum essentialiter? aut quæ heic sit oppositio; & quid obster, quo minus, qui dicitur fidelis in servandis promissis, verax in verbis, incorruptus in administranda iustitia, idem hæc attributa habeat essentialiter? Denique eousque rabies calumniandi *Schwarzium* agitabat, ut tandem seipsum Photinianismo adstringeret, dum in quadam concione, qua virus suum è loco sacro in me evomere constituerat, ita pronuntiabat: *In Rege exserit sese imago iustitiæ divinæ. Nam sicuti Deus non solum clemens & misericors, sed simul etiam iustus est, & in iudicio & iustitia regnat: ita etiam Rex pro conditione causarum, temporum & personarum severitatem & zelum iustitiæ loco lenitatis adhibere novit.* Atqui si iustitia Dei & iustitia Regum pari passu ambulant, tunc necessario sequitur; Sicut Rex pro conditione causarum, personarum & temporum iustitiæ severitate utitur, sed extra similem conditionem ex clementia condonat delicta citra ullam intervenientem satisfactionem; ita & Deus ubi conditio causarum, personarum; & temporum id requirere peculiariter videretur, iustitiæ severitate utitur, sed extra similem conditionem ex clementia condonat delicta citra ullam satisfactionem. Quid est cum Photinianis necessitatem Salvatoris evertere, si hoc non est? Adparet igitur istam lucernam Ecclesiæ, quæ tam tenebrosas spargit flammæ, acri emunctorio opus habere.

§. 7. Facile quoque ex hisce colligi potest, quare à nobis reje-
ctum.

Num sit jus illud Deo cum hominibus commune, quod aliqui statuunt. Sane enim cui ex solo rationis lumine res dijudicantur, nullo modo concipere datur, quod eodem jure adstringi possit aut ad eandem legem actiones suas formare teneatur. Deus supremus omnium Dominus, & homo divino imperio obnoxius; cum præsertim multa, ad quæ homines jure seu legibus adstringuntur, in Deum propter eminentiam & perfectionem naturæ suæ cadere nequeant. Et quanquam in non paucis Deus eodem modo se gerat erga creaturas, sicut homines se invicem gerere jubentur, in sacris quoque literis pii non semel ad exemplum Dei imitandum revocantur; non tamen ideo statim actiones Dei & hominum ex eodem principio promanant, aut ad eandem normam exiguntur. Nam Deus propter essentiae suæ perfectionem non aliter potest agere; homo autem propter incumbens sibi Dei imperium non debet aliter agere. Sicuti & id nemini persuaderi potest, Deo non plus licere in hominem, quam uni homini in alterum hominem. Neque utique sequitur, quod quis alteri agendum injungit, ad idem quoque ipsum tene-ri. Igitur ex ratione quidem tale jus DEO & hominibus commune, & quidem utrinque adæquatum, nemo unquam exculpserit. An istud liquidis Scripturæ sacræ dictis adstrui queat nondum mihi constat. Equidem allegat Schurrarius dictum 2. Tim. II. 13. quod ipse pro dictatoria sua autoritate ita *ἡ θέλησις τοῦ θεοῦ ἄρα πάντα ποιῇ*; *Voluntas Dei nulla ratione à legibus naturæ suæ discedere potest.* Fateor tamen me nondum esse ita perspicacem, ut videam isthæc consequi: Si Deus fidelis est, ut ut hominum fides fluxa sit, & seipsum abnegare nequit; Ergo Deus est obnoxius legibus. Jactatur etiam trita illa sententia; *Deus sibi ipsi est lex.* Quam imperitus valde foret, qui cavillari velit, cum ejus acumen hoc modo sit explicandum; Dei naturam ita perfecte bonam esse, ut nulla lege aut norma, impulsu vè exteriore ad hoc ut recte agat, præter ipsam opus habeat; & isthæc sola normæ & obligationis locum in ipso subeat. Et in hoc præcipue relucet perfectio divinæ naturæ, quod per eam quidem non possit non recte agere, & tamen quicquid agit, liberrime agat; cum in creaturis uniformis modus agendi libertatem vel plane tollat, vel minuere aut circumscribere videatur. Si popularia ad rem quid facerent, dici quoque posset, hunc mundum magnam esse civitatem, cujus supremus Rector Deus est. Quemadmodum igitur in civitate Princeps subjectis

quidem leges præscribit, ipse autem legibus superior est, ut tamen ultro faciat ea, quæ in ipsius personam possunt cadere; Sic & DEUS creatoris leges fert, ipse legibus superior, ut tamen ultro faciat, quæ majestatem & perfectionem suam decent. *Veltbemii* dissertatio, quam super hoc argumento conscribi laturum se minatus est, in manus meas non pervenit, quæ fortasse ansam præbere posset pluribus ea discutiendi, quibus divinam majestatem quidam in ordinem redigere laborant. Interim ex *Synopsi* ipsius perspicio, illum conari hanc difficultatem tollere adhibita distinctione inter obligationem, quæ ex imperio superioris provenit, & eam, quæ ex natura ipsius actus resultat. Unde quando Deus obligari dicitur, sensum esse; *Dari certos actus per se & ex sua natura debitos, in genere morum, ut salva perfectione sua morali Deus hos actus omittere nequeat.* Enimvero illa obligatio ex natura actus nulla est; neque quævis necessitas agendi ex obligatione aut jure provenit, cum aliquid etiam ad certi quid agendum determinari queat à suæ naturæ conditione; ad quod proprie loquendo obligatum dici nequit. Nam obligatio in doctrina morum proprie dicit necessitatem à superiore latam in subjecto, cui diversum agendi naturalis facultas est. Unde profanum est, jus & obligationem, quæ in sua natura subjectionem involvunt, Divinæ Majestati obtrudere; cum quantumque istos terminos ab imperfectione deputare instituas, nil nisi obligationem & jus improprie dictum exsculpere inde queas, cujus sensus huc tandem redit: Deus propter perfectionem suam quædam non potest non agere, & quædam propter eandem non potest non omittere. Ubi & hoc monendum est, malè à *Veltbemio* adpellari perfectionem aliquam Dei *moralem*, cum omnes perfectiones in Deo sint essentielles, & quantum mihi constat ex usu omnium Philosophorum perfectio moralis vocetur, quæ usu, & disciplina acquiritur, & tanquam habitus animo inhæret.

§. 8. Cæterum dum illibatam Dei libertatem assertum imus, *Schvvarzius* pro more suo mentem & verba mea in sinistram detorque-
re sensum fatagit; dum in execrabili suo *Indice* talem mihi thesin affingit: *Deum, eo quod agens liberrimum est, naturæ suæ legibus ita non teneri, ut hoc vel illud (intellige peccata) agere non possit, affirmatque omnia illa, quæ non agere posse dicitur, non per naturale impedimentum, sed ex placito vel voluntate non agere, legemq; sibi ipsi non nisi ex placito esse, p. 133.* Quam dia-
boli-

bolicam plane calumniam et si in *Apologia* mea jam satis castigavi; tamen quia hoc scripto omne malevolorum virus junctim abstergere constitui, pleraque heic repetere non pigebit. Et quantum scelus priora verba continent, quando ita statui à me mentitur; *Deum natura sua legibus ita non teneri, ut hoc vel illud (nempe peccata) agere non possit.* Quæ sententia in hanc propositionem resolvitur, Deus potest peccare. Ast qui verba mea candide expendit, fateri cogitur, hoc quidem seculo atrociorum calumniam non fuisse auditam. Ita enim sunt verba mea: *Omnimoda libertas, & omnis impediementi aut defectus nescia in solum Deum O. M. cadit, quæ tantquam nobilissimum attributum perfectissima ipsius essentia concipitur. Quæ & ipsa nullam circumscriptionem admittit, & cum omnipotentia est conjuncta. Unde quod Deus quadam non agit, aut non omnia semper agit, illud non est ex defectu libertatis, sed ex proprio beneplacito.* Ubi sane nemo tam cæcus est, quin videat, per ista quadam non intelligi hoc loco, nec posse intelligi peccata, sed talia, quæ alias salva perfectione divina à DEO agi posse videbantur. Nam de peccatis in verbis immediate sequentibus sermo est; & nemo unquam tantopere deliravit, ut talem quæstionem formaret; An Deus peccet? sed ita quandoque solet quæri; An Deus possit peccare? Manifestum est igitur, in istis meis verbis, quas calumniator ita fæde detorquet, contineri responsionem ad hanc quæstionem tacitam. Cum DEUS sit liberrimus & omnipotens, & abyssus ejus potentia & bonitatis nondum sit exhausta, quare tamen quadam non agit, aut non semper agit, quæ alias à perfectione ipsius abhorre non videntur? Ego heic nihil aliud habeo quod respondeam, quam quod beneplacitum DEI ita ferat; & solam hanc rationem reddere simplicius & in divinam Majestatem reverentius duco, quam subtilia commenta adornare, quibus omnipotentia divina in ordinem redigitur, & judicii nostri angustis circumscribitur. Et hanc rationem niri arbitror non solum sana ratione, sed etiam dictis Scripturæ, *Psal. CXV. 3. Ephes. I. 11.* Deinde ulterius dicto loco rationem reddo, quare Deus non possit quadam, nempe peccata, agere. *Quod autem idem quadam non posse agere dicitur, id non provenit ex aliquo impediemento extrinsecus accedente, naturali aut morali, sed ex proprio placito, quod mortales ad magnitudinem & præstantiam ipsius attemperatum concipimus.* Scilicet, quod Deus non possit peccare dicitur, id non est ex impediemento

extrinsecus accedente naturali, i. e. vi majore validioris, nec *moralis*, i. e. obligatione à superiore profecta. Neutrum enim cadit in eum, qui superiorem non habet. Sed provenit hoc ex placito seu voluntate rectissima, & quæ convenit Enti maximo & præstantissimo. Ubi quod placiti seu voluntatis Dei, tanquam Entis supremi & perfectissimi, potissimum mentionem fecerim, rationem hanc attuli, quod ubi de libertate Dei sermo est, convenientius videatur ejusdem perfectioni exprimentæ voluntatem, qualis in perfectissimum ens cadere potest, velut principium ipsius actionum assignare. Tum ut ea perfectio, qua Deus peccare non posse intelligitur, cum summa libertate conjuncta exprimeretur, & non pro tali impossibilitate peccandi haberetur, qualis in brutis & rebus inanimatis est, quæ ideo peccare non possunt, quia rationali voluntate destituuntur. Denique quia in attributis divinis, quæ ad analogiam facultatum in homine utcumque solemus concipere, perfectissima unio & velut conspiratio est intelligenda; sic ut voluntas Dei ejusdem magnitudini, præstantiæ, justitiæ, sanctitati, bonitati nunquam repugnare possit, adeoque illa huic nunquam sit opponenda. *Schwarzius* autem pro more suo verba mea malitiose detorquet hoc modo: *Deus omnia illa, quæ non agere posse dicitur, non per naturale impedimentum, sed ex placito vel voluntate non agere.* Ubi adparet, pro vocabulo quadam ipsum substituisse omnia; omisisse quoque non solum morale impedimentum, sed & clausulam, quæ maxime ad rem faciebat, *quod placitum divinum mortales ad magnitudinem & præstantiam ipsius attemperatum concipimus.* Sed & non contentus declaratione, quam in *Apologia* mea feceram, otiose vocabula cavillatur; jactans, *idiomata & essentiam divinam unum simpliciter idemque esse, adeo ut de illis ne unio quidem satis recte, nedum conspiratio aliqua, vel reflexio, vel nescio quæ Dei voluntas ad magnitudinem & præstantiam ipsius attemperata, sed unitas simplicissime dici possit.* Atqui si hoc tantum dicerem, me dictionis genus adhibuisse liberius, & quod ad apices formularum superstitiose non adstringeretur in disciplina, ubi thesés Theologicas proponere haud quidquam institutum meum fuit; & cum de sinceritate sententiæ constet vocabula vellicare malignum esse; quis æquus non fateretur, otiose mihi inane litigium moveri? Sed ut huc confugiam opus non est. *Perfectissima unio idem mihi est quod unitas aut identitas.* Qui dicit, in attributis divinis esse perfectissimam velut *conspirationem*, satis indicat, se me-

se metaphorica uti locutione, ad exprimendum hunc sensum; inter attributa divina nulla est repugnantia, & Deus non agit, quæ sibi repugnant, De attributis divinis nuspiā *reflexionem* dixi, sed ita verba mea sunt *Apolog. p. 8.* Si vel maxime essentiam divinam ad modulum nostræ rationis vellemus exigere, quod nempe & ipse, quando actionem aliquam est suscepturus, velut reflexionem faciat super essentia & attributis suis, &c. Non credo voculas si & velut otiose heic esse positas. Sed nec supercilium istius Tenebrionis prohibebit, quo minus dicamus: *DEI voluntas ad magnitudinem & præstantiam ipsius est attemperata*; exprimendo huic sensui: DEUS nunquam vult aliquid, quod ipsius magnitudini & præstantiæ repugnat, seu quo minus Optimus Maximus sit. Hactenus porro calumniator iste questus est, quod attributa divina non satis univerim; mox carpit quoque, quod eadem non satis accurate discreverim. *Attributa divina*, inquit, *formaliter*, i. e. *juxta modum concipiendi nostrum ita ab se invicem differunt, ut nullo modo confundi, nec v. g. magnitudo & præstantia pro sanctitate & justitia poni, dici que possit, quod voluntas DEI secundum magnitudinem & præstantiam, h. e. infinitatem & majestatem pro illo quod dici debet, secundum sanctitatem & justitiam se moveat.* Atqui inquam, *magnitudo & præstantia* sunt vocabula generaliora, quæ *sapientia, rectitudo, justitia & sanctitati* non opponuntur, sed hæc potius includunt. Præstans est, & qui justus, qui rectus, sanctus & sapiens est. Sed nec dubium est, quin cum Deus cælum ac terram crearet, non solum sapientiam, rectitudinem, justitiam & sanctitatem, sed & omnipotentiam ac bonitatem, seu magnitudinem & præstantiam exseruerit. Deniq; & illam mihi thesin falso affingit *Index: Deum sibi ipsi legem non nisi ex placito esse.* Hæc quippe thesis non solum nullibi in libro meo extat, sed & absurde ac nullo plane sensu concepta est. Sed ita dicimus: *In quem sensum interpretandum est illud tritum: DEUS sibi ipse est lex.* Quis est sensus ille, qui ex superioribus fluit ad recte interpretandum acumen hujus dicti? Hic nempe, quod voluntas Dei, semper se velut moveat, prout magnitudine & præstantia ipsius dignum est, id est, sapientissime & optime, adeoque lege extrinsecus accedente, qua dirigatur, opus non habeat. Verbo quoque notanda est calumnia *Veltbemii*, qui fingit propositionem hanc; *Impossibile est Deum mentiri, ex mente mea hunc habere sensum; Deus non vult mentiri.* Sed iste est meus sensus; mentiri repugnat voluntati Dei tanquam Entis perfectissimi, repugnat perfectioni di-

vinz, cum qua voluntas divina semper conspirat, & quidem ut id non proveniat ex aliquo impedimento extrinsecus accedente, sed ut nihilominus ipsi omnimoda libertas omnis vinculi expers, constet.

§. 9. Vicina hisce sunt, quæ malevoli super imagine DEI movent. Cujus mentio tantum obiter à me injecta fuit, non ut quidquam, quod Ecclesiæ nostræ de ista tradunt, in dubium revocarem, sed ea duntaxat intentione, ut ostenderem; etsi hominem ad imaginem DEI creatum esse ex sacris literis constet, non ideo tamen justitiam hominibus invicem exercendam, & justitiam DEI essentialem inter se per omnia adæquari. Rationem subjunxi; quia imago DEI est amissa per lapsum, lux autem naturalis & ejus sensus atque cognitio in hominibus superest. Quanquam enim quædã istius reliquiæ remansisse doceantur, inter quas etiam cognitio & sensus legis naturalis refertur, tamen saltem præcipua ejusdem parte destructa, per cujus possessionem homo in statu gratiæ constituebatur, longe difficilius perspicere licet, quousque justitia divina & humana sibi invicem respondeant. Sicuti ædificio collapsio vix ac ne vix quidem de ejusdem cum prototypo convenientia judicare amplius licet, ut ut rudera quædam adhuc extant. De cætero parem ob rationem scopo nostro accommodata non est hæc propositio: Homo est creatus ad imaginem Dei; quippe quæ nec ex solo rationis lumine demonstrari potest, nec ex qua rationes præceptorum legis naturalis perspicue & ad captum omnium gentium derivare licet. Quanquam enim & illud ex naturali lumine constet, quædam attributa in homine deprehendi, quæ itidem in Deo, etsi infinitis modis eminentiora concipiuntur, puta intellectus, voluntas, imperium in alios, eoque intuitu homo aliqualem imaginem Dei referre dici queat etiam illis, qui divinas literas ignorant: tamen quæ à Theologis super imagine Dei traduntur, cujus possessio hominem in statu gratiæ constituebat, & qua per lapsum amissa homo in statum iræ conjectus est, & magnam naturæ suæ corruptionem sensit, item quæ & quales sint istius reliquiæ seu rudera, an & quatenus cognitio legis naturalis eo lapsu detrimentum passa sit; dogmata sunt soli rationi incognita, eoque ad nostram disciplinam parum accommodata, solique Theologiæ relinquenda. Et sane si quis ex ejusmodi fundamentali propositione præcepta legis naturalis deducere instituat, non poterit non ea consecutio & connexio inevidens videri illis, qui sacras Scripturas ignorant, aut non admit-

admittunt. Si inquam disciplinam juris naturalis ad captum omnium hominum traditurus ita ratiocinari velim; homo est creatus ad imaginem Dei; Ergo parentes sunt honorandi, non mœchandum, non furandum: neque evidens erit illatio homini Theologorum Christianorum tradita ignoranti, nec quomodo ejusdem evidentiam ex aliis ratiociniis eliciat, rationi humanæ facultas suppetit.

§. 1. Deduxit jam nos ordo rerum ad *Dn. Valentini Alberti, Professoris Lipsiensis Annotata super H. Grotium*, qui ejus scripti *proœmium & protheorian* videtur potissimum opposuisse præfationi Opusculi nostri de *Officiis hominis & civis juxta legem naturalem*. Cujus commenta eo curatius excutiemus, quo liquidius ex hisce patebit, quam anxie omnem lapidem moveant veteres Magistri, ne dictata & collegia manuscripta detrimenti quid patiantur. Ac in *proœmio* quidem queritur, *diabolum in eo totum fuisse, ut Philosophiam tam theoreticam, quam practicam, eximia utique DEI dona, florente Papatu corrumpere*. Quod verissime dictum; sed addi tamen debuerat, id potissimum factum ope Sacerdotum, qui ad stabiliendam suam tyrannidem manibus, iisdemque intricatissimis nugis scholas oppleverunt, quibus districta bona ingenia à solidarum rerum investigatione averterentur: & ut homines cæco obsequio à nutu eorum dependere, genuinam Philosophiam moralem penitus oppresserunt. Pergit; *post repurgatam Religionem non desisse, diabolum his donis divinis adversus Deum & doctrinas divinas abuti: hinc primum theoreticam Philosophiam prælio iniquissimo cum Theologia commissam, ac si illa esset huic contraria*. Quid per hoc prælium intelligat *Albertus*, nondum satis mihi liquet. Nam quæ ab *Hofmanno* quondam in Academia Julia excitabatur liticula, triobolaris erat, non tam ex insigni aliqua diaboli astutia profecta, quam ex morositate viri, zelo ut multi alii à scientia parum subnixo, agitati: quæ & exiguo valde strepitu deflagavit. De cætero ut vera Philosophia, & ex natura rerum hausta, eique congruens, & Theologia itidem veræ, & ex genuina sacrarum literarum interpretatione desumpta, inter se pugnent, fieri non potest; cum utraque DEI vox sit, qui sibi haud quidquam ipse contradicit. Enimvero si quando vel falsa decreta Philosophorum cum veris dogmatibus Theologicis, vel vera scita Philosophica cum falsis Theologorum commentis, aut pravis Scripturarum interpretationibus, vel utrique falsa inter se committuntur, id vitio hominum contingit, nec
ideo

ideo nativā amicitia inter eas disciplinas dissolvitur. Neque vero cordatus Philosophus, si quā viderit dogmata in vera Theologia ex genuina Scripturarum interpretatione adstructa supra captum humanæ rationis, & communis Philosophiæ regulas assurgere, eo nomine ista in dubium revocabit; cum & hoc sana Philosophia doceat, DEUM posse facere supra quam homines capere possumus, neque rationem nostram potentia divina esse mensuram. Pergit; *cum è Philosophia practica nostro seculo doctrina de jure naturæ & gentium enucleatius proponeretur, hæc ut orthodoxæ fidei adversa evaderet, maximopere laboravit diabolus.* Ejus effati si hic est sensus; diabolus id maximopere laborasse, ut libro meo de Jure naturæ & gentium errores contra orthodoxam Religionem affingeret, eoque nomine ego fructu exhausti laboris exciderem; tunc fateor nihil verius potuisse dici. Sed quia tam æquum pro me judicium *ab isto* vix sperare licet, credere cogimur alium sensum ipsi præ oculis fuisse; qui nobis, ut molliissime dicam, à viro cordato plane alienus videtur. Equidem id sine dubio ad artes regni tenebrarum pertinet, moralia dogmata nullis subnixā fundamentis mordicus retinere; falsis & perniciosis traditis genuinam politicam corrumpere; vastis & intricatis voluminibus de justitia & jure, nec non commentitiis conscientia casibus actionum humanarum regulas certas, solidas, & perspicuas obruere, animosque hominum inter ancipitia velut natantes ab hominum suis commodis velificantium nutu suspendere; probabilitatem denique etiam probioribus Pontificiorum decreta comminisci. Ad isthæc arcana status regni istius dissipanda, inter alios fines pertinet opera eorum, qui hoc seculo doctrinam juris naturæ & gentium, alta hæcenus caligine sepultam, erueret, & in justam disciplinam redigere, laborarunt. Ubi tamen contigit, ut qui cæteris omnibus viam prævit *Grotius*, intempestive & præter necessitatem quædam subinde adspargeret, quæ à scitis nostrarum Ecclesiarum abirent, eoque nomine passim à nostris notaretur. Hæc ipsa tamen cum ad disciplinam juris naturalis non spectent, eam neque corrumpunt, neque ut eadem orthodoxæ fidei adversa evadat, efficiunt. Sicuti frumentum admixtis paleis haudquidquam corrumpitur, sed nativam utique retinet indolem; quo tamē usui humano fit idoneum, paleas separari abs se desiderat. Eodem modo uti disciplina juris naturalis heterogenea abs se removeri flagitat. Sic & *Hobbesius* præter commenta circa religionem, ex hypothesi

pothefi Epicuræa, & dum à democraticis hominibus nimis in diverfa nitens in alterum extremum impingit, itidem non pauca aliena aut falſa ſanctiſſimæ diſciplinæ admifcuit. Sed num ideo jus naturale orthodoxæ fidei adverſum evaſit? Num ideo error artificis ipſi arti eſt imputandus? Num aurum ideo naturam ſuam amiſit propter admixtas ſcorias, aut ſequiora metalla, quæ artiſci perito ſeparare in proclivi eſt? Multo minus ſanctitati hujus diſciplinæ quid decedit, ſi quædam meorum ſcriptorum loca ab imperitis aut malevolis hominibus per calumnias male habita ſunt. Quemadmodum igitur jus naturale & gentium iſti criminationi Albertinæ, quod nempe orthodoxæ fidei adverſum evaſerit, quam efficaciſſime contradicit, eaque ſummam ſibi injuriam inferri proteſtatur: ita ut ab omnibus calumniis deinceps immune ſit, & nativa pulchritudine extiplendefcere queat, hoc deſiderat, hoc contendit, hoc flagitat, ut nihil heterogenei deinceps ſibi aſmifceatur, ac inprimis ut extra controverſias Theologicas ſubducatur, ne bellis non ſuis implicitum laceretur. Utque adeo ab ea diſciplina ex nativis principiis exſtructa & deducta domesticis tantum dogmatibus exſurgat, alienis præliis arenam præbere nec cogatur; & omnibus amicis uti queat, quæ leges amicitix & pacis omnibus inculcare ſatagit.

ſſ. II. Inde exponit *Albertus*, qua via ipſe tanto malo mederi conſtituerit, ut nempe jus naturæ cum orthodoxa fide in gratiam reduceret. Ei fini conducere judicat 1. *Ut diſciplina Juris naturæ & gentium ſtudioſæ juventuti maxime commendetur & inculcetur.* 2. *Grotium manibus juventutis extorqueri nec poſſe nec debere.* Valde obſcæ vero naris oporteret eſſe, qui deprehendere non poſſet, hoc axioma id agi, ut juventus à meis ſcriptis arceatur. Aſt ſi *Albertus* noſſet, quam parum mea interſit, an ab iſtis hominibus mea legantur, minus anxie dictatis & collegiis ſuis *Velthemii*que manuſcriptis metueret. Quicquid tamen de meis libris fiat, id ſalva veneratione, qua Grotianum ingenium opusque proſequor, dicere mihi fas eſt; cum *Grotius* maxime præſtabilem quidem operam in jure naturæ eruendo & dirigendo poſuerit, ut tamen neque omnia, quæ ad eam diſciplinam pertinent, attigerit, aut plene ſatis deduxerit, neque in juſtæ formæ artis id jus diſpoſuerit, & præter admixta multa heterodoxa materiam de bello fuſius tractaverit, quam in generali diſciplina requirebatur: nihil ſane cauſæ adparet, quo minus & poſſit & debeat juventus diſciplinam

nam istam ex aliis autoribus haurire. Qui tamen omnes cum non possint non subinde lectores ad *Grotium*, tanquam qui primus glaciem heic fregerit, remittere, huic semper honos atque existimatio sua salva constabit. Revera igitur institutum *Alberti* hunc producere effectum est idoneum, ut disciplina juris naturalis nunquam ad plenam perfectionem adfurgere queat; utq; adeo ex *Grotio* novus quidam Magister Sententiarum evadat, qui à variis vario modo frustulatim concisus, evisceratus, extorsuatus, ac diversicoloribus velut iusculis commentariorum, notarum, observationum, animadversionū, compendiorum, tabellarum, & analysiscon per quicquid, atqui, ergo (quod pedanticissimum ferculum est,) perfusus atque adornatus juventuti proponatur: cui hæc persuasio animo sit infixa, apicem scientiæ hujus sese attigisse, si textum *Grotianum* utcumque intelligat. Sicuti postquam scholæ Aristotelem in oraculi vicem adorare cœpissent, exinde omnis Philosophantium labor circa consarcinandos commentarios in Aristotelem absumptus fuit; & nisi hoc demum seculo egregia quædam ingenia istud servitium ejurare ausa fuissent, per octodecim amplius secula adhuc solida rerum scientia nelatum quidem unguem promovisset. 3. *Grotii libros in compendium orthodoxum redigendos, in quo vera ejus doctrina ex hypothesibus orthodoxis deducantur, falsa cum fundamentis suis evertantur.* Atqui jam dudum *D. Joh. Andreas Osiander* omnia, quæ religioni orthodoxæ adversantur, accuratissime notavit, ut hoc quidem sine compendio novo opus non sit. Et cum errores *Grotii* libris *de jure B. & P.* adpersi circa materias versentur, quæ ad generalem juris naturalis disciplinam non spectant, quid opus est compendia inprimis sectanti istos errores velut monumentum aliquod aut partem disciplinæ retinere; cum sufficiat, eos simpliciter separari, & silentio præteriri. Sic sane agricolæ paleas una cum frumento puro haud quidquam in granaria recondunt. Si ubi abs coquo cibus sordes aut pili sint admixti, hi non solent in peculiari patina apponi, sed simul & semel abjiciuntur. Sane ubi semel error aliquis ex fundamento fuerit destructus, non opus est ejusdem semper deinceps mentionem fieri, ubi vera sententia traditur: cum thesi semper adungere antithesin nihil aliud sit, quam disciplinas fordium mole reddere turgidas. Sicut nemo Grammaticorum judicavit, omnes solocismos, qui unquam contra veram dicendi rationem admisi sunt, in Lexicis esse annotandos; non magis quam Mathematici operæ pretium

pretium ducunt, omnes falsas operationes & paralogismos, dum veras operationes & ratiocinia tradunt, simul memorare. Et unica via est, ut compendiis ejusmodi & notis in æternum carere possimus, disciplinam juris naturalis ex sola ratione deducere, & nihil eidem, quod in Theologia controversum est, admiscere. Inprimis autem nova plane & mira creatura est *Compendium Juris Naturæ & Gentium Orthodoxum*, quod nobis intra paucos annos centum & amplius alia compendia parturiet, omnia orthodoxiæ nomine superbientia, sed inter quæ tamen mira sit discordia, & quorum quodlibet cæteris hæresin aut schisma objiciat, æternique ignis pœnas miniterur. Nemini quippe ignotum est, quamlibet ex partibus, in quas Christianismus discissus est, sibi orthodoxiæ dignationem vindicare, cæteras omnes hæreseos aut schismatis arcessere. Postquam ergo nostræ Ecclesiæ Albertinum compendium unanimi consensu receperunt, sine dubio peculiari compendio illi opus habebunt, quos vulgo Syncretistas vocant; Eos quippe communi secum libro Symbolico uti nolet *Schwarzius*, qui *Petro Winsrupio* Scaniæ Episcopo atrocissimi flagitii loco, & tanquam certissimum argumentum heterodoxiæ exprobrabat, quod hic quondam in *Georgii Calixti* laudem epigramma composuerat. Cum porro cæteræ Christianorum sectæ deterioris nolint esse conditionis, singulæ proprium sibi compendium vindicabunt. Eandem sibi licentiam deinceps assument Mahummedani, & ipsi in sectas divisi; ac denum varia Gentilium genera per utramque Indiam sparsa. Transibit dein hoc exemplum ad alias disciplinas, ut mox quoque habituri simus Arithmeticam, & Geometriam, & Astronomiam, & Logicam, & Physicam, & Medicinam, & Metaphysicam orthodoxam. *Nicolaus* quoq; *Beckmannus* alto deinceps supercilio quicquid est Jctorum gentilium, ac Pontificiæ, Calvinianæq; religioni addictorum despiciet, utpote *Gesenii* fraterculus atq; ocellus. Ciceronis quoque Latinitas & Martialis Poësis longe infra *Petri Winsrupii* pedes abjecta jacebit, quippe ejus humeris ex *Gesenii* elogio Atlas Ecclesiæ incumbit. Atqui nemini sano hætenus in mentem venit, disciplinas, è lumine rationis provenientes, partibus illis involvere, in quas res Christiana lacerata est. Et inprimis disciplina juris gentium hoc commento appendix Theologiæ fieri constanter abnuat. Nam si hypotheses istæ, ex quibus jus suum orthodoxum deducere vult *Albertus*, verbo Dei revelato superstructæ sunt, non magis hoc jus ad regendas

omnium gentium inter se actiones idoneum erit, quam ista: hoc momento in unam circa sacra sententiam conspirabunt. Quod si autem sanæ rationi innituntur illæ hypothefes, scire velim, ex quo privilegio sibi hoc arroget *Albertus*, ut ipse ratione melius, quam cæteri omnes usus judicari debeat. Enim vero respuunt in istas partes distrahi disciplinæ Philosophicæ, inter quas & nostra suum proficitur nomen, quæ ad omnes æque homines citra discrimen religionis spectant, & non aliud principium, normamivè aliam exigunt præter rerum naturam, & lumen sanæ rationis; huic quod congruit, verum, quod adversatur, falsum adpelletur: orthodoxiæ & heterodoxiæ vocabula solis Theologis relinquuntur. Credat quoque *Albertus*, non omnes homines ita stupidos esse, quin animadvertant, hoc stratagemate ipsum dictatis suis irrefragabilem auctoritatem conciliarum ire, dum sub orthodoxiæ nomine eadem venditat. Hoc quippe concessio, velut hæreticum & veneno infectum proferiberur, quicquid ab istis discrepaverit. Et cum non exiguum nostræ disciplinæ partem constituat politica architectonica, eodem obtentu isti homines dictatoriam sibi circa hujus dogmata auctoritatem arrogabunt. Quod quam non usque adeo tutum sit summis imperantibus civilibus, & prætorum seculorum & hujus nostri funestissima exempla docent.

§. 12. In *protheoria* deinde *Albertus* certas hypothefes ponit, cui orthodoxum jus naturale fit superstruendum. Inter quas prima est: *Fons è quo à Christianis pura juris natura notitia hauriri potest & debet, est orthodoxa doctrina de statu integritatis. In hoc enim habuit homo imaginem DEI, inter cujus reliquias est Jus Naturæ. Hujus igitur cognitio ab illa non minus ac existentia dependet.* Ubi observandum, hanc hypothefin illis tantum quadrare, quibus jus naturale pars articuli de Lege in Theologia constituitur. Verum cum nobis jus naturæ & gentium hoc sine tractetur, ut sit regula actionum & negotiorum inter omnes homines non quæ Christiani, sed qua homines sunt; & vero illa hypothefis hominibus ut talibus sit ignorata: igitur absurdum est, Christianis dare peculiare principium eius juris, quod ipsis commune cum aliis etiam non Christianis esse debet; & cui si unice inniti velint Christiani, idem jus apud alios non Christianos adversus se inutile & inefficax facient. Qui uti doctrinam de imagine Dei ignorant; ita & jus ei fundamento innixum adspiciuntur. Quod si igitur usus hujus juris debet esse universalis, idem ex principio, quod

quod ab omnibus hominibus qua talibus admittitur, nempe ex ratiociniis, ex inspecta rerum & hominum natura collectis, est derivandum. Deinde cum status integritatis actu inter duos tantum homines, & ad tempus valde exiguum extiterit, jus autem naturæ & gentium jam in genere humano multiplicato & in varias civitates digesto, multisque inilitutis exulto usum obtineat; non adparet, quomodo pauca illa, quæ de illo statu in divinis literis habentur, & inter quæ de jure naturæ & gentium mentio non fit, jam norma esse queant actionum, quæ in genere humano certum regimen desiderant: cum ex divinis literis demonstrari non possit, eandem faciem & dispositionem generis humani, eadem instituta, eadem negotiorum genera futura fuisse, hominibus in statu innocentia multiplicatis, quæ nunc deprehenduntur. Quæ enim super hac re disputantur, nulla solida demonstratione, sed probabilibus tantum conjecturis nituntur, quibus quisque ex suo ingenio si lem addit, demitve. Præterea assertio hæc; *Jus naturæ est inter reliquias imaginis divinæ*, in sacris literis totidem verbis non extat, sed à Theologis recepta est ex hac ratione, quod cognitio de agendis aut fugiendis, quæ homini in statu integritatis perfecta aderat, etiam post lapsum jam supersit, etsi non omnibus numeris absoluta. Circa quam assertionem id duntaxat fuerit monendum; pari ratione dici posse v.g. Arithmeticam, Geometriam, Physicam, & alias scientias esse reliquias imaginis divinæ. Nam dubitare fas non est, quin facultas numerandi & mensurandi homini in statu integritatis adfuerit, quæ nunc, etsi cum difficultate & obscuritate conjuncta, in nobis deprehenditur. Nemo tamen ideo dixerit; fontem, è quo Christianis pura Arithmeticæ, Geometriæ aut Physicæ notitia hauriri potest ac deber, esse doctrinam orthodoxam de statu integritatis. Nam *Albertus* utique n. 2. reliquias divinæ imaginis etiam in principiis Theoreticis consistere dicit. Igitur si non alia ratione jus naturæ & gentium à Christianis tractari & demonstrari debet, quam *Albertus* postulat, intra angustos valde terminos ejus auctoritatis & usus compingetur, nec amplius idem erit jus gentium, universo generi humano commune, sed paucorum magistrorum, qui invidia adversus recentiorum opera suis collegiis manuscriptis apud imperitos juvenes hoc obtentu sanctimoniam circumponere satagunt. Nam quod omnes Ecclesiis nostris addicti in *Albertinum* commentum juraturi sint, vehementer dubito.

§. 13. Quanquam autem fundamento convulso tota quæ superstruitur machina ultro collabatur; visum est tamen carptim quædam annotare, quæ *Albertus* rem acu tetigisse non videtur. Et quidem n. 4. ita tradit: *Cum omnes reliquæ imaginis divinæ, inter quas etiam est jus naturæ, sint in nobis corruptæ, mirum non est, si corrupte tractentur, nisi memores simus & studiosi pristinæ integritatis, quantum facit ad præxin in statu corruptionis.* Hæc id quidem nobis extra dubium est, non in voluntate soluni nostra corruptionem deprehendi, sed & in intellectu, ubi non solum, ni peculiaris Dei gratia accedat, cæci plane sumus circa dispicienda divinæ, quantum ea ad Deum nobis propitiandum faciunt; quin & circa alias scientias in nobis sentiri, hebetudinem, torporem, hæsitationem, & facillimum in errores prolapsum. Sed id cum primis in quaestione est, an, quod ab *Alberto* proponitur, medium sit idoneum ad declinandos errores in scientiis humanis; nempe ut recurramus ad statum integritatis, & considerata, quæ ibi erat, scientiarum perfectione & rectitudine, defectus atque errores statum corruptionis comitantes corrigamus. Quam quidem methodum supplendi aut corrigendi disciplinas nemo, quantum mihi constat, ex Philosophis Christianis hætenus commendavit, aut insignem ejusdem usum ostendere potuit. Neque est quod quis objiciat, præcepta legis naturalis in sacra Scriptura contineri, aliarum disciplinarum dogmata non item. Nam id duntaxat ex *Alberto* quæ siverim, num admittat v.g. in Arithmetica, Geometria, Astronomia, aliisque scientiis certa & extra dubitationis aleam posita dogmata dari ope solius naturalis rationis, & citra subsidium divinarum literarum inventa? Si annuit, (quod, ni omnis ratio ipsum fugiat, sine dubio facturus est;) tunc sane nulla adparet causa, quare jus naturæ & gentium non æque firmiter, ac cæteræ scientiæ, possit deduci ex axiomatibus, & observationibus judicio ipsorum sensuum comprobatis; adeoque quare Christiani juris naturæ & gentium Doctores magis necessarium habeant ad statum integritatis confugere, quo dogmata sua in justam rectitudinem & certitudinem redigant, quam Christiani Arithmetici, Geometriæ, Optici, Astronomi, Physici, Medici. Aut enim aliquid rectitudinis in hujusmodi scientiis rationi supererit, aut omne id, quod philosophari vocamus, inane quid & nugatorium erit.

§. 14. Nihil autem plane ad rem facit, quod *Albertus* n. 5. adducit
 exem-

exemplum *Grotii*, qui l. 2. c. 1. §. 2. circa statum primorum hominum à sententia Orthodoxorum abeuntia tradiderat. Nam contra cum de isthoc statu ex solis divinis literis constet, vel solo hoc exemplo adparet, quantis disputationum vorticibus jus naturale implicandum sit, si methodo Albertinæ insistere velimus, propter discrepantem inter Christianos S. Scripturæ interpretationem. Cum contra omnis ejusmodi litium materia præscindatur, si doctrinam de statu integritatis Theologiæ propriam unice relinquamus, & in disciplina Juris naturalis præsentem duntaxat hominis conditionem, quam etiam sensus jam nostri percipiunt, consideremus. Sed &, quod ipse *Albertus* n. 6. monet, limites inter Theologiam & Philosophiam positos ne moveamus, & simus Philosophi, simus quoque Christiani, ut tamen ideo peculiarem Philosophiam Christianam ne comminiscamur. Nam Philosopho ut sit Christianus aut gentilis, orthodoxus aut heterodoxus, æque accidit, atque eidem accidit, ut sit Germanus, aut Gallus aut Anglus; aut uti Musico contingit barbaro aut imberbi esse. Nec ideo tamen vera Philosophia magis religione, aut natione, quam Musica barbitio distinguitur. Sane multa novit Philosophus, qui idem Christianus est, quæ Philosophus non Christianus ignorat: novit etiam Christianus, qui idem Philosophus est, quæ Christianus non Philosophus ignorat. Sed non ideo minus bonus Christianus erit, qui non est Philosophus; aut Archimedes ideo minus bonus Mathematicus, quia non Christianus. Equidem ubi, quæ à Philosopho ope rationis sciuntur, in divinis quoque literis traduntur, ex ea conspiratione tradita philosophica mire illustrari certum est. Sed si divinæ literæ quid tradant, ad quod ratio plane nequit pertingere, nescio quid theorematum inde elicere queat Philosophus, præsertim ubi in ea præsupposita, quæ *Albertus* Philosopho Christiano à Theologo, n. 8. mutuanda scribit, omnes Christiani non conspirent, sed in varias interpretationes distrahantur. Transibit quippe ea discordia in theses Philosophorum inde eliciendas, quam Philosopho ut tali componere impossibile erit; eoque ex ista mixtura Theologiæ nihil lucrabitur Philosophus præter lites inextricabiles. Sed quod exempli causa adfert *Albertus*, quod per propositiones illas inusitatas, personales & sacramentales, locupletior reddatur Logica, non adparet. Nam quod inusitata illæ vocentur, id inde est, quod ratio humana capere nequeat connexionem subje-

subjecti & prædicati; de qua pronunciare, recte an secus se habeat, non ad Logicam spectat, sed ad Theologiam. Ex quo sane quæ peculiaria sibi formare theorematâ possit ars Logica non video. Cum enim Logicus quæ talis tantum sollicitus esse debeat de formali velut structura propositionum, earumque conjunctione aut disjunctione ad eliciendam formalem consequentiam: igitur ipsius ut talis non est in materialem qualis veritatem propositionum inquirere. Eoque Logico ut tali propter quasdam propositiones Theologicas, captum humanum superantes, non magis opus est nosse doctrinam de unione personali & sacramentali, quam eidem opus est nosse medicinam propter hanc propositionem; Rhabarbarum habet vim purgandi, sanguis movetur in circulum. Alias enim confusio fieret omnium disciplinarum & eodem jure Grammatico ut tali noscendæ forent omnes essentia, quia ille vocabula & phrasas suppeditat formandis enunciationibus. Sic neque dogma illud de aënis supracælestibus, quod secundo loco adfert *Albertus*, Physicam multum videtur locupletare. Præterquam enim quod non omnes Christiani loca Scripturæ, ubi earum mentio fit, eodem modo interpretentur, quælis antequam composita sit, dubium erit, quis ipsis locus in systemate mundi assignari debeat: etiam assumpta interpretatione plerumque; nostratum Theologorum, non parum difficultatis istæ aquæ dabunt. Nam manifestum est, omnes istos, qui hanc interpretationem amplexi sunt, systema Ptolomaicum, & orbes illos veterum reales supposuisse, quorum uni quicquid est stellarum præter Planetas affixum sit. Cum autem recentiorum observationes diversam plane systematis mundi faciæm deprehenderint, non adeo in proclivi erit iisdem idoneum locum ultra omnes mundanos vortices attribueré. Quicquid hujus tamen sit, cum illæ aquæ in sensus hætenus non incurrerint, & nulla super iisdem extent phænomena, Physico sane Christiano nihil de hisce dicendum restat, quam neque de istis omnium Christianorum interpretationem conspirare, neque ope sensuum quidquam de istis huc usque deprehendi potuisse.

§. 15. Inde n. 9. novum nos modum, quo à revelatione status integri in doctrina de jure naturæ abstrahendum sit docere aggreditur *Albertus*. Nimirum eum à Christiano Philosopho exactè cognoscendum, sed cognitum non proponendum, sed tantum præsupponendum esse, ut in iis, quæ sui fori sunt, proce-

procedat rectius & tutius. Enimvero ejusmodi modus abstrahendi hactenus in Philosophia inauditus fuit, ut abstrahere idem sit, quod ex alia disciplina tanquam ibi demonstratum præsupponere, & citra ulteriorem disquisitionem assumere, eique ulterius Theoremata superstruere. Qui enim circa certum negotium ab aliqua cognitione abstrahit, is eam ibi plane non attendit, & gerit se non aliter, ac si de ista plane sibi nihil constaret, eoque ex aliis principiis sua dogmata deducit. Qui autem aliquid præsupponit, is licet eo loco circa idem demonstrandum non sit sollicitus, id tamen semper præ oculis habet, suaque dogmata ad idem semper refert. Sicuti nemo unquam tam absurdus fuit, ut diceret, v. g. Opticum aut Astronomum à theorematibus Geometricis abstrahere, qui eadem præsupponit, & suas propositiones iisdem superstruit. Unde nostra sententia est; posse ejus naturale demonstrari, posse huic disciplinæ suam constare integritatem, in promptu eidem esse domesticæ principia, aut quæ saltem à Theologia non dependeant; licet quis plane ignoret statum integritatis, aut cognitum non præsupponat. Eoq; Philosopho, qui idem Christianus est, doctrina de statu integritatis utique cognoscenda est, sed hoc duntaxat fine, ut articulos fidei suæ plene teneat: non autem ad hoc, ut philosophetur, ut disciplinam juris naturæ & gentium adornet universalem, & quæ ad captum omnium hominum sit, atque controversias super peculiari cultu divino transcendat. Sicuti v. g. medicus Christianus nosse quidem debet, mortem & quicquid morborum homines infestat, stipendium peccati esse, adeoque à statu integritatis abfuisse, sed ut tamen hanc notitiam in nulla parte medicinæ præsupponat. Manifestum præterea est hoc novo abstrahendi modo nostram disciplinam Theologorum controversiis implicari, & velut tributariam horum imperio subjici, sic ut ejusdem Doctoribus nihil aliud relinquatur, quam *Alberti* alicujus, aut *Schwarzii*, aut *Gesni* dictata & collegia manuscripta adorare, & anxia voce imitari tanquam oracula eorum, qui supremum jus vitæ & necis in nos habeant. Quo quidem bonis & erectis ingeniis nihil acerbius accidere possit. Denique hac, quam *Albertus* commendat, via nihil aliud quam Theologia moralis producit; cui quidem status integritatis necessario præsupponendus. Verum hac morali Theologiâ nostra disciplina longe latior, & magis universalis est, domesticis principiis innixa, ac tradens officia hominum

& regulas expediendorum negotiorum, quæ ex peculiari religione, aut voluntate imperantium civilium haud promanant. Eoque si quod datur officium, quod ex nostra disciplina deduci nequeat, id ex Theologia morali aut jurisprudentia civili est derivandum. Sic ut revera ubi jus naturæ & gentium deficit, ibi Theologia moralis & jus civile incipiat. Est autem plane absurdum, disciplinam magis universalem hypothesebus disciplinæ minus abstractæ superstruere. Cum hic nativus ordo disciplinarum sit, ut generales & simpliciores præcedant, particulares & compositæ sequantur, & hæc illas, non vice versa, præsupponant. Quemadmodum Theologia naturalis, quam aliqui etiam ad jus naturale referunt, ordine & natura prior est Theologia revelata, & hæc illam, non illa hanc præsupponit; quatenus autem illa ad finem hominis non pertingit, hæc supplet. Et prius utique quis homo, quam Christianus esse concipitur. Homines quippe nascuntur, Christiani fiunt, adeoque & officia hominis ut talis, quam Christiani, prout hæc aliquid istis superaddunt, priora concipiuntur. Atque inde *derivatur* est, disciplinam, quæ de officiis hominis ut talis tradit, hypothesebus disciplinæ, quæ de officiis Christiani ut talis agit, superstruere.

§. 16. Pronunciat deinde *Albertus* ex nova sua abstractione hominem in disciplina juris naturalis concipiendum esse non alium, quam sub initium fuit; non ut orbis indigenam, aut terræ filium; & non ut casu in illum projectum; sed ut integrum & ad imaginem Dei creatum. Ubi observandum, omnino quidem hominem ut integrum creatum esse concipiendum, si quis methodo Albertinæ insistere velit, quippe ex qua revera nihil aliud quam Theologia moralis provenire apta est. Sed in disciplina juris naturalis universali, & quæ peculiarem cultum divini Numinis transcendit, quam nos adornatum vivimus, plane non necessum est certi & definiti quid super originibus generis humani asserere; sed ea res ibidem in medio potest relinqui, tanquam quæstio historica & facti, quam sola ratiocinatione, aut ex observatione naturæ rerum & hominis nunc assequi impossibile est. Quando autem in disciplina juris naturalis occupati sumus circa demonstrationem hujus propositionis: status hominis sibi soli relictus, absque auxilio aliorum hominum est mittimus: ad majorem ejus illustrationem dicimus, huic propositioni suam constare veritatem, quamcunque quis originem generis humani velit

velit præsupponere, quatenus quidem ex sola ratione jam colligere licet. (Nam notitiam de veris humani generis originibus, & primæva felicitate solis sacris literis debemus.) Adeoque in nostra disciplina super veris generis humani originibus nihil certi aut definiti asseritur; sed tantum hoc adstruitur, hominem sibi soli relictum fore miserimum, quæcumque quis ductu solius rationis opinionem de prima hominis origine concipiat, fingatvè. Conferatur si placet §. 4. *Dissertat. nostra, de statu hominum naturali.* Ubi & hoc obiter monendum, de suo affinxisse mihi *Albertum* hoc vocabulum; homo non ut *casu* in mundum projectus concipiendus est. Nam id quidem d.l. in meo libro non extat; & revera absurdum est, solam rationem sequenti concipere hominem casu in mundum projectum: sed dico *utcumq;* seu *undecumq;* *projectum*, ut significarem, me hoc loco veras origines generis in medio relinquere, ac thesi meæ veritatem constare, qualescunque demum fingantur. Ratio autem quam dictato suo *Albertus* subjungit, nihili est. *Id autem*, inquit, *nunc ex ea ratione fieri debet, quia homini jus naturæ non aliter inest, quam prout reliquias imaginis divinæ ex statu integritatis in nos traductas possidet.* Nam hæc ratio non tantum in jus naturæ quadrat, sed & in quasvis alias scientias rationi superstructas. Æque enim Arithmetica & Geometria, aliæq; scientiæ dici possunt esse ex reliquiis imaginis divinæ, ex statu integritatis in nos traductis. Neque ideo tamen in hisce scientiis homo necessario in statu integritatis est concipiendus. Alia porro est consideratio humanæ conditionis theologica; alia philosophica, quatenus ab illa cognitione abstrahit, quæ ex peculiari revelatione divinarum literarum profluit. Juxta priorem considerationem jus naturæ eo modo æstimatur, prout *Albertus* vult. Philosophus autem id tantum respicit, quomodo in præsens illa se habeat, non considerato, an olim ea aliter se habuerit. Exemplo res fiet clarior. Prodigio ex dissipato amplissimo patrimonio mille aurei adhuc supersunt. Ex hac sorte deinceps se sustentare, prodigendi sine facto, instituit. Hic ut intelligat, quantum ex hac summa lucrari possit, & quousq; reditus inde provenientes pertingant, non opus est, ut eam summam consideret tanquam reliquias magni patrimonii, & quotam partem illius hæc faciat: sed simpliciter spectat, quanta ea in præsens sit. Ast ubi idem ad rationes reddendas sit vocandus, omnino totum patrimonium, quantum id ab initio fuit, & quid nunc

rectet, considerandum est. Eodem modo Philosophus est sollicitus, quousque rationis lumen, quod in præsens penes hominem invenitur, pertinere queat. Sed Theologus, cuius est dispicere, quomodo homo rationes suas Deo ad probari possit, considerare utique debet, quanta fors ab initio homini divinitus fuerit credita, quantum hic postea sua culpa decoxerit, quid remedii ad reliquatoris pœnam declinandam sit adhibendum.

§. 17. Impugnat deinceps *Albertus*, quod ego asserueram, in disciplina Juris naturalis hominem nunc considerari, prout ejus natura est corrupta, & multis pravis cupidinibus scätens; addita ratione planissima, quod status integritatis soli rationi sit incognitus; cum tamen ex hac unice nostra disciplina fuerit extruenda, quo foret ad caput totius humani generis. Ubi & hoc patet, corruptionem humani generis haud quidquam præsupponi tanquam normam juris, sed tanquam affectionem subiecti, quæ lege naturali compescenda & emendanda sit. Contra *Albertus* pertendit, necessarium omnino esse, ut omnes nationes utantur jure universali, quod ad principia Theologiæ in nostris Ecclesiis receptæ sit adaptatum; Ac n. 11. quidem fatetur, non pauca juris naturalis præcepta usque adeo ad hominem corruptum respicere, ut in hominem integrum plane cadere nequeant, v. g. facilem esse ad condonandas injurias, subvenire miseris. Addo & ego, si quis accurate velit evolvere totum Systema Juris naturalis & gentium, deprehendet longe maximam ejus partem in hominem integrum, prout ejus conditio à nostratibus Theologis designatur, non cadere. Mox tamen n. 12. consulit sibi distinctionem inter principium & objectum Juris naturalis; quasi status integer sit principium ejusmodi axiomatum aut præceptorum, quæ tantum in statu corrupto intelligi possunt; corruptus autem status sit tantummodo eorumdem præceptorum objectum. Quam distinctionem credo juvenes imperitos magno prosecutos applausu, utpote quibus illæ subtilitates quam maxime solent esse admirationi, quæ obscuritate sua rebus in se perspicuis maximas tenebras offundunt. Et si statim num. 13. eandem popularibus verbis proponat: *Dei providentia, inquit, & beniginitate fieri, ut post lapsum inter reliquias imaginis divinæ nobis ea cognoscantur principia practica, quæ non tantum in eodem genere actionis moralis etsi in minore gradu hodie possunt observari, sed & adeas actiones, quæ statui corrupto sunt propria, in eodem valore extendi.* Id est, in statu integro extiterunt, axio-

axiomata, quæ nunc in statu corrupto ut tali sequenda sunt. Atqui heic quæri potest, utrum ista axiomata homini in statu integro actu in hæserint, ita ut v. g. actu intellexerit, quibus modis hominum egestati foret succurrendum, quæ ratione in defunctorum bona succedendum, quæ tutoribus adversus pupillos obligatio, quæ forma judiciorum, quæ ratio poenas exigendi, quæ bellorum, quæ foederum jura; antequam egestas, mors, delictum, poena, bellum in genus humanum caderet: an vero illa axiomata de inno post lapsum in animis hominum enasci cœperint. Utrumvis asserere velis, rem non exiguis implicatam tenebris deprehendes. Ast ex nostra mente planissimum est dicere; sicuti homini integro ex contemplatione naturæ suæ ratio regulas officii, quod in eam conditionem cadere poterat, suggessit: ita ratio homini corrupto itidem ex contemplatione naturæ & conditionis suæ officia illi conditioni necessaria suggerit. Pergit *Albertus* n. 14. *Statum integrum à Christiano cognitum fieri normam status corrupti, seu ex orthodoxa illius cognitione refutare in homine sana ratione uo dictamina non pauca, quæ ad observandas & confirmandas reliquias imaginis divinæ, nec non ad recuperandam perfectionem moralem, quantum viribus naturalibus fieri potest, nos obstringunt. Et ex hac causa inter præcepta juris naturalis sunt referenda.* Ubi monco, vix satis sibi heic constare *Albertum*. Nam nuper dixerat, talia axiomata nobis post lapsum connasci, quæ nunc apud Christianos ex cognitione status integri resultare pronunciat. Hæc duo quippe diversissima sunt. Nam quod connascitur, omnibus hominibus ut talibus adest: sed quod resultat ex cognitione status Christianis tantum noti, id in Christianos duntaxat cadit. Quo igitur jure regentur, qui articulum fidei Christianæ de statu integro ignorant aut agnoscere renuunt.

§. 18. Exinde patet, frustra operam ab *Alberto* sumi, quando vim obligativam status integri ad jus naturæ hodie refert vel formaliter vel normaliter. Nam uti hoc quidem certum est, quod omnia præcepta legis naturalis, quæ hominem in statu integro obligabant, eundem quoque in statu corrupto obligent: ita illa præcepta, quæ non nisi in corruptum statum cadere possunt, ad integrum statum tanquam normam referri, aut per extensionem quandam provenire, citra idoneam probationem, & inepte dicitur. Perinde ac si quis dicere velit, regulas curandi morbos per extensionem quandam ex diætâ sani hominis provenisse; aut diætâ febricitantis ad diætâ sani hominis normaliter referri. Quæ methodo an mul-

tum lucis accessurum sit medicinæ, Æsculapii filii viderint. Saltem ita longe petatum est illud *normaliter*, ut tantum ad tuendam utcumque thesin id sit inventum, non quod revera aliquid inde proficere hæc disciplina possit. Nam & tanta multitudo regularum, fere obscurarum, ab *Alberto* promulgatur, quæ confundere potius, quam dirigere aliquem in hac disciplina queant: & si quis vel maxime omnia, quæ super integritatis statu Theologi tradunt, noverit; tamen quid juris in statum corruptum cadat, idem distincte & plene non intelliget, nisi alia principia in subsidium adhibuerit.

§. 19. Videtur quoque *Alberto* displicuisse, quod cum jus naturale ad usum fori humani à nobis adaptetur, quod forum circa externas hominis actiones occupatur, ad ea autem, quæ intra pectus latitant, nec aliquem effectum aut signum foras produnt, non penetrat: idem jus *magnam partem* circa formandas hominis exteriores actiones versari dixerim. Cum contra Theologia moralis id maxime laboret, ut animi motus ad placitum Numinis componantur. Ad hæc reponit *Albertus* n. 21. *Honestum non consistere in sola actione exteriori, quæ etiam ab hypocrita splendide & in speciem exerceri potest, sed primario nititur ipsa interna actionis bonitate.* Atqui ne *Albertus* putet, hoc à nobis fuisse ignoratum aut negatum, inspiciat *operis nostri de Jure N. & G. l. 1. c. 7. §. 4. & 6. & c. 8. §. 2. 3.* Et quando dicimus *magnam partem*, satis significamus, ab eodem etiam interiores animi motus non plane in super haberi. Enimvero cum duo sint fori, quibus actiones suas ad probare debet homo, divinum & humanum, cujus fori discrimen passim insinuavi; convenientissimum fuit visum curam divini fori relinquere Theologiæ, quæ actiones humanas potissimum considerat, prout respectum habent ad Deum, ejusque voluntati congruunt vel non congruunt, & quæ remedia sint propitiando DEO ad expiandas quæ tam varie committuntur à lege aberrationes. Juri autem naturali præcipuæ curæ est forum humanum, quod licet & ipsum intelligat, actiones, quibus ulla ab agentis animo labe adhæret, in foro divino reprobari; cum tamen ratio humana nullum jam remedium idoneum, & cui secure queat ad quiescere, inveniatur expiandis apud Numen delictis, inde ea cura ad Theologiam remissa id maxime spectat, quam efficaciam humanæ actiones ad conciliandos aut irritandos homines habeant, & quaratione negotia hominibus invicem intercedentia sint temperanda. Cum autem

Deus

Deus maxime interna animi respiciat, homines autem iis afficiantur, quæ in actum exteriorem prodeunt, sensusque feriunt; ratio sane adparet, quare disciplinæ juris naturalis majori ex parte circa exteriores hominis actiones sit dispiciendum.

§. 20. Sed nec omnia ad palatum *Alberto* videntur, quæ à me super hac quæstione tradita sunt: Num jus naturæ idem fuerit in statu integro, atque incorrupto? Quæ huc redeunt, quod utrinque quidem summa ejus juris capita sint eadem; sed circa particularia præcepta discrimen aliquod emerget. Nam ex affirmativis quidem præceptis illa in statu integro locum non invenisse, quæ vel præsupponunt institutum à felicissima hominis conditione abhorrens, vel sine morte & miseria non intelliguntur. Sed & convenientius videri cætera legis naturalis officia præceptis potius affirmativis juberi, quam eorum intermissione negativis sanciri, ubi nulli pravi cupidines adsunt, qui in talia delicta propellant; etsi alias quodvis præceptum affirmativum virtualiter interdictum omnis oppositi contineat. Unde non est quæstio: num homini integro eadem vitia fuerint vitia, quæ nunc sunt corrupta, seu num eadem tunc, quæ nunc, inhonesta fuerint? Sed hoc quæritur, num capita legis naturalis in quovis genere actionis in statu integro affirmativis potius, quam negativis præceptis, seu quæ potius virtutes juberent, quam vitia diserte prohiberent, exprimi convenientius fuerit? Quorum prius à nobis ex evidentissima ratione fuit adsertum. Neque vero quæ *Albertus* in contrarium habet, alicujus sunt ponderis. N. 12. agnoscit, in honestum eo ipso, quæ præcipitur honestum, actu oblique prohiberi. (Satiùs fuerat implicite dicere; quia quæ hoc modo prohibentur, directe prohibentur.) N. tamen 13. asserit, certa non minus & expressa extare axiomata, quibus jus natura inhonesta prohibet, ac quibus honesta præcipit. Rationem subjungit n. 24. quia homo integer, si præsertim status integritatis fuisset continuatus, etsi vires semper habiturus fuisset ad legem implendam; exercitium tamen earum in libertate erat positum, ut posset iis uti PERINDE ac abuti. Atqui licet hominem integrum peccare potuisse eventus ostenderit; non tamen credendum est ejus libertatem ita velut in æquilibrio constitutam, ut non magis versus bonum, quam versus malum vergeret. Quin potius cum ab homine integro non solum pravi cupidines exulaverint, sed & idem in statu gratiæ per possessionem imaginis divinæ constitutus fuerit, omnino insignis vergentia in ipso ad bonum, & abhorrentia

rentia ultronea à malo statuenda est. Alias enim ego quidem non capio, quomodo homo regeneratus, in quo tamen radix mali hęc nunquam plene extirpatur, aut otiosa & inefficax redditur, per gratiam divinam eo usq; provchi queat, ut lege Dei delectetur, ut detestetur peccatum, ut doceat sibi tantum facultatis non esse ad implendum bonum, quantum est voluntatis: si voluntas hominis integri, qui nullum mali fomitem intus habebat, & quem major utrique gratia Spiritus Sancti sustentabat, quam hominem regeneratum, in æquilibrio ad bonum & malum fuerit constituta, ut libertate sua *perinde* posset abuti, quam uti. Omnino igitur convenientius videtur ei, in quo magna ad bonum, nulla ad malum proclivitasprehenditur, officii sui regulas præceptis potius affirmativis quam negativis proponi, ctsi de cætero æqualis ad utraque observanda sit obligatio. Caveat igitur *Albertus*, ne dum circa mea tradita nodum in scirpo quærit, ipse sædo se errore induat, ac statum integritatis nobis plane subvertat. Sicuti & id nāris non nimis emunctæ argumentum est, quod n. 25, addit: *Ex hac causa Deum protoplastos in statu integritatis præcepto negativo à peccatoretraxisse.* DE LIGNO NE COMEDAS. Nam sermo nobis utique est de præceptis naturalibus, non positivis. Et d. l. ob præceptum istud hæc verba (*non positivum*) parenthesis inclusa sunt; ne fortasse *Albertus* putet, sese primum fuisse tam lynceum, ut rem tam abstrusam observavit. Et alibi sine dubio cogitationibus suis vagabatur *Albertus*, quando scribebat: Deum isto præcepto, *de ligno ne comedas*, protoplastos à peccato retraxisse. Nam de ligno comedere peccatum non erat, nisi Deus vetuisset; eoque Deus tunc vetat, non à peccato retrahebat; sed efficiebat, ut actus, qui lege naturali peccatum non erat, peccatum fieret.

§. 21. Posthæc operosus est *Albertus*, ut lēges naturales, quæ peccatum jam commissum præsupponunt, per extensionem ex statu integritatis deducat, utque regulas quasdam cudat, ex quibus intelligatur, quomodo status integer corrupto statui pro norma sit. Ubi id quidem certum est, non pauca particularia præcepta emeruisse post corruptam conditionem humanam quæ in integro locum plane non inveniebant. Verum ut ista *normaliter* in statu integro contineantur, non magis accurate dici arbitramur, quam si quis regulas curandi morbos *normaliter* referri ad regulas diætæ, quæ in sanum & robustum hominem cadit, asserere velit. Sed & in eo extra oleas vagatur *Albertus*, quod, ut necessitatem hujus exten-

ten-
sio-

tenſionis in ſtatu corrupto oſtendat, jaſtet; etiam in ſtatu integritatis, ſi diutius duraſſet, neceſſario in quibusdam illam adhibendam fuiſſe; in ejusque rei illuſtrationem exempli loco adfert, quod cum ab initio jure naturali non prohibitum fuerit, matrimonium inter fratrem & ſororem, id poſt multiplicatis hominibus etiam in ſtatu integro honeſtatis ſtudio prohibendum fuerit. Nam ſermo heic eſt de lege naturali, non de poſitiva, qua fratrum & ſorum conjugia prohiberi conſtat. Per talem autem extenſionem, qualem *Albertus* vult, id, quod ex iſta extenſione produci- tur præceptum itidem inter jura naturalia, non autem inter poſitiva lo- cum ſoriri debet. Eoque inter dictum connubium inter fratres & ſorores non provenit per extenſionem vetiti matrimonii in linea recta, ſed pecu- liari ratione nititur. Sed nec idoneam rationem adferre poſeſt *Albertus*, quare in genere humano integro poſt ipſius multiplicationem connubia fratrum & ſorum in vetitum ire debuerint. Nam quæ horum in cor- rupto ſtatu prohibitorum rationes afferuntur, de latius ſpargendis amici- tiis, ut nuptis præſidium eſſet contra injurias maritorum, aut ne cohabita- tio ipſorum inobſervata ſtupris præberet occaſionem, in ſtatum inte- grum non cadunt, abs quo itidem exulabat pudor, qui mihi aliis que inter præcipuas cauſas ejus interdicti allegatur. Deniq; abſurdū videtur dicere; aliquid in ſtatu integro vetitum fuiſſe *honeſtatis cauſa*. Hæc enim loquutio videtur præſupponere, aliquid minus honeſtum antea uſu fuiſſe frequen- tatum, v. g. Si Orientales populi dicant, apud ſe honeſtatis cauſa receptum fuiſſe, ut mulieres in publico velata facie incedant, aut à convivii viro- rum alienorum abſint, ſatis innuunt, diverſum morem quibusdam vitiis fomitem præbuiſſe.

§. 22. Tandem *Albertus* monet, circa eas extenſiones caute agen- dum eſſe, ne in exceſſu aut defectu peccemus; & ei malo evitando opero- ſum adparatum regularum huc inſervientium propinat. Circa quas illud ab initio monendum; earundem multitudinem & anxietatem certiffimo eſſe judicio methodi morbidæ, & ad extruendam aliquam diſciplinam in- eptæ. Cum contra, qui ad captum omnium hominum diſciplinam juris naturalis accommodarunt, una regula, eaque planiſſima rem abſolvant. Deinde illæ ipſæ regulæ non ſunt pars Theologiæ orthodoxæ circa ſta- tum integritatis, ſed ab *Alberto* excogitatæ ſunt ex collatione præcepto- rum juris naturalis, quæ in ſtatum corruptum cadunt, cum ſtatu integro.

Adeoque non possunt haberi pro axiomatibus, ex quibus ea disciplina extrui possit aut debeat; cum sint nihil aliud quam reflexiones super officiis in utrumque statum cadentibus, quatenus coincidunt, aut aliquam similitudinem inter se habent. Cum ergo an & quo usque regulæ Albertinæ valeant, non ex Theologorum scitis de statu integro, sed ex aliis principiis demonstrandum sit, quæ non alia possunt esse, quam observationes ex natura humana, prout ea nunc sese habet, petita; quid opus est per ambages vagari, ac tam obscuros, intricatos & paucis cognitos tramites sectari. Nam si ponamus aliquem, qui ad unguem calceat, quæ Theologi nostri super statu innocentie tradunt, qui idem tamen aliunde juris naturalis disciplinam jam non didicerit, ex istis quidem regulis non majores profectus in jure naturali faciet, quam ex Lullianarum figurarum vertigine. Et hæc quidem ad commenta *Alberti* monere visum fuit.

§. 23. Cæterum dum circa investigandam ejusmodi propositionem fundamentalem satagimus, non potuit non quoque occurrere illa disceptatio de notitiis naturalibus; quæ si ad liquidum deducta esset, nihil expeditius foret, quam dicere; illa juris esse naturalis, quorum notitiæ animis hominum natura foret insita; quæ deinceps suis cuique animus suggereret. Enimvero cum aliquid naturaliter notum esse duplici sensu dici queat; vel ut opponatur ei, quod ex divina revelatione fuit, aut per experientiam constat, & in facto est positum: vel ut opponatur ei, quod viribus naturalis rationis citra omnem informationem aut ratiocinationem cognoscitur; in neutra acceptione provenit propositio, scopo nostro satis accommodata. Si enim naturalis notitia in priori sensu capiatur, legi naturali nihil eximii præ cæteris scientiis tribuitur, quæ ex solo rationis lumine promanant. Hoc modo enim Logica, Arithmetica, Geometria, natura notæ dici possunt, quia neque ad eas addiscendas revelatione supernaturali opus est, neque observationem historicam & experimenta eadem præsupponunt. In hisce si quis circa demonstrandas propositiones nihil aliud asserre velit, quam quod natura notæ sint, parum efficiet; cum ad liquidam & firmam scientiam percipiendam distinctæ & propiores rationes requirantur. Adeoque si v. g. demonstrandum sit, in triangulo tres angulos esse æquales duobus rectis; & nihil aliud quis asserre velit præter hoc, quod ratio naturalis id dicitur, is qui-

is quidem inter Mathematicos nunquam illustris erit; ast si naturaliter notum capias in posteriori sensu, pro eo quod ab ipsa nativitate per modum actualium & distinctarum propositionum citra ullam antegressam informationem aut ratiocinationem animo inhæret, ne sic quidem propositionem habebis scopo nostro congruentem. Quid enim si contingat non singulos tantum homines, sed & integras nationes super præcepto aliquo legis naturalis dissentire, quæ via tunc erit verum investigandi? Cum nemo recordari queat, quid sibi nascenti in animo hæserit. Ergo deferetur controversia ad recens natos infantes, ut ipsi dispiciant, utra ex sententiis, super quibus controversitur, in animis ipsorum jam hæreat. Quod si quis reponat, utique infantes habere notitiam istarum propositionum, verum directam tantum non reflexam, seu nosse quidem istas, sed quod noverint, id non nosse, nec de eo cogitare, aut meminisse; is sciat, non usque adeo arduum quidem esse distinctionem qualemcunque comminisci; sed ut revera existat, quod nuspian est, utque cordati homines istud animo concipere queant, id vero oppido quam difficile esse. Sed & notum est, quantæ super istis notitiis innatis disceptationes agitatae sint. Aristoteles tabulæ nudæ animum hominis nascentis assimilavit, cui tamen quidvis possit inscribi. Multis nihil in animo esse traditur, quod non prius fuerit in sensu, ac si omnis nostra scientia in animum sese ope sensuum penetraret. Quod effatum recentiores quidam Philosophi impugnant hac exceptione, quod utique idea Dei, item idea harum propositionum, *ego cogito, ego sum*, in animo sint, quæ nunquam in sensu fuerit. In quos tamen & ipsos alii vicissim arma movent. Alii observant, inesse animo hominis non solum facultatem res adprehendendi, sed & illas inter se conferendi, ac in quo conveniant aut discrepent secerndi, & ex considerata ea convenientia aut disconvenientia novas notiones eliciendi, quas in sensu prius fuisse minus recte dicitur. Unde evenit, ut felicia cum primis ingenia multa intelligant & norint quæ nunquam auditione aut lectione perceperunt. Prorsus uti fertiles agri inspersa semina multo cum fœnore reddunt. Sic & de causis & consequentiis rerum judicare potest animus humanus; id quod inter objecta sensuum referri non posse videtur. Eoque ita corrigunt vulgatum istud, ut nihil in memoria sit, quod non fuerit in sensu; ut tamen in mente multa sint, quæ per sensus ingressa non sunt. De cætero nemini mortali

lium constat, quales sint imagines rerum, & quæ earum consecutio in animis infantum, antequam fari queant. Nam ex quo usum sermonis habemus, cogitata nostra in animo tanquam propositiones verbis constantes tacite volvi in aprico est. Quo autem modo & quibus incrementis sermo cinandi facultas comparetur, nemini non constat. Scilicet ex frequenti audirione primo addiscuntur nomina rerum, quæ quotidie sensibus obversantur. Inde progressus fit ad verba communissimas actiones exprimentia, sed quæ modo infinitivo tanquam simplicissimo primitus offerri solent. Inde paulatim nomina & verba combinantur. Inflexiones nominum & verborum, aliæque particulae pedetentim, addiscuntur; Orationes autem apte connectere rationis jam adolescentis opus est. Atque iisdem incrementis ista mentalis oratio, quæ per cogitationes tacitas in animo sese explicat, procedere videtur. Enimvero quia principia scientiarum ita perspicua sunt, ut facili negotio & levi ex occasione sese animis hominum insinuent, sic ut fere recordari nequeamus, quando primum ea hauerimus, ipsæque adeo non tam extrinsecus in animum penetrare, quam in eo jam latitare, & per externam occasionem excitari videantur: inde in tralatitium dogma invaluit, semita scientiarum animis hominum connasci, quæ habitum quandam imperfectum constituent; qui dein adhibita cultura & disciplina in perfectam scientiam adolescat. Aliis tamen omne, quod naturalis notitiæ vocabulo venit, in potentia propinqua tantum animis à nativitate inhaerere asseritur. Cæterum uti alios cum habitibus suis imperfectis, & potentiis propinquis luctari æquo animo patior: ita disciplinam juris naturalis ex contemplatione naturæ rerum & hominum deducere instituenti non potuit, non rejici illa assertio; quod animis hominum ab ipsa nativitate congenita sint, & velut impressa juris naturalis saltem generalia præcepta ad modum *actualium & distinctarum propositionum*, quæ statim atque usus sermonis asserit, citra ulteriorem informationem aut meditationem ab homine proprio Marte possint exprimi. Ad has enim ex sola ratione deprehendendas aliis experimentis opus est, quàm quæ hæcenus haberi potuerunt. Cæterum postquam actuales istæ & distinctæ propositiones ex quotidiana infantium inspectione, adeoque ex natura hominis, prout ea in sensus nostros incurrit, non adparent; ad autoritatem S. Scripturæ confugitur, & cum primis urgetur, quod

quod *Rom. II. 15.* lex naturæ cordibus hominum inscripta dicitur. Enimvero hoc ipso, quod ea assertio non aliunde quam ex sacris literis hausta est, instituto nostro parum quadrat, quo omnia ad lumen rationis referimus. Deinde phrasis illa, quæ non in divinis tantum literis, sed & alios apud autores occurrit, manifeste metaphorica est; cujus emphasis firmitatem, stabilitatem & velut indelebilitatem notitiæ istius, nequaquam autem peculiarem modum ejus notitiæ comparandæ insinuat. Unde cum in aliis omnibus locis hæc phrasis notet notitiam adquisitam; nulla ratio reddi potest, quare in solo isto loco eadem significet notitiam ab ipsa nativitate per modum actualium & distinctarum propositionum inherentem. Nisi forte insipidis *Schurvarzii* glossis infallibilis autoritas sit tribuenda, qui post verba illa, *opus legis cordibus ipsorum inscriptum esse*, infercit, *antequam illud faciant, aut ratione sua utantur*. Cujus tamen assumpti fundamenta nulla in ipso textu deprehenduntur, cum haud quidquam de infantibus ibi sermo sit, aut qui ratione sua nondum uti norunt, sed de talibus, quibus invisibilia Dei ex visibilibus & ex rebus creatis perspecta esse poterant. Neque vero ulla heic glossa opus est, cum verba immediate sequentia clarissime pondus istius phraseos explicent. *Gentes, quæ legem scriptam non habent, tamen natura opera legis faciunt, eoque sibi ipsis lex sunt, ac demonstrant opus legis cordibus ipsorum esse inscriptum: siquidem conscientia eos convincit, & cogitationes se invicem accusantes & excusantes*. Ex quibus verbis hicce planissimus resultat sensus: Notitia legis naturalis, quæ ex contemplatione creaturarum absque peculiari promulgatione, qualis Judæis configit, oritur, non superfunctoria est, & quæ facile iterum evanescere & deleri queat; sed penitissimo infixæ est animo, sicut ubi quis contra eam legem peccarit, ipsa conscientia eum convincat, & cogitationes inter se accusantes & excusantes. Unde & locutio illa, quam Tenebrio iste velut solennem confessionem crepat: *lex natura est inscripta cordibus per imaginem Dei*, revera huic loco Paulino non quadrat, ubi non per imaginem Dei, sed per contemplationem creaturarum lex inscribi cordibus dicitur. Quanquam si omnino imaginis divinæ mentio sit heic facienda, hic sensus sit planissimus; quod homo ex visibilibus invisibilia Dei cognoscere possit, id ipsum exinde esse, quod idem ad imaginem Dei creatus sit. Inepte quoque ab Eodem adducitur dictum *Jer. XXXI. 13.* Nam si ex hoc *Schurvarzii* exculpere velit, legem

naturalem nascentibus per modum actualium & distinctarum propositionum inherere, præsupponendum ipsi est, quod Deus eodem modo intellectum hominis illuminet in generatione, quo cum illuminat in regeneratione; & quod lex Dei in regeneratione intellectui hominis inscribatur per modum actualium & distinctarum propositionum citra ullam informationem. Quod quomodo sit, liquido probaturus ipse viderit.

§. 24. Dispicendum quoque paucis est, num fundamentalis propositionis locum subire possit hæc; *Honestum* sunt facienda, turpia sunt omittenda: quam quidem *Valentinus Velthemius Professor Jenensis* tanquam *principium primo-primum* venditat, abs quo omnis doctrina moralis primo procedat, & in quod ultimo resolvatur; in quo fundentur omnia alia præcepta legis naturæ; in quo prima ratio agendi contineatur; quod sit indemonstrabile, & unde decisiones omnium questionum ac casuum moralium prodeant. Ubi monemus, ut aliqua propositio usum, quem intendimus, exhibere queat, non quidem requiri, ut prima sit, aut prima prior, seu ut ejus ratio à priori non possit reddi. Sed tamen nec hoc sufficere, ut vera & extra dubitationis aleam posita sit: verum id quam maxime requiri, ut evidentem contineat rationem propositionum particularium, quæ in eam resolvenda sunt. Talem esse propositionem, quam nos fundamentalem constituimus, in aprico est; utpote quæ licet extracta ex observationibus, quas natura rerum & hominum suppeditat, à nemine tamen, qui sensum communem non egeravit, in dubium vocari potest; & particularium legis naturalis præceptorum evidentissimam rationem continet, in quam itidem hæc facillime resolviqueant. At axioma Velthemianum primo est mutilum, quippe in quo deest mentio subjecti, cui aliquid honestum aut turpe, faciendum aut omittendum sit. Sane enim brutis neque honestum aliquid, neque turpe est, eoque istis nihil ut honestum faciendum, nihil ut turpe omittendum. Deinde falsum est, eam propositionem usque adeo esse primam, ut ejus ratio à priori reddi non possit aut debeat. Cum enim honestum sit, quod ad honorem & existimationem hominis augendam aut conservandam facit, seu quod conditionem, personam & dignationem ejus decet; turpe autem contrariam habeat naturam: utrumque sane ex accurate inspecta natura & conditione hominis est investigandum; eoque omni-

omnino illi viæ, quam nos tenuimus, est insistendum. Investigato autem quid hominis conditionem deceat, inquirendum jam est, unde ipsi, tanquam agenti libero, necessitas sit utique faciendi quæ honesta, omit-
tendi, quæ turpia vocantur. Quod ultimo tandem & voluntate & jussu Creatoris provenire, ex ipsa natura rerum & hominis Philosopho est de-
monstrandum. Eoque observationes ex natura rerum petita revera
sunt ultimum illud in scientiis humanis, quo ubi perventum fuerit, nul-
la amplius ratio à priori locum habet. Qui autem diversam à nobis se-
ctantur viam, circulari sua demonstratione sibi & aliis illudunt; Ab his
quippe si quæras, quid honestum sit; respondent, quod cum recta ra-
tione convenit. Si quæras, quid sit cum recta ratione convenire; re-
spondent ex *Aristotele*; rectam rationem esse, quæ non prohibetur opus
suum exercere per appetitum sensitivum. Si ulterius urgeas, unde con-
stat, rationem ab appetitu sensitivo non prohiberi opus suum exercere:
respondebunt demum; quando ratio honesta facienda, turpia omitten-
da dicitur. Nec liberantur isti homines sua vertigine, si vel maxime
ponamus, dari honesta & turpia per se. Nam tunc eadem quæstiones
recurrent; unde constat, hoc vel illud in se & sua natura honestum aut
turpe esse. Ad quod iterum vel nugatoria responsiones erunt repo-
nenda; vel tandem id ipsum ex natura rerum & hominum erit deducen-
dum. Sic nemo vel hilo sapientior potest fieri illa doctrina *Veltbemii*,
quam in *prooemio Synopsos sue MSæ §. 21.* proponit. *Fundamentum juris
naturalis esse naturam objecti juris naturæ, seu naturam actuum, de quibus
lex naturalis proponit. Rationem esse, quia actus illi, qui objectum juris natu-
ralis esse dicuntur, talis natura sunt, ut si quis recta ratione utitur, & de hisce
actibus practice judicare velit, aliter judicare nequit, quam quod hujusmodi
actus ex sua natura necessarii sint in genere morum.* At quid respondebit
Veltbemius, si quis ulterius quærendo instet, quo demum indicio alicui
constare queat, se recta ratione fuisse usum? Quod si autem aliquis cum
Veltbemio dicat; ubi huc usque perventum fuerit, ut respondeatur, hoc
vel illud in se & sua natura turpe esse, non ulterius quærendum esse; ac si
adquiescere nolit, colaphos & fustes ipsi intendantur: tunc suaserim
quidem, ut puer aliquis niveni atram faciat potius, quam ut sævitiam
tam duri magistri in se irritet. Sed qui manum ferulæ subdixerunt,
non eo minus plagosum istum *Orbillum Anticyram* navigare jubebunt.

Nam

Nam stultum quidem est, primorum principiorum rationes exquirere; sed stultius pro primis principiis venditare, quæ magnæ adhuc disceptationi obnoxia sunt. In primis autem observandum, hæc effata; *honestum est faciendum, turpe omittendum*, in disciplina juris naturalis esse valde sterilia, & quæ ad alia dogmata eruenda parum lucis afferant. Nam in disciplina morali versantes præsupponimus, vel plena & facili demonstratione agnoscimus, honesta, seu quæ hominem decent, esse facienda, contraria omittenda. Enimvero de hoc investigando sumus solliciti, quænam sint illa honesta, quænam turpia, & ad hoc dignoscendum idonea axiomata & observationes quærimus; & hanc propositionem pro fundamentali amplectimur, quæ universale aliquod præceptum hujus rei suppeditaverit. Eoque omnia quidem, quæ in praxi morali exprimenda sunt, ad hæc duo capita revocantur; honesta sunt facienda, turpia omittenda; sed qua infallibili nota utrumque dignoscatur, ex aliis fundamentis est deducendum. Quod si autem aliquis dicat, evidentiam hujus ratiocinii, (v.g. honesta sunt facienda, suum cuique tribuere est honestum, qui promissum servat, tribuit alteri quod suum est; Ergo promissa sunt servanda;) facile constare illi, qui vitio ἀναδυσίας non laborat; is eo ipso fatetur, ut quis norit, an hæc vel illa species actionis honesta sit, non ex hoc axioma, (*honestum est faciendum*) deduci posse, sed ad hoc noscendum aliis principiis opus esse? Sicuti in medicina nihil magnifici præstabitur hisce effatis; salutaria sunt adhibenda, noxia est abstinendum; sed ut quæ cuique morbo salutaria sint, quæ noxia, intelligatur, hic labor, hoc opus est; cui sane finalia principia subservire debent.

CAPUT V.

De

ORIGINE MORALITATIS ET INDIFFERENTIA
MOTUS PHYSICI IN ACTIONE
HUMANA.

§. 1.

ET si quæ super hac materia tradidi, Divinis literis, sanæ rationi, ipsique rerum naturæ maxime convenientia sint; ita sinistra tamen eadem per homines malevolos aut propter præjudicia excutientes accepta,

pta, ita pessimis modis exagitata sunt, ut vix unquam ulli erudito fardjorem calumniam impactam crediderim. Et quanquam semel jam atque iterum publice declaraverim, quam procul & sententia & verba mea ab istorum hominum calumniis abeant; tamen postquam rei evidētia victos se cernunt, ab impudentia præsidium sibi mutuuntur, & calumniandi pervicacia saltem apud imperitos sinistram de me opinionem alere institunt. Eo operosius nunc eandem controversiam denuo deducere placet, ut saltem illud pretextum malevolis adimatur, me sententiam meam non satis clare exposuisse. Quod si deinceps quis veterem calumniam revomuerit, non alia defensione opus erit, quam ut mendacii opprobrium publice ipsi impingatur.

§. 2. Ut igitur denuo rem ab incunabulis repetamus, actionem moralem penitus introspicienti patet, aliquid in illis esse naturale seu physicum; aliquid morale, quod ab impositione, determinatione & definitione entium intelligentium promanat, Physicum est, quodcumque à potentiis homini congenitis, ut talibus, procedit; uti est non solum motus membrorum & artuum humanorum una cum effectū, quem motus iste per naturalem habitudinem in objecto producit; sed etiam actus animæ, per quem iste motus prævia cognitione, & ex decreto voluntatis prodire intelligitur, & ex quo consequitur, ut ejusmodi actus homini imputari, seu suus dici, & ipse ejusdē autor haberi queat. Sed ut plena actio moralis fiat, huic motui physico supervenit & accedit qualitas quæpiam seu affectio moralis, juxta quam actio illa bona & mala in genere morum dicitur; quæ affectio resultat ex congruentia aut disconvenientia ejus actionis cum norma morali seu lege, & quidē ut ea convenientia aut disconvenientia non temere & quasi fortuito, sed per ultronem applicationem & directionem hominis provenerit; i. e. ut homo sciens volensque actionem suam ad normam istam applicuerit, aut applicare noluerit. Hanc affectionem actionis, quam bonitatem & malitiam vocamus, esse qualitatem moralem, non autem physicam in aprico est; quippe cum illa non resultet ex affectionibus naturalibus motus, quod omnes agnoscunt, qui discrimen entium naturalium & moralium capiunt. Quæ autem neutra harum qualitatum imbuta est actio, eam indifferentem solemus vocare. Ex hac autem distincta consideratione adparet, quid sit illud in actione humana, ad quod Deus quoque, tanquam autor & con-

servator naturæ concurrir, & quid hominis sit proprium. Nimirum ad id, quod in actione humana physicum est, Deus quoq; concurrir; quippe qui & membra hominis, viresque & vim locomotivam conservat, nec non facultates animæ sustentat, ut homo intelligere, & velle ac nolle, adeoque actionem humanam edere possit. Hominis autem proprium & peculiare est, quod in actione ista est morale; nempe facultates & vires naturales, à Deo concessas & sustentatas applicare, & ad normam dirigere vel non dirigere; quæ applicatio & directio prout recte aut secus se habet, actionem bonam aut malam reddit. Ita tamen ut si quid ab homine recte fuerit actum, causam gloriandi & velut prætendendi quid adversus Deum non habeat, quippe qui vires homini suppeditavit, deditque ut eas recte applicare posset, nî ipse noller. Sed contra ubi secus quid ab homine actum fuerit, omnis culpa solius est hominis, quippe qui viribus à Deo concessis abusus est, aut uti neglexit. Qualitatem porro bonitatis & malitiæ moralis in actiones humanas ex relatione ad legem oriri, constat. Et ipsæ sacræ literæ peccatum vocant *aversionem* seu aberrationem aut defectum à lege. Ergo bona actio est aliquid cum lege congruens. Id quod vel pueri norunt, & qui nondum ære lavantur.

§. 3. Hunc igitur motum physicum, seu actionem humanam, quatenus ab omni lege tam naturali quam positiva abstrahit, indifferentem in genere morum pronunciamus, i. e. neque bonam neque malam. Quod dogma usque adeo nihil novitatis habet, ut etiam rusticis ex sensu communi cognitum sit, qui utique intelligunt, & applicare norunt tritum illud: Ubi nulla est lex, ibi nulla est transgressio. Et idem jam antea à me evidentissimis rationibus demonstratum est: Nam manifestam contradictionem implicat dicere; aliquid absque respectu ad legem, bonum ut malum esse in genere morum; cum ea bonitas & malitia resultet ex convenientia aut discrepantia actionis à lege. Et quia ad quamvis actionem humanam, isthoc modo consideratam, Deus tanquam autor & conservator naturæ positivo influxu concurrir; necessarium sane est eam in genere morum indifferentem pronunciare; cum alias Deus malæ quoque actionis autor & adjutor dicendus foret. Accedit & hoc, quod dentur actiones, in quibus motus physicus plane est unus & idem; quæ tamen moraliter diversissimæ sunt, & una ad bonas aut

aut licitas, altera ad malas refertur. Quod fieri non posset, nisi motus physicus absque respectu ad legem in genere morum esset indifferens. Sic vitam homini eripit latro, miles, carnifex, & qui se adversus invasorem defendit. Prior malam actionem perpetrat, ceteri bonam aut licitam. Id quod fieri non posset, nisi vitam eripere homini etiam voluntario absque respectu ad legem in genere morum indifferens foret. Sic idem cum eadem concumbit, dum adhuc soluta, aut cum altero nupta est, & postquam ipse eandem uxorem adscivit. Uterque concubitus in genere naturæ est idem; sed in genere morum prior peccatum est, posterior non. Ergo concubitus in genere naturæ, indifferens est: sed idem postquam ad legem refertur licitus, bonus aut malus evadit.

§. 4. Enim vero ne quis hanc assertionem justo latius extenderet, caute monui; non omnia vocabula actionem humanam significantia notare nudum motum physicum, à lege abstractum; sed plurima notare actionem plene moralem, bonam aut malam, adeoque una cum motu physico connotare respectum ad legem. Eoque ad nauseam usque inculcavi, pessime inferri hoc modo. Actio humana citra respectum ad legem est indifferens in genere morum. Ergo etiam homicidium, adulterium, furtum est indifferens in genere morum. Hæc quippe vocabula non notant nudum motum, physicum seu actionem sine respectu ad legem; sed quam maxime præter motum physicum connotant aberrationem à lege. Sic homicidium non simpliciter notat ereptionem vitæ, sed injustam & legibus repugnantem; adulterium non notat simplicem concubitus, sed talem qui legibus interdicitur. Et cum in finem à me adductus est locus ex *Aristotelis ad Nicomachum* l. 2. c. 6. ubi de indifferentia affectuum contra Stoicos disputat, & monet; quosdam affectus & actus ipso nomine cum pravitate implicari, i.e. non notare simplicem motum animi, aut actionem, sed motum animi & actionem legibus repugnantem; ut invidia, *ἔνvyς*, impudentia, item adulterium, furtum, homicidium. Sicut profecto inauditæ calumniæ exemplum sit, ex hæc doctrina fingere, à me statui, v.g. adulterium, furtum, homicidium esse in genere morum indifferentia. Sane enim adulterium non notat simplicem concubitus & commixtionem cum fæmina; sicuti furtum non notat simplicem contrectationem rei alienæ, qualis etiam est in usufructu, commodato, precario, locato conducto, sed aliquid am-

plius. Eoque contrectare rem alienam est indifferens, furtum autem est malum.

§. 5. Quanquam autem manifestum sit, bonitatem & malitiam actionum esse qualitates morales; scrupulum tamen movere potest, quod ex actionibus turpibus pudor, qui utique effectus naturalis est, proveniat. Jam si effectus in classe qualitaturnaturalium locum sortitur, utique & causam ejusdem, nempe turpitudinem, pari classe censendam. Quod dubium discussi l. 1. c. 2. §. 7. nempe nihil repugnare, ex qualitate morali produci effectum physicum; pudoremque non ex turpi tantum actione oriri, sed & aliis ex rebus, quibus nihil moralis turpitudinis inest; quod d. l. latius deduxi. Et huc etiam spectant verba in antecedente §. 6. à me posita, quæ non nemo improbe cavillatus est, & in alium plane & absurdum sensum detorquere non erubuit; quasi à me *omnes actiones indifferentes, & natura nihil turpe* statueretur. Ac ne quid scadarum artium, quibus cætera calumniatorum factio in hoc negotio usa est, ab ipso omitteretur, parenthesis de suo verbis meis inseruit, quæ plane à contextu meo abhorret: *Quod naturalem* (eorum quæ turpia habentur) *indifferentiam multi agre concipere queant, inde est, quod à tenebris istorum vitiorum detestatio nobis fuit inculcata, quæ opinio simplici adhuc menti impressa in vim naturalis cujusdam affectus videtur invaluisse.* Ubi manifestum est, parenthesis illam, quæ insercitur & contradictoriam producere propositionem (turpia naturaliter esse indifferentia,) & ab iis quæ ibi disputantur, plane abire. Nam utique verba immediate antecedentia in toto illo paragrapho satis ostendunt, me agere tantum de nudo motu physico citra respectum ad legem, non autem de integra actione morali, & quæ convenientiam aut disconvenientiam cum lege connotat. Aliud quippe est, si dicam: motus physicus, qui in furto intervenit, est indifferens in genere morum; aliud est si dicam: furtum est naturaliter indifferens. Prior thesis mea est: posterior per atrocissimam injuriam & calumniam mihi ab Asinio Tenebrione & ejus sectatoribus asingitur. Licet autem verba mea jam alibi sat plane sint exposita, & in se nihil sinistra suspensionis excitare queant, nisi apud eos, qui araneorum ad instar etiam ex innoxiiis floribus venenum trahere norunt: conabor tamen plusculum lucis istis asferre. Continent igitur illa responsionem ad tacitam quantam objectionem, quam innue-

innuere potius, quam expressis verbis ponere malui, quod ea mihi semper scribendi ratio arriserit, ut ingenioso lectori potius aliquid cogitandum relinquerem, quam nimis anxia rerum manifestarum inculcatione tædium ipsi moverem. Scilicet obijcere quis poterat, turpitudinem actionum esse qualitatem Physicam, ideo quod multi circa certa vitia naturalem quendam horrorem sentiant, sicuti quidam certum cibi genus cæteris gratum averfantur. Atqui cum averfatio ista sit passio quædam naturalis, causam ipsius, nempe turpitudinem vitiorum, itidem qualitatem esse naturalem, (& non moralem ex respectu ad legem resultantem,) credi posset. Ad hanc objectionem responsio dicto loco insinuat. Scilicet uti alias communi proverbio, consuetudo altera natura dicitur; ita etiam apud bene educatos à juventute tanta inolevit vitiorum quorundam averfatio, ut isti ab hisce abhorreere videantur, non tam quod legibus ista repugnare norint, quam quia affectus ipsi ab iis abhorrent. Quod alibi exemplo fratrum & sororum declaravi, quos carnali invicem amore exardescere monstri simile habetur, cum tamen matrimonia eorum positiva tantum lege interdici plurimi Theologorum & Jurorum agnoscant. Taliter igitur educatis vix subit originem istius averfationis ab interdicto legis arcessere, aut cogitare, motum Physicum, qui isti actioni subest, esse quid indifferens; sed turpitudinem talium actionum non alio modo repugnare homini arbitrantur, atque nimium calorem, frigus, dolorem, & quod præterea naturalium qualitatum homini est infestum.

§. 6. Cum igitur constet, bonitatem & malitiam in actionibus humanis esse qualitatem moralem, ortam ex convenientia, aut disconvenientia cum lege, lex autem autore & latore suo antiquior seu prior esse nequeat: consequitur etiam originem moralitatis ultimo ad legislatorem esse referendam, nec ultra ipsum retrahendam; eoque non fingendam esse honestatem & turpitudinem, quæ lege aut legislatore sit prior. Quod præter alia argumenta alibi jam à me adducta, etiam adplicari potest illud, quod ingeniosissimus Theologus *Jo. Andreas Osiander in Animadvers. ad Grotium* p. 60. habet. *Si daretur aliquod bonum aut malum morale ante legem, quomodo obligatio, quæ non nisi à superiore proficiscitur, ibi adesse posset? Nam bonum & malum morale involvit respectum ad personam, quæ ipsam actionem edit; cui si nulla est obligatio, neque etiam est bonum & malum.* Cum porro ratio legis sit actus maxime voluntarius, est quippe lex decre-

tum superioris; adparet ab origine moralitatis voluntatem legislatoris nec posse, nec debere excludi; eoque revera de omnibus actibus, quacunque lege præceptis aut vetitis dici posse; illos præcipi aut vetari, quia legislator voluit. Enimvero heic voluntas legislatoris non concipienda est tanquam cæcus quidam impetus animi & mera libido, nulla ratione subnixa, & quæ nullum alium scopum habeat, quam ut libertas subjectorum circumscribatur. Sed habenda est lex pro opere maxime rationabili, & quod subditis summæ rationis loco in actionibus suis dirigendis esse debeat. Inde etiam qui leges positivas ferunt, semper respiciunt aut respicere debent bonum aliquod ex earum observatione proventurum, licet id bonum, adeoque & ea ratio legis ipsis subjectis quandoque parum sit cognita. Ast naturalium legum observatio longe maximum & evidentissimum bonum humano generi producit; quippe cum Creator naturam hominis ita formarit, ut nisi observatis hisce legibus illud incolume esse nequeat. Sic ut ultima ratio harum legum sit, quia earum observatio ad naturam & conditionem hominis ita quadrat, ut ex illa hujus incolumitas & felicitas, sicuti ex ejusdem neglectu calamitas, miseria & destructio, dependeat. Naturam autem suam homo à volente utique Deo sortitus est; neq; homini lex naturalis injungi potuisset, nisi & natura hominis, & certarum actionum ad eandem habitudo à DEO producta fuisset.

§. 7. Ex dictis porro colligitur, quam ob causam & quo sensu à me sit rejecta hæc propositio; ea de quibus lex naturæ disponit, per & in se & sua natura sunt honesta aut turpia: nempe quatenus per hanc propositionem Deus, ejusque voluntas à prima origine moralitatis excluditur, & hujus vel nullum plane certum principium, vel aliud extra & præter Deum legemque statuitur. Alias enim eandem in certo sensu lubenter admittimus. Et quidem primo eam probamus, si *per se & sua natura* opponatur impositioni, conventioni & opinioni humanæ. Sicuti & *Aristoteles* justum naturale opponit legibus civilibus & positivis, quæ non ubique valent, quæque ex impositione humana, conventionem aut opinionem oriuntur. Deinde admittimus eandem, si addatur mentio subjecti, cui ea in se & sua natura honesta dicantur, v.g. dantur actus, qui per se Deo non convenient, i.e. qui salva ipsius perfectione & citra contradictionem in eum cadere non possunt. Item, dantur actus in se & sua natura honesti aut turpes homini; seu quia natura hominis ita est comparata, ut ista non possint

possint non eidem congruere vel non congruere: Adeoque quicumque per hanc locutionem Deum legemque divinam ab origine moralitatis divinam ab origine moralitatis non excludunt, quique *per se & sua natura* ultracreationem non retrahunt, idque se antecederet ad Deum, ejusvé voluntatem & dispositionem habere negant, mihi nequaquam contradicunt, aut si & ipsi clamores in me tollant, cum propria umbra stolide luctantur. Inde & plane cum sententia mea conspirant, quæ in *Prottheoria Annotatorum in Grotium* n. 18. proponit *Valentinus Albertus*, Professor Lipsiensis. *Compendium orthodoxum juris naturalis*, quam maxime enixus. *Honestum*, inquit, quod ad utrumque statum (integrum & corruptum) pertinet, est simpliciter tale, dependenter tamen à Deo. Res se ferme habet, sicut cum propositionibus necessariis essentialibus. Homo sane non potest non esse rationalis, quia alias non esset homo. At enim hac essentia humana necessitas dependet à decreto divino, quo illa sic immutabiliter ordinata ac definita est. Quemadmodum porro jus natura necessarium omnino est, nec valet, ut *Aristoteles* loquitur, quia ita videtur, vel non videtur: legislatorem tamen, quia lex est, requirit: ita honestum simpliciter semper tale est, & arbitrio nostro eximitur, salva tamen, quam à DEO omnis boni fonte habet dependentia. Sic & Idem ad *Prolegomena Grotii thesi* IV. §. 17. recte externam causam juris Naturæ vocat Deum, quia ut talia principia in nobis existerent, ipse voluit. Et §. 18. Unde constat de dependentia obligationis in jure naturali à Deo; adeo ut si daverimus non esse DEUM, aut non curari ab eo negotia humana, nullum etiam locum juri naturali relinquere possumus. Lex enim sine latore legis non magis esse potest, quam effectus sine causa. Sic ad I. I. C. I. §. 11. Idem objectum juris naturalis dicit actus debitos aut illicitos per se, prout conveniunt, aut repugnant dictaminibus status integri hodiernum validis: quæ ut existerent in nobis, Deum voluisse supra tradiderat. Et tamen Idem ad §. 18. d. l. sui oblitus, & velut vertigine correptus, revera Deum ab origine legis naturalis excludit, dum repetit & adprobat sententiam *Grotii* falsam & ineptam, & quæ, uti suspicor, propter solam amœnitatem figuræ rhetoricæ ipsi imposuit. *Objectum juris naturalis*, inquit, sunt actus debiti aut illiciti per se; positivi divini indifferentes. Hinc illos præcipit Deus aut vetat, quia in se justus aut injustus sunt: hi justus aut injustus sunt, quia Deus præcipit eos aut vetat. Ubi sane & ipse *per se & in se* præcepto, voluntati & dispositioni divinæ opponit. Quid ergo ad jus naturæ Deus contulit, si actus illi ante ejus præceptum in se justifuerunt

fuerunt aut iniusti? Humanis equidem legislatoribus illud per se justum & injustum opponi debet, nequaquam autem Deo, qui voluit & fecit, ut actus illi necessario humanæ naturæ congruerent vel non congruerent; & quem nulla necessitas subigebat, ut istos actus præciperet aut vetaret, nisi quam ipse sibi fecerat, & quæ fluebat ex fine, quem ipse sibi libere proposuerat.

§. 8. Enimvero in hac controversia quantum mihi constat, maxime omnium horrendis clamoribus rem gessit *Valentinus Veltbemi*, *Professor Jenensis*, duabus Dissertationibus super hoc argumento Jenæ editis. Quarum prior etsi jam in *Appendice ad Dissertationes meas* dignam se anatomen subierit, & crâmben alias eandem bis adponere molestum sit: tamen quia hoc scripto universa illa litigia amplecti constitutum est, non pigebit eandem hæc denuo recensere. Ac initio quidem monet, hanc sibi viam videri ad investigandum jus naturale maxime idoneam, *contemplari naturas actuum*, qui objectum ejus juris constituunt, in iisque fundatam obligationem. Atqui contemplatio illorum actuum huc quidem facit, ut naturalia à positivis discerni queant, nequaquam autem ut voluntas Dei ab origine ejus juris excludatur. Neque contemplatione illa multum efficies, ni actus illos cum conditione naturæ humanæ compares. Inde quando termini quæstionis explicantur, fraudulentè exempli loco ejusmodi actus subjiciuntur, *colere Deum, honorare parentes,mittere furtum, homicidium*. Atqui si *Veltbemi* hanc meam thesin oppugnat, quod motus physicus in actionibus moralibus sit indifferens, per summam ruditatem aut malitiam adducuntur exempla actionum, quæ nequaquam nudum motum physicum, sed integram actionem moralem, & respectum ad legem involventem notant. Quod si autem id vult impugnare *Veltbemi*, quod à me voluntas Divina inter origines moralitatis ponitur; tunc sanè constat, in eo qui cultum & honorem alteri exhibiturus est, lumen intellectus requiri: quod sanè homo ex voluntate & placito divino sortitus est, & eo quidem fine, ut ope istius Creatorem agnosceret atque coleret. Sic & quando *Idem* honestum vocat id, *quod rectè rationi ut tali convenit*, propria vineta cædit. Nam qui ad rectam rationem provocat, utiq; præsupponit, eam cognitione legis naturalis imbutam. Neq; enim ejus rectitudo aliunde potest æstimari, quam quod ex contemplatione conditionis humanæ præcepta legis naturalis, adeoque jussum & beneplacitum Creatoris, bene ratio-

ratiocinando colligat. Quin & quod rationem homo possideat, ejusque ope colligere aliquid possit, tanquam beneficium abs DEO ultro collatum possidet. Denique si vocabula *debiti* & *moraliter necessarii* de hominis actione efferantur, simul principium velut & fons debitionis & necessitatis innuitur, qui non in actu ipso, sed in decreto & voluntate legislatoris, per legem declarata, quærendus est.

§. 9. Circa statum controversiæ porro notandum, quæstionem ad solas hominum actiones esse restringendam; de his enim solis, ut & de origine humani juris, mihi sermo est. Unde male *Veltbemius* quæstionem indefinite format: *Nam ab agentis libero arbitrio quæ talis procedentes actiones dentur, quæ ratione sui citra impositionem conveniant rectæ rationi?* Nam rectitudo in actionibus divinis, & humanis ex diverso plane principio provenit, nec pari modulo metienda est. Et si quis ea, quæ à me de actionibus humanis disseruntur, ad divinas velit adplicare, summam mihi injuriam inferret. Deinde circa vocabulum *impositionis* notandum, id à me non ita stricte accipi, uti à plerisque, pro ejusmodi determinatione, quæ citra fundamentum in re ex solo placito imponentis provenit. Sed ea quoq; ex impositione nobis esse dicuntur, quæ ex posita voluntate & dispositione auctoris non possunt non consequi, siquidem ille sibi ipsi constare debet. Eoque alia nobis impositio est, quæ nil nisi merum placitum imponentis præsupponit; alia est, quæ provenit ex necessaria consecutione eorum, quæ prius ab eodem libere determinata erant. Quarum illa in legibus & institutis positivis, hæc in actibus humanis ad legem naturalem spectantibus cernitur; quippe cum Deus libere talem homini naturam assignarit talenq; finem præfixerit, ut certæ actiones non possint non eidem convenire, vel disconvenire. Sicuti si architectus sibi proposuerit templum extruere, partes ejus utique aliter disponendæ sunt, quam diversorii cujuspiam, ni ipse scopi suo stolide repugnare velit. Et quis tamen ab ista partium in templo dispositione & habitudine voluntatem architecti excluderet? Unde *Veltbemium* vehementer ratio fugit, dum putat: *Si nulli actus sunt per se honesti aut turpes citra impositionem divinam, æque facile Deum quævis peccata posse licita declarare, atque Princeps gladii usum aut bombardæ dispositionem in urbe vetare aut permittere potest.* Nam haudquaquam natura hominis ita formata est, ut gestatio gladii necessario ipsi conveniat vel non conveniat, sicuti alii actus, circa quos jus naturale versatur. Adeoque

Na

si quæ-

si quæstio ita institueretur: Num natura hominis ita sit à DEO formata, ut posita ea conditione non potuerit non necessitas moralis ipsi injungi certos actus suscipiendi aut omittendi? nulla plane futura erat controversia, cum hoc ipsum à me operose inculcetur.

§. 10. Excutiamus jam argumenta, quæ pro sua sententia producit *Veltbemi*us: Ac primo loco recoquit, quod ego proposueram l. 2. c. 1. §. 4. *Si omnis actuum humanorum moralitas à lege dependet, sequitur, Deum potuisse legem naturæ ita formare, ut contraria forent præcepta illi, quæ jam sunt, v. g. ut inter officia hominis mutua esset occidere, furari, machari, calumniari, inter vetita autem, gratum animum exhibere, pacta servare, mutuum reddere. Ad hoc dubium ego respondi, id non obscure contradictionem involvere. Postquam enim Deus destinasset hominem creare animal rationale ac sociale, non poterat non lex naturalis ipsi congruere & præscribi, non ex necessitate absoluta, sed hypothetica. Si enim ad contraria officia fuisset adstrictus, non sociale animal, sed alia fori & horridi species animantis fuisset producere. Hic *Veltbemi*us exclamat, contradictione me involvi, meque respondisse, hominem dupliciter spectari posse, 1. ut Deus eum destinaret creare animal rationale ac sociale, 2. ut Deus eum producere potuisset ferum ac horridum animal. Atqui nunc calumniandi rabies omnem *Veltbemi*o frontem excussisset, nunquam ausus esset tam improbe duplicem illam hominis considerationem fingere, cujus in libro meo nullum vestigium extat. Cum sensus responsionis meæ sit planissimus, contraventurum fuisse Deum voluntati & decreto suo, si talia homini assignasset officia, quæ naturæ ipsius adversabantur. Volendo enim creare hominem, voluisse creare animal sociale; assignando ipsi præpostera officia, ferum & horridum animal produxisse; id quod contradictionem involvit. Sic & alia effata absurda & falsa per calumniam mihi *Veltbemi*us affingit. Postquam Deus decreverat creare hominem, in liberrimo Dei beneplacito fuisse, qualem naturam voluerit homini assignare, num animalis rationalis ac socialis, an naturam animalis horridi & feri. Item, Deus potuit creare hominem, & potuit velle creare, ut tamen in beneplacito ipsius adhuc fuerit, qualem naturam homini vellet assignare, num animalis rationalis ac socialis, an feri & horridi. De pone aures tuas pignori *Veltbemi*, nunc ostenderis, quo loco tam absurda hæc à me tradantur, & mox pro Mida camelus eris. Sed nec isthæc est mea sententia, uti alio loco *Veltbemi*us cavillatur: Si homo non foret animal rationale*

tionale ac sociale, sed ferum & horridum, non obstante externa figura inter bruta referendum, tunc actus ejusmodi, v. g. adulterium, homicidium, furtum, non fore actus turpes. Sed hoc dico, si cum casum absurdum & contradictorium ponas, nullum plane futurum esset adulterium, furtum, homicidium, nec quæstio tunc de actuum turpitudine posset institui; cum non entis nulla sint accidentia.

§. 11. Alterum argumentum itidem ex opere meo d. l. deprompsit *Veltbemius*: Si non dantur, inquit, actus per se honesti aut turpes, sequitur, Deum si voluisset, potuisse constituere, ut inter officia hominis esset Deum blasphemare, inter vetita Deum colere. Ego repofueram, id ratiocinii contradictionem involvere. Hec nihil habet, quod regerat *Veltbemius*, nisi ut syphantias suas mihi obtrudere laboret; quasi ego ullibi tradidissem: Deum ita potuisse creare hominem, ut idem non esset animal rationale ac sociale. Tertio loco primum argumentum levi lub mutatione iterum proponitur: Si non dantur actus per se honesti aut turpes, sequitur, quod inter hominis debita possit esse seipsum perdere, seipsum odisse, &c. Verum ultro expirat animam miscrum hocce ratiocinium, ut jugulatione nostra id opus non habeat.

§. 12. Quarto loco urget *Veltbemius*, ex nostra sententia nullum dari posse amplius discrimen inter legem naturalem & positivam. Verum illud fac palpabile à nobis traditum jam est l. 1. c. 6. §. 18. & l. 2. c. 3. §. 23. Sed quia alias hic locus valde jejunus erat futurus, unam atque alteram stricturam sui ingenii promit *Veltbemius*. Primo dicit: Ut libera voluntas hominis, penes quem majestas est, legem voluntariam ferre & mutare potest: Quidni divina majestas, cum voluntas Dei sit summe libera; aque, imo multo magis, ac in legibus positivis fieri solet, legem natura mutare, imo contrarium ejus percipere posset? Adparet *Veltbemium* non meliora sibi de Voluntate Dei polliceri, quam de libidine Caligulae aut Neronis cujusdam. Deinde impudenter plane, & absurde scribit: Me non erubuisse statuere, ac si Deus ad contraria officia hominem potuisset adstringere. Ita enim aperte loco supra cit. p. 162. tradit: Si ad contraria officia, (puta ad furandum, mœchandum, calumniandum) homo fuisset adstrictus, non sociale, sed alia feri & horridi species animantis fuisset producta. Ergo jam, si diis placet, qui assumpta hypothefi absurda aliquam sententiam absurdi convincere laborat, is eam ipsam sententiam tanquam suam positive asserit. Ego qui statuo, Si creatura sub figura humana fuisset producta, ad contraria legi naturali officia adstricta, non ea so-

cialē animal, & homo, sed bellua futura erat: Igitur positive statuo, quod homo potuerit fieri bellua, i. e. quod animal, de cuius essentia est rationalitas, potuerit esse irrationale? Ubi frons tua, *Velt hemi*?

§. 13. Quinto loco ita *Velt hemius* ratiocinatur: Si Deus sua natura est iustus, sequitur, quod actus dentur per se honesti, suaeque natura debiti, itemque actus per se turpes, ac ex sua natura illiciti. Verum ego nullam heic puto consequentiam esse à Deo ad hominem. Nam ex diverso plane principio est, quod Deus quādam non posse, aut non posse non facere dicitur; quam ex quo homini alia agenda, alia omittenda sunt. In Deo enim id provenit ex perfectione ipsius essentiae; in homine ex imperio superioris. Quo ipso corruunt machinae illae, quas *Idem* contra sententiam meam ex *Ebr. VI. 18.* instruere satagit. In Deo enim promissum & iuramentum fallere impossibile est propter divinae essentiae perfectionem. Inter homines autem *id est* in multis opibus sunt fides, & iusjurandum propter legem naturalem, & quia citra horum sanctimoniam societas inter homines salva esse nequit. Sexto loco quaestio movet: Num Deus nullo modo possit velle, ut inobedientia erga Deum formaliter & in se spectata non sit peccatum? Ego respondeo, stolidae quaestio hanc institui, nisi simul ponatur subiectum, cui inobedientia sit tribuenda. Nam posita creatura rationali negamus Deum hoc velle posse, nisi eum sibi ipsi repugnare absurdeingas. Nulla autem posita creatura rationali Deus super obedientia in neutram partem decernere intelligitur. Non enim capi potest, quomodo Deus possit velle, ut sibi obediat, si nullos condiderit, qui obedire possint. Septimo denique loco ita colligit *Velt hemius*: Si nullus actus per se honestus ac suapte natura debitus, nullus actus per se turpis ac sua natura illicitus, sequitur Deum posse facere omne possibile realiter à se distinctum, nullamque in genere naturā in Deo importans imperfectionem, i. e. Deus poterit mentiri. Hoc enim exemplum rei, quae in genere naturae nullam importat imperfectionem, à *Velt hemio* adfertur. Atqui praeterquam quod de humanis tantum actibus, non de divinis, sermo mihi sit, sane mentiri posse in genere naturae maxime importat imperfectionem. Qui enim mentitur, vel alteri furtim nocere vult, quod malitiae est cum degeneri quadam ignavia vult conjunctae; vel non audet sensa animi sui palam aperire, quod robustiorem metuentis est; vel plura promissit, quam praestare possit, quod vires suas ignorantis est. Atque hisce septem ratiociniis, adperso passim calumniarum condimento, prior *Velt hemii* Dissertatio absolvitur.

§. 14. Posteriorem autem dissertationem credideram ex meris autoritatibus, pro perfectitate Velthemiana stantibus, esse confarcinatam. Verum ea postmodum inspecta deprehendi, virum istum occupari circa cavillanda ea, quæ l. i. c. 2. §. 6. disputaveram, & quæ deinde in *Apologia mea* Asinio Tenebrioni, monstro biformi ex *Josua Schruvarzio* tanquam *Indiciis Novitatum* autore, & *Nicolao Beckmanno* tanquam ejusdem interpolatore & editore, coalito opposueram. Eoque ista jam presse erunt discutienda. Hæc igitur fuerat mea thesis: *Ut disciplina Juris Naturalis vera sit scientia, non necessarium videtur statuere, quadam per se citra omnem impositionem esse honesta & turpia, & ea esse objectum Juris naturalis.* Contradicit huic thesi *Velthemius*, quod alias assequi ipsi non detur genninam differentiam inter leges naturales & positivas. Neque eam ingenii hebetudinem sibi posse imputari, credit, cum tot ac tantos viros Philosophos, & Catos, Theologos præcuntes habeat. Ad hæc reponimus, istum *Velthemii* stuporem affectatum videri. Et ut maxime ita obtusum ipsi sit cerebrum, nullum tamen inde veritati præjudicium creari potest. Istorum quoq;, ad quos provocat, virorum autoritas eo minoris est, quod iisdem sane de Jure naturæ in formam disciplinæ redigendo nondum in mentem venerat; coque & iidem nunquam cogitaverant, quæ hypotheses ei scopo necessariae forent. Nec minus difficile probatu foret, omnes illos, qui objectum Juris naturalis dixerant actus per se honestos aut turpes, & per se opposuisse dispositioni Creatoris, & eam perfectitatem antecederent ad voluntatem Dei se habere asseruisse; quem sensum solum nos nescimus. Deniq; si quis error popularis sit factus, num adeo veritatis dignationem idem adeptus est? aut viris eruditus piaculum est, eundem destrutum ire? Aut num istorum quos allegat *Velthemius* cuiquam privilegio cautum fuit, ne in quæstione philosophica errare posset?

§. 17. Inde ad examinandum, quod à me propositum fuerat, argumentum accingitur *Velthemius*. Cum honestas & turpitudinis sint affectiones actionum humanarum, ita ex convenientia aut disconvenientia à lege, lex vero sit jussum Superioris: non adparere, quomodo honestas aut turpitudinis intelligi possint ante legem & superioris impositionem. Hic admittit *Velthemius* honestatem & turpitudinem esse affectiones actionum humanarum; sed negat, eas oriri ex convenientia aut disconvenientia à lege. Rationem addit; quia objecti legis natura, quæ per se fundat realem cum lege conveni-

entiam aut disconvenientiam, prior sit illa ipsa convenientia aut disconvenientia, id est, quia actus isti ante legem per se & sua natura honesti vel turpes erant. Enimvero hoc ipsum in questione est, an actiones humanæ ex se & sua natura ante legem honesti sint vel turpes? Unde si quid agere volebat *Velibemius*, non debebat petere id quod est in principio, sed tales nobis definitiones honesti & turpis dare, quæ nullum plane respectum ad legem involverent. Debebat præscribere definitionem peccati Apostolicam, quod illud sit *anipula*, & meliorem substituere. Debebat falsi convincere illam communem notionem; ubi nulla lex, ibi nulla transgressio. Cæterum accuratius consideranti facile patet, *Velibemium* inde in errorem inductum, quod vulgo legem naturalem convenientiam cum recta hominis ratione metiri soleant; quæ cum rebus ipsis sit posterior, & non faciat, ut res tales vel non tales sint, ideo capere non possunt, quomodo honestas & turpitudine actionum, quæ legis naturalis obiectum constituunt, à convenientia & disconvenientia cum lege oriri possit. Accedit, quod iste videatur considerare humanam naturam velut perfecte existentem & legem velut ex intervallo post ipsi supervenientem. Cum tamen hæc tempore simul extiterint, & ipsa lex, naturæq; humanæ conditio legi accommodata simul à Deo condita sit. Enimvero ut facile admittimus, ratiocinia humana esse aliquid posterius honestate & turpitudine, quæ in actionibus, de quibus lex naturalis disponit, conspicitur, eoque hanc ab istis non provenire, ita debebat *Velibemio* in mentem venire, eundem qui legis naturalis lator est, autorem quoque naturæ rerum & hominum esse, & hanc ita formasse, ut certi motus hominum certos respectus ad alios haberent, certosque effectus apud alios producere apti forent. Et eo ipso, dum creavit hominem, certamque essentiam eidem assignavit, jussisse, ut certi motus ad legem referrentur, & ex convenientia aut disconvenientia cum eadem honestatis & turpitudinis rationem fortirentur. Sic ut nequaquam natura actuum humanorum lege prior sit; sicuti nec ipsa hominis essentia lege naturali prior aut antiquior est, quippe cum Deus eo ipso, dum homini essentiam quam habet, dedit, eidem & legem naturalem tanquam normam actionum tulerit. Sunt porro, utique diversæ naturæ actus adultærii, & gestationis gladii, adeo ut ex ea diversitate certo liceat ratiocinari, illum lege naturali prohiberi, hunc non item. Neque tamen ideo

prio-

prioris actus turpitudine non ex lege naturali est. Nam Deus conditor idem humanæ naturæ, legisq; naturalis, dum hominem legi obnoxium futurum effinxit, ejusdem naturam ita formavit, ut iste actus eidem congruere non posset salvo fine & velut idea, quam circa hominem formandum sibi proposuerat. Contra idem naturam hominis non ita finxit, ut illa utique à gestatione gladii abhorreret. In eo porro *Veltbemius* insigniter impingit, dum sententiæ suæ stabiliendæ ita ratiocinatur: *Viri risibiles, quæ affectio est hominis & nigredo, quæ affectio est corvi, non oriuntur ex convenientia cum recta ratione theoretica, quæ est judicium rectum de rebus, uti sunt; nec homo ideo sit risibilis, aut corvus niger, quia homo, dum recta ratione utitur, judicat hominem esse risibilem, corvum nigrum: ita necessitas actus gratitudinis non magis ex convenientia cum ratione practica oritur.* Nam primo stolidum est affectiones corporum naturalium, quæ sensu percipiuntur, comparare cum affectione morali actionis humanæ, quæ diversæ plane est indolis. Neque enim, si honestas & turpitudine ex respectu ad legem resultat, ideo etiam affectiones physiciæ corporum naturalium ex relatione ad legem proveniunt. Deinde nos non dicimus, illam affectionem moralem actionis humanæ provenire à convenientia cum recta ratione; sed à convenientia cum lege, quæ duo male à *Veltbemio* confunduntur, cum sint diversissima. Nam recta ratio non facit, ut aliqua actio sit honesta vel turpis, sed mediante recta ratione homo investigare & cognoscere potest, quæ per legem naturalem honesta aut turpia declarentur. Denique improbe heic Deum cum creatura pari passu ambulare jubet *Veltbemius*, dum dicit: *Quodvis ens intelligens, sive Deus sit, sive creatura, recte judicat actum gratitudinis esse honestum, quia in se & antecedenter ad rectum judicium talis est.* Nam de creatura hoc vere asseritur: Sed dicere, aliquid se antecedenter habere ad rectum judicium Dei, est à creatione istius ipsum excludere. Sane enim ex judicio Dei, si ita loqui fas est, natura & conditio hominis ita formata est, ut v. g. gratitudo ipsi omnino conveniret. Ergo illa non magis antecedenter se ad judicium Dei habet, quam proportio & dispositio partium ædificii ad judicium architecti, aut capacitas & figura olæ ad judicium figuli. Stulte porro quærit *Veltbemius*, unde probare velim, quod lex in communi conceptu sit jussu Superioris. Nam ego hoc ita manifestum esse arbitror, ut nemo, cui sensus communis est, de eo dubitare

bitare queat. Addit *Veltbemius*; *se non dum posse penetrare, quid desit ob-*
jecto legis naturalis, quo minus etiam antecedenter ad voluntatem Dei sit verum
fundamentum legis naturæ. Atqui valde hebetem oportet *Veltbemium* esse,
 si hoc penetrare non potest, quod objectum legis naturalis anteceden-
 ter quidem ad voluntatem & dispositionem humanam sufficiens sit fun-
 damentum (cognoscendi) legem naturalem; i.e. quod rationi humanæ
 ad intelligendum jus naturale sufficiat objectum istius legis, ejusque habi-
 tudinem ad naturam humanam considerasse, quippe quod à voluntate &
 dispositione hominis originem non habet. Verum à fundamento vel-
 ut existendi legis naturalis voluntatem Dei excludere, & objecto legis
 naturalis vim producendi necessitatem moralem antecedenter ad vo-
 luntatem Dei tribuere, est negare Deum esse rerum omnium condito-
 rem, & à voluntate Dei dependisse, quæ & quales creaturæ produceren-
 tur. Et vellem scire, an *Veltbemius* capere possit, quod verba S. Scri-
 pturæ, *faciamus hominem ad imaginem nostram*, quam maxime exprimant
 voluntario agentem, & qui velut in consilium i verit, priusquam ad agen-
 dum, se determinaret. Unde nisi Deum creatorem humani generis, &
 autorem legis naturalis abnegare velit *Veltbemius*, concedendum utique
 ipsi est, legem naturalem à voluntate Dei profectam, sed quæ velut attem-
 peravit sese ad conditionem naturæ humanæ divinitus determinatæ, &
 tributæ. Neq; enim quando circa constituendum jus naturale, & ortam
 inde moralitatem in actionibus humanis voluntatem Dei antecessisse
 dicimus, de hac cogitare debemus tanquam de voluntate alicujus homi-
 nis, qui etiam absurda & sibi non coherentia velle potest, & subjectis
 importune occinit; sic volo, sic jubeo. Sed concipienda est voluntas
 Dei tanquam Entis sapientissimi & perfectissimi, & sibi per omnia
 constantis, quique adeo & finem & naturam hominis, & normam actio-
 num ejusdem sibi examusim congruentem, volens utique lubensque
 effinxit. Sicut nulla heic necessitas locum habeat, nisi quæ ipsam deter-
 minationem Dei per sapientissimam ejus voluntatem factam, consequi-
 tur. Nihil ergo attulit *Veltbemius*, quo minus honestatem & turpitu-
 dinem actionum humanarum à convenientia vel disconvenientia cum
 lege naturali derivare, & peccatum deinceps quoque *avopius* adpellare
 queamus.

§. 16. Ad demonstrandum porro, originem moralitatis ad Deum
 esse.

esse referendam, ego addideram: *Qui extra impositionem divinam moralitatis actionum humanarum aternam aliquam statuunt regulam, nihil mihi aliud videntur agere, quam ut Deo adjungant principium aliquod co æternum extrinsecum, quod ipse in assignandis rerum formis sequi necessum habuerit.* Hanc consequentiam se videre posse negat *Veltbemius*. At quid mea refert, quanto pereiste cæcutiat, aut lippiat. Nam modica tantum perspicacia opus est, ut quis hanc consequentiam capiat: Si moralitas actionum humanarum, earumque habitudo & convenientia cum natura & conditione humana non est à divina impositione, cum eadem non possit esse à se ipsa, necessum est, ut sit à principio aliquo extra Deum. De cætero non opus erat *Veltbemium* tam prolixè aliorum sententias recensere, quæ me haud quidquam movent, ni evidenti & firma ratione nitantur; præsertim cum ex illis, quas format *positionibus* nihil possit exculpi adversus me; qui nihil aliud ago, quam ut alleram; Dei voluntatē ab assignandis rerum formis non esse excludendam, & ad eam nihil antecedenter se habere. Sane enim non minus *naturæ actionum*, quæ objectum legis naturalis constituunt, quam aliæ quævis res *ab æterno fuerunt in Dei intellectu secundum esse cognitum*; i.e. Deus ab æterno prævidit, qualis quæque res deinceps creanda futura esset: sed simul etiam cognovit eas, tanquam suo tempore libere, adeoque concurrente utique sua voluntate creandas, & tali natura dotandas. Eoque licet moralitas actionum objective in intellectu divino ab æterno fuerit; non tamen sequitur, eam ut actu existeret, non habere à dispositione & voluntate Dei. Cum inter ea, quæ objective ab æterno in intellectu divino esse dicuntur, hoc primo omnium loco ponendum sit, quod quasdam res ipse creare vellet. Sic sit sane *in puncto rationis naturæ actionis esse objectivum in intellectu Dei, posterius quid convenientia ejus actionis cum lege aut disconvenientia*; quæ secunda est *Veltbemii positio*. i.e. quando intellectum divinum ad modulum nostræ rationis metimur, prius concipimus ipsum esse physicum actionis tanquam motus alicujus Physici, quam ejus convenientiam aut disconvenientiam cum lege. Sed num id prohibet, quo minus affectiones morales actionis à convenientia aut disconvenientia cum norma oriantur? Sic nec tertia *positio*, quod *naturæ actionis moralis ab æterno à Deo cognita fuit*

immutabile fundamentum realis convenientiæ cum lege naturæ aut disconvenientiæ, aliquid habet nobis adversi. Nam naturæ actionum ideo à Deo tali modo, & cum tali habitudine formatæ sunt, ut necessariam cum lege naturali convenientiam aut disconvenientiam haberent. Sed positio quarta Veltbemii sædum continet errorem. Convenientia, inquit, cum lege naturæ aut disconvenientia fundamentaliter non pendet ab assignatione Dei, sed assignatione Dei prior est nostro concipiendi modo. Id est, habilitas actionum, secundum quam necessario cum lege naturæ conveniunt aut disconveniunt, non pendet ab assignatione & dispositione Dei. Quis ergo alius præter Deum naturas rerum formavit? Aut num ipsæ sese tali modo effluerunt? Nimirum id agi adparet à Veltbemio, ut munere Creatoris Deus dimoveatur; & res etiam quoad essentiam à Deo dependere negentur. Ratio quam adstruendo suo absurdo subnectit, ficulnea est: Quia, inquit, nostro concipiendi modo prior est actio, quam Deus cognoscit ex sua natura bonestam vel turpem, posterior est intellectio, qua Deus eam turpem intelligit. Sed unde probabitur, nostrum concipiendi modum, ex imperfectione intellectus nostri resultantem, aliquid præjudicare ordini & naturæ rerum à Deo constitutæ? Quin ineptus & nugatorius est sensus hujus rationis, nisi hoc modo explicetur; nostro concipiendi modo Deus prius cognoscit, quod in actione humana est physicum, posterius id, quod in eadem morale est; quia illud subjecti, hoc adjuncti vicem subit. Sed quid hoc contra nos? Deniq; nec quinta ejus positio aliquid ad rem facit. Natura actionis, inquit, quam intelligimus bonestam aut turpem ante jussu superioris, adeoque citra superioris impositionem, secundum esse cognitum, quod habet in Deo, est ipse Deus immutabilis. Id est, Idæ actionum humanarum, quæ objectum legis naturalis constituunt, in intellectu Dei sunt ipse Deus; quia nihil est in Deo, quod non sit ipse Deus, quippe ejus perfectio accidentia, & imagines velut heterogeneas respuit. Sed num ex hoc sequitur: Ergo essentia & habitudo istarum actionum non est à Dei dispositione? Aut uti Deus in se & sua natura non dependet ab alio, ita & natura actionis humanæ ab alio non dependet? Nondum ergo Veltbemius jejunis suis sophisticationibus effecit, quo minus deinceps quoque omnes creaturæ, non existentiam tantum suam, sed & essentiam Deo tanquam primæ causæ in acceptis ferre debeant. Et si qui fuerunt Philosophi aut Theologi, qui quasdam naturas rerum à Deo

quoad

quoad essentiam non dependenter fixerunt, omnino admittere coguntur principium aliud Deo coæternum; nî malint dicere, quaslibet res habere naturas suas à semetipsis; quod non minus absurdum est.

§. 17. Inde circa isthæc mea verba cavillanda occupatur *Veltbemius*: *Deum uti omnia, ita & hominem liberrima voluntate creasse, cui consequens est, in beneplacito ejusdem fuisse, qualem homini naturam vellet assignare.* Puto satis clarum esse, id à me dici, à voluntate Dei Creatoris hominem & existentiam, & essentiam suam habere, seu quod sit, & quod talis sit. Si nondum capere potest *Veltbemius*, quid hisce velim, ablegabo ipsum ad Catechesin puerilem, & explicationem articuli primi in Symbolo Apostolico; ubi profitemur, quod Deus nos creaverit, & quod nobis dederit corpus & animam, oculos & aures, rationem & omnes sensus. Cum eo autem, quod Deus homini rationem dedit, conjunctum est, quod quidam ipsius motus seu actiones omnino cum lege naturali conveniant, vel non conveniant. Id si homo non habet voluntate Dei, non opus est, ut Deo gratias agat, quod ipsum creaturam rationalem effinxerit, coq; nomine ad colendum istum sese adstrictum profiteatur. Quod enim nobis per se & sua natura citra beneficium & voluntatem Creatoris adest, pro eo quomodo ipsi obligati queamus esse non adparet. Frustra jactat *Veltbemius*: *Naturam hominis esse æternam, non quasi ab æterno homo Deo coëxisterit, sed quia immutabilis est connexio hominis cum tali natura, qualis est natura animalis rationalis ac socialis.* Ast unde est illa immutabilis connexio, nisi à voluntate Creatoris, qui præter bruta animalia etiam voluit creare animal rationis compos, quod vocamus hominem? Neq; enim æternitas, quæ essentiis rerum tribuitur, Dei Creatoris voluntatem excludit. Et essentiæ rebus à Deo semel assignatæ sunt immutabiles; quia & in hoc perfectio summi Entis relucet, quod modo quam maxime constanti operetur. Et omnino pro nobis facit locus *Mendoza à Veltbemio* adductus (etsi alias id genus hominum autoritas parum ponderis apud me habeat): *Essentia rebus conveniunt necessario, quia Deus volens producere hominem, i. e. animal rationale ac sociale, non potest illi tribuere essentiam lapidis, i. e. corporis anima & organis destituti, quia non faceret hominem, sed lapidem.* Id est, qui proposuit sibi producere animal rationale, & eo ipso produceret corpus anima & organis destitutum; is vel proposito

fuò per imprudentiam aut impotentiam excideret, vel absurde sibi repugnantia veller: quorum utrumq; à perfectione divina abhorret.

§. 18. Incassum inde cavillatur *Veltbemius* id, quod ego scripseram: *Videmus quotidie bruta tales actus exercere citra peccatum, quibus homo patris gravissimo se scelere erat obstricturus, v. g. occidendo, promiscue coëundo. Non quod motus physici hominis & bruti in se differant, sed quia moralitas, quæ actionibus hominum per legem est imposita, à bruti actibus abest.* Sane & ipse, dum rationem à brutis abesse subjungo, utiq; satis innuo, similitudinem actus physici in homine & bruto esse intelligendam, excepta ratione. Ipsam tamen rationem, nî sensu & cognitione legis imbuta foret, citra reflexionem ad legem in hominis actionibus moralitatem deprehendere non posse, in aprico est; quia contradictionem implicat, norma non cognita aliquid tanquam normæ conveniens adprehendere. Nam possent quidem eo casu actus isti considerari sub notione utilis aut inutilis, proficui aut noxii, nequaquam autem sub notione honesti & turpis, quod relationem ad legem notat. Et falsissimum est, posita hac rationis conditione, nihilominus adesse omnia, quæ ad cognoscendam moralitatem requiruntur. Nam, ut sub debita correctione retineamus exemplum à *Veltbemio* allatum de furto, adesset quidem tunc attrêctatio rei, quam quis in usus suos seposuisset invito seponente: (nam non data lege proprium & alienum non daretur, quippe cum dominium humanum nitatur pacto, cujus firmitas ex lege est) daretur etiam natura ejus actus, ut nempe irritaretur is, cui ea res auferretur, ad violentiam rei defensionem, aut læsionem auferentis; ex quo sequeretur relatio ad rationem legis ignaram, quæ adprehenderet eam actionem, tanquam rixæ, & pugnæ, & comitantium hanc malorum occasionem. Sicuti bruta quoque, si auferatur cibus, quem sibi destinarent, ad lædendum irritantur: coque imbecillior canis robustiori cibum eripere timet. Sed si nulla existeret lex, quæ istum actum sub nomine furti veraret, impossibile foret rationi eam sub notione turpis, i. e. à lege discrepantis concipere. Nam morsibus & calcibus inter se decertare apud bruta quidem nihil turpitudinis habet. Imo inter homines, posito statu belli, in quo lex dominii silet, tunc certare odiis, tunc res rapuisse licëbit. Sic v. g. posito, dietam nulla lege adstringi, sana ratio humana capere potest, esum graminis nutritioni esse ineptum. Sed ut eundem turpem quoq; concipiat, fieri non potest.

§. 19. Valde quoque fatagit Noster circa torquendum locum *Aristotelis Nicom. II.6.* à *Grotio* citatum l. 1. c. 1. §. 10. sed non tam ut solidi quid afferat, quam ut præsidium in professione stuporis & impudenti negatione collocare videatur. Et sensus quidem istius loci est planissimus, alibi jam à nobis expositus. Sane *Aristoteles* ibi non docet, dari affectum aut actum vitiosum citra omnem respectum ad legem: verum affectus dari asserit malos & turpes, qui non demum propter excessum & defectum, sed etiam intra mediocritatem considerati legibus repugnant. Nam etiam mediocriter aut modice invidere, malevolum esse malis alienis latari, vitiosum est. Unde & vocabulantur, quæ vitiositatem istius affectus statim connotant. Sicuti & dantur vocabula actionum, quæ non notant nudum & indifferentem motum physicum, sed motum cum vitio conjunctum, seu actionem vitiosam & legibus repugnantem. Ex hisce dixi non consequi; Ergo dari affectus aut actiones in se turpes sine respectu ad legem; cum illud ipsum vitium, quod ei affectui aut actioni inest, ex disconvenientia cum lege proveniat. *Velhemius* tamen pro imperio hanc consequentiam valere jubet: *Ἐνζαπειρία* aut invidia in se mala est, nec demum vitiosa fit propter excessum aut defectum; Ergo vitium illud non oritur ex discrepantia à lege. Simulque pronunciat, vocabulum *ἰν* hoc loco opponendum respectui ad legem, *excessum* autem & *defectum* notare convenientiam & disconvenientiam cum lege. Et quia videbat hac explicatione nihil dari stolidius, & à ratione, & mente ipsius *Aristotelis* alienius; igitur ne quis contra hiscere audeat, sacrosanctum suum decretum interponit; *Sic enim intelligi hæc verba debent*, inquit. At ego contra dico; ea verba sic intelligi non posse nec debere. Uti creditis *Quirites*?

§. 20. Cæterum ut ego clarius ostenderem, locum citatum *Aristotelis* contra meam sententiam nihil facere, operose explicavi, vocabula ista, v. g. *malevolentiam*, *impudentiam*, *invidiam*, *adulterium*, *furtum*, *homicidium*, &c. non notare nudos & meros motus physicos, quos nos indifferentes pronunciamus, sed motus physicos una cum aberratione à lege, adeoque actiones quam maxime morales. Sed usque adeo nihil effecisse me apud *Velhemium* video, ut dum circa clarissima stuporem suum obtendit, in longe majores absurditates, & nugacissimas cavillationes provolvatur. Ac primo quidem putide inculcat, sermonem esse de actibus voluntariis, quasi ea res unquam in controversiam venisset. Sane & ipsissimi motus voluntatis, abstrahendo ab

omni lege, v.g. velle, nolle, appetere, averfari, non minus quam aliarum facultatum motus indifferentes sunt. Dein stolidè & contradictorie statum controversiæ format, dum dicit: *Quæstio est, an adulterium* (hoc enim exempli causa adsumit,) *per se accitra respectum ad legem sit turpe?* Nam manifeste contradictionem involvit quærere: An adulterium, quod est actus legi repugnans, sit turpe citra respectum ad legem? cum legi repugnare ad essentiam & definitionem adulterii spectet. Perinde ac si quærerem, num homo citra respectum ad rationem, & ab eadem abstrahendo sit rationalis; Enimvero si in adulterio consideremus id, quod remanet semota *æropulæ*, seu moralitate & aberratione à lege, adeoq; merum actum physicum, ad quem etiam Deus tanquam conservator naturæ concurrat; dicimus illum actum mere physicum esse moraliter indifferentem. Est autem ille actus mere physicus in adulterio, misceri eidem, cui miscetur & alter, cui tamen nullum in eam peculiare jus competit. Quæ quidem est definitio non adulterii, sed actus seu motus illius physici, qui adulterio tanquam materiale subternitur. Huic autem actui mere physico si accedat morale, seu illud, quod ex aberratione à lege provenit, tunc illa commixtio fit pollutio, i.e. impura & turpis commixtio, quia exercetur in alienam uxorem, i.e. in talem, in quam per leges soli marito jus, ut cum ea misceretur, erat quæsitum. Unde patet, quam stupide aut improbè *Veltibemius* queratur, à me statum quæstionis mutari. Non enim quæsitum aut dubitatum unquam fuit à me; an adulterium per se, i.e. lege naturali, turpesit, quippe cum natura humana sit ita à Deo formata, ut adulterium non possit non eidem disconvenire. Sed id quærebatur, an remoto omni respectu ad legem, seu si separes ab adulterio, quæ ex *æropulæ* seu aberratione à lege ei accedunt, & retineas illud solum, quod in isto actu est physicum, in eo motu physico aliquid turpe sit. Hoc est, quod nego; sed & illud simul nego, istum actum mere physicum ab *æropulæ* abstractum, adulterium esse, aut eo vocabulo rectè appellari. Fieri enim potest, ut duo viri eidem foemina miscantur, sed ut tamen, variantibus requisitis lege determinatis, alia ejusmodi commixtio sit adulterium, alia licita, alia alio vocabulo veniat. Sic si duo viri soluti eidem scorto misceantur, non adulterium est, sed simplex scortatio. Sic rem habet quis cum uxore alterius, quam post ab isto repudiatam ipse in matrimonium ducit; huic par pari refert prior maritus. Hoc casu concubitus unius ejusdemque cum eadem foemi-

foemi-

foemina, nunc licitus est, mox adulterium evadit, & vice versa. Actus physicus heic idem, sed accedente legis determinatione diversæ indolis actus morales inde proveniunt. Puto non nimis acri opus esse ingenio, ut intelligatur, quid proprie in controversia sit, & quam stulte cum propria umbra luctetur *Veltbemius*, cujus nugæ pressæ excutere cum summo tædio est conjunctum. Quam furiosum enim est, quod dicit; *totum meum scrupulum huc redire: Si concubitus cum alterius uxore non est adulterium, nisi lex alii uxorem prius addiderit; sequitur, quod citra respectum ad legem adulterium non sit turpe.* Ubi quæso hujus delirii vestigia in meis scriptis deprehendisti, *Veltbemi*? An non intelligis id asserti contradictionem involvere; esse alterius uxorem; antequam lex eam certo viro addiderit? Nam uxor est focia thori legitima, & cujus possessio soli marito est addicta. Et eo ipso dum aliqua sit uxor, leges eam soli marito addicunt; & quæ alicui viro soli per leges addicitur, eo ipso uxor fit. A lege inquam, est conditio & obligatio uxoris, & quod, si alius cum ea concumbat, adulterium admittatur. Et antequam leges foeminam alicui viro soli addiderint, ea ipsius uxor non est, nec in ea adulterium patrat. Ineptiæ autem sunt plus quam pueriles, putare, aliquam prius fieri uxorem, & postea, cum jam uxor facta est, soli viro per leges addici. Quid porro cerebri in illo esse credamus, qui quærit; *quoniam superior inter homines segreges & extra civilem societatem constitutos, uxorem marito addicat, num homo, an Deus?* Credo, nullum rusticum in tota Thuringia tam stupidum esse, quin respondere norit; à Deo tanquam autore legis naturalis, & per hanc legem marito soli uxorem addici. Atqui reponit *Veltbemius*, *liberrimo utriusque consensu uxor hujus mariti (in statu illo segrege extra civitatem) proprie facta est.* Sed num inde sequitur: Ergo lex divina naturalis uxorem marito non addicit? An non in civitatibus quoque liberrimo viri & foeminae consensu matrimonia contrahuntur? An solus omnium mortalium *Veltbemius* ignorat, pacta, mutuo quamvis consensu inita, firmitatem & sanctionem suam à lege habere? Denique frivola plane est illa subtilitas, *qua lex quidem antecedenter se ad adulterium habere admittitur, sed non tanquam fundamentum, verum tanquam nuda conditio, eoque turpitudine adulterii utique antecedenter se habeat ad voluntatem legislatoris, adulterium vetantis.* Quis enim nudam conditionem antecedentem vocaverit, quod dum Deus indolem generis humani ita formavit, ut eidem utique congrueret, sociam generationis uni esse addi-

addictam, id ut observaretur lege in ipsa creatione lata sanxerit, & contra hanc legem patratum concubitus adulterii nomine damnaverit? Ergo per traxit diabolus suas nugas nondum eiecit *Veltbemius*, quo minus lex naturæ, quæ est decretum & iussum Dei Creatoris, se antecederet ad moralitatem in quibusvis actibus humanis habeat.

§. 21. Monueram deinde ego, non videri *Grotium* rem recte expendisse, dum inter illa, ad quæ divina se potentia non extendit, eo quod contradictionem involvat, refert malitiam quorundam actuum humanorum; sicuti ut bis duo non sint quatuor à Deo effici non possit. Talem enim contradictionem non adparere in actibus iuri naturali adversantibus, qualis adparet, si bis duo negentur quatuor esse. Hoc discrimen qui deprehendere non possit, cum ingenio valde infelici oportet esse. Nam ut res numerari possit, non opus est certa ejusdem dispositione, nec præcepto aliquo superioris; verum eo ipso, quo qualiscunque res existit, una est. Si juxta hanc alia res existat, unum & unum est, quod compendii causa duo vocamus. Unum & unum si bis sumatur, fit unum, unum, unum & unum, quod compendii causa quatuor appellamus. Unde qui negat, bis duo esse quatuor, negat idem esse idem. Ad ejusmodi contradictionem reduci non potest turpitudine, quæ in actionibus humanis conspicitur; quæ ut resultare possit, requiritur tum ut peculiari modo natura hominis sit formata, tum ut lex tanquam norma actionum ipsi sit posita, ex cujus relatione demum illa qualitas moralis provenit. Cum ad hoc ut res numerabilis sit, nihil aliud requiratur, quam ut quocunque modo existat. Unde quod turpe est, non potest quidem non turpe esse; sed ut quid turpe esse queat, id est à peculiari conditione humanæ naturæ, & cœva illi lege naturali. Ex quo fonte quicquid est per se & in se naturalis & intrinsecæ turpitudinis vel honestatis in actionibus humanis tamdiu derivabimus, quousque DEUS munere Creatoris & summi Legislatoris à *Veltbemio* nondum fuerit dimotus.

§. 22. Isthæc quanquam circa præsentem quæstionem sufficere poterant: tamen quia in ista Dissertatione *Veltbemius* prolixam telam miserarum sophisticationum subnectit, ad ista quoque nonnulla reponam, num forte inflatissimus homo ad agnitionem suæ vanitatis adduci queat. Ac initio quidem à suæ sententiæ sectatoribus conatur remove incommodum illud, quo ipsos implicari pronuntiaveram in *Apologia mea* p. 35. quod nempe qui ita crude jactant; quæ in se & sua natura turpia sint, lege naturali

turali vetari, non constituent certum aliquod *videtur*, ex quo confiet, an & cur aliquid in se turpe sit; simulque quod non possint non hoc modo in circulum revolvi. Adversus hæc *Veltbemi*us primò reponit autoritatē *Dissertationis* suæ de *Primis moralibus*, quæ, uti reliquæ omnes ipsius, non tam conscripta, quam per vomitum in chartam eructata videtur. Deinde huc confugit, quod prima principia probari nequeant: esse autem prima principia moralia; *per se & sua natura honestum est expetendum, per se & sua natura turpe est fugiendum*. Id quod non uno nomine ineptum nobis videtur. Nam in jam citata *Dissertatione* hæc principia simpliciter ita erant expressa: *honesti sunt facienda, turpia sunt omittenda*. Nunc autem alluitur *per se & sua natura*; cum tamen non solum ea, quæ positiva lege jubentur aut vetantur, utique facienda sint & omittenda; sed etiam id quam maxime in controversiam veniat, an & quo sensu aliquid in se & sua natura honestum sit, aut turpe. Atqui alio loco ostendimus, ea non esse prima principia, ut ut alias sententiæ sint verissimæ; quia ratio à priori reddi potest, cur homini necessitas incumbat honesta facienda, turpia omittendi. Denique in moralibus nil magni præstitit, qui novit, honesta esse facienda, turpia fugienda: cum hic præcipuus labor sit investigasse, quænam honesta sint, quænam turpia, & quodnam *videtur* sit ista liquido dignoscendi. Quod quidem nunquam constituere poterit *Veltbemi*us, quamdiu nil nisi circulum suum crepare novit. Inde paris me vertiginis reum peragere instituit *Veltbemi*us, velut ex principio à me constituto idem proveniat circulus, & à me itidem obscurum per æque obscurum explicari. Nam si quis ex me querat, de quibusnā necessariò lege naturali disponatur, me respondere de iis, quæ necessariò faciunt ad socialitatem hominū, aut eam turbant. Sin ulterius quis instet, quænam autem faciant ad socialitatem, nihil me habere quod respondeam, quam ea, de quibus lege naturali disponitur. Verum longe tibi heic absit calumniandi artificium, *Veltbemi*. Nam nuspiam hæc propositio, homini colenda est socialitas, à me pro principio primo & indemonstrabili, ac per se noto, & in quo denum subsistendum sit, venditata fuit. Sed vocavi eam propositionem fundamentalem, seu, ad quam omnia præcepta legis naturalis, imprimis quæ alios homines spectant, reduci, & in eam resolvi queant; quæ tamen ipsa ex observationibus, è natura rerum & hominum peritis, à priori demonstratur. Sicuti & illa omnia, quæ ad socialitatem facere, aut eidem repugnare à me dicuntur, ex paribus observationibus deducuntur. Quod

Velthemium latere non poterat, si vel legit ea, quæ calumnianda sibi sumpsit, vel genuinum demonstrandi modum intelligeret, cujus ipsum ignarissimum esse patet. Unde & recte pronunciat, *abesse à se ut judicet*; illisque judicium relinquit, *qui judicare possunt, & debent*. Et sane quid indignius est, quam quod homo, qui nihil aliud quam per plusculos annos Jenæ in lacunis Metaphysicorum volutatus est, apud nos aliquid de studiis hisce re velit? Quod enim luculentius specimen esse poterat triobolaris eruditionis, quam quod ad lectionem *Grotii* adspiraturo, fundamenta *Logices & Metaphysices* potissimum commendet; aut quod ultra dogmata *Aristotelica* in morali & civili doctrina progredi velle nefas judicet, aut quod sententiam meam de demonstratione tanquam *Aristoteli* contrariam rejiciat; cum tamen eandem in praxi exprimant *Mathematici*, penes quos solos hactenus demonstrandi artificium fuit; nisi quod non ita pridem multi eruditi ad alias Philosophiæ partes, & ad morales quoque doctrinas eandem applicare cœperunt. Quod autem primus ego sim habendus, qui glaciem fregerit, viamque ad solidam de jure naturæ & gentium scientiam monstraverim, id jactasse à mea semper modestia abfuit, nec tanto unquam me sum dignatus honore. Quid laboris heic exhauserim, ipse novi; quod operæ pretium fecerim, optimus & eruditissimus quisque liquidissimo judicabit. Id sane confido, si quam meritis sum eò nomine laudem, fore ut eam furialis calumniatorum factio mihi non detrahat; & si vivum livor premat, posteritas saltem mihi decus meum rependet. Et tu, *Velthemie*, non alio facinore superstes eris, quam quia à me vapulasti.

§. 23. Inde specimine quopiam ostendere vult *Velthemius*, in doctrinà à se propugnata utique dari *invenit*, ex quo liquido constet, an & cur aliquid in se sit honestum & turpe. In exemplum adsumitur quæstio: *Cur promissa sint servanda?* Rationem ipse hanc addert; quia promissio est translatio juris in personam, cui fit promissio: Jus vero suum cuique tribuendum. Spero neminem, qui *judicium domi habet*, & qui *belleborosus* non est, (en plusculos *Velthemianos*!) desideraturum, ut cum *Velthemio* id ratiocinium in formam syllogismi resingam. Enimvero etsi hanc sententiam, *jus suum cuique tribuendum*, ego quidem verissimam norim; eam tamen id comparatam nego, ut quis distinctam, claram, & ultimam rationem istius effati, *promissum est servandum*, inde perspicere possit. Sed quia talis juris bruta non sunt capacia, nec de illis dici potest, ipsis esse jus suum;

aut

aut iisdem aliquid tanquam jus suum esse tribuendum: igitur merito quaeritur, cur homini aliquid jus suum competat, quod ipsi omnino ab altero homine sit tribuendum? Item, cur per promissum tale jus in altero producat, cujus vi omnino quid ipsi sit tribuendum? *Veltbemius* sine dubio reponet; frustra hoc quaeri, cum nemini ignotum esse queat, alteri injuriam non esse faciendam: id quippe esse per se turpe, sicut jus suum alteri tribuere per se honestum. Atqui hoc modo æque ac antea ignoto rationem hujus effati, *promissum est servandum*; nec eo magis adparet *quæstio* aliquod, & quidem universale, & ad omnes quæstiones applicari idoneum, ex quo cognosci queat, quare in se & sua natura honestum sit promissum servare. Ac nisi ad quæstiones à me motas apte respondeatur, intelligi nequit, quare promissum non servato injuria fiat. Id quod tamen ex nostra hypothese planissime, & ad captum etiam idiotarum deduci potest. Interim hoc monemus, etsi Grotiana definitio, ex Scholasticorum lacunis hausta, non nisi per circulum explicari possit; haud ideo tamen istum virum, cujus ingenio tam multa debemus, arguimus, quasi is omnes quæstiones per circulum explicet. Nam fieri potest, ut qui in generali aliqua quæstione impingit, circa particularia rem acu tangat. Neque tamen ideo definitio illa redditur inculpabilis, etiamsi vel sexcentæ quæstiones adducantur, quæ à *Grotio* recte decisæ fuerint.

§. 24. Aliquando tamen humaniter mecum videtur agere velle *Veltbemius*, dum *lubentissime* admittit, non peccare, qui ad quæstiones de certis quibusdam actibus respondet per convenientiam aut disconvenientiam cum lege socialitatis homini à Creatore injunctæ. Ubi illud observari velim, si assumam aliquam propositionem, v. g. fides est servanda, & eam ex hac ratione adstruam, quia fides ad socialitatem necessario requiritur: cum dante *Veltbemio* fidem servare per se & sua natura sit honestum; utique & hæc propositio, quæ istius rationem continet, nempe de colenda socialitate, erit per se & sua natura honesta. Et tamen *Veltbemius* dicere non veretur, *legem socialitatis homini à Creatore injunctam*. Cum in eo controversia nostra præcipue vertatur, quod ego voluntatem, dispositionem & legem Creatoris istius perfectate priorem esse adstruam, nec *per se honestum aut turpe* legi Creatoris opponendum, sed subordinandum contendam: ille contra per se & sua natura honestum & turpe antecedenter ad voluntatem summi Legislatoris se habere clamat. Verum mox, ne nimis erga nos

liberalis fuisse videatur, adducto supercilio addit; *modo responsa sua non venditet pro scientificis, i. e. talibus, quæ solidam scientiam quærentibus ex æffe satisfaciant.* Solidam autem scientiam quærunt illi, qui tam candidos, qualis *Veltbemius* est, nacti fuerunt *manuductores*; & vere *παραδιδωτες*, *lectio-nique commendatissimorum autorum assuesacti sunt*, i. e. qui ex *Toleto* & *Zabarella* doctrinam analyticam hauserunt, & per omnem ætatem in luto Sophistarum, & qui quintas inde essentias extraxerunt, volutati sunt; Hac scilicet via sola itur ad astra.

§. 25. Inde culturam socialitatis, à nobis in fundamentalis propositionis locum assumptam, carpit *Veltbemius*, quasi hoc modo nulla statuatur officia erga Deum & seipsum. Enimvero qui librum meum non solo calumniandi animo inspexit, facile deprehendit, mihi præcipue propositum fuisse, officia hominum erga se invicem tradere, & quid juris inter homines mutuo exerceatur; cui fini nullum commodius principium adsumi, quam socialitatem posse in aprico est. Et eam ob rationem caput de Religione Naturali in eo libro nuppiam extat. Hoc quippe confectarium est doctrinæ naturalis de Deo, quam alii ad Philosophiam primam referunt, alii peculiari disciplina sub vocabulo Theologiæ Naturalis adorant; eoq; nativam velut sedem in disciplina Juris Naturalis non fortitur. Sed cum postea in usum juventutis officia hominis & civis juxta legē naturalem in compendium redigenda forent, caput de Religione Naturali ex illa sive Theologia Naturali, sive Philosophia prima mutuo sumpsi, & in eum libellum transtuli. Quod eo minus heterogeneum debet videri in ea disciplina, ubi cætera omnia ex socialitate deducuntur; quia non solum lex naturalis à Deo vim atque autoritatem legis nanciscitur, sed & quia Religio Naturalis in hac disciplina, prout ea à nobis adornata fuit, eo tantum modo considerari potest, prout humanæ societatis vinculum, & velut coagulum est. Nam de Religione tradere, prout ad salutem æternam acquirendam spectat, aut prout illa circa hominem in statu integritatis sese habuit, Theologorum est, in quorum messē falcem mittunt, qui cum *Veltbemio finem Philosophia moralis salutem æternam anima* dictitant. Officia autem hominis erga seipsum partim ex religione, partim ex lege socialitatis fluunt, ita ut nō homo servus Dei, & membrum societatis humanæ esset, ipsius nulla erga semet officia intelligi possent. Quæ cum à me jam exposita sint in libello de *Officio hominis & civis* l. 1. c. 3. §. 13. mi-

rum

rūm tamen est, vociferante *Veltbemio* auditorium Jenense hac immani calumnia reboasse; *me nulla agnoscere officia hominis erga Deum & seipsum*. Ex dictis porro facile dispellitur calumnia, quā isthæc verba *præfationis* in opere nostro impetuntur; quod *nondum* valeam *discipere*, *quam sit illa morum honestas ubique & extra societatem*, hoc est, *reflexionem ad alios homines observanda*. Nam puritas illa animi, & internorum motuum sanctimonia, quam maxime etiam societatis humanæ bono exuberat, & quo quis decentius erga Deum se gesserit, eo religiosius idem officia erga homines observabit. Unde & divinus Scriptor hac nota dilectionem Dei agnosci jubet, si quis fratrem suum diligit; & mendaces proclamat, qui amore Dei se jactant, cum fratres suos odio prosequantur. Fuit etiam qui objiceret exemplum hominis solitarii, qui extra societatem humanam constitutus, utrique peccaturus sit Deum in illa sua solitudine blasphemando, cum brutis corpus commiscendo, aut vitam sibi adimendo, etsi societati, abs qua semotus degere præsupponitur, nihil incommodi inde afferatur. Sed uti quid circa blasphemiam & *autuæuæiæ* respondendum sit, ex superioribus facile adparet: ita commixtio cum brutis utique socialitati repugnat. Quin & illa ipsa vita solitaria, nō ob commodum humanæ societatis sit suscepta, legi naturali repugnat. Nam ad hoc, *ut quis absque ullis impedimentis tanto majori studio, pietati & precibus ad Deum incumbat*, opus non est à consortio hominum & impii hujus mundi segregare se, *vitamque solitariam societati anteferre*. Quasi non in vita quam maxime sociali locus sit precibus fundendis aut quasi pietas commodius inter feras sylvestres, quam homines exerceatur. Add. *Matth. V. 14. 15. 16.* Quin & rectius thalamum quam cremum cogitat, cui de tanta feditate parranda in mentem venire potest. Pariter quod adducitur de Adamo ante Evam conditam, cujus innocentia & pietas à societate, quæ nondum erat, mensurari non potuit, nihil habet difficultatis. Additur, si omnishonestas ad custodiam societatis referenda foret, tunc fas fore v. g. urgente fame, ut aliqui sese interimant, quo societati multitudine laborandi consulantur; probandum factum Lacedæmoniorum juvenes promiscuè cum uxoribus concubituros mittendum apud *Justinum* l. 3. c. 4. laudandam communionem omnium rerum Platonicam. Enimvero hic casus partim inepte ad præsentem quæstionem applicantur, partim confundunt bonum particularis cujusdam societatis cum socialitate;

cum haudquaquam ex illo, sed ex hac officia hominum inter se deducantur; multo minus pro regula honesti haberi queat, quod quis per solitudinem ex usu certæ societatis fore credidit. Sic sane omnes particulares societates ad honestatem metiendæ sunt, non vice versa; nec eo minus tamen quid homini adversus hominem honestum ex socialitate colligere licet. Ex qua itidem antecederet judicari potest, quæ peculiaris societas bona aut mala appellari debeat. Denique & in superioribus satis ostensum fuit, non repugnare, fundamentalem juris naturalis propositionem esse, hominem debere sociabilem esse; & hujus propositionis evidentiam atque necessitatem ex contemplatione humanæ naturæ exsplendescere. Unum tamen fateor nostræ methodo deesse, quo *Velthemii* decreta solide fulciuntur. Hic enim cum fateatur, doctrinam suam moralem, quam ex probatis & receptis scriptis, viva voce hausit, tandem in hæc propositiones resolvit; *Est per se honestum ac sua natura, adeoque expectandum, faciendum; Est per se turpe ac sua natura, adeoque fugiendum, omitendum*: ut stupidos illos homines protelet, qui viam istam in circulum revolvit arguunt, & rationem nosse cupiunt, cur hoc vel illud per se honestum aut turpe dicatur; *sustles* demum potius illis quam rationes intentandas pronunciat. Ubi miror *Velthemium* usque adeo à gravitate Patriarchæ sui *Nicolai Beckmanni* degenerasse, ut ad rustici alicujus instar fustibus depugnare cupiat; cum tamen hic egregius vir omni annorum genere, spectante & pollicem premente Dno. Episcopo *Petro Winstrupio* in hujusce aula Lunden si cum circumforaneo lanista tantus Doctor & Professor gloriose decerneret; ejusque artis fiducia litem, quæ sibi à me propter impressum Indicem Novitatum intentabatur, duello maluerit, quam sententiæ judiciali decidendam committere. Enimvero ego ultimam rationem doctrinæ meæ à fustibus aut gladiis petere haud quidquam constitui. Qui rationes meas capere non potest, aut non vult, non habet quod cuti suæ metuat. Neque usque adeo operam & oleum me perdidisse judico, ut non spes mihi sit fore ingenia recta & præjudiciis non distorta, quæ citra metum fustium scripta mea sint æstimatura. Quod si quis tamen tabellis suis & collegiis manuscriptis, quibus insuevit, immori malit, ego sane neque indignor, neque invideo. Quin ultro omnes Bibliopolas oro obsecroque, ne mea scripta deinceps in illa loca adportent, ubi *Asinii Tenebrionis* sectatores rerum potiuntur.

§. 26. Multa quoque blaterat *Velt hemius* circa hæc verba *Apologia meæ*: *Ex quo & aliud horribile absurdum consequitur: si nempe datur aliquid honestum & turpe in se antecedenter ad Deum, vel admittendum esse fatum Stoicum, cui & ipse Deus sit alligatus; vel dari aliquod principium Deo prius aut coæternum, formas rerum quasi determinans & specificans, cui ne Deus quidem contravenire possit aut debeat.* Quia cum homine stupido mihi res est, aut qui stuporem simulat, ut calumniandi occasio ne desit, tentabo, an efficere possim, ut vim ratiocinationis meæ capere queat. Mea igitur sententia est, moralitatem actionum humanarum, & habitudinem illam, juxta quam aptæ sunt honestæ aut turpes vocari, esse à Deo, ejusque definitione & determinatione petendam, abs qua nullo modo ejusdem voluntas excludi queat. *Velt hemius* contra contendit, eam moralitatem antecedenter se ad voluntatem Dei habere. Heic ego repono; si illa moralitas non refertur ad autorem Deum, tanquam Ens liberum, cum illa utique à seipsa esse nequeat, necessum esse, ut sit ab alio principio extra Deum. Jam autem non adparet, quodnam aliud principium heic fingi possit, præter fatum Stoicum, aut principium Deo prius aut coæternum, formas rerum determinans: i.e. ut vel dicatur, actiones humanas moralitatem habere ex immutabili fato, sive ex indeclinabili rerum serie, nescio unde producta cui etiam ipse Deus sit alligatus; vel ut alius præter Deum sit, à quo formæ rerum sint productæ. Utrumque absurdum ego pronuncio, quia per id Deus Creatoris & supremi rerum arbitri munere dimovetur. Heic igitur *Velt hemius* id primo fastidit, quod fatum Stoicum, aut principium Deo coæternum *horribile absurdum* vocarim. Nam ipse rem leviculam putat Deum abnegare, omnium rerum Creatorem, modo per se ipsa sua salva persistet. Deinde displicet, quod non distinctius explicarim, quid per fatum Stoicum intelligam, quippe de quo diversæ sint eruditorum opiniones. Atqui moris mihi non est, quacunque occasione locos communes expilare; & quæ additi verba, *cui & ipse Deus sit alligatus*, satis quale fatum intelligam, arguunt. Hinc miserimus & vere deplorandus Sophista delirat; me, quod fati Stoici mentionem fecerim, id velle inde concludere, quod qui peccant, ex fatali necessitate peccent, & culpam à se in fatum amoliri queant. Hanc enim consequentiam neçunt illi, qui fatum Stoicum admittunt. (*Nemo sit fato nocens, ast apud Senecam.*) Atqui ego fatum Stoicum seu à Deo independens rejiçio, &

horribile absurdum pronuncio. Quid ergo mihi cum consequentiis, quas ejus facti defensores neunt? Præterea negat *Veltbemius, Grotium*, & qui eandem hic cum ipso foveant sententiam, statuere aliquod principium extra Deum existens, eique coæternum, à quo intrinseca honestas aut turpitudine actionum dependeat. Ast ego nusquam dixi, eos expresse id statuere: sed hoc dico, id *consequi* ex sententia eorum, siquidem *per se & sua natura* dispositioni & determinationi divinæ opponant. Sæpe autem contingit, ut quis thesin aliquam asserat, cujus absurdum consequentiam non prævidet; sæpe ut hanc inde fluere neget, cæteri asserant. Addit, à *sua sententia defensoribus neminem in dubium vocare, discrimen honesti & turpis à Deo, ejusq; definitione & determinatione petendam esse*. Credas jam *Veltbemium* sapere velle. Sed quod una manu videri voluit dedisse, altera mox iterum eripit. Statim enim addit: *modo hoc admittatur, quod à Deo aliter honestas ac turpitudine actuum determinari nequeat, nisi ut horum istorumvé actuum, quos per se & sua natura honestos statuimus, natura fert. Quales intellectus Dei sapientissimus agnoscit actus, tales judicat, ut tamen in puncto rationis semper prior sit turpitudine actus, à Deo facta definitione ejus turpitudinis atq; determinatione*. Atqui hoc ipsum jam maxime quaritur, unde sit illa natura actuum, cui determinatio divina attemperare sese debuerit? Ego dico, hanc naturam actuum itidem esse à determinatione Dei, utpote qui hominis naturam ita formavit, ut & legis esset capax, & quæ naturalis vocatur lex omnino cum ejus conditione quadraret. Nam nemo utiq; præter Deum homini dedit, ut talem haberet naturam, ut talis actuum ab ipso exercendorum esset indoles. Cum autem Deus hominem crearet, cum talem ipsi, ejusque actibus naturam daret, quam maxime voluntarie agebat. Igitur moralitas illa actuum humanorum ad voluntatem Dei antecedenter se habere falso dicitur. Equidem quales actus Dei intellectus agnoscit, tales judicat; sed tales & non alios, taliter & non aliter agnoscit, quam quales creare constituit: i.e. agnoscit actus, qui legis naturæ objectum constituunt omnino naturæ humanæ congruere vel non congruere, sed & hoc agnoscit, actus illos eam habitudinem cum natura humana obtinere, quia ipse ejusmodi creaturam libere creare constituit. Unde falsum est, quod in puncto rationis turpitudine actus prior sit definitione à Deo facta. Sed primo omnium concipitur homo tanquam creatura rationalis à Deo libere

bere producenda. Inde concipitur habitudo ipsorum actuum, ad normam dirigi aptorum. Post hanc lex, tanquam norma, ad quam actus isti necessario referendi & dirigendi sint, ac demum concipitur honestas & turpitudine, tanquam affectiones actuum ad normam relatorum. Aliud punctum rationis heic comminisci, aut ordinem hunc intervertere, contra rationem est. Quicumq; igitur naturam illorum actuum, de quibus sermo est, ad autorem Deum referunt, ab ipso in creatione hominis, ita adornatam, illi mecum consentiunt. Quia autem actus illos habitudinem & indolem suam non à divina definitione, determinatione, & voluntate habere contendunt, illi viderint, quem sibi creatorem velint adoptare. Sane neq; *Veltbemius*, neque universa ista factio hanc mihi persuasionem unquam eripiet, me Deo debere, & quod sim, & quod homo sim, & quod creatura sim legis capax, & quod quidam motus mei voluntarii eam habeant indolem, ut omnino adaptandi sint ad normam, quam Deus in creatione mihi injunxit, & quod actus meus, si ad eam normam quadret, honestus & bonus, ubi ab ea discrepet, malus & turpis sit; & denique quod aliquid horum antecedenter ad Deum se habere qui asserat, in Deum Creatorem sit injurius.

§. 27. Tandem atrocem quoque oppugnationem subeunt, quæ super necessitate in actionibus moralibus versante proposueram; eam nempe esse *non absolutam sed hypotheticam, supponentem creationem animantis rationalis, quam nemo est, quin liberrima voluntati Dei adscribat*. Heic ut appareat omnē *Veltbemii* conatum frustra in aërem effundi, observandum est; eum locum à me opponi verbis *Grotii* l. 1. c. 1. §. 10. quod actus, circa quos lex naturalis versatur, à Deo necessario precepti aut vetiti intelliguntur. Quæstio igitur est, qualis heic necessitas sit in ordine ad Deum, seu quale genus necessitatis Deum subegerit, ut circa actus istos legem statueret? Ego respondeo, eam esse non absolutam, sed hypotheticam, quia supponitur à Deo animal rationale liberrima voluntate creatum. Posito enim Deum libere voluisse creare animal rationale, non potuit non circa certos illius actus lege disponere; quia alias voluntas Dei sibi ipsi repugnare fingeretur. Adeoq; non absolute necessarium fuit à Deo legem naturalem ferri; sed ea necessitas orta fuit ex suppositione actus, abs Deo liberrima voluntate suscepti, nempe ex creatione hominis. Quæ autem necessario consequuntur actum libere & contingenter

susceptum, illa utique ex necessitate non absolute, sed hypothetica fieri dicuntur. *Si currit, movetur*, est exemplum necessitatis hypotheticæ à *Veltchemio* positum. Antequam quis cursum libere susceperet, neque currere, neque moveri necessarium ipsi erat; posito autem cursu libere suscepto, non potest non simul existere motus. Sic antequam Deus crearet hominem, neque creare hominem, neque legem naturæ ferre DEO necessarium erat. Sed posito, creationem hominis ab eo libere susceptam, non potuit non lex naturæ simul ferri. Sic ut sperem, me adplicationem hujus termini augustissimis imperii Methaphysici Monarchis satis adprobare possë. De hac ergo specie necessitatis circa actiones morales versantis, quatenus nempe ad Deum illa refertur, unice mihi sermo fuit. Ast si alio modo formetur quæstio, aliam quoque emergere oportet responsionem. Si enim eam ad hominem referam hoc modo; quæ necessitas homini inest ad actus istos observandos aut omittendos? respondetur, eam esse necessitatem quam vocant obligationis. Sin præcise quæram de coherrentia affectionis moralis cum certa actione humana, v. g. honestatis cum honore parentum, turpitudinis cum adulterio: seu quænam sit illa necessitas, qua parentes honorare honestum, mœchari turpe sit: respondetur, esse necessitatem absolutam in genere morum, quæ contradistinguitur necessitati absolutæ in genere naturæ, qua affectiones phylicæ cum rebus naturalibus, v. g. vis comburendi cum igne, conjunguntur. Quæ duo genera necessitatis in hoc differunt, quod hæc nil aliud præsupponat, quam actum creationis, quo rebus ejusmodi natura est à Creatore insita; illa autem præterea superioris impositionem & legem prærequirat. Ex quibus manifeste adparet, à *Veltchemio* primam illam quæstionem, de qua mihi sermo est, cum postrema confundi. Quod utrum per imprudentiam factum sit, an vero ut ansam arriperet tam abstrusæ eruditionis Oceanum exonerandi, simulq; poterve mihi insultandi, dubium est. Sane uti cucurbitas lippire, & toto cœlo à sententia mea aberrare isti homini insolitum non est: ita splendidum & se dignum finem ut dissertationi suæ imponeret, operam dedisse videtur; dum ea occasione per aliquot paginas doctrinam de necessitate, sexcentis tabellis expositam, & quam Jænæ passeret quoq; cantillant, non minore eloquentiæ torrente evoluit, quam agyræ virtutes adipis murium Alpinorum solent. Hinc sublato immensum supercilio & acerbitate plane Orbiliana imperitiam genuinæ

nuinæ, ac divinitus apud Jenenses sancitæ Metaphysicæ mihi exprobrat, in quam impingendo gravissimo me læsæ Majestatis pedantica crimine adstrinxerim. Ad quam accusationem paucis repono; ex supradictis manifestum esse, in quæstione à me proposita terminum necessitatis hypotheticæ proprie, & ex usu omnium Metaphysicorum fuisse adhibitum: sed quod *Velthemius* aliam quæstionem substituerit, cui iste terminus non quadraret, culpam nullam penes me esse. Deinde, si vel maxime ego terminum aliquem Scholasticum aliter accepissem, quam tabulis Stahlianis, velut æterna Parcarum lege, sancitum est; num tamen ideo tam inficte more insultari par erat viro, cui oblatrasse unicam sibi viam ad qualemcumque famam adquirendam sufficere *Velthemius* judicavit? An tantis ideo tumultus excitandus, ac si de Ecclesiæ & reip. salute ageretur? Præsertim cum omnem illam sapientiam Velthemianam, cujus præcipuam partem *Institutiones Logica* sui affinis, & *tabella Stabliana* absolvent, plane ignorasse, aut saltem ejus notitiam dissimulasse apud solide eruditos, & quibus me ac mea scripta potissimum adprobare gaudeam, non magis rubori sit quam aulico cuiquam, quod hircum non oleat. Sed ut quod res est, fatear, juvenilibus annis, & cum studia impetu potius quam judicio tractarem, non paucas bonas horas in ea Philosophia, cujus pulchritudine *Velthemius* attonitus stupet, me perdidisse memini. Quin & cum Jenæ eo ipso musæo, in quo Stahlius animam exhalaverat, uterer, quotiescunq; respirarem, atomos quasdam distinctionum & terminorum Metaphysicorum videbar deglutire, quibus aer iste pertinacissime infectus erat. Postea tamen diversum cælum pulveres istos ultro discussit, & ex tota illa scientia id præcipuum remansit, quod sciam, cum, qui istam solam scit, nihil scire.

§. 23. Ex hisce igitur quilibet cordatus judicabit, num *Velthemius* recte clamitet; *totam liem in abusu terminorum à me factò consistere, & me revera cum istis sentire, quos ex pruritu novandi impugno.* Sane enim non intra sola vocabula hæret isthæc disceptatio; num moralitas actionum antedecenderat voluntatem DEI legemque se habeat; num illa natura actuum, qui per se honesti aut turpes dicuntur, voluntati Creatoris opponi, an vero potius eidem subungi & subordinari debeant? Et cum nuspiam thesin suam *Velthemius* revocet, aut ita explicet, ut cum mea conspiret, ac nihil attulerit, quo mea sententia destruat, nescio, quo

jure me velim nolim inter suos numerare queat. Verum quid ille sentiat aut non sentiat, mea nihil refert, modo tam inficetis clamoribus meam famam lacerare desinat. Nam uti nihil facilius mihi, quam istius miseras sophisticationes destruere; ita poenitenda est pugna, ubi vicissè hostem inglorium habetur.

§. 29. Cum ad alia pedem jam proferrem; occurrit alia *Velthemii* Dissertatio, quæ inscribitur *De Statu Controversia*; in qua per sædum mendacium hæc mihi thesis attingitur; quod nullum actum necessario turpem statuam, sed velle contingenter turpes esse illos actus quos consensus communis necessario turpes judicat, e.g. contingenter esse turpe adulterium, quatenus contingit committi ab homine ut est rationalis. Bone Deus, in quot sese formas vertere non novit dira calumniandi rabies! Si micam boni viri habet *Velthemius*; ostendat, ubinam locorum in meis scriptis ea assertio extet. Quam porro non minus ruditaris, quam malitiæ isti calumniæ subest! Cui enim ignotum est omnes actiones humanas respectu exercitii aut existentiae esse contingentes, quia à voluntate tanquam facultate libera procedunt. Verum hæc contingentia non obstat, quo minus illis certæ affectiones necessario competant. Quod jam docui in *Opere meo* l. i. c. 2. §. 5. Neque etiam quo minus, v.g. adulterium homini necessario, i.e. ex necessitate obligationis sit omnittendum, & quod adulterium necessario turpe sit, i.e. lege naturali, non positiva, non obstat, quod illud intelligi nequeat, nisi posito animali rationali & sociali à Deo libere creato. Sicuti incendium intelligi non potest, nisi posito igne, & materia combustibili à Deo libere creata. Ex quibus tamen non nisi triobolaris Sophista inferret; Ergo adulterium contingenter est turpe; Ergo ignis contingenter est calidus.

§. 30. Nondum Jenanos dimittit. Post *Velthemianas* alia nobis Dissertatio offertur anno 1675. habita sub præsidio celebris *JCri*, sed quam stylus adolefcentis foetum arguit. Cujus temeritatem responsione indignam judicarem, nî suspicarer robustiores quosdam tela isti suppeditasse. Sed rem ipsam excutiamus, de autore parum solliciti. Initio igitur sophisticationibus suis astute viam struit. Cum enim *honestum & turpe bono & malo moraliter respondere* pronunciasset, honestum dein ira definit: *quod præcisa delectione est conveniens natura rationali, quatenus est talis.* Quod primum est falsum, quo incautioribus fucum facere conatur.

Honc-

Honestas quippe & turpitudinis, bonitas & malitia moralis per convenientiam & disconvenientiam cum lege tanquam norma actionum definienda est. Sed convenientia vel disconvenientia cum natura rationali ut tali, proprie est affectio actionum, quæ naturali lege præcipiuntur. Equidem cum optimo & sapientissimo Creatori placeret condere hominem, cujus libertas certis legibus foret circumscribenda, ejusdem naturam ita simul formavit, ut actiones, quæ lege naturali præcipiuntur, non possent non naturæ hominis convenire, & quæ vetantur, repugnare. Sic ut legem ferendo, & libertatem hominis circumscribendo non nude potestatem suam ostentare, aut inutili vinculo molestiam homini facessere, & velut laqueos tendere vellet; sed ut homo, dum obsequium suum Creatori adprobat, & naturæ suæ convenienter ageret, & incolumitatem juxta atque emolumentum suum promotum irer. Unde conveniunt quidem actiones bonæ cum natura hominis; sed in ea convenientia formalis ratio bonitatis moralis non consistit. Sicuti & cum bonitas & malitia actionum sit argumentum obedientiæ & inobedientiæ, quam favor aut indignatio superioris sequitur; intelligi nequit, quomodo quis præcise eo nomine, quia naturæ suæ convenienter egerit, obsequii laudem, & superioris approbationem mereri queat. Accedit quod utique actio bona sit legi positivæ obtemperasse, mala eandem violasse. Atqui quæ positiva lege præcipiuntur aut vetantur, haud quidquam cum natura rationali, ut tali conveniunt, aut discrepant, eoque ex conditione naturæ rationalis investigari nequeunt. Deinde ineptum est, quod divisio actionum honestarum hoc modo instituitur: *Conveniunt porro actiones morales bonæ vel honestæ naturæ vel simpliciter, vel ex arbitrio solius præcipientis.* Nam quæ ex arbitrio solius præcipientis naturæ rationali, ut tali convenire heic dicuntur, revera eidem non conveniunt, sed ad eam in universum consideratam indifferenter se habent, aut saltem certis duntaxat hominibus ex peculiari ratione conveniunt. Adeoque alteram hujus divisionis membrum revera contradictionem implicat. Quia qui positivam legem fert, nequaquam eo ipso naturam hominis ita format, ut ea lex ipsi, qua rationalis est, omnino conveniat: sicuti Creator fecit, dum legem naturæ homini abs se condendo injungere constituerat. Mendose quoque mox dicitur, quod quæ positiva lege præcipiuntur, *casu tantum*, non intrinsece & sua natura honesta sint. Nam sane Deus & humani Legislatores nequaquam

casu leges positivas ferunt, sed gravi ratione moti, etsi ea quandoque subiectos lateat. Sic & animadversionem merentur sequentia: *Contra ea, quæ simpliciter homini conveniunt, illa non ex hypothesi, sed sua natura sunt honesta: quoniam non demum agenda sunt propter voluntatem iussumque divinum, sed propter intrinsecam suam cum ratione naturali convenientiam.* Ubi priora verba quidem tolerari possunt, si hoc modo exponantur: *Quæ simpliciter homini, i. e. prout est animal rationale ac sociale, conveniunt, illa non ex hypothesi, i. e. non ex suppositione absolutæ & nudæ voluntatis Legislatoris, sunt honesta;* seu illa non ideo honesta sunt, quia absolute Legislator ita voluit, non attemperata & formata simul natura & conditione humana, ut ea honesta omnino ipsi congruerent: *sed sua natura sunt honesta, i. e. quia natura hominis ita formata est, ut ista non possent non eodem convenire.* Sed posteriora verba plane ferenda non sunt; quod quæ sua natura honesta dicuntur, *non demum agenda sint propter voluntatem iussumque divinum, sed propter intrinsecam suam cum rationali natura convenientiam.* Atqui profecto ultima ratio, quare agenda sint, quæ lege naturali præcipiuntur, est voluntas & iussu Creatoris; neque qui peccat, ideo Dei offensam incurrit, quia naturæ suæ convenienter non egit, sed quia adversus voluntatem divinam egit. Qui voluntatem Domini sui non fecit, ille vapulat. Sane *Lutherus* noster in Catechesi puerili rationem obsequii præceptis divinis præstandi à iussu & voluntate DEI arcessitum it, dum ita diligenter inculcat: Debemus DEUM timere & diligere, ut hoc vel illud faciamus; cum satius fuisset, ex Theologia istorum hominum dixisse: debemus naturæ nostræ convenienter agere. Neque *David Rex* uspiam orat; doce me convenienter agere naturæ rationali ut tali; sed doce me agere secundum voluntatem tuam. Sed nimirum ista veteris pietatis scita novæ sectæ patronis sordent, qui omni conatu hoc videntur agere, ut voluntas DEI à constitutione legis naturalis, & formatione generis humani excludatur. Ex dictis porro facile colligitur, quo sensu conclusio istius loci admittenda sit: *quocirca necessario sequitur, condito homine Deum non potuisse non talia jubere vel prohibere, i. e. cū Deus ex libera voluntate constituisset, creare animal natura rationali ac sociali à se donandum, non potuit non talia jubere vel prohibere; quia alias DEUS aberrasset à scopo suo, quem in creando homine sibi præfixerat, adeoq; sibi ipsi velut repugnasset & contradixisset. Qui enim cum ratione agit, non potest non designationi suæ convenienter agere.*

§. 31. Nec minus infelicem aut fraudulentum se gerit Disputator ille in formando quæstionis statu, dum dicit: *Disquirendum est, utrum dentur actiones morales int. in se, siue in se honestæ aut turpes? An potius omnes omnino ex hypothesi ac mera voluntate Legislatoris sint tales?* Quis non videt decipulam instrui vocabulo *mera* voluntatis? Nam nemo anquam asseruit, quod actiones humanæ, de quibus lege naturali disponitur, honestæ sint vel turpes ex *mera* voluntate DEI, i. e. ut nulla plane ratio eorum præceptorum præter nudam & absolutam voluntatem DEI allegari possit. Quippe cum DEUS non potuerit non eas tales declarare, posita creatione animantis rationalis ac socialis libere suscepta. Eoque voluntas DEI, qua actiones istas honestas vel turpes declaravit, non mera est, sed quæ non potuit non resultare exposito actu voluntario creandi animal rationale ac sociale. Ut jam non amplius obscurum sit, quo sensu honestas & turpitudine illis actionibus in respectu ad Deum & necessario, & voluntate ejusdem inesse dici queat. Unde mirum est, quod cum iste in sequentibus scripsisset; à DEO hominem ad certum finem procreatum, & inde necessarium fieri, ut actiones hominum convenienter fini insituantur; in maxima autem illarum varietate quasdam ad finem utique esse necessarias, quasdam eidem repugnare: mox tamen addat; id non ex voluntate divina contingere, sed simpliciter atque ex intrinseca actuum natura. Nam quia & finis iste homini voluntate divina est constitutus, & voluntate itidem divina ita sit formata hominis natura, ut certæ ipsius actiones non possent non ad finem congruere vel non congruere: igitur heic natura actuum intrinseca voluntati divinæ non opponenda, sed subordinanda est; cum nisi illud voluntate divina constitutum fuisset, hoc consecuturum non fuerat. Unde & lubenter admittimus, quod porro dicit: *Cum sapientissimum Numen ita velit insitui hominum actiones, ut finem, ad quem conditi sunt, etiam consequantur, necessario quoque jubere debuit actiones fini respondentes, adversas vetare*; quia alias sibi contraria voluisset. Sed quod sequitur, ferri non potest: *Tametsi Deus nunquam præcipisset aut vetasset, tamen exercenda omnino vel omittenda forent ex sua & subjecti agentis natura.* Conspirat quippe hoc cum flosculo illo Velthemiano, parum à blasphemia abeunte: quasi lex naturæ obligatura fuisset gentes, etiamsi Deus non esset. Et si quis omnino absurdam & impiam hanc hypothesein supponere velit, istos actus nunquam à DEO lege sancitos fuisse: tunc tamen impossibile foret

cas

cas concipere sub nozione honestatis aut turpitudinis, sed tantum sub no-
tione commoditatis aut utilitatis concipi possent. Sicuti convenienter
meæ naturæ ago, si friviente frigore luculentum focum instruam, aut ve-
stes pellibus suffultas geram; quod tamen cum nulla lege sancitum sit, nec
fecisse honestum, nec omisisse turpe dicitur. Ac nauci est nova illa Philo-
sophia, quod *legis ea duntaxat vû sit, ut obligetur subiectum, & incurrat pœ-
nam contra præceptum Legislatorum niens*. Nam hæcenus omnes sani cre-
diderunt, primam vim legis esse, subiecto significare, quid agendum, quid
omittendum, injuncta simul per imperium obligatione. Neque intelligi
potest, quomodo quis obligari, aut pœnæ capax fieri queat, nisi prius
significatum sit, quid ab ipso fieri, & quid ab ipso non fieri debeat.
Quæ igitur necessitas subigit ad tam absurda, & à sensu communi abhor-
rentia commenta confugere; nisi forte cœlum terræ miscendum est,
ut Asinii Tenebrionis calumniæ aliquo fucò adornentur? Itaque licet ante
legem neque transgressio sit, neque pœna; nihilominus tamen actus aliquis neces-
sarius subiecto ad obtinendum finem aut fugiendus statui potest. Bene; sed non
sub nozione honesti aut turpis, nisi lex accesserit. Quod si jam necessario
quædam jubentur aut vetantur, inquit, propter intrinsecam suam honestatem
& turpitudinem: (mendosè; nam scribendum erat, propter convenien-
tiam aut repugnantiam cum natura animalis ac rationali abs DEO libere
formata; quia honestas & turpitudine sunt affectiones actionum, quæ le-
gem sequuntur,) manifestum etiam sit, haud omnia jussa divina vel prohibi-
tiones, mere arbitraria esse. Atqui hæc conclusio ætrem ferit, quia nun-
quam mihi asserere in mentem venit, omnia jussa divina mere arbitraria
esse, aut quæcumque à DEO mandata aut velita sunt, ex solo arbitrio ipsius
omnia provenisse, nullo habito respectu ad conditionem naturæ rationalis
& socialis ab ipso libere formatam.

§. 32. Videamus, quo acumine & candore argumentum à me alla-
tum dissolvere aggrediatur: Si honesta quædam sunt ante legem divinam, er-
go & ante voluntatem Dei, ergo & ante Deum & æternitatem. Quod argu-
mentum Ipse dicit acutum & hebetiori inexplicabile. Expectamus inusita-
tum & admirabile acumen. Negat igitur id, quod legem divinam antecede-
dit, statim etiam ipsam voluntatem Dei antecedere. Aliam enim esse volun-
tatem, aliam declarationem voluntatis cum præceptione aut prohibitionem con-
junctam, quæ legis appellatione venit. Quanquam enim lex omnis voluntatem
Dei

Dei præsupponat; ne utiquam tamen quicquid ille voluerit fieri vel omitti, statim præcipere aut vetare. Atqui omnino quicquid Deus vult fieri vel omitti ab homine, seu quas actiones suscipi, aut omitti, id ipsum quoque præcipit aut vetat, & cum voluntatis illius nullus sit effectus, nisi subiecto innotescat, etiam revelat seu promulgat: quippe cum heic nihil desit, quod ad legis essentiam requiratur. Quod enim Noster excipit: *Quid si aliunde perspiciat Superioris voluntate ultro eandem sequamur? quid opus tunc lege foret?* id ad præsentem quæstionem stolidè adplicatur. Nam impossibile est, creaturam aliunde voluntatem divinam perspicere, nisi Deo revelante. Quicquid ergo ille quocunque modo revelavit, ut ab homine fieret vel non fieret, lex est. Quod non revelavit, id uti ab homine cognosci nequit, ita & lex non est. Quanquam autem *lex posterior sit voluntate, si non semper actu, at ordine considerandi*; quia nempe prius concipimus voluntatem, posterius decretum voluntatis: tamen in hac quæstione nihil interest, utrum neget, honestatem oriri à lege DEI, an à voluntate DEI, quia DEUS aliter, quam per modum legis velle non potest, ut honesta ab aliis fiant; eoque ipso dum vult ea fieri, etiam legem fert. Et ab æterno voluit Deus, ut honesta fierent tunc, quando existerent, qui facere honesta possent; eoque ipso ab æterno legem ferre homini abs se condendo voluit; ctsi ipsa lex actu, antequam homo conderetur, lata non fuit. In has angustias reductus Noster Disputator nullam aliam elabendi viam videt, quam ut sædum illud, *Velt hemio* tantopere commendatum carmen resonet: *Honestà heic loci intelliguntur, quæ faciendâ nobis sunt, quantumvis nunquam voluisset Deus, nunquam præcepisset, ut faceremus.* Ergo hoc solum restat, ut isti homines dicant; humanum genus futurum fuisse, licet nunquam à Deo fuisset creatum. Pergit; quæ (honestà) *ideo velle, ideo præcipere debuit, quoniam homini faciendâ erant.* Mirum in ista secta novum quempiam Deum comminiscatur, antea ignotum, qui Deo Creatori humani generis injungeret, quid ipse velle & præcipere deberet. Et quid lege lata opus erat, si ista & antea homini faciendâ, & antea honesta erant? Sequitur; *postea igitur honestate ista, ponitur simul voluntas divina, ut tempore conjuncta sint, ordine considerandi duntaxat separentur.* Prius enim ad se oportet objectum voluntatis, antequam velis. Sed nimirum oblitus est Noster, sermonem esse de voluntate ejus, cujus nullum objectum extra ipsum extaret, nî ipse voluisset: & quod voluntas divina objecta extra se determi-

nec non quod objecta determinant voluntatem d. vinam. Hactenus igitur fat crasse circa resolutionē hujus difficultatis versatus est Noster. Sed nunc subtilius rem rimatus ita demum statuit. *Non datur honestum, nisi respectu hominis. Ergo non precedit aternitatem, i.e. non datur honestum, nisi in actionibus humanis ad legem conformatis. Quod si ab aeterno conditus fuisset homo, quin ab aeterno quadam ejusdē fini convenerint aut repugnarent, nihil dubitandum.* Non intelligit Noster, contradictionem implicare, *conditum esse ab aeterno.* Quod enim ab aeterno est, id conditum non est; & quod conditū est, non potuit ab aeterno esse, sed omnino principium habuit. *Ut igitur finem obneri Deus, ita & congrua atque necessaria ei fini, contraria vitari ab aeterno voluisset.* Sed num ex admittā hac etiam stolidā hypothesi sequitur, quo minus honestas sit affectio actionum humanarum ex conformitate cum lege resultans? Aut numquid per hypotheses contradictorias veritas destrui potest? *At legem forte nullam praecripsisset.* Ast hoc non forte, sed fortiter delirare est. Ponitur finis, ponitur effectus, ast non ponitur medium necessarium, seu quo non interveniente, nec finis obtineri, nec effectus intelligi potest. Si rationem queras tanti absurdi, nihil audis, nisi forte nullam legem praecripsisset. Ita disputare tolerant, qui *Velt hemium*, tantum Analytices artificem, cominus vociferantem audiunt? *Quocirca habuissēmus honesta, aternitati coeva, lege priora, cum voluntate Numinis arētissime, & in ipso ortu hominis conjuncta.* Adspargamus frigidam hūc rationicinio, quia jamjam sub manibus videtur expiraturum. Et tamen theatro obmutescēte plausum sibi ipse dat miser histrio. *Ita obtudimus, inquit, acumen.* Risum teneatis amici?

§. 33. Neque tamen post tanta deliria desinit arguator Noster: *Licet porro finis, ad quem homo procreatus, positus in divino arbitrio fuerit, ut illo demum constituto actiones quadam intrinsece honeste aut inhoneste dicantur; id tamen nobis nihil negotii facessit.* Et quid tali modo disputandi negotium facessere posset, qui per contradictorias hypotheses sua absurda stabiliret? *Nam accipiendus jam est finis, inquit, prout constitutus est.* Atqui finis iste, prout constitutus est, omnino includit legem tanquam medium aut normam, ad quam actiones hominum fini à divino arbitrio constituto attemperandae sint, ut honesta audire queant. Ergo in millese formas veritat licet Noster, nunquam tamen efficiet, ut honestas actionum legem divinam antevertat. Denique ut adpareat, istos homines omne suum pra-

præsidium in Sophisticationibus reponere, ita totum locum concludit: *Quare non est, cur assentiāmur illis, qui omnia DEI jussa vel interdicta tantum voluntaria esse volunt, quasque ante legem nihil referat, sive actus aliquis insituitur, sive omittatur ab homine, sive contrarium ejus fiat.* Ast ubinam ego hanc rem ita explicavi, dum voluntatem Dei uti non à creatione, ita nec à legis naturalis latione excludendam contendī; quod nihil referat, quicquid homini præciperetur? Cum ad nauseam usque à me inculcatum sit, posita tali natura, conditione & sine hominis, non potuisse non eas leges à Deo humano generi ferre. Fine enim & natura atque conditione semel designata, non amplius *meri* res arbitrii est, quæ media, aut quæ leges sint præscribendæ. Et immane quantum fallitur Noster, quando dicit: *Si meri res arbitrii fuisset, etiam in contraria fini suo potuisset actus dirigere.* Nam in contraria fini suo tendere stultitiæ est. Eoque absurdum juxta & impium est, arbitrio Creatoris talem libertatem tribuere, quæ contraria fini suo suscipere possit. Hinc & stolidæ alia quæstio instituitur: *Utrum jus natura constet ex præceptis mere arbitrariis, an vero necessariis?* Nam ego semper mere arbitraria præceptis legis naturalis contradistinxī, & necessitatem sui generis hisce nunquam detraxi. Sic quando dicitur: *Naturale jus ex natura objecti oriri, positivum à præcepto;* id ita interpretandum, ut à naturali jure præceptum non excludatur, sed quod attemperatum est ad naturam & conditionem hominis in universum, qualis attemperatio in positivis legibus non conspicitur. Tandem à Nostro carmen Velthemianum repetitur: *Subsistendum esse sciscitanti, cur aliquid natura precipiat aut vetet?* in illa ratione; quia intrinsece honestum, quia intrinsece turpe est. *Hæc prima juris naturalis principia, ultra quæ causam nullā reddere à priori scimus. Honestæ enim naturæ sunt, quæ in se, nullo respectu ad legem, conveniunt rationali naturæ, sive quæ in se respondent fini, ad quem homo est conditus.* Ut hoc dogma à nemine deinceps impugnetur, opus fuerit terribili anathemate id munire. Pergit: *Itaque male sic reddideris honesti causam; quia convenit humane naturæ, seu quia convenit cum fine, ad quem à Deo sumus procreati. Quis enim sobriæ mentis ita loquatur? Homo, i. e. animal rationale est, quia est animal rationale.* Hoc quidem Velthemio & lociis recte canitur. Verum ex mea sententia quæstiones & responsiones ita sunt formandæ. Cur hoc vel illud, v. g. gratum esse & honestum? quia id lege naturali præcipitur. Cur lex naturalis id lege naturali præcipit? Quia id congruit cum

natura & conditione hominis in universum. Unde eam naturam & conditionem sortitus est homo? ex assignatione & dono Creatoris. Cur ejusmodi naturam & conditionem isti creaturæ assignare eidem placuit? Quia ejus sapientiæ & bonitati ita visum fuit. Huc usque ubi perventum fuerit, ego subflistendum demum judico. Atque hæc isti Disputatori sufficiant.

§. 34. Addamus etiam, quæ super hac quæstione philosophatus est *Josua Schurvarzius*, qui ut ut mandato Regio juberetur silentium agere, tamen ne per inclusæ sapientiæ fermentationem intestina creparent, maluit sprete Majestatis Regiæ reus esse, quam isthac mysteria non cruciari. *Querenti*, inquit, *cur quæ lege naturali prohibentur, absolute, per se & sua natura sint turpia?* Respondet, & quidem absque omni ruditis, malitia aut rivosæ rubore, & prout tam illustis indicis autore digni in est: *Non ideo, quod rationi repugnant, (id enim circulus iste foret,) qui nobis (Tenebrionistis) immerito assignitur; verum quod infinitæ sapientiæ & justitiæ Dei, adeoque summa rectitudini intellectus, & voluntatis divinæ adversatur.* Ubi primo observandum, quæstionem ex mente *Veltheimii* & aliorum vitiligatorum inepte hoc modo concipi: Nam illi *quod per se & sua natura* opponunt cuius rationi à priori: seu quando aliquid per se & sua natura honestum dicitur, nullam amplius rationem inquirendam putant, sed plane in eo adquiescere jubent. Unde & iidem clamant; honestum & turpe, quod per se tale dicitur, antecedenter se ad voluntatem Dei habere. Dein quæ tanto cum supercilio profertur responsio, obscuritate, & ambiguitate laborat. Nam non satis distincte exprimitur, utrum hoc, quod per se turpia sapientiæ & justitiæ Dei adversantur, ex dispositione, sanctione, & jussu ipsius Dei provenerint; seu utrum ipse Deus effecerit, ut ista per se turpia divinæ sapientiæ & justitiæ repugnarent; an vero illa citra dispositionem DEI per se extiterint. Posterior sensus revera discedit in sententiam *Veltheimii*, quam tamen iste visus fuit, rejecisse. Prior autem sensus mihi non contradicit. Nam ego quidem non repugno, si quis asserere velit, Deum condendo naturam hominis procurasse, ut certæ hominis actiones ejus justitiæ & sapientiæ congruerent, quædam non congruerent. Sed tunc ulterius notandum, eam responsionem esse remotam, & velut salum committere, simulque ex diversa disciplina peri. Nam proxima & immediata responsio ad propositam quæstionem est hæc: Quia Creator naturam hominis ita formavit, ut ista non possent non repugnare legi, quam

quam conditio ejusmodi naturæ requirebat, eoque homini esse vitanda. Ast si quis ulterius querendo instet; cur Deus naturam hominis ita formavit? tunc quidem ex lumine rationis nullum aliud responsum superest, quam quod istud optimo & sapientissimo Creatori ita placuit. Nam ea responsio, quod id congruerit sapientiæ & justitiæ divinæ, aut quod divina justitia hoc requisiverit, ex scitis religionis Christianæ petita est. Ratio enim sibi relicta ignorat, quod justitia divina præcise requisiverit ejusmodi animal creati, cujus certæ actiones cum ipsa convenientiam aut discrepantiam haberent. *Idem* quoque circa terminum necessitatis hypotheticæ cum *Veltbemio* diversas quæstiones confundit; qua de re supra satis dictum. Denique & novam hæc difficultatem movet *Noſter*. Negat quippe, posita mea assertione, quod *omnes actus illi, qui vel turpes sunt, ut blasphemia, incestus, vel honesti, ut cultus & honor Dei, castitas, temperantia, &c. ex hypotesi rationis aut socialitatis liberrime à Deo creatæ, tales sint. Turpes enim & honestos eos esse respectu infinitæ sapientiæ & justitiæ DEI; quod eidem vel repugnant, vel conformes sunt. Cultum quippe Dei & blasphemiam, illum honestum, hanc turpem esse, non solum prout ab homine animante sociali, sed etiam ab Angelo, vel Spiritu sociali non creato i.e. diabolo profic scerentur.* Enimvero & hic scrupulus nihili est. Nam primò ex nostra sententia id, quod ex voluntate Dei profectum est, & id quod cum ipsius sapientia & justitia congruit, sibi invicem non sunt opponenda; quippe cum commode simul stare possint. Deinde unice mihi propositum fuit jus quod in homines cadit, inquirere. De jure Naturæ Angelorum & diabolorum dispiciant subtiles isti homines, qui cum Doctoribus Angelicis & Seraphicis familiaritatem contraxerunt, & qui de conditione spirituum non minore confidentia, quam Medici de partibus humani corporis, disputant. Quod autem cultus Dei spiritibus creatis honestus, blasphemia turpis sit, id provenit ex causa, quæ in homines æque ac in istos cadit; nempe quia à Deo creati sunt, intellectu ac voluntate præditi. Tali enim Creaturæ non potest non cultus Creatoris convenire, blasphemia disconvenire. Addantur quoque supra disputata §. 25. Sed qua ratione in Spiritus castitas, incestus, temperantia cadat, nunc intelligemus, quando à *Schwarzio* de diversitate sexus in Spiritibus, eorundemque diæta traditum fuerit.

§. 35. Fuit insuper non nemo, qui alibi locorum scrupulos suos cir-

ca meam sententiam publice exposuit. Is igitur admittit, *proximam rationem aut causam, qua Deus adductus sit ad talem nobis vivendi regulam proponendam, esse naturam humanam; quippe cum frustra ab homine exigantur tales actiones, nisi homo esset homo, i.e. animal anima rationali prae-ditum. Remotam tamē rationem esse ipsam illam actuum, qui lege naturali imperantur, bonitatem & pulchritudinem intrinsecam. Nam tales actus, v.g. benefactorem amare, colere, venerari, innocentem non ledere, jus suum cuique tribuere, ordinatam & castam degere vitam, stare pactis, non mentiri, neminem iniquis fraudibus opprimere, in se & sua habitudine intrinseca adeo esse justos & honestos, ut pro summa sanctitate & iustitia sua non potuerit non istos Deus exigere abs quovis, qui per naturam tales prestare possent. Enimvero satis patet, gratis heic contradicendi ansam fuisse, quælitam. Nam & nos asserimus, Deum sibi ipsi fuisse repugnaturum, si creato animali rationali ac sociali tales actus eidem non injunxisset. Sed id inde consequi negamus, voluntatem divinam hinc excludendam, aut actus istos denominationem bonitatis moralis non sortiri à convenientia cum lege. Absurdum quoque est, hisce actibus intrinsecam aliquam habitudinem tribuere citra suppositionem idonei subjecti, abs quo isti actus exerceri debeant. Nisi enim ponas creaturas rationales ac sociales, hi actus non magis intelligi possunt, quam discrimina sonorum remoto ex rerum natura omni auditu. Eoque habitu illorum non est intrinseca & abstracta à subjecto, sed relativa ad subjectum idoneum, cui & ipsi notio legis subest. Inde Idem contendit, *actionum quarundam bonitatem & malitiam non unice à cuiusquam voluntate, aut libera quadam superioris impositione, sed à necessitate istarum actionum cum subjecta convenientia vel repugnantia metiendam esse. Sed in casum opera heic ponitur, si meminisse voluisset, nos distinxisse inter impositionem, quæ à mera & libera voluntate superioris proficiscitur, & quæ constructionem & determinationem ab eadem factam consequitur. Quarum illa in positivis, hæc in naturalibus legibus locum habeat. Patetur deinde, in ipso motu potentia physica per se non inesse aliquam moralitatem: humanam tamen actionem non solum motus physici specificatione absolvi, sed attendendum etiam ad principia actionum, circumstantias, objectum; sed & illud simul monitum, quicquid in actione humana à lege determinatur id morale esse, cætera ad motum physicum referri. Frustra quoque iactatur, imprimis habendam rationem objecti, con-**

gruat.

gruatne illud actioni, an repugnet. Inde v. g. *amare Deum, honorare parentes, benefactores & superiores, probare honesta, vituperare turpia, occidere infestum patria hostem, &c. in se & sua natura equum & honestum haberi.* Atqui an aliquod objectum congruat vel repugnet actioni, i. e. an motus aliquis Physicus recte, nec ne circa aliquod objectum exerceatur, id intelligi nequit, nisi posito certo subjecto agente; cui an congruat vel non congruat circa certum objectum aliquem motum exercere, ex ipsius subjecti conditione iudicandum fuerit. Sic si pronunciare velis, qualis actio sit *honorare parentes*, necessario ponendum est certum subiectum, nempe homo: posito autem homine, ponitur quoque lex conditioni naturæ ipsius à Creatore assignatæ congrua. Eoq; *in se & sua natura* heic imperite legi opponitur. Porro *Idem* ut probet, etiam citra respectum ad legem deprehendi posse moralitatem in actionibus humanis, exempli loco adducit quæstionem, *an Deus sit colendus, an contemnendus.* Cujus prioris partem affirmandam dicit, posteriorem negandam ex sola consideratione naturæ divinæ, idque colligi non lege quadam, sed necessaria prædicatione cum subjecti seu actionis Physicæ cum objecto congruentiæ. Atqui quæstio hæc moveri, & locum habere nequit, nisi posita creatura rationali, ex cuius indole facile colligitur, necessitatem colendi Numinis lege ipsi injectam. Nam an nulla creatura præter brutam existente hæc quæstio sit in cathedris agitanda, vix crediderim. Pariter ineptum est, quod additur; *innocentem ledere, suum nemini tribuere, fidem frangere, probos homines maledictis infestari &c.* adeo manifestam implicare iniquitatem, ut quamvis nullus esset sensus legis, nulla veneratio Numinis, nullum supplicii periculum, tamen non possint non etiam sceleratissimi homines fateri, si ad ipsam fedelitatem actionum istarum attenderent, haud equum & honestum esse, ut tali modo se erga proximum & æqualem gerant: saltem alios, ad quos actio illa non spectaret, tale iudicium laturus. Atqui tales actus dari non possent, nisi existerent homines legibus obnoxii. Nisi forte credimus, quæstiones de honesto & turpi multum negotii daturas, si præter bruta nullum animal orbis terrarum caperet. Et vellem scire, utrum qui ita pronunciant, rationales ac sociales sese creaturas esse præsupponant, an minus. Si prius, sane dubitandum non est, quin ipsorum iudicium procedat ex animo sensu legis naturalis penitus imbuto. Sin posterius, tunc paræ certitudine heic pronunciant, ac si homo de meditationibus bestiarum, aut avis,

avis, aut piscis liquidi quid definire præsumeret. Quin si quis assumpta tam absurda hypothesi de honestate actionum humanarum pronunciare instituat, perinde feliciter rem expediet, ac si sublata ex rerum natura luce super coloribus disputare vellet. Ex ejusmodi igitur præmissis & hypothesibus num aliquid contra sententiam nostram firmiter concludi queat, & num exinde obligatio aliquid faciendi aut omittendi citra jussum superioris & legem demonstrata sit, eruditi judicent. Quæ præterea rationes adferuntur pro hac sententia, quod *detur aliquid in se & sua natura absq; omni respectu ad legem, turpe aut honestum, facile destrui possunt.* Dicitur, *quod Dei actiones justæ sint & honestæ, id non esse ex impositione & lege superioris.* Enimvero jam antea monitum fuit, questionem esse non de rectitudine actionum divinarum, sed de origine moralitatis in actionibus humanis. Additur; *adco necessariam esse actuum quorundam ad certa objecta relationem, & convenientiam, ut nî adconveniens sibi objectum illi referantur, non possit non moralis deformitas oriri; idque non ex lege vel superioris imperio, sed ex ipsa rerum actionumq; ad se invicem habitudine provenire.* Atqui illa habitudo ex conditione subjæcti promanat, cui lex simul includitur. Sic *cultus Dei* non intelligitur, nisi positis creaturis intelligentibus, quas dum tales produxit Deus, simul sui cultum iisdem imperavit; & ut ille cultus in eas cadere posset, talem naturam iisdem attribuit. Sic *amare & venerari benefactorem* nemo potest, nisi naturam habeat, ut quid & quæ de causa ab altero in ipsum conferatur, intelligere queat. At qui talem naturam sortitus est, eidem illud ipsum lege injungitur. Idem de *honore erga parentes, obedientia erga Dominos, servanda fide, non ladendo innocente* & similibus judicandum. Et tunc posito subiecto idoneo tales actus inhonestos pronunciare, aut contrarios hisce honestos contradictorium foret: non autem existente subiecto idoneo tales quosq; actus dari nullo modo possunt, eoq; de habitudine illarum frustra inquiritur, cum non entis nullæ sint affectiones. Adjungitur; *cum acquisita notitia honesti & turpis ducatur ab actuum cum objecto, circumstantiisq; & principis collatione, ejusmodi notitiam nullam fore, nî dentur actione quædam in se & sua natura tales, quibus absq; ullo ad legem respectu honestas insit.* Sed fateor me non esse ita lynceum, ut connexionem hujus rationis perspicere valeam. Urgetur denique: *si nihil antecederet ad legem turpe aut honestum sit, necessum esse jus imperii, parendique debitum,*

omnem-

omnemq; adeo legum vim & obligationem tolli. Vanam enim esse legem, nisi antecedenter ad legem ponatur in imperante jus imperandi, legesq; condendi & in parente obligatio ad componendum actiones suas juxta alterius præscriptum. Equidem rationem, cur hoc vel illud agendum sit, recte reddi hanc: quia lege præcipitur: sed cur legi & jussu superioris parendum sit, inepte poni rationem; quia id lege præcipitur, cum idem per idem hoc modo probetur. Ergo saltem hoc antecedenter ad legem per se æquum & honestum erit, ut præstantiori, eminentiori, & prudentiori benefactori cultum, honorem, & obedientiam præstemus. Hoc ratiocinium vim aliquam haberet, si præter humanas leges nullæ divinæ darentur; ac si nullum esset imperium præter hominis in hominem. Enimvero quia Deus hominem qualem veller, creavit, & qua uti conditione deberet, eidem assignavit, non opus est aliqua ratione à priori, ut ostendatur, quare Creatoris legibus sit parendum. Nam ut hæc summa esset lex; creatura rationalis legibus Creatoris parere debet, ipse Creator fecit. In conceptu autem Creatoris, notio præstantioris, & eminentioris, & prudentioris, & benefactoris inest. Ut autem humanis legibus pareamus, lex divina imperat. Est autem cerebri valde vertiginosi, aliquem heic circulum somniare; velut quando ex nobis queratur, cur v. g. furtum non sit faciendum, & respondeamus, quia in lege est vetitum, ubi ulterius urgeamur, cur quod in lege est vetitum, non sit committendum, nil aliud habeamus, quod reponamus, nisi quia & illud lege prohibitum sit. Nam quando nos hucusq; pervenimus, ut dicamus, aliquid lege divina interdici, stultum credimus quærere, qua alia lege ista lex divina confirmetur. Sed hanc rationem ejus interdicti afferimus; quia optimo & sapientissimo Creatori placuit naturam hominis ita formare, ut intermissio ejusmodi actus non posset non eidem congruere. Et hujus rationis rationem ulterius inquirendam non arbitramur.

§. 36. *Fridericum Gesenium* extremo loco reservavimus, quippe cui nihil aliud propositum, quam calumniandi & conviciandi artem ostentare. Cujus hoc palmarium ipsi videtur specimen, quæ in alios jacta sunt convicia in nos derivare, ut ut sententiæ utrinque toto cælo differant. Sic cum *Hobbesus* dixisset: *Nullam esse communem regulam boni & mali à natura objectorum petendam, verum à persona, ubi resp. non est, vel in republ. à magistratu.* Hanc assertionem licet ego confutaverim, eidem tamen simile iste dicit, quod origo moralitatis in actionibus humanis ad

impositionem, determinationem, & jussum Dei à me revocata sit. Igitur jam ex ratiocinio Garlæano æquipollent hæc propositiones: nulla est regula boni & mali omnibus hominibus communis, &, Deus est autor & lator legis naturæ. Prior thesis *Hobbesii* est, posterior mea. Et si mox cum totum meum locum adduxisset, fateatur, si quis *caute & cum cura* explanationem meam legerit, videre eum posse, ad impositionem legis divinæ originem honestatis & turpitudinis à me revocari. Et nihilominus nimium cautus Vigil metuit, ne ex ea locutione vulgus credat, honestatem & turpitudinem illam esse ex impositione hominum, citra fundamentum in re. Atqui ego doctis scripti, odi profanum vulgus & arceo; & quo doctior obtingat lector, eo æquius ab ipso judicium mihi polliceor. Illud autem valde flagitiosum duco, judicium de aliquo scripto ferre vel le, nisi idem prius caute & cum cura lectum fuerit. Et cum expressissimis verbis à me legis divinæ & Dei mentio facta sit, quomodo metueret potui, ne quis eum locum de lege & impositione humana caperet? Inde *peffimus consequentias*, prout ipse vocat, necesse instituit; quarum hæc instat omnium esse potest: Si actiones humanæ honestatis aut turpitudinis notionem sortiuntur ex convenientia aut inconvenientia cum lege divina, & ex Dei legislatoris definitione, determinatione, impositione & jussu; siq; legis naturalis præcepta inter homines invicem exercenda in socialitatem resolvuntur: Ergo *unicatantum virtus erit, quæ malitia dicenda*. Antecedens meum est, ex quo tam lepidum consequens deducit bonus noster Præsul. Nam huic bipedi definitionem animalis rationalis accommodabimus? Idem deinde hæc cum *Caramuele* sentire scribit, quo convicia, quibus iste adpersus est, in me jactare queat. *Caramuelis* thesis, prout à *Gesenio* refertur, hæc est: *Multa præcepto divino reperiri interdicta, quæ præcisè à præcepto debeant dici indifferentia*. (Si de iis, quæ lege positiva verantur sermo est, thesis hæc nullam reprehensionem meretur.) *Peccatorum contranatur alium nnumquodque seclusa Dei interdictione nunquam fore malum*. (Hanc thesin contradictionem implicare ego arbitror.) Mox adducitur mea thesis, huic si diis placet similis: *Actiones hominum antecederet ad legem, seu abstrahendo ab omni lege sunt indifferenter, neq; bonæ, neque malæ*. Debuerat etiam non omisisse *Gesenius* hæc verba; prout sunt nudi motus facultatis alicujus *Physicæ, seu ejus negatio*. Audiamus aliud ratiocinium Garlæanum. Cum communis sit omni naturæ rationali

nali iustitia, Deo Angelo & homini, non erit moralitas in actionibus humanis ex impositione Dei; quia absurdum foret dictu, iustitiam Dei habere essentia suæ rationem à placito, voluntate, & impositione divina. Enimvero diversissima est indolis iustitia divina à iustitia humana; quippe cum illa essentialis sit, hæc nequaquam. Eoq; non sequitur: iustitia in actionibus divinis non oritur ex impositione & jussu Dei, sed ex essentiali hujus perfectione: Ergo iustitia humana non habet essentia suæ rationem à placito, voluntate & impositione divina. Sicuti nec hoc sequitur: Dei & hominis actiones rectæ in multis conveniunt, seu Deus in multis eodem modo erga creaturas se gerit, quo homines adversus se invicem gerere debent; ergo ex eodem principio utriusq; actiones promanant. Quæ supra jam dicta sunt, repetere nihil attinet. Neque arbitror, quendam deinceps fore tam *Helleborosum*, (quæ *Veltheimii* dictio est) qui ex eo, quod ego voluntatem Dei à constitutione legis naturalis non magis quam à creatione excludendam contendere, conclusurus sit juxta regulas Analytices Cartesianæ; me hoc ipso omne jus naturale funditus evertere aut veterem Carneadis errorem recoquere. Cum nec divinis literis infrequens sit, ut secundum voluntatem & beneplacitum Dei, & secundum legem facere æquipolleant. Add. quoq; *Psalm. CXV, 3. Ephes. I, 11. Apocal. IV, 11.*

CAPUT VI.

De

EXAMINE DOCTRINARUM.

§. I.

CUM I. VII. c. 4. partes summi Imperii civiles distincte explicarem, inter has quoq; tanquam partem summe necessariam, magniq; usus & ponderis referebam examen doctrinarum, quæ in civitate traduntur. Cum enim homines plerasque suas actiones ex propriis opinionibus regant, & si qua publicæ leges ab hisce diversæ abire videantur, multantes parcant omnesq; vias tentent obsequium detrectandi, aut leges quiq; has sua autoritate tuentur subvertendi: inde patet, quantum periculi civitatibus, eorumque rectoribus immineat, si per doctrinas in publicum sparsas ejusmodi opinionibus animi civium imbuantur, quæ cum usu &

sine civitatum, (quem semper rectum legiq; naturæ convenientem præsupponimus; & nihil nobis negotii cum corruptelis rerum publ. pravisq; dominantium artibus protestamur,) repugnant. Eoq; conclusimus, *expedire, ut publice civitas ejusmodi doctrinis velut personet, quæ cum fine & usu civitatum congruant, simulq; animi civium à puero istis imbuantur.* Cum autem mihi propositum non esset universam hanc materiam, imprimis de potestate summorum imperantium circa sacra Christiana plene exsequi, quod illud à Scopo operis, utpote à quavis religione peculiari abstrahentis, alienum videretur; igitur sufficiebat mihi proposuisse distinctionem inter dogmata, quæ non sua natura, sed tantum propter interperiem hominum turbas excitare possunt, & inter illa, quæ sua natura animos hominum ad turbandas civitates disponunt. Circa priora dixi impediri quidem non posse, quo minus dissensiones oriantur; attamen ne turbent pacem publicam per summum imperium effici posse, poena in conviciatores & vitiligatores statuta. Verum talia dogmata, quæ *sive sub specie religionis sive alio modo obtrudantur, jus naturale & principia sana Politicæ convellunt, adeoque exitiabiles morbos in civitate producere apta sunt,* à summo imperio civili ad examen revocanda, & è civitate plane proscribenda statuo. Ex hac igitur doctrina tam salutari ac necessaria, grandem mihi calumpniam impingendi ansam arripiebat *Josua Schvvarzii*, quam & postea ipsius socius *Nicolaus Beckmannus* impudentissime crocitabat, velut à me traditum fuisset; religionem statui Reipublicæ esse accommodandam, & pro instrumento hujus habendam. Videbatur autem isthæc calumpnia scopo ipsorum cumprimis idonea, quod & quam maxime valeret ad irritandos Sacerdotum animos, quos sui in me furoris ministros fore sperabant; & quod eadem Macchiavello soleret tribui; quod nomen tantopere vulgo in visum est. Et observanda est hoc loco detestabilis vel socordia vel malitia *Schvvarzii*, qui, ut calumpniæ suæ fycum allineret, ita articulum suum formavit: *Statuit, civitatem ejusmodi doctrina personare debere, quæ cum fine & usu civitatum congruat; explicatque hoc ipsum non tantum de scientia humana, sed etiam ea, quæ est circa cultum Dei.* Ast si cui in animo sit, candorem istius loliginis cognoscere, inspiciat modo l. c. p. 910. Ubi postquam scripseram, expedire, ut civitas doctrinis personet cum fine & usu civitatum congruentibus, subjungo: *Equidem nul-*

lum.

lum fere datur dogma neque circa cultum Dei, neque circa scientias humanas, unde dissensiones, discordia, convicia, & demum bella oriri non possint; idque fieri dico, non propter dogmatum falsitatem, sed propter intemperiem & ambitionem humani ingenii. Quem locum his verbis claudio: *Verum de hisce dogmatibus proprie sermo non est*. Igitur expressis verbis nego, me de religione agere, sed tantum de falsis dogmatibus ethicis & politicis, quæ sub specie religionis alicubi obtruduntur. Et tamen nullus pudor est isti homini mendacia spargere, quæ deprehendere potest, quisquis legere novit. Occinit tamen nobis bonus iste vir dictum *Matthæi X, 34. 35.* quod utique ex religione Christiana dicantur proventura dissidia etiam inter conjunctissimos, quam tamen eo nomine è civitate proscribendam nemo dixerit. Verum nescio, an magis in Doctore Theologo despuenda sit plusquam puerilis ruditas, quod indoli doctrinæ tribuat ethnicum, qui ex perversitate hominum oriebatur, sanctissimam doctrinam vesano odio prosequentium; an blasphemiarum similis contumelia religioni Christianæ impacta, quasi illa fini & usui civitatum repugnaret, aut ad turbas generandas apta nata esset. Quo sane nihil malitiosius aut impudentius unquam inter antiquas illas persecutiones religioni Christianæ objectum fuit. Obiter quoque addamus aliud exemplum, in quo singularem suam felicitatem circa interpretandas divinas Scripturas Doctor iste ostentavit. Nuper enim elapso die 29. Octobr. anni 1676. cum per quatuor menses suggestu abstinuisset, receptus ea die Dominica textus ex *Matth. XXII. 15.* seqq. ipsi idoneus cum primis videbatur, expromendo in Regiam Majestatem Sueciæ, qualem ter repetitum juramentum requirebat animo, simulque ut de fide & obsequio Principibus legitimis debito auditores suos instrueret. Eaque occasione ex textu arrepta, non sine affectata verborum gravitate auditores informabat, utri ex Regibus circa Scaniam pugnantibus tanquam legitimo suo Domino & velut ex præcepto divino obsequium adprobare deberent. Cui fini locus *Roman. XII. 1.* ad Regem Daniæ applicabatur, qui utique potestatem in ipsos haberet, occupatis hujus provinciæ oppidis portibusque, & Malmogia obsidione cincta. Nimirum, quia si diis placet, statim legitimus noster Magistratus sit, qui hostis in terras nostras irrumpit, aut quia inter vim hostilem, & potestatem legitimam nihil interest, aut quia statim facta invasione subditorum fides solvitur erga Regem suum, quam maxime circa sua vindicanda satagentem. Ubi scire

velim, si quis isti homini crimen perduellionis & perfidiæ obijcere velit, num eo ipso Christos Domini tetigisse censendus sit; quo elogio ipsum, sociosque inviolabiles pronuntiabat *Gesenius*, quam maxime circa me calumniis & mendaciis onerandum laborantes.

§. 2. Ist hæc omnia cum late deducta sint tum in Apologia mea, tum peculiari Dissertatione de *Concordia Religionis Christianæ*, (primæ illius, & ab erroribus atque assumentis humanis repurgatæ,) cum vera politica; tamen adjungere placet *peffimas* quasdam *consequentias Gesenii*, ut adpareat, quousque malitia & vesania hominum progredi possit. Ex quibus hæc est instar omnium: Quia *Hobbesius*, dum Evangelium Christi una cum religione à civilis potestatis autoritate suspendit, judicatur omnem religionem evertere; igitur & ego, dum falsa dogmata politica, sub specie religionis obrudi solita, proscribenda judico, quæ turbatum & seditio-num semina continent, & ad everendum imperium civile tendunt, veram religionem destructum eo. Pariscilicet modo atque frumentum it destructum, qui paleas ab eo separare instituit. Allatrat quoque iste bipes hanc meam assertionem: *Religio quatenus ad disciplinam juris naturalis pertinet, intra spheram hujus vitæ terminatur*. Id est, in disciplina, quæ ex sola ratione, prout ea nunc sese habet, extructa est, de religione non ulterius tractari potest, quam quatenus homines per eandem ad vitam hancce honeste exigendam disponuntur. Sed quatenus per ipsam salus animarum paratur, alterius disciplinæ est dispicere. Sane in patria mea rusticorum pueri docentur, quod extra Christum nulla sit salus. Jam autem de Christo non jus naturale, sed Theologia docet. Num igitur *Gesenius* hoc vult, ut jus naturale viam salutis æternæ tradat? Aut num ipsi probantur, quæ *Velt hemius* in *Epitome Philosophiæ Moralis*, qua auditorum suorum calamitas non ita pridem fatigavit, *quæstione prima* habet? *Utrum finis Philosophiæ Moralis salus & beatitudo sit æterna*. Super qua *cap. i. §. 3.* ita censet: *Finis ultimus Philosophiæ Moralis salus & beatitudo est æterna: intermedii vero conservatio Legum Naturæ, & sanctimoniarum vitæ, qua Legibus Naturæ conformetur. Sive potius accurate philosophando* (nam sane antegressa ejus Philosophia sat crassa fuerat,) *finis hujus Philosophiæ adequatus conservatio Legum Naturæ, & status istius, in quo rectæ rationis nostræ, legumque naturæ auctori homo non potest displicere, quantum à studio profectæ honestatis, h. e. pietatis, probitatis & justitiæ exercitio pendet*. Et §. 6. d. l. pergit: *Finis ultimus Theo-*
logia

logia Moralis idem est, qui Philosophia Moralis, nempe salus & beatitudo aeterna. Ebr. XII. 14. Roman. VIII. 13. Marc. XII. 13. Enimvero aut me omnia fallunt, aut ab incolis valde desertum erit coelum, quo illi recipiuntur, qui per *Veltheimii* Philosophiam moralem salvantur. Non dubium ergo est, quin ipse *Gesenius* pessimam hanc consequentiam suam sit vocaturus: Quia ego nego, ex jure naturali, prout id nunc sese habet, salutem aeternam adquiri: Ergo nego eandem adquiri per veram religionem ex divinis literis haustam; Perinde ac si dicerem; rana non potest volare; ergo nec ciconia. Non multo melior est hæc ejusdem argumentatio: Quia expedit civitati, ut ipsa personet doctrinis, quæ cum usu & fine civitatum congruunt, id est, ut bona ethica & politica publicè doceantur: Ergo expedit civitatem personare religione Muhammedana, & gentili Chinesium. Sane ego uti asserui; doctrinam, quæ sua natura civitatem perturbat, eadem esse ejiciendam: ita nunquam vice versa dixi, quæcunque doctrina civitatem sua natura non perturbat, ea omnino est recipienda; cum religio esse possit salutis animarum exitiabilis, cui tamen nulla prava dogmata politica sunt admixta. Multo minus, qui dicit falsam politicam in civitate non esse docendam, is negat veram religionem ibidem docendam. Sicuti qui dicit, Præsulem Garleanum non debere in fursis & maledicis libellis nauseam seculi lacerare; is non negat, eundem cereviliæ coactoribus concionari debere. Similis farina est hæc *Gesenii* argumentatio: Quia jam nemo per religionem naturalem salvatur: Ergo autoritas religionis Christianæ non dependet à DEO. Per ejusmodi igitur consequentias cum viam sibi quærat *Gesenius* atrocissima quæque convitia in me spargendi, penes lectores est discernere, utrum homo iste cæco quodam mentis stupore, an infinita malitia laboret. Me sane sive bona fide *Gesenius* deliret, sive furorem simulat, ejus maledicta non tangunt; cum quo animi morbo alii infestentur, præstare meum non sit.

§. 3. Restat denique, ut verbo tangamus eam controversiam; num in Republica Christiana detur alia doctrinarum ex lumine rationis promanantium censura, eminentior & sanctior illâ: quæ summis imperantibus civilibus, quos & ipsos Christianos præsupponimus, competit? Quam quidem quæstionem ego contradictionem implicare censeo, & quod diversa assertio gravia incommoda in republica producere apta sit. Assertiva tamen videtur placere *Jesui Schruvartzio*, sociisque, quam & concio-

taphysicam, velut fidum barbarici tutelare Numen auxilio vocatam, par distinctionum pulvere haud quidquam decoro sordidarum submisisse, quæ feroculæ toto late campo volitant, veluti solæ telis suis in acicularum subrilitate attenuatis bellum confecturæ. Quas quidem facile opaca nube tectas magnum per inane circumvolitantes ferre poteram; nî subsidentem in insidiis animadverterem sicariorum manipulum, infamibus telis instructum. Id enim jam egregium, ac si diis placet, Theologicum facinus habetur, viros orthodoxos, probatæque vitæ deterrimarum hæresium, ipsiusque adeo atheismi convitio adspargere, occasione quaestionum Philosophicarum, quas salva S. Scripturæ autoritate ex solo rationis lumine ventilare se profitentur, & quidem antequam ad liquidum fuerit deductum, quid proprie in controversia sit. Id quod plane per silentium digeri non potest. Equidem si solum eruditionis aut ingenii certamen ageretur, facile probarem eorum sententiam, qui non cuilibet contradicendi & cavillandi prurigne laboranti officium scabendi præstandum censent, præsertim cum tempus nostrum publico ac longe nobiliori labori debeatur. Enimvero cum malevoli non id solum egerint, ut fructu & adplausu industriæ meæ privarer, quod conscientia rectæ voluntatis subnixo vile damnum erat: sed & me velut autorem ac propagatorem impiorum & noxiorum dogmatum, adhibita omni calumniarum arte, differrent: nimirum inter sanctissima officia est, malefactorum hominum conatus evertere. Nam eruditione aut ingenio ut pollere credamur, an minus, parum interest. Sed ne pestilentes opiniones fovere, aut in publicum spargere videamur, usque adeo interest, ut magnum crimen sit ejusmodi criminationem abs se non depulisse; & ejusmodi calumniis fidem adstruat, qui non refellit. Demus igitur & hæc horas tuendæ nostræ existimationi, nec vivi ac videntes istam livoris importunitatem feramus. Veniam tamen facile dabunt, qui labores nostros norunt, quod carptim tantum & breviter, quæ ab uno aut altero adhuc obijciuntur, refellam. Nam nugis destruendis ulterius, quam necessum est insudare, id ipsum quoque nugari est.

CAP. I.

Quo respondetur ad ea, quæ à Dn. Zentgravio obijciuntur.

§. I.

Primo autem loco excutiemus ea, quæ Dn. Jo. Joachimus Zentgravius,
T t Pro-

avis, aut piscis liquidi quid definire præsumeret. Quin si quis assumpta tam absurda hypothesi de honestate actionum humanarum pronunciare instituat, perinde feliciter rem expediet, ac si sublata ex rerum natura luce super coloribus disputare vellet. Ex ejusmodi igitur præmissis & hypothesibus num aliquid contra sententiam nostram firmiter concludi queat, & num exinde obligatio aliquid faciendi aut omittendi citra jussum superioris & legem demonstrata sit, eruditi judicent. Quæ præterea rationes adferuntur pro hac sententia, quod *detur aliquid in se & sua natura absq; omni respectu ad legem, turpe aut honestum, facile destrui possunt.* Dicitur, quod *Dei actiones justæ sint & honestæ, id non esse ex impositione & lege superioris.* Enimvero jam antea monitum fuit, quæstionem esse non de rectitudine actionum divinarum, sed de origine moralitatis in actionibus humanis. Additur; *adeo necessariam esse actuum quorundam ad certa objectæ relationem, & convenientiam, ut ni ad convenientiam sibi objectum illi referantur, non possit non moralis deformitas oriri; idque non ex lege vel superioris imperio, sed ex ipsa rerum actionumq; ad se invicem habitudine provenire.* Atqui illa habitudine ex conditione subjecti promanat, cui lex simul includitur. Sic *cultus Dei* non intelligitur, nisi positus creaturis intelligentibus, quas dum tales produxit Deus, simul sui cultum iisdem imperavit; & ut ille cultus in eas cadere posset, talem naturam iisdem attribuit. Sic *amare & venerari benefactorem* nemo potest, nisi naturam habeat, ut quid & qua de causa ab altero in ipsum conferatur, intelligere queat. Ast qui talem naturam sortitus est, eidem illud ipsum lege injungitur. Idem de *honore erga parentes, obedientia erga Dominos, servanda fide, non ladendo innocente* & similibus judicandum. Et sane posito subjecto idoneo tales actus inhonestos pronunciare, aut contrarios hisce honestos contradictorium foret: non autem existente subjecto idoneo tales quosq; actus dari nullo modo possunt, eoq; de habitudine illarum frustra anquiritur, cum non entis nullæ sint affectiones. Adjungitur; *cum adquisita notitia honesti & turpis ducatur ab actuum cum objecto, circumstantiisq; & principii collatione, ejusmodi notitiam nullam fore, ni dentur actione & quadam in se & sua natura tales, quibus absq; ullo ad legem respectu honestas insit.* Sed fateor me non esse ita lynceum, ut connexionem hujus rationum perspicere valeam. Urgetur denique: *si nihil antecederet ad legem turpe aut honestum sit, necessum esse jus imperii, parendique debitum,*
omnem.

omnemq; adeo legum vim & obligationem tolli. Vanam enim esse legem, nisi antecedenter ad legem ponatur in imperante jus imperandi, lege sq; condendi & in parente obligatio ad componendum actiones suas juxta alterius prescriptum. Equidem rationem, cur hoc vel illud agendum sit, recte reddi hanc: quia lege precipitur: sed cur legi & jussu superioris parendum sit, inepte poni rationem; quia id lege precipitur, cum idem per idem hoc modo probetur. Ergo saltem hoc antecedenter ad legem per se æquum & honestum erit, ut præstantiori, eminentiori, & prudentiori benefactori cultum, honorem, & obedientiam præstemus. Hoc ratiocinium vim aliquam haberet, si præter humanas leges nullæ divinæ darentur; ac si nullum esset imperium præter hominis in hominem. Enimvero quia Deus hominem qualem veller, creavit, & qua uti conditione deberet, eidem assignavit, non opus est aliqua ratione à priori, ut ostendatur, quare Creatoris legibus sit parendum. Nam ut hæc summa esset lex; creatura rationalis legibus Creatoris parere debet, ipse Creator fecit. In conceptu autem Creatoris, notio præstantioris, & eminentioris, & prudentioris, & benefactoris inest. Ut autem humanis legibus pareamus, lex divina imperat. Est autem cerebri valde vertiginosi, aliquem heic circulum somniare; velut quando ex nobis queratur, cur v.g. furtum non sit faciendum, & respondeamus, quia in lege est vetitum, ubi ulterius urgeamur, cur quod in lege est vetitum, non sit committendum, nil aliud habeamus, quod reponamus, nisi quia & illud lege prohibitum sit. Nam quando nos hucusq; pervenimus, ut dicamus, aliquid lege divina interdici, stultum credimus querere, qua alia lege ista lex divina confirmetur. Sed hanc rationem ejus interdicti afferimus; quia optimo & sapientissimo Creatori placuit naturam hominis ita formare, ut intermissio ejusmodi actus non posset non eidem congruere. Et hujus rationis rationem ulterius inquirendam non arbitramur.

§. 36. *Fridericum Gesenium* extremo loco reservavimus, quippe cui nihil aliud propositum, quam calumniandi & conviciandi artem ostendere. Cujus hoc palmarium ipsi videtur specimen, quæ in alios jacta sunt convicia in nos derivare, ut ut sententiæ utrinque toto cælo differant. Sic cum *Hobbesius* dixisset: Nullam esse communem regulam boni & mali à natura objectorum petendam, verum à persona, ubi resp. non est, vel in republ. à magistratu. Hanc assertionem licet ego confutaverim, eidem tamen simile iste dicit, quod origo moralitatis in actionibus humanis ad

impositionem, determinationem, & jussum Dei à me revocata sit. Igitur jam ex ratiocinio Garlæano æquipollent hæc propositiones: nulla est regula boni & mali omnibus hominibus communis, & Deus est autor & lator legis naturæ. Prior thesis *Hobbessii* est, posterior mea. Et si mox cum totum meum locum adduxisset, fateatur, si quis *caute & cum cura* explanationem meam legerit, videre cum possit, ad impositionem legis divinæ originem honestatis & turpitudinis à me revocari. Et nihilominus nimium cautus Vigil metuit, ne ex ea locutione vulgus credat, honestatem & turpitudinem illam esse ex impositione hominum, citra fundamentum in re. Atqui ego doctis scripti, odi profanum vulgus & arceo; & quo doctior obtingat lector, eo æquius ab ipso judicium mihi polliceor. Illud autem valde flagitiosum duco, judicium de aliquo scripto ferre vel le, nisi idem prius *caute & cum cura* lectum fuerit. Et cum expressissimis verbis à me legis divinæ & Dei mentio facta sit, quomodo metuere potui, ne quis cum locum de lege & impositione humana caperet? Inde *pejissimas consequentias*, prout ipse vocat, necesse instituit; quarum hæc instar omnium esse potest: Si actiones humanæ honestatis aut turpitudinis notionem sortiuntur ex convenientia aut disconvenientia cum lege divina, & ex Dei legislatoris definitione, determinatione, impositione & jussu, siq; legis naturalis præcepta inter homines invicem exercenda in socialitatem resolvuntur: Ergo *unica tantum virtus erit, quæ malitia dicenda*. Antecedens meum est, ex quo tam lepidum consequens deducit bonus noster Præsul. Nam huic bipedi definitionem animalis rationalis accommodabimus? Idem deinde nunc cum *Caramuele* sentire scribit, quo convicia, quibus iste adpersus est, in me jactare queat. *Caramuelis* thesis, prout à *Gesenio* refertur, hæc est: *Multa præcepto divino reperiri interdicta, quæ præcipi à præcepto debeant dici indifferentia*. (Sic de iis, quæ lege positiva vetantur sermo est; thesis hæc nullam reprehensionem meretur.) *Peccatorum contranatur alium unumquodque seclusi Dei interdictione nunquam fore malum*. (Hanc thesin contradictionem implicare ego arbitror.) Mox adducitur mea thesis, huic si diis placet similis: *Actiones hominum antecederet ad legem, seu abstrahendo ab omni lege sunt indifferenter, neq; bonæ, neque malæ*. Debuerat etiam non omisisse *Gesenius* hæc verba; prout sunt nudi motus facultatis alicujus *Physicæ, seu ejus negatio*. Audiamus aliud ratiocinium Garlæanum. Cum communis sit omni naturæ ratio-

nali

nali justitia, Deo Angelo & homini, non erit moralitas in actionibus humanis ex impositione Dei; quia absurdum foret dictu, justitiam Dei habere essentia suæ rationem à placito, voluntate, & impositione divina. Enimvero diversissima est indolis justitia divina à justitia humana; quippe cum illa essentialis sit, hæc nequaquam. Eoq; non sequitur: justitia in actionibus divinis non oritur ex impositione & jussu Dei, sed ex essentiali hujus perfectione: Ergo justitia humana non habet essentia suæ rationem à placito, voluntate & impositione divina. Sicuti nec hoc sequitur: Dei & hominis actiones rectæ in multis conveniunt, seu Deus in multis eodem modo erga creaturas se gerit, quo homines adversus se invicem gerere debent; ergo ex eodem principio utriusq; actiones promanant. Quæ supra jam dicta sunt, repetere nihil attinet. Neque arbitror, quendam deinceps fore tam *Helleborosum*, (quæ *Veltheimii* dictio est) qui ex eo, quod ego voluntatem Dei à constitutione legis naturalis non magis quam à creatione excludendam contendere, concludurus sit juxta regulas Analytices Cartesianæ; me hoc ipso omne jus naturale funditus evertere aut veterem Carneadis errorem recoquere. Cum nec divinis literis infrequens sit, ut secundum voluntatem & beneplacitum Dei, & secundum legem facere æquipolleant. Add. quoq; *Psal. CXV, 3. Ephes. I, 11. Apocal. IV, 11.*

CAPUT VI.

De

EXAMINE DOCTRINARUM.

§. 1.

CUM I. VII. c. 4. partes summi Imperii civiles distincte explicarem, inter has quoq; tanquam partem summe necessariam, magniq; usus & ponderis referebam examen doctrinarum, quæ in civitate traduntur. Cum enim homines plerasque suas actiones ex propriis opinionibus regant, & si qua publicæ leges ab hisce diversæ abire videantur, mussitantes pareant omnesq; vias tentent obsequium derectandi, aut leges quiq; has sua auctoritate tuentur subvertendi: inde patet, quantum periculi civitatibus, eorumque rectoribus imminet, si per doctrinas in publicum sparsas ejusmodi opinionibus animi civium imbuantur, quæ cum usu &

sine civitatum, (quem semper rectum legi; naturæ convenientem præsupponimus; & nihil nobis negotii cum corruptelis rerum publ. pravisq; dominantium artibus protestamur,) repugnant. Eoq; conclusimus, *expedire, ut publice civitas ejusmodi doctrinæ velut personet, quæ cum fine & usu civitatum congruunt, simulq; animi civium à puero istis imbuantur.* Cum autem mihi propositum non esset universam hanc materiam, imprimis de potestate summorum imperantium circa sacra Christiana plene exsequi, quod illud à Scopo operis, utpote à quavis religione peculiari abstrahentis, alienum videretur; igitur sufficiebat mihi proposuisse distinctionem inter dogmata, quæ non sua natura, sed tantum propter intemperiem hominum turbas excitare possunt, & inter illa, quæ sua natura animos hominum ad turbandas civitates disponunt. Circa priora dixi impediri quidem non posse, quo minus dissensiones oriantur; attamen ne turbent pacem publicam per summum imperium effici posse, poenâ in conviciatores & vitilicitatores statuta. Verum talia dogmata, quæ *sive sub specie religionis sive alio modo obtrudantur, jus naturale & principia sive Politicæ convellunt, adeoque exitiabiles morbos in civitate producere apta sunt, à summo imperio civili ad examen revocanda, & è civitate plane proscribenda statuo.* Ex hac igitur doctrina tam salutari ac necessaria, grandem mihi calumniam impingendi ansam arripiebat *Josua Schvvarzius*, quam & postea ipsius socius *Nicolaus Beckmannus* impudentissime crocitabat, velut à me traditum fuisset; religionem statui Reipublicæ esse accommodandam, & pro instrumento hujus habendam. Videbatur autem isthæc calumniæ scopo ipsorum cum primis idonea, quod & quam maxime valeret ad irritandos Sacerdotum animos, quos sui in me furoris ministros fore sperabant; & quodeadem Macchiavello solet tribui, quod nomen tantopere vulgo invisum est. Et observanda est hoc loco detestabilis vel socordia vel malitia *Schvvarzii*, qui, ut calumniæ suæ fucum allineret, ita articulum suum formavit: *Statuit, civitatem ejusmodi doctrinæ personare debere, quæ cum fine & usu civitatum congruat; explicatque hoc ipsum non tantum de scientia humana, sed etiam ea, quæ est circa cultum Dei.* At si cui in animo sit, candorem istius loliginis cognoscere, inspiciat modo l. c. p. 910. Ubi postquam scripseram, expedire, ut civitas doctrinis personet cum fine & usu civitatum congruentibus, subjungo: *Equidem nul-*

lum fere datur dogma neque circa cultum Dei, neque circa scientias humanas, unde dissensiones, discordia, convicia, & demum bella oriri non possint; idque fieri dico, non propter dogmatum falsitatem, sed propter intemperiem & ambitionem humani ingenii. Quem locum his verbis claudio: *Verum de hisce dogmatibus proprie sermo non est*. Igitur expressis verbis nego, me de religione agere, sed tantum de falsis dogmatibus ethicis & politicis, quæ sub specie religionis alicubi obtruduntur. Er tamen nullus pudor est isti homini mendacia spargere, quæ deprehendere potest, quisquis legere novit. Occinit tamen nobis bonus iste vir dictum *Matthæi X, 34. 35.* quod utique ex religione Christiana dicantur proventura dissidia etiam inter conjunctissimos, quam tamen eo nomine è civitate proscribendam nemo dixerit. Verum nescio, an magis in Doctore Theologo despuenda sit plusquam puerilis ruditas, quod indoli doctrinæ tribuat effectum, qui ex perversitate hominum oriebatur, sanctissimam doctrinam vesano odio prosequentium; an blasphemix similis contumelia religioni Christianæ impacta, quasi illa fini & usui civitatum repugnaret, aut ad turbas generandas apta nata esset. Quo sane nihil malitiosius aut impudentius unquam inter antiquas illas persecutiones religioni Christianæ objectum fuit. Obiter quoque addamus aliud exemplum, in quo singularem suam felicitatem circa interpretandas divinas Scripturas Doctor iste ostentavit. Nuper enim elapso die 29. Octobr. anni 1676. cum per quatuor menses suggestu abstinuisset, receptus ea die Dominica textus ex *Matth. XXII. 15.* seqq. ipsi idoneus cum primis videbatur, expromendo in Regiam Majestatem Sueciæ, qualem ter repetitum juramentum requirere bar animo, simulque ut de fide & obsequio Principibus legitimis debito auditores suos instrueret. Eaque occasione ex textu arrepta, non sine affectata verborum gravitate auditores informabat, utri ex Regibus circa Scaniam pugnantis tanquam legitimo suo Domino & velut ex præcepto divino obsequium adprobare deberent. Cui fini locus *Roman. XII. 1.* ad Regem Daniæ adplicabatur, qui utique potestatem in ipsos haberet, occupatis hujus provincie oppidis portibusque, & Malmogia obsidione cincta. Nimirum, quia si diis placet, statim legitimus noster Magistratus sit, qui hostis in terras nostras irumpit, aut quia inter vim hostilem, & potestatem legitimam nihil interest, aut quia statim facta invasione subditorum fides solvitur erga Regem suum, quam maxime circa sua vindicanda satagentem. Ubi scire

velim, si quis isti homini crimen perduellionis & perfidia obicere velit, num eo ipso Christos Domini tetigisse censendus sit; quo elogio ipsum, sociosque inviolabiles pronuntiabat *Gesenius*, quam maxime circa me calumniis & mendaciis onerandum laborantes.

§. 2. Isthæc omnia cum late deducta sint tum in Apologia mea, tum peculiari Dissertatione de *Concordia Religionis Christianæ*, (primæva illius, & ab erroribus atque assumentis humanis repurgata,) cum vera politica, tamen adungere placet *peffimas* quasdam *consequentias Gesenii*, ut appareat, quousque malitia & vesania hominum progredi possit. Ex quibus hæc est instar omnium: Quia *Hobbessius*, dum Evangelium Christi una cum religione à civilis potestatis autoritate suspendit, judicatur omnem religionem evertere; igitur & ego, dum falsa dogmata politica, sub specie religionis obrudi solita, proscribenda iudico, quæ turbarum & seditionum semina continent, & ad everendum imperium civile tendunt, veram religionem destructum eo. Pari scilicet modo atque frumentum it destructum, qui paleas ab eo separare instituit. Allatrat quoque iste bipes hanc meam assertionem: *Religio quatenus ad disciplinam juris naturalis pertinet, intra sphaeram hujus vitæ terminatur*. Id est, in disciplina, quæ ex sola ratione, prout ea nunc sese habet, extructa est, de religione non ulterius tractari potest, quam quatenus homines per eandem ad vitam hanc honeste exigendam disponuntur. Sed quatenus per ipsam salus animarum paratur, alterius disciplinæ est dispicere. Sane in patria mearum rusticorum pueri docentur, quod extra Christum nulla sit salus. Jam autem de Christo non jus naturale, sed Theologia docet. Num igitur *Gesenius* hoc vult, ut jus naturale viam salutis æternæ tradat? Aut num ipsi probantur, quæ *Velt hemius* in *Epitome Philosophiæ Moralis*, qua auditorum suorum calamitas non ita pridem fatigavit, questione primâ habet? *Utrum finis Philosophiæ Moralis salus & beatitudo sit æterna*. Super qua cap. 1. §. 8. ita censet: *Finis ultimus Philosophiæ Moralis salus & beatitudo est æterna: intermediæ vero conservatio Legum Naturæ, & sanctimonia vitæ, quæ Legibus Naturæ conformetur. Sive potius accurate philosophando* (nam sane antegressa ejus Philosophia sat crassa fuerat,) *finis hujus Philosophiæ adæquatus conservatio Legum Naturæ, & status istius, in quo rectæ rationis nostræ, legumque naturæ auctori homo non potest displicere, quantum ad studium profectæ honestatis, h. e. pietatis, probitatis & justitiæ exercitio pendet*. Et §. 6. d. l. pergit: *Finis ultimus Theologia*

legiæ Moralis idem est, qui Philosophiæ Moralis, nempe salus & beatitudo æterna.
Ebr. XII. 14. Roman. VIII. 13. Marc. XIII. 13. Enimvero aut me omnia sal-
 lunt, aut ab incolis valde desertum erit cœlum, quo illi recipiuntur, qui
 per *Veltheimii* Philosophiam moralem salvantur. Non dubium ergo est,
 quin ipse *Gesenius* pessimam hanc consequentiam suam sit vocaturus:
 Quia ego nego, ex jure naturali, prout id nunc sese habet, salutem æter-
 nam adquiri: Ergo nego eandem adquiri per veram religionem ex divi-
 nis literis haustam; Perinde ac si dicerem; rana non potest volare; ergo
 nec eiconia. Non multo melior est hæc ejusdem argumentatio: Quia ex-
 pedit civitati, ut ipsa personet doctrinis, quæ cum usu & fine civitatum
 congruunt, id est, ut bona ethica & politica publicè doceantur: Ergo ex-
 pedit civitatem personare religione Muhammedana, & gentili Chinen-
 sium. Sane ego uti asserui; doctrinam, quæ sua natura civitatem pertur-
 bat, eadem esse ejiciendam: ita nunquam vice versa dixi, quæcunque do-
 ctrina civitatem sua natura non perturbat, ea omnino est recipienda; cum
 religio esse possit salutis animarum exitiabilis, cui tamen nulla prava dog-
 mata politica sunt admixta. Multo minus, qui dicit falsam politicam in
 civitate non esse docendam, is negat veram religionem ibidem docen-
 dam. Sicuti qui dicit, Præsulem Garleanum non debere in sulcis & mæ-
 dicis libellis nauseam seculi lacerare; is non negat, eundem cerevisiæ co-
 ctoribus concionari debere. Similis farina est hæc *Gesenii* argumen-
 tatio: Quia jam nemo per religionem naturalem salvatur. Ergo auctoritas
 religionis Christianæ non dependet à DEO. Per ejusmodi igitur con-
 sequentias cum viam sibi quærat *Gesenius* atrocissima quæque convitia in
 me spargendi, penes lectores est discernere, utrum homo iste cæco quo-
 dam mentis stupore, an infinita malitia laboret. Me sane sive bona fide
Gesenius deliret, sive furorem simul, ejus maledicta non tangunt; cum
 quo animi morbo alii infestentur, præstare meum non sit.

§. 3. Restat denique, ut verbo tangamus eam controversiam; num
 in Republica Christiana detur alia doctrinarum ex lumine rationis pro-
 manantium censura, eminentior & sanctior illâ: quæ summis imperan-
 tibus civilibus, quos & ipsos Christianos præsupponimus, competit?
 Quam quidem quæstionem ego contradictionem implicare censeo, &
 quod diversa assertio gravia incommoda in republica producere apta sit.
 Assertiva tamen videtur placere *Josue Schwartzio*, sociisque, quam &
 concio-

taphysicam, velut fidum barbarici tutelare Numen auxilio vocatam, par distinctionum pulvere haud quidquam decoro sordidarum submisisse, quæ ferocula toto late campo volitant, veluti solæ telis suis in acicularum subtilitatem attenuatis bellum confecturæ. Quas quidem facile opaca nube testas magnum per inane circumvolitantes ferre poteram; ni subsidentem in insidiis animadverterem sicariorum manipulum, infamibus relis instructum. Id enim jam egregium, ac si diis placet, Theologorum ficiinis habetur, viros orthodoxos, probatæque vitæ deterrimarum hæresium, ipsiusque adeo atheismi convitio adspargere, occasione quæstionum Philosophicarum, quas salva S. Scripturæ autoritate ex solo rationis lumine ventilare se profitentur, & quidem antequam ad liquidum fuerit deductum, quid proprie in controversia sit. Id quod plane per silentium digeri non potest. Equidem si solum eruditionis aut ingenii certamen ageretur, facile probarem eorum sententiam, qui non cuilibet contradicendi & cavillandi prurigine laboranti officium scabendi præstandum censent, præsertim cum tempus nostrum publico ac longe nobiliori labori debeat. Enimvero cum malevoli non id solum egerint, ut fructu & adplausu industriæ meæ privarer, quod conscientia rectæ voluntatis subnixo vile damnum erat: sed & me velut autorem ac propagatorem impiorum & noxiorum dogmatum, adhibita omni calumniarum arte, differrent: nimirum inter sanctissima officia est, malefactorum hominum conatus evertere. Nam eruditione aut ingenio ut pollere credamur, an minus, parum interest. Sed ne pestilentes opiniones fovere, aut in publicum spargere videamur, usque adeo interest, ut magnum crimen sit ejusmodi criminationem abs se non depulisse; & ejusmodi calumniis fidem adstruat, qui non refellit. Demus igitur & hæc horas tuendæ nostræ existimationi, nec vivæ videntes istam livoris importunitatem feramus. Veniam tamen facile dabunt, qui labores nostros norunt, quod carptim tantum & breviter, quæ ab uno aut altero adhuc obijciuntur, refellam. Nam nugis destruendis ulterius, quam necessum est insudare, id ipsum quoque nugari est.

CAP. I.

Quo respondetur ad ea, quæ à Dn. Zentgravio obijciuntur.

§. 1.

PRimo autem loco excutimus ea, quæ Dn. Jo. Joachimus Zentgravius, Pro-

T t

Pro-

Professor Argentoratensis movet in *Disquisitione de Origine, Veritate & immutabili rectitudine Juris Naturalis secundum disciplinam Christianorum, ad Gentilium tamen captum instituta*. Quæ ipsâ inscriptio, insidiosi quid redolens, citra animadversionem præteriri non debet. Cum enim mihi propositum fuerit jus naturale adaptare ad captum omnium hominum, abstrahendo quam peculiarem religionem foveant; (nam agnitionem & cultum Numinis in universum id Jus præsupponit, & cum eo stat, caditque,) consequens erat, sequestrari quasdam sententias nonnullorum è Christianis Doctorum, quatenus extra communem rationem, & consensum generis humani cadunt; ut adeo omnis disceptatio questionum circa jus naturale ab autoritate certorum hominum ad sanam rationem unice revocetur. At *Zentgravius* ut Scholasticorum, & qui sputa horum lingunt, sententias sanctitatis quadam specie adornaret, titulum hunc commentus est, velut abs se tradita ex disciplina Christianorum promanarent; quæ cum etiam circa hæc ad captum Gentilium quadrent, dubitandum non sit, quin eadem reliquis omnibus præferri debeant. Enimvero ego quidem circa Jus naturale ad disciplinam Christianorum adaptandum operam frustra sumi arbitror, quanquam id à quibusdam propositum meminerim, & *Joannis Seldeni* institutum *Zentgravio* præ oculis fuisse videatur, qui ad disciplinam Ebræorum id jus traditum fuit. Nam quod Jus naturæ & gentium Ebraicum ab universali illo, & ad captum omnium gentium formato in non paucis differt, ratio præcipua videtur, quod Ebræi circa fruitionem juris communis discrimen facerent inter eos, qui Judæi, aut horum religioni forent addicti, & ex aliis gentibus oriundos, aliaque sacra professos. Ad hunc quippe fontem pleraque referri videntur posse, quæ ista Ebræorum disciplina peculiaris habet. At Christiana religio id discrimen ignorat, per quam etiam prærogativa illa nationis Judæicæ præ Gentilibus est sublata, ac nulli nationi præaltera, præcipui quid tam circa gratiam à Christo partam, quam fruitionem juris communis tributum. Neque sane in libris Novi Fœderis præcepta Juris Naturalis alterata, laxata aut restricta deprehenduntur. Eoque si quis ex istis libris præcepta & officia juris naturalis colligere velit, quatenus eadem etiam ad captum rationis, & universi generis humani sunt, nihil inveniet, quod peculiarem disciplinam desideret. Equidem jubemur præcepto Apostoli beneficentiam exercere adversus omnes, sed maxime adversus consortes fidei.

fidei. Hoc ipso tamen nihil detrahitur officio, quod omnibus hominibus, ut talibus circa respectum peculiarium sacrorum exhibendum lege naturali est; cui non repugnat, ex certa ac peculiari societate ac conjunctione certum officii gradum constitui, universali officio cæteris paribus prævaliturum. Quæ autem in religione Christiana traduntur de causis ad obsequium legi naturali præstandum impellentibus, & de hujus effectu circa salutem æternam animæ, ad Theologiam pertinent, eoque ipso, ut & omnia, quæ caput communis rationis transcendunt, ab universalis juris disciplina excluduntur. Præterea si quis sub obtentu disciplinæ Christianorum aliquod dogma venditare velit, ei ex Divinis Scripturis id fuerit adstruendum, aut saltem ostendendum, omnes Christianos, aut majorem & sanctiorem horum partem constanter & continuo ita sensitse, & praxi expressisse. At sane in *Zentgravii* scripto *Suarez, Vasquez, Bonacina, Escobar, Philippus à Trinitate, Petrus à S. Josepho, Durandus à S. Porciano*, & id genus Sophistæ utramque paginam faciunt. Quorum nugis immori si dulces sibi judicat *Zentgravius*, caveat tamen dignationem Christiani nominis tanta contumelia adspargere, ut istorum quisquilias venerabili vocabulo disciplinæ Christianorum venditare velit.

§. 2. Præcipua controversia est de *Origine moralitatis*, ipsiusque legis naturalis, abs qua nos voluntatem Dei haud quidquam excludendam, sed illam ad hanc consequenter se habere contendimus. Ubi id initio probe observandum, quid circa hanc quæstionem Dn. *Zentgravius* nobis concedat; quid deinceps, & quibus de causis, quovè rationum adparatu oppugnet. Ac inprimis consideratione digna sunt hæc istius verba: *Causa, quare divinam voluntatem moralitatis principium esse contendunt, (ego & alii) est, quia semper considerant hominem in ordine ad existentiam, quatenus dependens & quid ex constitutione Creatoris sit; cum nos eundem absolute ratione essentie sue præciso isto respectu in hac investigatione considerandum esse, & considerari posse, prout prima Philosophia docet, existimemus.* Agnoscit igitur Noster, nihil à me falsi circa hanc quæstionem asseri; sed ea tradi, quæ rerum naturæ, prout à Creatore actu ipso constituta existit, congruunt. Cujus autem tradita cum existentia rerum congruunt, non solum vera sunt, sed & evidenti, solido atque immutabili fundamento innituntur. Neque vero alia ratione hominem considerat Theologia, quam prout actu in rerum natura à Creatore constitutus est, quem etiam quoad existentiam suam ad sa-

lutem æternam perducere laborat, de essentia quatenus ab existentia præscindit parum sollicita. Et tamen nunquam auditum fuit, Theologis eo nomine dicam ejusmodi fuisse scriptam, qualem mihi ab initio Alinius Tenebrio, & alii ejus exemplo impactum ivere. Sic & illud fatetur *Zentgravius*, aliique, legem naturalem referre suam originem ad divinam voluntatem, quatenus lex est, & vim obligandi habet; cum lex jussum sit, jubere autem aperte voluntatis actum notet. Unde contendit quidem; *data hypothese, non esse Deum, ea qua congrua sunt rationali & sociali hominis naturæ, talia fore, quia essentia rerum sint immutabiles*. Agnoscit tamen, eadem leges non fore, quod lex sit jussum Superioris. Et alibi: *Quia lex naturalis jubet, non libero demum Dei arbitrio bona facta fuerunt, (agnosce detorsionem nostræ dictionis ac sententiæ; sed antecedenter ad legem hujus latoris voluntatem se habent; non tamen hoc ipso lege tenebitur homo ad ea facienda, aut turpia per se vitanda. Quia aliud est decere, aliud est lege præcipi. Quanto commentorum inanum adparatu opus est, ut Alinii calumniæ qualiscunque color circumponatur.*

§. 3. Cum igitur nobis concedatur, quod moralitas quoad existentiam hominis, & lex naturæ ut talis considerata, ad voluntatem Divinam consequenter se habeant, cur nobis hæc subsistere non licet? Nimirum, quia id verat *Philosophia prima*, illa divinæ humanæque sapientiæ arbitra, quæ mystas suos magnum inane ingredi, hominemque considerare jubet ratione essentia, præciso existentia respectu. Quo considerandi modo moralitas, ut & lex naturalis, prout spectatur non ut præceptum, sed ut *veritas* antecedenter se ad voluntatem divinam habebit. Habet autem par hoc distinctionum ex intimis nugarum recessibus depromptum, id efficacia, ut non solum voluntatem Dei in ordinem redigere, & velut erroris aut pravitatis suspectam post formas rerum collocare queat; sed & dogmata sua naturæ rerum adaptantes impune & citra ullam impudentiam, improbitatis aut furoris notam Pelagianismi aut Atheismi convicio adspargere. Ubi primo nosse velim, quid necessitatis sublit, ut non sufficiat nobis, hominem & quamvis rem aliam quoad existentiam considerare, cum Deus, primum & perfectissimum ens, non possit & debeat considerari, quod id essentiam, præcisâ existentia. Et sane etiam absque consideratione ista essentia citra existentiam licebit distinguere ea, quæ alicui rei in universum & perpetuo insunt, ab iis, quæ certis dumtaxat individuis,

dividuis, aut non perpetuo inesse deprehenduntur, utut semper res velut existens oculis obversetur. Quem enim alium usum ea præcilio aut abstractio habeat, perspicere non possum. Deinde cum essentia illæ ab existentia præcisæ nihil sint aliud, quam conceptus rerum inadæquati, substantiam suam ex cerebellis Sophistarum sortiti; quare, cum moralitas homine quoad existentiam adeoq; conceptum adæquatam considerato consequenter ad voluntatem divinam se habere concedatur, illa antecederet sese ad eandem habere fingitur, si homo inadæquate & præcisæ existentia consideretur? Aut quomodo diversus concipiendi modus tantam diversitatem circa influxum Creatoris producere queat? Igitur abstrahamus, quantum velimus, præscindamus, concipiamus, modo fixum id sedeat, uti omnes res creatæ à divina voluntate existentiam, ita & essentiam; uti materiam, ita & formam; uti quod sunt, ita & quod tales sunt habere. Cum enim Deus sit bonitas infinita, non potuit ab alia ratione boni impelli ad optimum quodq; faciendum. Et cum Deus sit ens infinitum, æternum, incomprehensibile, omnis boni autor, & à quo omnia dependentiam habent, in ejus conceptu errant, qui aliquid putant esse posse independentem ab ejus voluntate.

§. 4. Eodem modo inanis est distinctio illa legis naturalis, ut est *præceptum*, & ut est *veritas*, velut illo respectu ista abs voluntate divina dependeat, non autem hocce. Veritas quippe est aliquid ordine posterius existentia. Prius enim concipitur aliquid existeret, aut posse existere: posterius veritas, quæ ex congruentia intellectus cum ista re, prout existit & vera se habet, resultat. Unde nulla plane re existente nulla quoq; circa re existit veritas; re intra potentiam hærente, veritas quoque parem indolem gerit. Præterea si à voluntate Dei provenit lex naturalis, ut est lex seu præceptum, v.g. si ita exprimitur, adulterium est o-mittendum; etiam proveniet eadem à voluntate divina, si concipiatur, ut veritas; v.g. adulterium est turpe, adulterium adversatur naturæ hominis sociali. Hæ quippe propositiones in effectu æquipollent; cum etiam posterior, quæ affectionem aut effectum actionis vetitæ exprimit, præceptum simul insinuet: & prior dum præcipit, præcepti quoque rationem completatur. Add. *Richardus Cumberland de Legibus natura*, c. IV. §. i.

§. 5. Quamquam autem hæc sufficere poterant ad ostendendum,

voluntatem divinam à designandis rerum essentiis & veritatibus excludendam non esse: placet tamen strictim percurrere, quæ dict. tractatu Dn. *Zenigravius* molitur, qui omnes thesauros illius sapientiæ, quæ tam parum voluntati divinæ defert, exhaustisse videtur. In *proœmio* igitur pronunciat, *duo in honestate actionum spectari, LEGALE & MORALE*, illud legem Dei æternam consequitur: *hoc vero, quare scilicet alii actus præcisi voluntate divina, vel antecedenter ad eandem, vel sub hypothese, si non datur Deus, uti ob illos, quibus sic statum controversiæ formare placuit, loqui cogimur, in se boni vel mali sint, consurgere judicamus ex concursu principiorum illorum, quæ ex se dant esse morale, & citra mentis operationem illud dare censetur, prout vel convenienti vel inconvenienti quadam ratione, quæ in se talis, objecto accidunt, vel inter se connectuntur.* Heic adparet, inepte, & non nisi ad salvandam absurdam thesin discrimen inter *morale* & *legale* in honestate actionum fingi. Mirum quoque, quis virum orthodoxum coëgerit laborare circa adstruendam originem honesti, à Dei voluntate non dependentis, ob impiam & absurdam Scholasticorum hypothesein, *si Deus non datur.* Anco jam res rediit, ut *cogamur*, stolide philosophari, quia Sophistis illis ita *placuit*? Quanto præstiterat, istam hypothesein plane damnare & proscribere, ac improbam juxta & stolidam curiositatem ducere, de indole effectus sublata causâ. Aut cur non potius deformant nobis conditionem generis humani sub illa hypothese, *si non datur homo?* postquam illustria ista ingenia non satis habent eainquisivisse, quæ revera sunt, nâ simul circa fingendas aut adstruendas impossibiles hypotheses satagerent. Denique *concurfus* ille principiorum, *quæ ex se dant esse morale*, si Dei voluntate constitutus dicitur, nostra sententia propugnatur; si aliunde ortus feratur, ostendatur ejus origo; si denique à seipso citra concursum Dei aut alterius causæ extitisse statuatur, jam etiam si Diis placet, credemus, hunc mundum ex concursu fortuito atomorum in tantam pulchritudinem surrexisse. Abstrahere equidem & præscindere in Philosophia licet, seu ex pluribus natura conjunctis unum considerare, non consideratis reliquis; non tamen, ut præciso antecedente consequens ab hoc naturaliter dependens etiam citra idem subsistereingas; seu ut negata causâ effectum nihilominus sustinere velis. In illis porro verbis, quæ d. l. sequuntur, *honestatem*

statem atq; turpitudinem nonnullis actibus per se citra superioris alicujus libere ita determinantis arbitrium inesse censemus; fraus, quæ vocabulo libere subest, notanda; qua imperitis adolescentibus fucus objicitur, velut quispiam statueret, ex simplici superioris placito absq; ullo ad indolem creaturæ rationalis à Deo formatam respectu eam determinationem factam.

§. 6. Aliam inde d. l. rationem reddit Zentgravius, quare aliquid in se bonum & malum, præcisa voluntate divinitate, vel antecedenter ad eandem dari probatum iverit. Scilicet id non ideo factum, quasi si moralia divinam voluntatem consequi affirmaret, Deo voluntatem mutante in lege naturali hoc ipso possit contingere aliqua mutatio, quod Vasquius alique crediderunt; cum leges naturales, quæ utiq; sunt morales, & ipse à voluntate Dei latas sentiat, de aliqua harum mutabilitate minime anxius. Miram audaciam, Vasquio non assurgere, & constantiæ divinæ tam multum deferre! Nisi fortasse ideo non amplius desultoria quædā levitas in Deo metuitur, quia jam magno cum supercilio definitum fuit, quid Deum deceat. Quare ergo hypothesein istam Zentgravius propugnat? Amore veri, & ut ostenderet, huic universo decus, generique hominum honestatem morum constare posse, si vel maxime Deus non detur. Hoc quippe est verum illud, cujus amor tantopere homines istos urit. Tum ut solidius ex ultimis oppugnetur Indifferentismus principis. Oporteret vero horribilem beluam esse illum Indifferentismum, Asinii Tenebrionis foetum, quod is ex fundamento destrui nequit, ni supponatur, Deum non dari. Ast ego credideram, quo magis de voluntate Dei legem naturalem sancientis constiterit, eo majorem actionibus moralibus necessitatem adferri, eoque magis indifferentiam tolli. Quanquam alias non opus erat, per tam absurdas hypotheses indifferentissimum oppugnare, de quo quidem nemini mortalium, cui sanum sinciput, in mentem nunc venisset, ni monstrum id ex concubitu Nicolai Beckmanni & Josuæ Schvartzii genitum, inde à Præsule Garlæano aqua lustrali circumlatum malevolis potissimum placuisset ad calumnias eo impudentius in me spargendas. Addit; *Nec finguntur hoc nomine Idææ extra divinum intellectum existentes, quas leges naturales laturus Deus intueri debuit, cumque sit alicujus rei idæa, ex se sciat Numen eminentissimum & sapientissimum.* Atqui cur istoc ex se sciat Deus, nisi quia divina voluntas cuiq; rei suam indolem assignavit? Resplendent alias

alias in isto procemio emblemata quadam, haud exigua bonæ mentis eclipsin arguentia. *Nonnulli*, inquit, *de juris naturalis origine & rectitudine periculose errant, & seposita lege divina actum humanorum indifferentiam sine fronte asserunt; taciteque omnis impietatis semina spargunt.* Nimirum quia jam omnis pietatis fundamenta in eo vertuntur, ut juris naturalis rectitudo juxta tam sanctam hypothesin deducatur, si Deus non datur; aut quia summa jam impietas est, voluntati Creatoris O.M. origines formarum vindicare. De cætero nemo *Zentgravium* fronte carere arguet, quam adparet, dum ista eructaret, in chalybcm usque adeo induuisse, ut vel adversus Beckmanniana aut Schvvartziana cornua arietare posset.

§. 7. In ipso Tractatu *Zentgravius* primo oppugnatum it sententiam nostram, quæ extat l. 1. c. 2. §. 6. *de Jure Nat. & Gent. in beneplacito divino fuisse, qualem naturam homini vellet assignare, seu hominem eam quam habet naturam ex voluntate Creatoris sortitam.* Cui disceptationi præmittit (p. 35): *Deum pro arbitrio nos formare potuisse secundum sapientiæ suæ ideam perfectissimam, rerum creandarum naturæ & veritati examissim respondendentem; cui ob summam essentiam suam perfectionem immutabili quadam & naturali necessitate Deus, libere licet si exercitium actus spectes, convenienter agit, quia alias à seipso diversus esset, & sibi contrarius futurus, si cum idea & sapientia divina non externa conveniret actio.* Est nimirum divini intellectus idea de re aliqua conceptus in Deo formalis & immutabilis, ad cujus similitudinem creatura producuntur, cuiq; ita accurate respondent, ut eo modo perficiantur, quo fuerunt divine mentis conceptui representata, juxta tamen libera voluntatis determinationem. Quemadmodum vero divina sapientia perfectissime omnia intelligens divino intellectui ex naturali perfectione, non per liberum voluntatis actum competit: ita quoque ante eundem divina menti rerum creaturarum rationes exemplares convenire, hasq; proinde aque immutabiles esse, uti immutabilis est sapientia divina, censei debet. Ex quo consequitur, *Deum hominem creaturum, etsi libere quoque eidem hanc, & non majorem perfectionem tribuat, si tamen hominem & non brutum creare velit, non aliam quam rationalem eidem posse concedere essentiam.* En sapientiæ Scraphicæ abyssum! Ubi observandum, Dn. *Zentgravium* heic primo intuitu nobiscum sentire videri, dum asserit; *Deum pro arbitrio nos formare potuisse, & juxta liberæ voluntati determinationem.* Sic & conclusio plane vera est: *Deum hominem creaturum, etsi libere eidem hanc & non majorem* per se-

perfectionem tribuat, si tamen hominem & non brutum creare velit, non aliam quam rationalem eidem posse concedere essentiam. Nam & nos ipsi dudum asseruimus, Deum dum decrevit hominem creare, non potuisse non creare animal rationale. Addimus rationem planissimam; quia alias sibi ipse contradixisset. Amphora cœpit institui, currente rota cur ut ceus exit? Id quoque in confesso utrinque est; creationem hominis quoad exercitium actus à libera Dei voluntate provenisse. Et quia id jam agitur, ut divina essentia ad modulum nostræ rationis exigatur, ponamus & id tantisper, Deum dum hominem creat, contemplatum fuisse aliquam rationem exemplarem, aut ideam: sicuti homines ad archetypum aliquem opera sua formare soleant. Quanquam in homine id ipsum ex imperfectione intellectus humani provenit; ad quem dum nimis presse divina mens exigitur, Ideæ Platonice primum resulasse videntur. Sicuti & Aristoteles dum animo concipere nequit, abs Numine omnia ex nihilo fuisse facta, mundi & materię æternitatem nobis commentus est. In eo tamen ratiocinio nulla est consequentia: *uti sapientia divino intellectui ex naturali perfectione, & non per liberum voluntatis actum competit; ita quoque, ante voluntatis actum divine menti rerum creaturarum rationes seu ideas convenire.* Non inquam sequitur; Dei intellectus non dependet ab ejus voluntate, ergo ab exemplaribus rerum rationibus voluntas Dei excluditur, aut illæ plane absque eadem proveniunt. Nam ideæ istæ, rerum creandarum formas exprimentes, non utique velut ultro intellectui divino sese potuerunt offerre; non magis quam aliqua res seipsam creare potuit. Eoque ideæ istæ revera præsupponunt decretum voluntatis divinæ de talibus rebus libere creandis. Equidem rerum jam existentium ideæ intellectui creato sese velut ultro insinuant. Ast unde primæ omnium rerum causæ idea rei nondum existentis offerri queat, nisi præsupposita voluntate talem rem producendi, sane intelligi nequit. Unde & in eo, quod sequitur ratiocinio antecedens falsum est: *Cum homo pro animali rationali habeatur à divina sapientia antecederet voluntatem divinam respiciente, non verò demum per liberam voluntatem ejusdem tale sit; Deum quoque hominem conditurum non aliud quam rationale animal creare potuisse relinquitur, quia non nisi sapientissime, id est, essentiali, & per consequens immutabili rerum perfectioni convenienter agere potest.* Præterquam quod sapientia Dei in ordine ad sua opera, seu quando aliquid sapienter

à Deo factum dicitur, absq; voluntate intelligi nequit. Sapienter enim non agit, nisi qui voluntariò agit. Sicuti & insipida est explicatio illa *sapientissimè*, id est, *essentiali & per consequens immutabili rerum perfectioni convenienter*. Sapientia quippe divina ex præstantia operum abs se productorem æstimatur; non quod illa ad essentielles rerum perfectiones sese attempteret, quæ utiq; ab ista promanant.

§. 8. Idem quoq; præmittit (p. 37.) de essentiis rerum, quas æternas & immutabiles dicit, non eo sensu, quasi, v. g. hominis essentia sit semper & irrevocabiliter, idque ab æterno & omnino independenter à Deo: sed ob perpetuam & immutabilem connexionem requisitorum ad certæ alicujus essentia v. g. hominis constitutionem necessariorum. Ast unde ea connexio, nisi à divina voluntate? ni fortè essentias illas à seipsis ortas comminisci velis. Immutabiles itaq; sunt rerum natura, seu considerentur secundum se & absolute, seu in quantum divinum respiciunt intellectum, in quo representantur. Hujus asserti vera ratio est; quia talis quæque res est, qualem Creator voluit, qui & assignatam semel rebus indolem constanter servat, quoad hanc rerum naturam non tollit: & quia non potest non intellectui divino representari, quod à Deo decretum aut factum. Dicit porro Noster (p. 39.): *Ex hoc non sequi, plura præter Deum esse immutabilia. Nam aliud est necessarium independens, quod à se simpliciter est necessarium tam quoad essentiam, quam attributa propria: quæ ratione solus Deus absoluta & immutabili necessitate est id, quod est: aliud dependens, quod licet non à se, in se tamen in certo genere, ratione scil. veritatis suæ est immutabile.* Ast cum dependentia isthæ non se habeat per modum necessariæ emanationis, sane voluntatem divinam eadem non poterit non involvere. Nec vera esset hæc propositio, homo est animal rationale, si Deus nunquam hominem creare decrevisset. Ex superioribus quoq; satis patet, quid ad sequentia sit rependendum (p. 40.): *Immutabiles quoq; sunt naturæ rerum, si considerentur prout divinus intellectus eas cognoscit, & prout in mente divina per ideas representantur.* Ob summam enim & infinitam intellectus sui perfectionem Deus creaturas non aliter agnoscere potest, quam quales ut sint, natura ipsarum debita exigit. Nec ipsius menti aliter obijci possunt, quam quæ in se sunt, & esse debent: nec eas Deus aliter ut sint vel fiant concipere, & aliter concipiendo immutare potest, ob infinitam scientiæ suæ eminentiam, quæ ipsius judicium rei, prout est, & esse debet, exactissimè respondet. Ast unde est illud debet? Num natu-

naturæ nondum conditæ, & antequam de iis producendis à Deo decerneretur, potuerunt sibi ipsis jus aliquod, & velut competentiam tribuere, ut tales utiq; abs Deo creandæ decernerentur? Pariter frivola sunt, quæ sequuntur: *Divino intellectui objectæ res non aliter apprehenduntur, aut judicantur, quam quales sunt & adparent.* Numquid ergo illæ res divino intellectui ultro sese objiciunt, sicut rerum natura jam condita sensibus humanis se sistit? *Vnde sequitur, non posse Deum id rei & ipsius naturæ conveniens judicare, quod ipsi repugnat, vel illud ei tribuere, quod eandem destruit, aut in aliam speciem immutat.* Ast causa est, non quod essentiæ rerum absque voluntate Dei proveniant; sed quia Deus non potest non opera sua cognoscere, sive producta jam, sive adhuc producenda, & quia circa eas cognoscendas aberrare non potest. Addit ex *Augustino: Idem, res creatas divinæ menti representantes esse formas quasdam principales, vel rationes rerum stabiles atque immutabiles, quæ ipsæ formatæ non sunt, ac per hoc æternæ, & semper eodem modo se habentes, quæ in divina intelligentia continentur. Et cum ipsæ neque oriantur neque intereant, secundum eas tamen formari dicitur omne, quod oritur & interire potest.* Ast, quod pace Augustini dixerim, splendide sunt istæ Platoniorum nugæ, quæ si accuratius attendas, non uno modo contradictionem involvunt.

§. 9. His præmissis rejicit nostram sententiam, velut ex eo, quod Deus hominem liberrime condidit, non sequatur; in beneplacito Dei fuisse, qualem homini naturam velit assignare, ita ut hanc, qua jam gaudet, naturæ conditionem Creator homini libere attribuerit. Ea verba jam adversus *Veltheimii* clamores asseruimus in *Specimine Controv. c. V. §. 17. 31. 33.* Et sane cum Deus, quem nulla utique necessitas ad creandum hominem cogeat, constituisset nobilioribus brutis animal condere, non potuit quidem non istud fini, quem circa id sibi proposuerat, conforme creare; quia aliàs sibi ipse repugnasset. Neque ulla tamen heic adparet necessitas, quæ non à divinæ voluntatis suppositione proveniat, aut quæ eandem excludat. Id autem plane absurdum est, quod *Zentgravius de individuo aliquo hoc concedit; Deum Te ut libere condidit, ita si voluisset brutum condere potuisse.* Atqui cum & Adamus fuerit individuum, & quicquid hominum unquam extitit, aut extitutum est, individua sint, sanè si Deus omnia illa individua bruta condere potuit, etiam hominem brutum condere potuit. Et quod in omnia individua cadit, quo jure speciei idem

denegabitur? Quæ sequuntur, libenter concedimus: *Quando Deus te hominem condere statuerit, aliam quam humanam, id est, rationalem naturam tibi attribueret non potuisset, ut proinde quanquam liberè & ex divino beneplacito sis homo, cum tamen homo sis, ex immutabili quadam necessitate naturam humanam sortitus sis.* Modo necessitas hæc ex suppositione decreti divini utiq; voluntarii promanasse intelligatur. Eodem loco negat, per sententiam nostræ adversam adungi Deo principium aliquod extrinsecum, quod ipse in assignandis rerum formis sequi necessum habuerit. Negamus quippe, inquit, Deum extra se quidquam positum intueri, ut secundum id constitueret, quod constituebat. *Qui enim agit secundum sapientiam suam omni perfectionis gradu perfectissimam rerumq; naturas in se immutabiles, (unde sunt illæ naturæ, aut unde immutabilitatem suam habent?) immutabiliter quoq; ob exactissimam inter divinam ideam & rerum externarum convenientiam, non agit secundum principium externum.* Divino enim intellectui creatura non representantur per species ab illis desumptas; sed est aliquid intimius Deo, quod res creatas ei adhibet, ipsa nimirum divina essentia, in qua omnes rerum natura, sicut in se sunt immutabiles, ita quoque ob summam divinæ mentis perfectionem immutabiliter inherent. Quid est sine mente sonum dare, si hoc non est? Deniq; cum nos d.l. ex divino beneplacito originem quoq; moralitatis asserunt iverimus, Zentgravius iridem contradicit (p. 44.): *Sicut immutabili quadam ratione, inquit, homo est animal rationale, & ab immutabili quoque divina sapientia pro tali animante immutabiliter habetur ante divinæ voluntatis actum: ita quoq; ante eandem, & sic quoque ante legem certos actus homini & naturæ ejus rationali convenire, & non convenire. Falsum antecedens, falsum consequens.*

§. 10. Alio inde ratiocinio voluntatem Dei ab origine moralitatis exclusum ite Zentgravius (p. 88.) Prudentia, inquit, Dei legislatoris non debet à nobis concipitur ad dictam divinam rationis prædictam in agendis, quibus secundum Suarez (par Apostolis nomen) judicat, quid deceat suam bonitatem, sapientiam, justitiam. Atqui hæc velut essentielles Dei perfectiones antecederet se habent ad voluntatem & beneplacitum Dei. Igitur moralitas actionum sese antecederet habet ad voluntatem Dei. At ego nego hæc consequi: Sapientia, sanctitas & justitia Dei, juxta quas creaturarum motus diriguntur, non se habent consequenter ad voluntatem Dei; ergo nec moralitas actionum humanarum. Et si enim sapientia & justitia Dei non sint ab ejus volun-

voluntate: ut tamen existerent creaturæ, quarum motus ad sapientiam & iustitiam Dei exigi possent, voluntatis divinæ actus utiq; præsupponitur. Sane erat Deus iustus, sanctus, sapiens, etiam antequam ullæ creaturæ existerent, quæ ad earum perfectionum dictamen motus suos dirigere possent; eoq; ut istæ perfectiones divinæ actu regulæ agendorum essent, necessarium non erat, nisi posita voluntate producendi creaturas mentis capaces. Adeoque ut sapientia & iustitia Dei innotescat, actuque se exferat, & ut extent, qui eandem imitari queant, id utique à voluntate Dei est. Idem post ait: (p. 97.) *Sapientiam Dei legislatoriam habuisse simul rationem divinorum attributorum, & simul naturæ humanæ.* Atqui à designatione velut naturæ humanæ voluntatem divinam excludere, quomodo possumus? Deque & idem tradit: (p. 100.) *Neque prudentiam Dei legislatoriam, neque dictamina rationis divinæ practica habere rationem legis, quia non proponunt præceptum aliquod, sed tantum ostendunt indicando, quid rei natura habeat, & si considerentur in ordine ad ipsam divinam voluntatem, disclitant, quid Deum ex ratione suæ bonitatis, iustitiæ, sapientiæ velle deceat. At quando Deus secundum ista dictamina decernit, (quod est voluntatis actus) quo pacto creaturæ rationales suum servare ordinem debeant, tum istud decretum voluntatis divinæ vim legis acquirit, & vocatur Dei lex aeterna.* Enimvero per hanc distinctionem voluntas Dei à prima origine legis naturalis, etiam ut est veritas, ne quidquam excluditur. Nam ne quid moveam, quod hoc modo nimis proterve Deus ad humanæ rationis modulum exigitur, jam supra ostensum, nil interesse, utrum ea dictamina concipiantur per modum præcepti, fac: an ut congruentiam actionis cum subiecto exprimant; hoc hominis naturæ competit. Neque illa dictamina intelligi possunt, nisi præsupposito subiecto, creato aut creando, cui actus convenire aut non convenire dicatur; abs quo utique voluntas Dei excludi nequit.

§. II. Post ubi de naturali discrimine honestorum & turpium commentatur, reperit fere, quæ hætenus discussa sunt: (pag. 234.) *Honestum & turpia strictè et alia esse alia in se & antecedenter ad divinum beneplacitum, ejusque impositionem, quam legis quidem, non item bonitatis & malitiæ naturalis in se & idealiter, ratione item veritatis suæ, non prout existit in nobis, considerata, causam esse dicit.* Id quod sic probatum sit. Antecedenter quidem ad ipsum Deum, divinamque essentiam in ordine causalitatis, vel ratione existendi nihil debet concipi. (Quippe nil? cum ex mente Zentgravi non nefas sit assumere hy-

pothesin, si Deus non darur.) Cum tamen aliquid possit esse objectum intellectus divini, quem ceu principium dirigens, ante voluntatem divinam ceu principium imperans & exequens concipimus, quin idem ceu objectum divini intellectus antecedenter quoque ad divinam voluntatem id quod est, esse, dici & concipi queat, dubium non est. Enimvero magnum mihi adhuc dubium est, num quæ nos concipere possumus, dum divinam essentiam ad nostræ modulū animæ metimur, revera ita se habeant. Aut num fas sit, intellectum divinum priusquam voluntatem concipere, saltem hætenus, ut illa prioritas effectum aliquem in ordine ad res obtineat. Deinde nego, aliquid esse posse objectum divini intellectus ante divinam voluntatem, si sermo sit, uti nobis est, de ideis rerum, quæ aliquando actu à Creatore conjendæ fuerant; uti jam supra ostensum. Sane non obscure contradictionem implicat, alicujus rei ideam, quæ tevera à Deo condita est, intellectui divino velut obversantem concipere, nisi decretum (qui voluntatis actus est) de eodem condendo supponatur. Siquis tamen his non adquiescens contendere velit, saltem ideas rerum possibilem, quæ nunquam futuræ sunt, tale decretum voluntatis divinæ non præsupponere, aut circa ideas rerum creandarum ab ejusmodi decreto præscindendum esse; ei post copiosam hellebori potionem non superfunctoria opus erit castigatione, ut importune divinæ naturæ adyta rimari metuat. Velim quoque expendi subtilitatem istorum verborum: *Quod est objectum intellectus divini ante divinam voluntatem potest esse id, quod est.* Unde inania sunt, quæ sequuntur: *Sicut homo est per essentiam,* (quæ nimirum seipsam à seipsa divino intellectui sitit independentē à voluntate divina,) *agens intellectuale,* & *sic ex natura sua ratione moraliter agere potest,* (etiam quando nondum de norma actionum fuit cogitatum) *sic quoque esse morale, quod ab agente intellectuali per naturam est inseparabile, eandem antecedere recte dicitur.* Negato antecedente negatur etiam consequens. *Sicut itaque hac propositio, homo est animal rationale, vera est citra divinæ voluntatis operationem* (ut ut citra hanc ne idea quidem hominis intelligi queat,) *salva omni Dei perfectione eminentissima: ita quoque salva eadem blasphemia, adulterium turpia sunt, præcisā voluntate divina, imo præcisō omni divino judicio etiam quando nondum Deus cogitasse intelligitur de condenda creatura, in quam tales actus cadere possent.* Id quidem satis pro imperio. *Et quia hæc talia sunt, sapientissimus Dei intellectus ex infinita perfectione omnia sapientif-*

pietissime judicans, congruum imo necessarium judicavit, eadem lege lata hominibus præcipere, quæ etiam præciso divino intellectu, ei ceu qui per naturam agens morale est, sunt inseparabiliter convenientia. Ut patet, jam etiam intellectu divino præciso natura hominis, quamvis nondum de ea creanda à Deo decretum præsupponitur, Deo necessitatem adferre potuit certos actus lege sancienti. Mirum nî homines isti rationem norunt mundum absq; Deo condendi. Absurdius adhuc est, quod sequitur: (p. 241.) Semper nulla etiam prohibente lege malum est, Deum conviciis proscindere, si vel maximeingas, ne Deum quidem dari. Antehac credideram, non entis nullas esse affectiones. Igitur si Zentgravius cum suis Sophistis Deum utrique mundo exterminare cupit, simul ejus affectionem, qua creaturis intelligentibus venerabilis est, exturbare ne obliviscatur.

§. 12. Demum & peculiarem sibi doctrinam de moralium actionum indole format Cl. Zentgravius, qua non uno in loco, quæ nos super eadem tradidimus, evertere conatur. Ac primo quidem displicet, quod ego formalem rationem actionis moralis consistere dixerim in imputativitate, (pag. 242.) ad quod vocabulum, non citra veniam præfationem à me positum nescio, quare frontem contrahant homines, qui totam atatem ad aures usque lacunis barbarorum Sophistarum rostrum immercerunt,) cum ea potius rō morale consequi ceu affectio videatur, quam id ceu formale constituere. Nam nisi actui vel objecto ejus valor quidam insit, qui aestimari queat, vel ad laudem vel ad vituperium, imputativitas non habebit locum, cum nihil sit, quod imputari queat; hoc autem existente, data in super pro æresi & libertate agentis, actio jure imputabitur. A valore enim actus proxime habet, ut imputari possit; à libertate autem remote mediante valore. Atqui adpareret, imputandi vocabulum à Zentgravio in diverso sensu, quam à me accipi. Mihi enim per hanc dictionem, actio huic imputatur; nil aliud notatur, quam hunc autorem ejus actionis haberi, aut eandem ad hunc pertinere, ut super ista ratio ab eo exigi, & qui inde proveniunt effectus, in eundem devolvi queant. Cujus actionis dein, prout ad normam refertur, affectiones sunt bonitas & malitia moralis, justitia & injustitia. Valore autem ille, quem velut formalem rationem moralis actionis iste substituit, ad quantitatem actionum designandam pertinet. Addit: Quibusdam actibus ex solo objecto inesse moralitatem, positis ceteris principis, nemine cogitante, & præcisa omni voluntate, & ut sese ad superioris cujusdam impositionem, legem

& vo-

& voluntatem antecedenter habeat. Enimvero ista congruentia aut incongruentia velut naturalis, quæ in multarum actionum objectis ad agentem comparatis, reducet, haud quidquam voluntatem Creatoris excludit. Quin potius cum Creator animal legibus obnoxium formare constituit, ita naturam hominis temperavit, ut actus certi eidem congruerent, aut non congruerent, prout illos præcipere aut vetare constituerat. In quo ipso discrimen legum naturalium à positivis verti alibi docuimus. Ad illud porro ratiocinium jam in superioribus fuit responsum: quia sanctitas & justitia in DEO sunt perfectiones essentielles, ex perfectissima essentia, non ex libera voluntate resultantes: igitur & moralitas in actionibus humanis antecedit voluntatem divinam. Id enim consequi negamus, cum non ex absoluta aliqua necessitate, sed ex voluntate divina sit, quod creaturæ dentur, quæ imaginem quandam sanctitatis & justitiæ divinæ referre possent. Quod autem Zentgravius ita confidenter pronunciat, v. g. sanctitatem, bonitatem, justitiam DEI, *quo minus perfectiones morales adpellentur nihil obflare*; id mihi nondum persuadet: cum non adpareat, quomodo ab hoc termino istæ imperfectiones abstrahi queant, quæ ex primæva significatione & communi usu eidem adhærent, quæ morales perfectiones illis, quæ natura aut per essentiam insunt, opponuntur. Sane majore autoritate est opus, ut iste terminus citra scandalum legatur. Tandem & nihili est ratiocinium hocce: *Deus ex natura sua perfectione est amabilis & adorabilis, non ex voluntatis suæ arbitrio: Ergo actus hi Deum amare, colere, morales sunt antecedenter ad voluntatem divinam.* Nam actus illi utique non possunt intelligi, nisi positis creaturis rationalibus. Et posito actu, agens quoque necessario ponendum est. Hoc autem ut esset, à voluntate divina est. Pergit Zentgravius: *Ex quo sequitur, effectum legis formalem non esse hunc, ut ei valor ille, qui esse morale constituit, acceptus debeat referri, ac si hic non possit inesse, nisi lege ita constitueretur.* Ast ego quidem istum effectum haud quicquam legi simpliciter tribui, sed voluntati divinæ, naturam rerum & hominum ita formanti, ut huic certius actus utique congruerent, aut non congruerent. Quæ voluntas Dei legem simul naturalem includit. Nam quia legibus obnoxium animal creare Deus constituerat, ideo naturam huic fini accommodatam finxit. Et eo ipso, dum certa ratione naturam hominis temperat, ad convenientes isti leges hominem adstrinxit. Quibus observatis riuunt etiam sequentia: *Quod ætiam*
physicus

physicus fiat actus moralis, id non semper ab impositione superioris provenit, sed consurgit tò esse morale ex concursu certorum principiorum objecti, finis, circumstantiarum, agentis rationalis, quæ ex rei veritate per se antecederent ad omnem voluntatem superioris necessaria sunt; (aſt utiq; & iſta principia, & ut concursus eorundem in actionibus humanis certam habitudinem produceret, id per voluntatem Conditoris provenit,) nec libere ita definita. Usitata iſtis hominibus eſt cavillatio vocabuli *libere*, velut prius natura hominis à DEO formata fuiſſet, cum libertate & indifferentia omnium ſuarum actionum, & poſtea ex puro beneplacito citra ullum alium reſpectum latâ lege quosdam actus bonos, quosdam malos eſſe juiſſerit. Quod quidem aſſerere ne per ſomnium in mentem mihi venit.

§. 13. Hinc ad impugnandam indifferentiam motus phyſici accingitur. Ac primo negat, (p. 278.) *motum phyſicum determinatæ & certæ alicujus actionis, v. g. blaſphemie eſſe indifferentem.* Atqui omnes fatentur, in quavis actione humana intervenire motum phyſicum. Fatentur quoque Deum tanquam primum motorem ad quemvis motum phyſicū concurrere; qui tamen ad malum ut tale non concurrat. Ita tollitur à Zentgravio motor, relinquitur motus. Valde tamen errat Noſter, quod putat, merum motum phyſicum hac diſtione exprimi, *motus lingue contra Deum.* Nam in vocabulo *contra Deum* jam latet moralitas; ac contra Deum loqui, & blaſphemare ſynonyma fere ſunt. Igitur motus phyſicus in blaſphemia laxioris verbis eſt exprimens. De cætero heic circa rem ipſam dubium eſſe nequit. Nam v. g. in judicio, ubi de blaſphemia anquiritur, eadem verba, quæ reus per blaſphemiam evomit, recitat teſtis, & actarius plane ſine peccato, diverſiſſima tamen abs reo intentione. Unde facile colligi poteſt, quid in iſta actione phyſicum ſit & indifferens, quid morale & pravum. Sed jam, conſumpta repente modestia Noſter, eandem cum illis tibiam inflat, qui jure optimo maximo calumniatores audierunt. De indifferentia, inquit, (pag. 279.) *in ordine morali dupliciter poſſumus loqui, 1. ſicut ipſum valorem & eſſe morale ad bonum & malum indifferenter ſe habere dicamus, & v. g. blaſphemiam, eadem, adulterium, quod jam appellamus actiones in ſe indifferentes eſſe, bonas etiam futuras, ſi à Deo, uti Vaſquez & Reterfortiſ, vel à Magiſtrato, quod Hobbes opinatur, fuerint præcepta, ita ut bonum & malum antecederet ad divinum beneplacitum naturale nullum datur.* Enimvero toto cœlo à commentis Vaſquii, Reterfortiſ & Hobbii

distat sententia ejus, qui asserit, moralitatem se non habere anteccedenter ad voluntatem divinam, quippe per quam sunt creaturæ moralitatis capaces. Et nihil oscius pronunciat Noster: *Hunc indifferentissimum moralem alunt, sovent, pingunt, & comunt omnes illi, qui moralitatem, omnem bonitatem & malitiam in hoc ordine talem, à nuda impositione provenire affirmant, et se id agere contraria factis suis protestatione negant.* Bona verba quæso, mi Zentgravi. Sane ego non usque adeo eruditum seculum spiritu calumniæ obsessum confido, ut de mea sententia non mihi potius, quam tibi sit crediturum. Præsertim cum heic abs Te non minus infamium artium adhiberi deprehendam, quam quas in cæteris calumniatoribus jam acriter, non tamen supra meritum, castigavi. Nam fraudulenter infarctum est vocabulum *nuda*, cum sat clare à me ostensum sit, longe aliter se habere impositionem circa res, quæ lege naturali, & circa res, quæ positiva lege sancitæ sunt; cum Deus legem naturalem homini daturus, ejusque actionibus moralitatem impositorum naturam hominis simul certo modo formarit: id quod circa leges positivas secus se habet. Idem & circa sequentia verba observandum: *Dum enim, inquit, in actionibus & objectis moralitatem à tali impositione TANTUM, & lege superioris, provenire urget, indifferentia hoc ipso sint, necesse est, in se omnia, si qualia sint in ordine ad talem morale, præcisâ ista impositione considerentur.* Sed addendum est, istam præcisionem ita fieri debere, ut simul & lex, & quæ pari passu cum lege ambulat, formatio naturæ humanæ ad eum finem peculiari à brutis modo facta abstrahatur, utq; adeo nihil remaneat, nisi quod mere sit physicum. Sequentia autem verba mirum stuporem præ se ferunt. *Concubitus, v.g. cum alterius uxore si ideo adulterium adpellatur, quia est contra legem naturalem, hoc quidem sequitur, adulterium tunc non esse actum indifferentem.* Quo minus tamen ipse concubitus cum alterius uxore anteccedenter ad omnem legem & talem impositionem spectatus, nisi in se etiam, scilicet ut Grotius Thomam secutus, Deum non esse fingas, aut actum talem lege eum non prohibuisse ponas, turpis esse dicatur, indifferens ex data hypothese sequatur, nihil impedit: quicquid deinde sit de appellatione talis actus, seu adulterium adpellari debeat, seu non, si lege non est prohibitum. Relinquitur enim ipsum concubitus cum alterius uxore anteccedenter ad impositionem & præcisâ lege consideratum esse actum indifferentem, quod admitti nequit. Enimvero mihi sermo fuit de actu physico, abs quo omnis moralitas abstracta concipitur; Zentgravius autem profert exemplum actus, quam maxime

xime

xime moralis, *concubitus cum alterius uxore*. Hic enim non est actus physicus indifferens, sed moralitatem & legem, quam maxime involvens. Concubitus cum fœmina est actus physicus, sed cum uxore alterius moralis & lege vetitus, qui uno vocabulo adulterium vocatur. Uxor enim notat fœminam, quæ uni soli legitime data fide corpus suum addixit. Unde contradictoria & nugatoria est quæstio: An concubitus cum alterius uxore sit malus antecederet ad omnem legem & voluntatem Dei? Quid autem pronunciandum sit, posita insana illa hypothesi, si Deus non datur, tunc demum patebit, quando *Zentgravius* ad hanc quæstionem liquido responderit: num, posita hypothesi, si Deus non datur, Nicolaus Beckmannus & Josua Schwartzius cum infamia è Suecia fuerint relegandi? Pergit nugari Noster: *Illam difficultatem non tolli distinctione mea inter vocabula, quæ merum motum physicum significant, & quæ actum physicum cum moralitate conjunctum. Cum enim omnis moralitas ex ipsorum mente sit ab impositione, recte queritur, qualis ergo sit iste actus, cohabitare alterius uxori, præcisa impositione illa consideratus, an mere Physicus, an quid moralitatis in se contineat?* (Eodem jure queri potest, num *Zentgravius* sit animal rationale.) *Posterius dici non potest, cum præscindamus principium, quod genuinum & adequatum rati esse moralis dicitur.* Ast si velis principium moralitatis, totamque adeo moralitatem heic præscindere, & nihil præter merum Actum physicum retinere, amovenda quoque est notio uxoris alienæ, quæ citra moralitatem intelligi nequit. Add. quæ in *Specim. Controversiarum* c. V. §. 20. adversus Velthemium disputavimus. Hinc inepte infert *Zentgravius*: Prius ergo dicendum erit, quod cohabitatio alterius uxori facta, se se mere physice habeat, in se indifferens sit, nisi lege prohibeatur cum alterius uxore consuescere turpe non sit. Non minus stolidæ sunt sequentia: *Ex quo ulterius hoc consequitur, quod de posse absolute loquendo, sique Legislatoris sapientiæ ita visum fuerit, adulterium uti prohiberi, ita & præcipi possit; posse enim in vita sociali, & natura humana convenienter tales dari casus, ut ceu personale, non commune adulterium in se malum non foret, quod nos contendimus, præcipi possit, dubium non est.* Appage istas consequentias, *Zentgravi*, quæ non nisi Gesenio cuiquam condonari possunt, cui sensum communem Garlææ fumi dudum ademereunt. Te enim ita delirare non decet. Ac non possunt non viri cordati valde detestari artificium illud obscœnum, quo aliqui ita impudenter se jactant, ut primo falsam quampiam hypothesin alteri affingant, indeq; deductas ab-

furdas consecutiones isti nolenti volenti impingant, non sine horrendarū hareſium exprobratione. Cæterum pleraq; hætenus diſputata à *Zentgravio* repetuntur articulo *X. de Immutabilitate Legis Naturalis*; quam cramben recoquere putidum fuerit; cum præſertim adverſarii circa modos concipiendi, abſtractiones, præciſionesq; & abſurdā hypotheſin ſeſe torqueant: mea autem ſententia id, quod re ipſa exiſtit, ſatente *Zentgravio* exprimat.

§. 14. Circa alia diluenda minus operæ eſt. Ac circa fundamentalem propoſitionem juris naturalis de ſocialitate movet, ex eadem officia erga Deum & nos ipſos deduci non poſſe aut debere. Cui objectioni jam ſatisfactum in *Specim. Contröv.* c. V. §. 25. Tantum id hæc obſervo, ea verba, quæ ex præſatione libelli mei de Officio hominis & civis carpuntur, *religionem naturalem ex ſocialitate indirec̃te derivari*, inſidioſe interpolari, additis de ſuo verbis, *cui ex fundamento*: quæ in loco, quem iſte reſpicit, non extant. Circa amorem ſui ſeu philautiam quoque monet, *eam eſſe priorem obligatione erga alteram, quia ordinata charitas incipit à ſeipſa*; aliis etiam *facere non debeamus, quæ nobis facere nolumus*. Aſt nondum probatum eſt, amorem ſui in ſe, & ſi homo non conſideretur, ut ſervus Dei & ſocietatis humanæ membrum, eſſe in obligatione. Sic non falſa ſolum, ſed & Reip. pernicioſa eſt ſententia: *neminem teneri alterum magis diligere, quam ſeipſum*. Nam dantur caſus non infrequentes, ut vita & fortunæ noſtræ à nobis pro aliis impendi debeant. Falſum quoque eſt, quod *officia, quæ homo ſibi ipſe debet, regula ſint officiorum, quæ alteri, qui cum vivimus, exhibere decet*. Quin contra amor ille noſtri, ne in devia abeat, neve ſocietatem humanam perturbet, per officia erga alios homines eſt temperandus.

§. 15. Cavillatur inde rationes à me *Lib. II. c. 3. §. 20. (pag. 123.)* adductas, quod ſocialitas homini pro imperio injuncta ſit; petitas à conſtructione naturæ humanæ, à religione, & à morſibus conſcientiæ. Si quis enim conſideraverit naturam humanam ita abs Creatoro formatam, ut niſi culta vita ſociali ſalva eſſe nequeat; & leges, quæ ſocialis vita continetur, cujuſvis religionis partem conſtituere, hominemque violatis illis legibus morſus conſcientiæ ſentire, certiffimum læſi Numinis indicium; ſat firmiter puto, quis inde concluſerit, ſocialem vitam abs Creatore homini pro imperio impoſitam. Quibus argumentis & alii multi tam Gentiles, quam Chriſtiani Scriptores ad idem demonſtrandum uſi ſunt. Quæ in contrarium à *Zentgravio* afferuntur, vix aliud arguunt, quam ina-

ne

ne studium aliorum labores maligno dente arrodendi. Ait, *persuasio, quod Deus velit, jubeat, ut homo sit sociabilis*, non sufficere ad hoc evincendum, quod vita socialis pro imperio sit homini imposita; *cum persuasio illa si vera & efficax esse debeat, lege quadam, qua satis innotuit, nitatur opus sit*. Atqui ex tali persuasione, quæ non temere in genus humanum invasit, sed ex ipsa consideratione humanæ naturæ promanavit, recte ad investigandam legem naturalem ascenditur. Et cum Zentgravius agnoscit, *ex hac ratione necessitatem tantum legis pro vita sociali ferenda inferri*, nobis sanè ulterius ratiocinari licebit: cum Deus naturam hominis ita formarit, ut necessarium ei sit per legem vitam socialem imperari, Deum utiq; legem ejusmodi tulisse. Addit, *persuasionem istam primo & per se non in honestate, sed utilitate fundari, quæ etiam id quod indifferens est, non intrinsece necessario honestum promovere potest: probatq; eadem præcepta socialitatem concernentia, utilia quidem, non autem necessario honesta esse*. Ait potest aliqua utilitas ita comparata esse, ut etiam necessitatem arguat; præsertim cum eidem argumento alia quoq; jungantur. Nec, quia Apostolus *pictatem ad omnia utilem* pronunciat, ideo eadem in præcepto non est. Frivolum quoque est, quod circa argumentum à religione & metu Numinis petitur movet. *Hic Numinis metus*, inquit, *nisi aliunde homini obligatio imponatur, non adigit per se eundem, ut vitam socialem pro imperio sibi injunctam agnoscat; cum de quo non constat, quod sit à Deo mihi pro lege præscriptum, illud nec Numinis metus præcise, ut pro lege, cui adversari non liceat, habeam, efficit*. Atqui omnes, qui aliquam religionem & metum Numinis agnoscunt, hanc quoq; religionis partem fatentur, ut homo adversus hominem socialitatis leges observet. Pergit: *Conscientiæ morsus nihil aliud probant, quam quod divina aliqua lege ista prohibita sint, quæ commissæ conscientiam sic affligerant*. Atqui sic probatur meum ratiocinium: si conscientiæ morsus consequuntur facta vitam socialem perturbantia, igitur vita socialis homini pro imperio est à Deo injuncta. Inania quoq; sunt sequentia: *Quod peccatis societas humana turbatur, id ad effectum, non rationem sceleris vel peccati, quæ tale est, pertinet. Lege quidem prohiberi illa, quæ socialem vitam tollunt, evincunt morsus conscientiæ: sed id per se & primo esse propter vitam socialem, aut legis vice esse, si quis hoc asserere vellet, vel genuinum & adequatum harum legum fundamentum, principium & rationem, ex hoc non sequitur*. Ait qui meminerit, quo sensu & quatenus à

me legis naturalis fundamentum socialitas asseratur, satis videt, propria cum umbra luctari *Zentgravium*.

§. 16. Quæ d. l. adversus sufficientiam socialitatis disputantur, iis facile iuperfederi poterat, si scopus mei scripti, & quæ in *Specim. Controv. c. V. §. 25.* monui observata fuissent. *Autochiriam* tradit Noster, *peccatum fore, etsi vel extra omnem societatem, vel solus in mundo ceu species monadica homo viveret.* Hanc ego illicitam probavi, quia homo à Deo in hujus mundi statione locatus est, & quia adeo servus Dei, & membrum societatis humanæ est. Probet jam *Zentgravius*, ullam homini ad se conservandum obligationem esse, si idem nec Dei servus, nec societatis humanæ membrum foret. Sed & nuspiam à me assertum est; *socialitatem sufficienter exprimere finem hominis, ad quem Deus eum destinavit.* Aut, *imaginem Dei homini concreatam propter socialem vitam tantum, vel præcipue concessam fuisse.* Aut, *reliquias imaginis divinæ non primo cultum Numinis, inde vitæ socialis conservationem inculcare.* Nec *supercilium* profecto est, naturalem Theologiam, à disciplina juris naturalis, officia hominum inter se complexa, distinguere. Injuste quoq; arroditur, quod ego dixeram; religionem, quatenus ad disciplinam juris naturalis pertinet, intra sphaeram hujus vitæ terminari; quo nomine etiam ad socialitatem referri potest, quatenus socialitati humanæ efficax vinculum præbet. Sane enim nec de religione, quatenus ad salutem animarum post hanc vitam facit, agere ad disciplinam juris naturalis pertinet; & religioni naturali peculiaris à me disciplina assignata fuit. Cum autem ei, qui societatis humanæ indolem, vincula, legesq; unice sibi exponenda sumpsit, non possit divini Numinis consideratio plane sequestrari; quippe cum ab eo legum socialium origo & firmitas promanet, non alio quam hoc respectu religio in hac disciplina considerari potest, quam quatenus ea societatibus humanis firmissimum coagulum præbet; nisi diversas plane disciplinas turpi errore miscere velimus. Ex hoc autem non nisi per calumniam inferri potest; *socialitatem esse religionis & cultus per naturam debiti fundamentum.* Et non decebat *Zentgravium*, dudum castigatam Afirii Tenebriosis & fraterculi ejusdem Gesenii cantilenam coccyssare: *non profecto ludendum est cum religione, quasi proratione status ea formanda esset vel ceu medio politico ea uti liceret, ad terrorem simplici populo incutiendum.* An enim, si dicam, Deus est autor & stator vitæ legisq; socialis, nec citra hanc per-

sua-

fufationem civilis focietas firmo ftare talo poteft; id perinde eft, ac fi dicam; religio etiam falvifica pro ratione ftatus eft formanda; aut ficta religione fimplici plebeculæ eft illudendum? Tales fane confequentias nemo format, quem pudet calumniæ convinci. Unde & inanis eft follicitudo Zentgravii: *Religio, quæ ad focietatem unice refertur, ex ductu rationis fibi fole relietæ, facile poteft in idololatriam degenerare.* Et febricitantium fomnia referunt illa, quæ fequuntur: *Ex iis, quæ ad focialitatem adverfus alios colendam faciunt, non cognofces, quæ ratione Deus etiam per naturam coli debeat. Nam vel ex vitio feculi, vel duro populi genio permittuntur, quæ in fe impia funt, ut libellus repudii; & inter piratas ac latrones focietatem effe, (num etiam ad jus naturale formatam?) juftitiam & honeftatem non effe.*

§. 17. (p. 169.) Pergit focialitatem carpere nofter. *Normam, inquit, fecundum quam à nobis dijudicari debeat, quid fit juris naturalis, non ego quidem in thefi effe hominis focialitatem.* At ego nufpam focialitatem pro norma juris naturalis venditavi, fed pro fundamento, & quidem eo fenfu, qui explicatus eft in *Specim. Controv.* c. IV. §. 1. & quo dilectio fundamentum legis dici poteft. Unde æque bona eft hæc confequentia: hoc neceffario facit ad finem & confervationem vitæ focialis, igitur eft juris naturalis: quam ifthæc; hoc eft contra dilectionem Dei & proximi, igitur & contra Decalogum. Sicuti & ipfe Zentgravius nupero fcripto charitatem pro fundamento legis naturalis ex difciplina Chriftiana fubftituit, me fane non repugnante, cum ifta focialitati amice confpiret. Nifi quod magis Theologiam moralem id fapiat; ufum autem fori humani ob oculos habenti focialitas magis congrua videtur. Et ex ufu fori humani certa tantum funt officia, quæ ex charitate proprie provenire dicuntur. Unde qui, v. g. æs alienum exfolvit, & alia ex obligatione perfecta præftat, non ex charitate agere dicitur. Cæterum quam maxime cavendum ab illa fallacia, per quam Zentgravius alique viam fibi ad calumniam ftituunt, dum focialitatem generis humani confundunt cum peculiaribus inter homines focietatibus, & quæ ad illam neceffario faciunt cum his, quæ ad fingularem harum utilitatem referuntur. Quo obfervato haudquidquam fub cenfum legis naturalis venient etiam ea, quæ in fe indifferentia funt, ut in *focietatum humanarum particularium utilitatem promoveant.* Reliquis, quæ ifto loco moventur difficultatibus ex fupradictis facile fatisfieri poteft. Adducit tandem fcrupulos viris cordatis indignos,

dignos, ac prope dixcrim aniles. *Utilitatem veram promovere, id esse Juris Naturæ & Gentium* fatetur; *negat tamen naturam ubique dictitare, quid utile sit revera & constanter.* Audiamus elegantem probationem. *Utile putet religionem veram fovere, quamdiu resp. in tranquillo statu est. Sin autem ea propterea turbetur, vel in periculum adducatur, quod jacturâ religionis hæc tenus receptæ averti possit, an non cogitur sua scil. naturæ lege veram religionem abjicere, ut resp. servetur?* Hoc ratiocinium mulierculæ forsan, & olitores cum plausu excipient; sed metuo, ut cordati sibi lo se abstinere possint. Nam primo socialitas generis humani cum utilitate unius aut alterius oppidi vel provincie male confunditur. Sane socialitas ista nunquam postulat, ut verâ religione ob quemcunque respectum abjecta falsa suscipiatur. Deinde nuppiam ego officia hominis erga Deum, multo minus, quæ ex religione Christiana promanant, ex socialitate deduxi; cum duas tantum propositiones Theologiæ naturalis mutuo sumptas in opus meum transtulerim: quod nempe Deus & legis naturalis, & societatis civilis, & quæ hujus seminaria sunt, matrimonii & imperii paterni, autor sit. Vid. l. II. c. 3. §. 2. & l. VII. c. 3. Ista quippe ad institutum nostrum sufficere poterant. Quæ autem mea sit sententia circa casum notatum colligi potest ex l. VII. c. 8. §. 5. p. 1004. *lin. 8.* & l. V. c. 12. §. 23. p. 737. *lin. 12.* Paris indolis reliquæ sunt objectiones *de magistratu colendo, cæde vitanda, polygamia, stuprâ & illegitimis divortii detestandis, fide servanda, honestate colenda, &c. quamdiu ea è rep. fuerint; sin è re hujus magis fuerit contrarium facere, tum demum jure naturali non obligari, ut id perpetremus.* Quid his ratiociniis putidius? quorum futilitas adhuc magis pellucet, si peculiare casus distincti expressi fuissent. Addit: *Tot perplexos & intricatos casus sæpe in praxi inprimis, quando ad specialiora descenditur, occurrere, ut si illos è ratione utilitatis & necessitatis, quæ societati humana & reip. (debebat reip. vocabulum omittisse) incumbit, decidere velis, graviter sis aberraturus.* Nimirum, si modo tam anili ratiocinari instituas. Pariter ineptum est, quod sequitur: *Socialitatem cum rationalitate conjunctam admitti pro norma tantum officiorum, quæ aliis debentur.* Quasi nobis de socialitate formicarum & sturnorum, non de socialitate animalium rationalium actum foret. Falsum denique est illud: *Amor sui est norma amoris erga alios, ergo philantia est magis fundamentum juris naturalis, quam socialitas.* Quin amor iste maximis malis ansam præbet, nî respectu socialitatis rite temperetur. Et inter dogmata illa,

ta illa, ob quæ Hobbesius tantopere vapulat, est vel præcipuum, quod amore sui velut fundamentum legi naturali subternat. Neque sequitur; Diliges proximum tuum, sicut teipsum; ergo officia adversus alios homines excedenda ex amore proprio æstimanda sunt. Est quippe iste amor inter præsupposita societatis humanæ, cum hæc intelligi nequeat, nisi singulis conservatio sui sit cordi; ac sæpe ab aliis exigere nequeat illa cura, quam sibi quisque præstare potest.

§. 13. Quanquam autem nobis sufficiat ea, quæ contra nostram sententiam afferuntur diluissæ, neque indignemur aut invidemus, si quis suo sensu abundare malit: paucis tamen monemus circa *conformationem creaturæ rationalis cum Creatore*, quam pro socialitate nostra obtudit *Zentgravius*, eam huic scopo parum esse accommodari. Id quod jam in *Specim. controuv. c. IV. §. 3. seqq.* late ostensum. Neque statim quod aliqui Platonici aut Stoici per solitam sibi grandiloquentiam jactant, id statim ad captum est omnium hominum. Et in genere quidem dici potest, estote sancti, misericordes, benefici, sicuti Deus talis est, etsi & isthæc diversa ratione in Deum, atque in homines cadant. Sed si ad particularia præcepta descendatur, facile pater, neque officia hominis erga Deum, neque magnam partem officiorum erga seipsum & proximum inde liquido deduci posse. Nec aliud insinuant ista verba: *Vti divina sanctitatis rectitudo & divina rectitudinis sanctitas est boni & mali ἀρχή* (nolo cavillari hoc, sanctitas Dei est ἀρχή boni & mali); ita quicquid nobis connatum partim est partim ad quam contendere debemus, rectitudo ἀλήθεια istius esse debet, ut sic ista gentilibus & Christianis tantopere depradicata hominis ad Deum assimilatio oriatur. Quæ quidem non quoad omnimodam aequalitatem cum infinito bono, sed qualemcumque cum virtutibus hujus similitudinem æstimanda & affectanda est. Atqui ut liquido discerni queat, quæ attributa divina ab homine utcumque exprimi possint & debeant, quæ non possint, ad nostra demum principia erit recurrendum. Ast si qualicumque similitudo sufficit, magnam vim hypothesis in jure naturali fingere licebit. Sic jubemur in divinis literis imitari formicas, esse sicut serpentes & columbas, jubemur esse non sicut asinus & mulus. Revera tamen quicquid ejusmodi hypothesis assumitur, non tam illustrandæ, quam intricandæ huic disciplinæ inservit. Sicuti & ipse *Zentgravius* talia de sua hypothesis tradit (p. 326.) quæ parum liquidæ ac distinctæ cognitionis pollicentur. *Phrasi Scripturæ*, inquit, *quid*

imaginis divina notione veniat, in talibus constitui nequit, quæ etiam in hominibus non renati animi cadunt. Unde confirmatio illa & similitudo non ea intelligenda est, quæ imaginis divina per lapsum amissa reparationem infert, quippe quæ non nisi per renovationem fieri potest, nec hujus est loci; sed de assimilatione quadam externa ad exemplum divinum, divinaq; attributa est instituenta. Et alibi: Ne jus quidem rectorium inter homines per omnia coincidere cum jure rectorio, quo Deus utitur adversus creaturas. Concessum esse hominibus aliquid juris rectorii, non tamen ulterius, quam ad vitam socialem necessarium est. Quid igitur ambagibus opus est, ubi plana via patet? Sic idem alibi: Sensu Biblico imaginem Dei amissam, sed sensu Ecclesiastico rudera ejus imaginis superesse. Quæ Ecclesia ejus sensus est autor? universalis, an particularis; an certi Doctores? Num & his infallibilis autoritas circa designanda illa rudera? Num & illi hæretici, qui horum tradita adspernantur? Et nec tricandi materia desit, jam etiam si Diis placet, jus naturale est adornandum ad disciplinam Platonicam, & circa ejus dicta accommodanda aut detorquenda labor est sumendus: velut parum sit scholas per tot secula explicandis Aristotelis textibus incassum infudasse. Equidem maxima fuit ingenii vis Platoni, fuit & Aristoteli; sed ut disciplinæ abs nativa sua habitudine ad ipsorum tradita utiq; detorqueantur, id necessum non est.

§. 19. Displicet quoq; *Dn. Zentgravio* (p. 142. seqq.), quod à me propositiones actuales & distinctæ circa agenda & fugienda in animis infantum deprehendi negentur. Quas cum nemo mortalium observare possit, nec ipse diserte eas statuere audeat; sed tantum per ambages dicit: *legem homini interioriorem esse habituale quid, congenitum, ipsiusq; intellectui tanquam lumen recti, & semen boni superadditum, & intellectui ipsius anima tanquam tabule inscriptum.* Addit tamen; *sicut illa, quæ ex ætate imbecillitate, quæ usum rationis derogat, eveniunt, non possunt negare ipsam rationem, ita ex eo, quod paulatim sese notitia insita exferant, non licet propterea illas negatum ire.* Ast ego contradico; uti infantes quidæ rationem habent, actu exserendam, ubi ætas accesserit, nec ideo tamen per infantilem ætatem actualia & distincta observantur ratiocinia: ita inest utique animis infantum facultas intelligendi legem naturalem, quando usus rationis sese exseruerit; ut tamen ante usum rationis actuales & distinctæ propositiones non adsint. Ex dicto *Rom. II, 15.* nego duntaxat consequi, actuales & distinctas propositiones de legibus naturalibus infantum animis inherere.

Næque

Neque opus est, ut cum *Zentgravio* litigem, num phrasim *inscribi cordibus* proprie an tropice sit intelligenda, cum ipse nescire videatur, quale genus actionis scripto proprie dicta denotet. Dictum *Lucæ* II, 12. eo tantum sine à me adductum fuit, ut ostenderem, æquipollere phrasim illas, recondere aliquid in corde suo, & inscribere cordi. Ex eo porro, quod vis & obligatio conscientie non sit ab aduetudine, sed à Deo, nimis liberaliter inferitur: animis infantum actuales & distinctas propositiones circa agenda & fugienda adesse. Quando dicitur, legem naturæ intellectui hominis quid esse *superadditum*, observandum est, legem primo & proprie in legislatore esse, cujus notitia dein subito imprimitur. Eoq; & lex naturalis non est pars hominis aut facultas aliqua congenita. Sed ut eadem lex à Deo insita homini queat dici, sufficit, naturam hominis à Creatore ita formatam & dispositam, ut notia ejus legis utique animo hominis sese insinuet, quamprimum rationis usus sese exserit. Sicuti v.g. non necessum est, ut organis sensuum species visibiles actu ab ipsa natura inhæreant, sed sufficit illa per naturam sic esse disposita, ut ubi ab istis feriantur, statim eadem comprehendere & dijudicare queant. Sic & mens hominis à Deo formata est, ut statim atque super actionibus suis se possit reflectere, de eorum rectitudine & pravitate, & num sibi conveniant, an minus judicare queat. Ea vis humanæ mentis lumen, ac semen, radius an scintilla vocetur, mea nihil interest, cum nihil horum actuales & distinctas propositiones notet. Vellem quoq; scire, quibus popularibus verbis suum illud *habituale quid* explicaturus sit. Nam sine dubio dat sine mente sonum, quando dicit (*p. 151.*): *Et si homo ubi nascitur actu nondum cognoscat leges, promulgationem tamen vel nondum factam, vel hominem recens natum per leges has non obligari dici nequit. Penitus enim infantes ignorare non possunt dari leges hasce, cum quas habitu cognitæ habent, etsi ista cognitio se nondum exserat: ex quo sequitur, quod non sint penitus sine obligatione scil. habituali.* Quæso amove ista verba insignificantia, & si quid dicere velis, dic, infantum animis inesse actuales & distinctas propositiones; & simul eas nobis ostende.

§. 20. Quæ restant, exigui sunt momenti; velut quod carpit, à me *juri naturalis scita ad usum duntaxat fori humani adaptari*; quia in Theologiam moralem mihi falcem immittere non placebat: aut quod *jus naturæ* dicto modo tractatum *maximam partem circa formandas hominis*

*exteriore actiones versari dixeram. Adversus quod frustra à Zentgravio obijcitur; ex impuro corde non nisi impuras exoriri actiones; & cui impune licet in mente atrocita quæq; moliri scelera, quid mirum si cogitationum impuritas in externam abeat malitiam. Atqui dixi ego maximam partem: igitur & interioribus actionibus suum reliqui locum. Quod autem in foro humano & diversas inter gentes maximam partem super actionibus exterioribus disceptetur, impudens foret negare. Cogitationis pœnam in foro humano neminem luere tralatitium est. Impuritatem autem cordis & actionum considerare ad Theologiam spectat. Est & illa sequela oppido quam crassâ; disciplina juris naturalis ad forum humanum adaptata maximam partem circa exteriores hominis actiones versatur; igitur impune licet in mente atrocita quæq; moliri scelera. Nam nos utiq; passim discrimen divini & humani fori insinuamus. Pergit: *Amplitudini divini in homines imperii adversatur, si quando actus interiores, qui per se & primo sunt actiones hominû, quorum signa sunt actus exteriores, eidem mortales obnoxios negemus.* Indagandus est Zentgravio, cui hanc objectionem obrudat. Nam mihi quidem nunquam in mentem venit negare, actus interiores divino imperio obnoxios esse. Nescio etiam, quam accuratè dicatur, actiones exteriores interiorum signa esse. Displicuisse quoq; ipsi videtur (p. 86.), quod ego tradiderim, Decalogum in republica Judaica habuisse vim legum civilium. Quo sensu id à me dictum fuerit, ostendit *Apologia* §. 13. Quin autem ea præcepta, quatenus dictamina legis naturalis continent, omnes homines etiam gentiles obligaverint, nullibi à me in dubium fuit revocatum. Quod porro dicit: *Quoniam Moysi ministerium ad Israelitas tunc pertinuerit, ipsa tamen LEX MORALIS à Deo per Moysen promulgata omnes concernebat homines* (imò & ante Moysen promulgationem) ita ut lege Decalogi obligarentur non idèò præcisè, quod quæ eo continentur, moralia sunt, sed quatenus etiam ab ipso Deo solenniter est promulgata; id Theologis excutiendum relinquimus, qui nescio an sint probaturi, obligationem gentilium ad legem moralem & naturalem à promulgatione Decalogi in monte Sinai facta derivari. Ab eodè quoq; falso (p. 18.) arguitur, me contradicere illis, quæ ab ipso super pudore traduntur; quod cuivis, qui meam & ipsius thesin contulerit, ad oculum patebit. Deniq; & nescio, quid Dn. Zentgravio (p. 117.) in mentem venerit, quod dam ipse negatum sit, legem naturæ esse ipsam vim animæ nostræ intellectuam & facultatem*

tem

tem judicatricem, verba mea p. 179. velut istam sententiam propugnantia adduxerit, cum d. l. utiq; *primorum & verorum principiorum*, seu *axiomatum* à me expresse mentio fiat, quæ sane à vi animæ differunt. Atque hæc fere sunt, quæ amoliendis *Dn. Zentgravii* objectionibus monere visum fuit.

CAP. II

Quo iis, quæ à Dn. D. Valentino Alberto, Lipsiensi Professore, obijciuntur, respondetur.

§. I.

VENIO nunc ad *Dominum D. Albertum*, adversus quem quo scriptiois genere utar, fere dubius hæreo. Ita enim protervè me lacescit, id iracundiæ & ineptiarum miscet, ut non levi brachio castigari mereatur. Præsertim cum humanitatis officium videatur, nimium suorum libellorum amorem excutere viro cætera non spernendo, & amarius aliquid annidotum opponere nimis saccharatis amicorum encomiis, qui de osculando ipsius compendio immoriuntur. Contra non est, quare id servitutis mihi imponi patiar, ut cujusvis scabiei scalpendæ mihi utique vacandum sit. Ac spes est, bonam mentem ultro scabituram, postquam ab *Afinio Tenebrione* excitata nubes jam evanuit. Igitur non plura dicam, quam pro me necessarium est; cætera veteri amicitia condonabuntur. Eoque omisso titulo libelli, nostro Specimini Controversiarum ex parte oppositi, qui *plurimum* viro gravi parum decoram præ se fert, circa *præfationem ad Lectorem* moneo, dictata Ipsius, cum à me conspicerentur, haudquaquam me ad indignationem commovisse; cujus affectus vestigium libellus meus eo loco præ se non fert. Fas tamen mihi fuit non insuper habere horribilem criminationem, velut & ipse sim inter eos numerandus, qui instinctu diaboli disciplinam juris naturæ & gentium cum orthodoxa fide commiserint: nisi forte inter blanditias isti ducitur, inter ministros Sarranæ alios disponere. *Dignitas juris naturalis* à me violata dicitur, quam *Dn. Albertus* omnibus modis asserere studet. *Quam obscurant*, inquit, *divinam originem juris naturalis ea, quæ de homine in mundum undequaque projecto, inque statu miserrimo primum vivente fingit.* Ast quam obscurant opinionem candoris & ingenii tui, quod in ipso disceptationis limine obscœnum *Josua Schvartzii* carmen resones? *Fingere*, quid dicitur, vel qui falsi aliquid pro vero venditat, vel qui aliquid, quod ipse falsum proficitur, tantisper supponit certæ rei illustrandæ gratia. Posteriori

riori sensu ego fingo hominem undecunque in mundum projectum, ut declararem, quam miser futurus esset homo solus in mundo inculto destitutus, & ni peculiari Numinis cura foveretur. Ast D. Albertus priorem sensum mihi assignere non erubescit, quasi ego *fingam*; id est, falso asseram, hominem nescio, unde in huncce mundum coniectum. De cætero meam methodum sequenti non minus divinitas juris naturalis oculis observatur, quam qui in pictura compendio Alberti præfixa inconnivis oculis defixus hæret. Sed nec detrahitur quid dignitati juris naturalis, quod illud ex ratione jam corrupta derivatum eam, *adeoque cecum caco ducem dem*. Sane corruptela illa non obstat, quo minus homo adhuc sit animal rationale, & Mathematici demonstrationes fallere nescias extruant. Neque enim viam salutis æternæ ex nostra disciplina investigatum imus. Quin vehementer fallitur D. Albertus, si putat, aliunde se regulas suas, & canorum illud *formaliter normaliter* hausisse, quam ex ratione cheu! quam corrupta. Sane, quod accuratiores Theologi asserunt, nec D. Albertus abnuit, phrasi Scripturæ quid imaginis divinæ nomine veniat, in talibus constitui nequit, quæ etiam in hominis non renati animum cadunt. Ex quo rectè inferitur, quæ in Divinis Literis de imagine Dei traduntur, ad doctrinam de jure naturali nihil pertinere. Neque vero in historia status integritatis, quam sacer Codex describit, vola aut vestigiū regularum istarum adparet. Et revera tota ista machina innititur phrasi extra divinas Literas à Philippo Melanchthone ni fallor inventa, & ab aliis citra curiosam inquisitionem assumpta; qua nihil ad illustrandum jus naturale profici compendium D. Alberti satis ostendit. Denique nec in eo quid à me dignitati juris naturalis detrahatur, quod idem ad socialitatem referam, & circa exteriore actiones maximam partem versari doceam. Nam ego illa, quæ ad Theologiam spectant, disciplinæ ad usum fori humani adaptatæ admisce-re *et alio modo* judico. Nec qui proximum & peculiarem finem alicujus disciplinæ exprimit, is ideo communem finem excludit, aut abnegat. Et quod jus naturæ exercendum esse adversus alios homines ad colendam socialitatem dicitur, id non obstat, quo minus illud ad autorem sui Deum nos manducat. Claudat istum locum ridiculo ratiocinio Albertus: Quia ipse in postulata mea consentire nullo modo vult, nec potest, ideo me dissensum ejusdem ægre ferre. Quasi aut ille sapientiæ humanæ dictator foret; aut meâ tantopere inter sit, num alius mihi consentiat, an minus.

§. 2. Institutum porro meum, quo à peculiari religione abstrahendo disciplinam juris naturalis ad captum omnium hominum, quæcunque aliqua rationem excolendi cura, ad præparandum elumbi valde cavillo insultat *Albertus*, nescio, quæ de scientia ac fide universalis Comenianæ ganniens. Quasi disciplina juris naturalis & gentium non sua indole sit universalis, seu omnes homines, gentesque spectans; quæ stolido consilio ad certarum duntaxat gentium captum restringitur. Notantur inde quædam à me tradita, velut à captu omnium hominum abhorrentia. Exempli causa adducitur, quod ego doceam, *paternum imperium niti præsumpto liberorum consensu*, non unice, sed inter alias rationes, & pro occasione illius, non pro causa nativitatem habendam esse. Atqui ni ostendatur, hæc rationi repugnare, utique ad captum omnium hominum eadem esse censendum est. Socialitatem quoque inter arcana dogmata à Chinesibus habitum iri judicat, lepido sane ratiocinio: Quia Principes omnia ad socialitatem referunt, igitur non judicabunt è re civilis societatis jus naturale publice doceri. Id est, quia omnium Principum interest, ut cives sui sociabiles se gerant, igitur præcepta socialitatis publicanda non sunt, sed inter paucos tantum secreto sunt habenda. Cæterum nec ego gentilibus rationem, & quicquid facultatum humano generi concessit DEUS, eripio. Quæ modo si retineant, haud ægre laturos videntur, quæ præter Scripturam sacram finguntur, rudera divinæ imaginis sibi eripi. Quod si tamen Christianus Orbis *D. Alberti* Compendium non capit, me sane non invidente iter ad Chineses suscipiat: ubi sine dubio maximus populi adplausus adventantem excipiet, si picturam Compendio suo præfixam, *Dioxippi Atheniensis pugilis*, & *Horatæ Macedonis pugnam*, ex *Curtii l. IX.* ut puto experimentem, sibi præferri curaverit; ex qua inusitatum sibi spectaculi genus pollicebitur.

§. 3. Scripseram quoque ego, exemplis constare, quam non ex usu sit, Theologis politicam archætonicam formandam relinqui. Excipit *D. Albertus*, id ad orthodoxos Theologos non spectare. Id quod ego facile admitto; cum illa, quæ innui exempla à Jesuitis & Fanaticis profecta sint. Sed quia nulla non ex sectis Christianorum orthodoxæ sibi gloriam vindicat, ubi nostrates Theologi sibi, ut talibus Politicam subjecerint, ne cæterarum quidem sectarum Theologi deterioris esse conditionis volunt. Igitur in universum satius fuerit, Theologos ut tales suæ Theologiæ adquiescere; Politicam velut disciplinam rationi superstruatam

Etiam propriis & domesticis principiis relinquere. *Albertus* tamen, cum pestilentissimam aliorum πολυπραγμοσύνην perstrinxisset, sui oblitus mox subiungit: *De hac injuria viderint alii*, Jesuitæ & Fanatici, ad quos ea propius pertinet. Ergo quibus ipse pestilentissimam πολυπραγμοσύνην tribuit, iisdem dum paria à me obijciuntur, injuriam fieri arguit. Valde suaferim D. *Alberto*, ne per iracundiam deinceps quid in chartam conjiciat. Sed nec video, quare D. *Albertus* in se potissimum trahere voluerit, quæ ego in genere de solitudine antiquorum magistrorum circa collegia sua tetigeram; cum communis iste sit affectus eruditis, ut foetibus suis existimationem detrahi ægre ferant; cui affectui vincendo vix centesimus quisq; par fuerit. Neque vero tam gravem culpam *Alberto* impingere, in mentem venit, ac si doceret, ut ditesceret. Sane quo minus præmium laboris accipiat, nemo vitio vertet. Nam quod jactat, se suos libros gratis docere malle, quam meos cum spe lucri, non is contemptus pecuniæ est, sed pura puta invidia; cui an id futurum potentiæ sit, ut libros meos omnium manibus sit excussura, valde dubito: qui cur non absque ipso interprete legi aut intelligi possint, nihil rationis video. Id quoque parum Ipsi decorum, postquam passim jam *A sinii* Tenebrionis vesania despuitur, ab isto vocabula novitatum, & incautiæ juventutis mutuo sumere, ac jam dudum exsibilatam calumniam denuo in scenam producere. In docendo ei gloriam DEI & bonum publicum esse propositum facile crediderim. Sed & illud sibi persuadeat velim, non alium mihi scopum fuisse, & esse. Neque sane Pufendorfio veritate corrupta opus est, cujus asserendæ *Albertus* necessitatem sibi impositam credit, nisi forte animi sanctimoniam prolixitate pallii metitur. Haud quidquam tamen gloriæ divinæ magis interest, ut veteres & inanes naniæ cantillentur, quam ut bonæ scientiæ nativo cultu adornatæ exiplescant. Id quoque nunc facile crediderim, nihil ipsum affectui in asinum suum Virum Celeberrimum Dn. D. Scherzerum dedisse. Nam cum *Albertus* profligatam jam litem ultro suam fecerit, ille longe sapientius ac generosius sollicitationes Beckmanni, Schvartziique & Gesenii adspersatus est, ac indignum se judicavit, istorum sese furori propugnatorem præbere. Cum iste contra, quo plura per inconsultum animi impetum confcribillat, eo magis morbos animi sui pandit. Quam effæminatū enim hominem arguit, quod *Christiana patientia* in subsidium advocanda fuerit digerendæ contumeliæ, quam vocabulo veterum Magistrorum, navis mi-

vis emundæ, commentorum sibi iniustam credit. Et si dente plusquam Theonino armata sit illa Christiana patientia, quæ pro veteris Magistri honore *irrisoris & malignantis* convicium, quam modestissime reponit; ac impietatis arguit illum, qui certa in re parum perspicacem ipsum monuerat. Sed & illud valde putidum est, quod velut magnam mihi invidiam facturum me subinde *Censorem* indigiter: cum abs ipso censeri & traducendi initium sit factum; mihi autem adversus alienas obrectationes defensio suscipienda fuerit. Quanquam revera non ita sit invidiosum in Alberti Compendium censuram exercere. Sed nimirum non possunt non istorum hominum animi per enormia elogia, queis aures ipsorum quotidie verberantur, inflari. Qui enim nil aliud audit, quam lumen & columen Ecclesiæ, flumen & fumen sapientiæ, bitumen & alumen eruditionis; ubi alium citra adulationem de se judicare videt; velut maxima injuria illata excandescit. Circa stylum denique satius fuerat, nihil tangere, cum ego nunquam Alberto scribendi Magistro uti constituerim. Id tamen non præter rem, quod *similitudines* meæ ipsi tantopere displicent; quippe queis Alinium sociosque ad vivum tactos constat. Et hæc quidem ad præcalidam illam præfationem.

§. 4. Ipso in opusculo *Lamperti Danæi* verba adducuntur: (p. 4.) *An Deus possit quodvis malum, etiam odium sui præcipere, & omne bonum prohibere, etiam amorem & cultum sui.* Quibus subjungit: *Utinam si ab illis semper dissensit Pufendorfius, nulla harmonia in vocibus extarent vestigia.* Jura liquido, si potes, Alberti, te isthoc non calumniandi animo scripseris; cum satis nosse, me istam sententiam contradictionis & absurditatis arguisse. Controversiæ Hofmannianæ (p. 5.) ego sane nondum ingens ponere pretium possum, quippe quam ratiocinia ex sensu communi petita destruere valent. Ac modestius utique judico, morositatis aliquem & zeli à scientia parum instructi arguere, quæ humana vitia sunt, quam per mansuetudinem, si Diis placet, Theologicam inter diaboli instrumenta referre. (p. 6.) Distinctiuncula inter *essentiam & existentiam* juris naturalis haud quidquam efficit, ut jus naturale orthodoxæ fidei adversum evadat, ob admixtos à Doctoribus errores. Sicuti Verbum Dei ob falsas quorundam interpretationes non ideo quoad existentiam corruptum dici potest. Quod si tamen quis curata auctorum à veris ejus disciplinæ scitis separare instituat, illi paulo curatius lavare

manus convenit, quam Asinius Tenebrio fecit, qui ad cubitum usque malitiæ & calumniarum sordibus heic inquinatus adparet; nec parum ipsius *Alberti* digiti illuvie squalent. De cætero in *Alberti* gratiam nemo me in exilium expellet. Neque multum mihi à censuris eorum metuo, quæ suo jure de politica architectonica cura est, modo ipsi propriis oculis, non perspicillis ab Asinio Tenebrione corruptis, cernere velint. (p. 8.) Num commendata *Alberto* methodus, ut juxta thesin semper antithesis ponatur, commodissima sit, ingenia judicent, quæ fursuribus saginari non sueverunt. Et mancant equidem capita & libri ex Aristotele, quibus veterum quorundam commenta destruit, aut cavillatur. Sed ut ista in perpetuum refricentur, etiam quando nemo est, qui veterem errorem defendit, inutilis ac inamœnus labor habeatur. Facile quoque Platoni assentimur, ut à falsis dogmatibus animus repurgatum habeat, qui veris est imbuendus. Sed sæpe de falsis in mentem non venisset, nisi intempestiva repetitione quis monitus fuisset. Præterquam quod non omnibus est ea stomachi firmitas, ut ad talia non nauseent. Id tamen valde modeste *Albertus*, quod *præfiscini* exclamare non obliviscitur, dum ad virorum maximorum judicia provocat, quæ usque adeo invitæ audire necessum habuit, ut vi metuque coactus ea frontispicio libri sui præmiserit, nescio, an ultra tertium lapidem valitura. Denique & insolenter & pueriliter facit *Albertus*, quod me interrogare non patitur, unde ipse hoc sibi arroget, ut sana ratione melius, quam cæteri usus judicetur. Nam si hypothesein suam pro sectu sanæ rationis venditat, cur nemo cæterorum mortalium ex inspectione naturæ rerum, aut ex sensu communi hætenus eam eruere valuit?

§. 5. Accedit inde ad thesin suam primariam adstruendam *D. Albertus*: (p. 11.) quod pura juris naturalis notitia ex orthodoxa doctrina de statu integritatis hauriri possit ac debeat. Ratio præcipua additur: quia jus natura est inter reliquias imaginis divinæ, quam homo in statu integritatis habuit. Ad quam statum inandam toto sacco rancidulæ distinctiones scholasticæ effunduntur. Enimvero eam operam frustra sumi adparet, si consideretur, accuratiores Theologos, non refragante ipso *Alberto* tradere; imaginem Dei sensu Biblico sola spiritalia completi; quo sensu eam penitus periisse. Igitur quæ in divinis literis super imagine Dei traduntur, ad jus naturale penitus non spectant eoque per Theologiam orthodoxam, quate-

quatenus ea divinis literis innitur, & ex hisce deducitur, ad jus naturæ nihil proficitur. Et alias cultura juris naturalis ad reparationem imaginis divinæ in regeneratis, & sanctificationem pertineret; quod nemini per somnium hætenus asserere in mentem venit. *Conceduntur* tamen ab iisdem *usu Ecclesiastico rudera aliqua divinæ imaginis*. Id est, quia Theologus quispiam notionem imaginis divinæ præter sacram Scripturam finxia, quem alii complures citra accuratiorem disquisitionem secuti sunt: igitur ne, qui errorem istum deprehenderunt, cornicum oculos configere voluisse videantur, sensus Ecclesiasticus concedendus est, sensui Biblico contradistinctus, & rudera sunt agnoscenda, quæ nunquam ad ædificium destructum pertinuerunt. Sic quia Theologi quidam antipodes dari negarunt, aut Solem die Paschatis saltare, cœlosque verustate corrugatos jam multis milliarius millibus humiliores asseruerunt; ideo ne isti quapiam in re impigisse videantur, concedendum est, sensui Ecclesiastico homines in altero hemisphærio in cœlum prolabi, eodemque sensu Solem tripudiare, aut cœlos ingentibus rugis obsitos esse. Equidem ut quis impropria locutione utatur, ego parum curaverim. Ast ut locutioni per Melanchthonem introductæ sacrosanctæ quædam auctoritas circumponatur, & eam explodentes heterodoxiæ convicio noventur, id sane ferendum non est. Nec qui sapit Theologus, si quid extra Scripturam sacram proferat, præ cæteris Philosophantibus auctoritatem sibi arrogabit. Nec promovet, quid *Albertus* suis distinctiunculis, quæ ad absurdum redactis Magistris nostris ultimum *κρυπτότερον* sunt, ne plane obnulescere necessum habeant. Distinctio *inter jus naturæ, & ejus notitiam*, ad rem nihil facit. Nam qui intelligit, quid lex sit, in homine præter notitiam legis nihil investigabit. Notitia *perfectior & imperfectior* haud quidquam exinde provenit, quod quis orthodoxus aut heterodoxus, planevè infidelis sit, quippe cum, quæ sacra Scriptura de imagine Dei tradit, ad jus naturale non spectent. Et quæ *Albertus* in naturali jure novit, ea non Orthodoxiæ suæ, sed lectioni Grotii debet. Unde & falso *Christianorum propria* dicitur *cognitio distincta* ejus juris. Nam distincta cognitio cujusvis disciplinæ à studio & meditatione provenit; quæ per se æque in infidelem, quam in Christianum cadit. Quod autem ea cognitio jam maxime inter Christianos floret, est, quia pleræque bonæ literæ à Christianis excoluntur. Nec minus inepta sunt sequentia: (p. 14.)

Principium, inquit, τὸ ὡς αὐτὰς in scientiis & intelligentia; (quarum hac congenita principia præstat,) maxime vero in intelligentia est Theologia revelata. Ab hoc principio pendet orthodoxia & heterodoxia in Philosophia. Si enim illud negligimus, aut in erroneum (Hæreticorum) incidimus, heterodoxe philosophamur; si verum & genuinum assumimus & sequimur, orthodoxe. Nam Theologia revelata vel eadem principia tradit, quæ ratio invenit, vel aliqua hisce superaddit. Ubi prius sit, sane & qui conjunctim illis principiis bene utitur, recte philosophari simpliciter dicitur, non orthodoxe: & qui solam rationem secutus S. Scripturæ ignarus, si ex veris principiis bene ratiocinetur itidem recte philosophari dicitur, non orthodoxe, nec heterodoxe. Sicuti v. g. Cicero, qui de Officiis absque Theologia revelata tradit, haud quidquam heterodoxe aut hæretice philosophari dicitur, etiam ubi à vero aberrat. Contra qui Philosophiæ aliquid ex Theologia revelata admiscet, is non orthodoxe philosophatur, sed intempestive theologicatur. Sic quando *Albertus* inter prandendum de rebus Theologicis disserit, aut *Nicolaus Beckmannus* cum recentibus suis combibonibus Monachis inter pocula de virtutibus Rosarii commentatur, non ideo aut ille orthodoxe prandere, aut hic heterodoxe potare dicitur.

§. 6. Opposueram porro ego; statum integritatis inter duos homines ad breve tempus fuisse, nec in ejus descriptione juris naturalis mentionem fieri; eoque illum non posse normam esse tam variarum actionum, quæ in genere humano multiplicato certum moderamen desiderant. Hæc ne plane obmutescat *Dn. Albertus*, sententiola adducitur; *brevitatem perfectione compensari, & ad hanc, non illam in norma adspici*. Ast non ideo verum esse definit, quod de naturali jure in historia status integri nulla mentio fiat. Quin de actionibus Adami in Paradiso nihil memoratur, nisi quod animantibus vocabula imposuerit, Evam dilexerit, & nudus absque pudore incesserit: hinc statim de lapsu memoratur. Præter hæc, quantum ego recordor, in tota S. Scriptura de actionibus Adami Paradisiacis nihil recensetur; nec ullibi eadem in imitationem, aut exemplum perfectæ vitæ cæteris hominibus proponuntur. Nam novus ille homo, quem Paulus induere nos jubet, Adamus non est. Et si *Alberto* utique placebat Theologiam moralem cum naturali jure confundere, cur non potius in normam ejus juris placebant actiones saltem communes Salvatoris nostri JESU CHRISTI?

Obiter

Obiter quoque mirari lubet, quod, cum *Albertus* usum similitudinum mihi exprobraverit, ipse exempla de acu magnetica, & horologio attulerit, quæ ridiculæ planè ad præsentem quæstionem adplicantur. Negat inde *Albertus* (p.16.) requiri, *ut in sacris literis totidem verbis extet, jus naturæ esse inter reliquias imaginis divinæ.* Atqui ne res quidem ipsa, sensusq; divinis literis continetur, prout supra h.c.§.5. ostendimus. Opposueram quoq; ego, principia etiã theoretica ab *Alberto* inter imaginis divinæ reliquias referri; nec ideo tamen Arithmeticis aut Geometris ad statum integritatis confugiendum. Adversus quæ iste excipit, utraque quidem principia esse interna, i. e. naturæ humanæ congenita; differre tamen in hoc, quod theoretica principia testimonio sensuum declarantur, practica non item. Quæ exceptio inanis est. Nam & principia theoretica ratione, & practica per sensus illustrari possunt. Sic si *D. Albertus* ope sensuum declarare velit principium illud juris, neminem lædere, abeat modo, ac viro forti colaphum impingat, ac statim veritatem sibi ejus principii circa aures oberrare sentiet. Tandem (p.18.) *D. Albertus inferiorem certitudinis gradum non invidet lumini rationis sibi relicto, superiorem vero eidem ad ductum luminis gratiæ pollicetur.* Atqui summus, quem naturale lumen pollicetur, certitudinis gradus est demonstratio; qua obtenta nemo ulterius inquirere laborat. Lumen gratiæ aliam certitudinem suppeditat non circa res demonstrationi Logicæ subiectas, quæ sciuntur, non creduntur, sed rationi humanæ absconditas, & ad salutem animarum facientes; quæ certitudo fide constat, veritati & promissis divinis innixa. Igitur si Diis placet eadem fide, qua credimus Salvatore nostrum pro peccatis mundi satisfecisse, deinceps credemus, pacta esse servanda, gratum animum benefactoribus adprobandum.

§. 7. Mire dehinc se torquet *D. Albertus* (p.20.) ut Philosophiam nobis aliquam Christianam comminiscatur. Sed adhuc desideramus illas theses aut assertiones Spiritus S. quas Philosophus Christianus in foro humano convertit in hypotheses certissimarum scientiarum. Quæso ne invidcas orbi erudito istas theses revelatas, scientiarum humanarum hypotheses. Nam de aquis supracælestibus ipse ultro remittere videris. Nec quid novæ scientiæ humanæ è propositionibus personalibus exculpi queat, adparet. Equidem jure merito castigor ego, quod non satis pedantice dixerim, illas ideo inusitatas vocari, quia ratio humana capere non potest connexionem

nem subiecti & prædicati. Id enim longe sublimius & divinius erat dixisse; non prædicantur nec in quid, nec in quale. Assūme tamen quæso thesin illam Theologicam, & converte eam in hypothesein certissimæ scientiæ, ac gigne nobis nova theoremata Philosophica; ac deinceps nobis Magnus Albertus cris. Nam à Deo posse fieri, quæ rationis humanæ caput excedunt, etiam Philosophi non Christiani admittunt. Et *materialiam Deo non esse coævam, nec materiæ meteoricam esse naturam* etiam ex ratione ostendi potest.

§. 8. Inde dum circa objectiones meas dissolvendas satagit, primo iactat, quia ego *abstrahendi* vocabulo aliquoties usus eram (p. 23.), idcirco sese meo exemplo idem vocabulum adhibuisse. Ast mihi nunquam *abstrahere* idem fuit, ac præsupponere; quæ *Alberti* confusio est. Quanto satius igitur fuerat, agnoscere, per inadvertentiam istud excidisse, quam ita impudentem & frivolam excusationem comminisci. Præfractè dehinc contendit, Christiano ad hoc, ut philosophetur, intendendum esse statum integritatis (p. 24.). *Intueatur*, inquit, *homo corruptus hominem integrum, piè, justè, tranquillè peragentem omnia; nam ille statim videbit, quomodo se huic in actionibus suis conformare, eoque ipso præceptis juris naturalis satius facere possit & debeat.* Atqui tam pauca de actionibus Adami traduntur, ut quomodo nostræ actiones ad illas formari queant, non adpareat. Sed nec si totos dies illum integrum hominem, quem *Albertus* in frontispicio. Compendii sui æri incisum exhibet, intueri velim, adparet, quid ad sapientiam aut probitatem inde proficere possim, nisi forrè nudo saltare placeat. Addit, valdè id quidem aniliter (p. 25.). *Vitam eodem modo puerperæ & obstetrices, respicientes ad Evam in statu integritatis, dolores in pariendo minuire possent.* Quæ talia fando Pysyllomache, Baucisve, uxorque edentula Fauni Temperet à lachrymis! Sed parcite ocellos fletu corrumpere aniculæ. Nam auspiciatum secretis vestris nomen *Albertus* uti videtur libellum de arte obstetricandi ad analogiam status integritatis commentabitur, pari felicitate, ac bellum nuper ad eandem analogiam dedit. Abs cujus ingenio etiam commentarium de officio carnificis ad analogiam status integri expectamus. Enimvero etsi præcipuæ Christianorum factiones in eo consentiant, *hominem integrum fuisse virtutibus examissim imbutum*; cum tamen de hoc non nisi ex lumine revelato constet, non idcirco statim id pro hypothesei disciplinæ ex na-

ex naturali lumine profluentis habebitur. Sed nec idè Philosophis Christianis sola obsequii gloria relicta est, quia *Albertus* Logicam & Physicam tantoperè ex Theologia locupletavit, &, quod mysterium hæcenus omnes Philosophos latuit, ostendit, mare non esse meteorum, & materiam non esse æternam. Cum porò juri naturali domestica sint principia (p. 26.), quid opus est hypothesin *ex verbo revelato* eidem subternere, quod fatente *Alberto* ei disciplina *externum est principium*. Ne tamen planè obmutescat, fingit nobis *duplicem* scientiarum *subordinationem, secundum esse, & secundum bene esse*. Ast nobis sufficit obtinuisse, jus naturale quoad esse suum Theologiæ non subordinari. Num autem *Albertus* (p. 27.) tantum lumen isti disciplinæ intulerit, ut ad bene esse eadem Theologiæ utique sit subordinanda, eruditus orbis judicet. Qui sine dubio multum ingenio istius viri debere se agnosceret, quod repente reipublicam literariam nova disciplina auctiorem dedit, dum jam etiam *Theologiam naturalem Christianam* eleganti contradictione enixus est. Sicuti & gratulabitur sibi de isthoc theoremate Albertino (p. 28.): *Philosophus Christianus imaginem Dei* puto integram *præsupponere potest ac debet* *tanquam normam certissimam*, cui actiones nostræ *secundum reliquias ipsius sint conformandæ*, adeo ut in hac consideratione *Philosophica imago Dei se habeat idealiter, in Theologia actualiter*. Hoc quidem est sine mente sonum dare, nisi fortè in euphonia vocabulorum (p. 29.) *idealiter, actualiter*, mysterii quid latitat. Post exhaustum distinctionibus pedanticis saccum, ne planè ad silentium redigatur, è calumniis Nicolai Beckmanni & Josuæ Schvartzii non nihil mutuo sumit, velut istis sua elogia invideret. Quin enim tantus distinguendi artifex discriminem à me ad nauseam usq; inculcatum inter socialitatem adversus omnes homines exercendam, & inter peculiare commodum seu interessè societatis alicujus particularis etiam vitiosæ, animo complecti potuerit, mihi persuadere non possum. Quod ergo tam grave ac certum periculum reipublicæ imminet ex mea socialitate, nisi quod ab Asinio Tenebrione primo fictum, mox alii pari stupore an impudentia distulere? Id tamen constat, homines reipublicæ tractandæ peritos, quos ipse invidioso scilicet vocabulo Statistas vocat, jus sibi suum ex compendio Albertino non formaturos; sed facile passuros, ut in aula pedanteriæ istud se jactet. Denique & illud (p. 30.) à Nicolao Beckmanno mutuò sumptum, quod perstricto Winstrupio

chari-

charitatem proximi & reverentiam superiorum à me violatam arguat. Ergo jus naturale Albertinum requirit, ut inepta carmina, & insipida scribendi stribligo divinis elogiis onerentur, utque atroces errores falso objecti non arguantur, sed per silentium agnoscantur, ne alter calumniæ convincatur. De cætero Winstrupius ille nunquam consueque superior mihi fuit, quo minus injuriam inferentem repellere potuerim. Quem omni officio colebam, quamdiu se, uti decebat, adversus me gerebat. Cum furori Beckmanniano ducem se præberet repuli, sed longè brevior brachio, quam merebatur; ac vindictam Deo commisi. Quanquam & revera inter officia humanitatis sit, stultam alicui philauriam excutere. Sicuti nî fallor Philamon iste, qui Dionysii carmina stultitiæ plena adspersabatur, de hoc melius merebatur, quam adularores, qui ista ad cœlum efferendo aliorum ludibrio tyrannum exponebant. Sicuti & ego, si rectè æstimare velis, de tuo compendio orthodoxo melius mereor, quam amici tui, qui isti deosculando immoriuntur.

§. 9. In *capite secundo* alias quasdam assertiones suas vindicare nititur *Albertus*. Ac primò quidem cum constet, quædam præcepta juris naturalis locum habere non nisi in statu corrupto posse, ut nihilo secius ex statu integro deriventur, asserit (*p. 31.*): *Ea præcepta habere statum corruptum pro objecto, integrum pro principio.* Ego censebam hæc obscuritatem habere apud juvenes præsertim. Et quamquam cernerem, ista *Alberto* velut maximè perspicua jactari, tamen admiratione potius quam invidiantæ perspicaciæ perstrictus dixeram: *Sive illa axiomata homini in statu integro inbasisse, sive demum post lapsum in animis hominum enasci cœpisse statuuntur, rem difficultate non carere.* Difficultatem illam latius deducere omiseram, quod crederem, non tenerè fore aliquem ita stupidum, cui illa non ultrò in mentem veniat. Nam primo homini in statu felicissimo hæc præcepta actu in animo hæsisse; pauperibus eleemosyna est danda, pupilli non sunt defraudandi, defunctorum bona pro ratione graduum cognationis sunt dividenda, & similia, vix *Albertus* mihi persuaserit, præsertim cum tam breve tempus in Adamo in Paradiso tribuatur, ut vix otium ipsi fuisse videatur, hypothecin mortis & corruptæ naturæ fingere, & ad isthanc leges naturales & conditionem generis humani speculari. Cum probabilius sit, ipsum præter cultum Numinis rebus naturalibus contemplandis potissimum vacasse. Ni dicere velis, ista

ista omnia etiam sub diversis hypothefibus considerata uno intuitu ejus intellectus scse obtulisse. Quod facilius dixeris, quam probatum dede-
ris. Quod si autem ista principia in animis corruptorum hominum ena-
ta demum dicas; mirum videbitur, plus luminis congeniti actu existere
in homine corrupto, quam integro. Ast *Alberto* omnia heic plana, o-
mnia expedita. Unde citra scrupulum pronunciat: *Ista partim homini in
statu integro actu inhaesisse, & in nos propagata esse, ut superiori est parendum,
Deo aut magistratui justo: partim apud Christianos è cognitione status inte-
gri purissime resultare.* Enimvero uti facile concedo, Adamo vel primo
loco hoc præceptum, Deo est parendum, animo hæsisse: ita an etiam a-
ctu de hoc in mentem venerit; magistratui justo est parendum, non im-
merito dubites. Sane enim in Adamum hujus præcepti exercitium nun-
quam cadere poterat, quem ego filiorum imperio unquam subjicien-
dum haud crediderim: nisi & hoc velis esse ex decoro status integri, ut
pater cum filiis fasces alternis gerat. Deinde de magistratu paradisiaco
res nondum ad liquidum perducta est. Et si quid ingenio polles, nec
censorem metuis, quæso de forma nobis Civitatem Paradisiacam, & di-
stincte exprime, quæ ratio ad eam instituendam homines moverit, &
cur non imperio paterno, inde autoritate contenti, libertatem natura-
lem, qua nulla tunc mala libidine, secure gaudere poterant, retinuerint:
quæ vis tunc imperii, quæ potestas magistratus, quæ indoles legum ci-
vilium, quæ sanctio: an majore studio homines recta sectaturi fuerint
objussum magistratus. Tum quæ forma civitatum; quis imperium ha-
bendi modus; num magistratus tunc à sacerdotio distinctus: num istius
magistratus potestas amplior, quam paterna fuerit; & ejus generis plu-
ra. Quæ tu si ita explicaveris, ut cordati risum aut lachrymas continere
queant, non triobolaris Statista habeberis. Sed circa alteram præcepto-
rum classem, quam Christianos ex consideratione status integri hausisse
dicis, vereor ne petas id, quod est in principio, & jubeas nos de natura
habitus judicare ex privatione, de natura lucis ex tenebris. Sane de be-
nevolentia hætenus tum ex lumine rationis, tum eximiè ex libris Novi
Foederis Christiani cognovimus. Et nullibi tamen sacræ literæ, quibus
hæc doctrina maximè cordi est, jubent nos heic ad statum integritatis
respicere. Nec ulli puto mortalium ante Te in mentem venit benefi-
centiam erga pauperes deductum aut illustratum ire ex statu integritatis;

id est, illam actionem, quæ unius hominis abundantiam, alterius miseriam & egestatem præsupponit, ex eo statu, ubi quæ homini alendo requirebantur, natura ultro suggerebat, ubi nulla opum exundantium cura, nulla eas cumulandi causa & ratio, nulla indigentia, nulla debilitas. In quo statu etiam *communicationem* fuisse *benignissimam* ego quidem capere nondum possum. Aut tu me doce, quænam demum illæ res fuerint, quæ ita liberaliter communicaverint homines, inter quos nullum augendi res studium, nulla egestas; & quibus pleræque; resignoræ, aut nullo usui, circa quæ jam vita nostra maximam partem occupatur. Idem censendum (p. 33.) de his quæ sequuntur: *Hæritates, actiones tutorum, sententias judicum, poenas, bella, fœdera, innumera alia recte se habere intelligimus, quando audimus, ea quæ statui corrupto propria sunt, hodie ad analogiam status integri fieri non posse, nisi in jus naturæ impingere velis.* Atqui de his omnibus recte hætenus & perfecte à Jctis & Politicis traditum fuit; quibus de *Alberti* hypothefi nunquam cogitatum. Nec video quid ex isthac rectius aut accuratius circa talia, quam ex horum principii tradi queat. Deniq; in quamcunq; se formam vertat *Albertus*, inepta est illa & absurda, quam comminiscitur analogia. Cum enim analogia in similitudine, proportionem, & paritate rationum consistat, sensus communis utriq; dicitur, affectionem illam analogicam in illo, ad quod alterum analogiam habere dicitur, in excellentiore gradu inesse, quam in eo, quod ad istud analogiam habet. Quo posito necessum fuerit, hæritates, actiones tutorum, sententias judicum, poenas, bella, fœdera, in statu integro longe sublimiori gradu extitisse, quam nunc in corrupto. Dicere autem, quod non existit, cum eo quod existit analogiam habere, aut illud hujus normam esse, extremum in stultitia est. Et si delictis dictionum suarum uti me patitur *Albertus*, potius dixerim; non nisi ea normaliter ad statum corruptum referri posse, quæ statui integro insunt formaliter. Sanctitas & innocentia status integri nobis in statu corrupto norma esse possunt; non ea, quæ ab isto statu plane abhorreat. Unde quæ nunquam etiam *Alberto* non monenti discrimen inter medicinam & jus naturale notum sit, verum tamen adhuc perstat; non magis de legibus peccatum & mortem præsupponentibus, quam de natura & cura morborum, ex statu integro cognosci posse.

§. 10. Repetit dehinc obsoletam querelam *Albertus*, quod jus naturale

rale maximam partem ad usum fori humani retulerim. Cujus instituti-
 me nondum pœnitet. Quod tamen *forum internum quam maxime recti-
 tudinem motuum interiorum requirat*, ego dudum docui l. i. c. 3. §. 2. de J. N.
 & G. Ut mirum videatur, *Albertum* dicere, me hæc *neglexisse, aut spernere*.
 Sed quia etiam ex lumine rationis intelligo me peccatorem esse, non au-
 tem, qua ratione Numen peccatis offensum placandum sit, quod sola
 Theologia revelata docet: igitur jus naturale ex solo rationis lumine
 traditum frustra ad forum internum, saltem primario, refertur, ubi solo
 hoc jure instructus damnari possum, absolvi non possum, & ubi morsus
 conscientiæ sentiuntur, medicina non invenitur. Unde quæ ad forum
 internum spectant, ad Theologiam remittere placuit, quæ præter cogni-
 tionem peccati etiam expiationem docet. Id porro facile concesserim.
Albertum de libero hominis integri arbitrio recte sentire, (p. 37.) quippe
 cui imago Dei *utroq; oculis* implet: (credent homines *Alberto* duo paria
 oculorum esse,) sed tamen revera vocabulum *perinde* cum magno grano
 salis capiendum est, quod neque in dictis ex *Augustino* citatis occurrere
 deprehendo. Quæ dein ego de præceptis negativis in statu integritatis
præfatione libelli de Officio hominis & civis meditatus sum, *Alberto* improba-
 ri video, rationes sententiæ meæ destructas non video. Nec valde me
 movet *augustinus* & terribile nomen *Dominici à Soto*, qui adducto loco in
 principia Theologiæ impingit, quod de statu integritatis loquens peccati
mortalis mentionem faciat, cum ea distinctio peccati mortalis & venialis
 in statu tantum regenerationis locum habeat. Ubi enim omnia peccata
 quoad effectum paria sunt, tautologum est terminum *mortalis* adhibere.
 Deinde etsi nemo negaverit, si *Adamus* in statu innocentiae aliud quod-
 dam peccatum admisisset, non impune fuisse laturum: tamen quia in so-
 lam comestionem de arbore vetita atrocissima illa sanctio mortis expres-
 se statuta legitur; quid obstat, quo minus dicamus, modo isto peccato
 abstinuisset homo, nullum aliud peccatum fuisse patratum? Certe quo-
 modo hanc sententiam ex sacris literis refutare possi, non video. Et si
 solis auctoritatibus res agatur, cur non potius mihi, quam *Dominico à
 Soto* credere malis? Præsertim cum illecebra arboris vetitæ in S. Scriptu-
 ra exprimatur, Deo similem fieri; aliorum peccatorum illecebras in eo
 statu, ubi vitiosi cupidines non sunt, percipere non possim. Et rationes
 quæ exaggrandando illo peccato adferuntur, in alia peccata non quadrant.

§. 11. Circa prohibitionem matrimonii inter fratres & sorores, (p. 39.) quam etiam in statu integro majoris honestatis causa faciendam, *Albertus* absq; idonea ratione tradit, nihil habet quod adferat, præter par distinctionum; *inter legis sanctionem & repetitionem, & inter jus naturæ primævum & secundarium.* Atqui non sufficit distinctiones adferre, sed oportebat etiam eas ad præsentem quæstionem adplicare. Nam si vel maxime concedam legem de vetitis inter fratres & sorores connubiis, *Levit.* 18. non primum esse latam, sed tantum repetitam: ostendendum tamen erat, quando illa utiq; lata foret. Nescio quoque, an qui tot per annos Logicam publice docuit, capere possit, nullam esse hanc consecutionem: *Levit.* XVIII, 9. lex de vetitis inter fratres & sorores connubiis non primum lata est; igitur illa in statu integritatis post multiplicatos homines majoris honestatis causa ferenda fuerat. Ut autem inanem illam distinctionem inter jus naturæ primævum & secundarium admittamus, majore autoritate opus est. Quid tamen revera super hac quæstione definiendum sit, ego haud quicquam me torserim. Id tantum monuerim, solam communionem sanguinis in statu integro sufficientem rationem non esse prohibendi connubii, inde videri constare, quod primi hominis uxor ex viri costa formata sit, caro de carne ipsius; quo nulla major communio sanguinis existere potest. Igitur nî inutuli quæstione abstinere malit *D. Albertus*, aliæ ipsi rationes fuerint investigandæ.

§. 12. Ad extremum regularum suarum autoritatem adstruit *Albertus* (p. 40.) quas *sponsa sibi venisse* asserit, sicut zizania solent, quorum etiam proprium est facile se multiplicare. Num autem nos infelices, quibus revelatio regularum Albertinarum facta non est, *confusum* forte duntaxat juris naturalis notitiam obtineamus (p. 41.) *quæ ex genuino istarum regularum usu obtinetur certissima*, tunc demum liquido adparebit, quando earum regularum adminiculo huic disciplinæ fastigium impositum fuerit. Interim non possum non miserari puerilem plane *D. Alberti* jactantiam, qua regulis suis triumphum acclamat, velut à me ultro campus esset desertus: cum mihi suffecerit fundamenta subruisse; quibus sublati debilis compages ultro corrui. Unde verendum est, ne intempestivo triumphatori occinatur: *O Corydon, Corydon, quæ te dementia cepit!*

§. 13. Tertium caput D. *Albertus* miscet ex illis, quæ ipsi per injuriam scilicet à *Censore* imputata sunt. Negat igitur primo, mihi ab ipso imputatum, quasi ego statuerim hominem *casu* in hunc mundum projectum. Ibi enim Epicuræos sibi ob oculos fuisse. Sed *lupum ante clamorem festinasse*, qua humanitatis plenissima phrasi utitur latrator *Albertus*. Ast profecto tantam calumniarum colluviem expresso aut suppresso nomine in me effusam hisce annis comperi, ut viti o mihi vertendum non sit, si cuipiam plus justo suspicax videar. Et nihilominus dum unam à me avertit calumniam, parem mihi impingit, (pag. 42.) jubens me *audire sententiam Lactantii adversus eos, quibuscum loquor, mutata saltem voce casu, in agnatas particulas utcumque vel undecunque*. Sane quid Lactantius contra Epicuræos disputer, non demum ex *Alberto* discere debebam. Quid ergo opus erat, ista verba mihi occinere, ni forte arbitratur, de veris humani generis originibus non æque mihi atque ipsi constare. Quam porro immanem calumniandi rabiem hoc arguit, quod vocabulum *casus* & *undecunque* agnatas particulas vocet, velut & ego non multo melius, quam Epicuræi hominem in mundum projectum statuam. Cum ego isto vocabulo innuam, me d. l. originis hominis in medio relinquere; non quod illas ignorem, aut de iisdem dubitem; sed quia thesi, quam ibi probandam suscepi, veritas constare potest, quamcumque de illis originibus sententiam supponas. Quod si autem neget, calumniandi causa ista ab se scripta, arguendus erit stupor tam aperta perspexisse non valentis. In secundo loco, (p. 43.) dum una via à contradictione extricare sese nititur, alia in eandem prolabi videtur, dum meis verbis hanc de suo parenthesin infercit: *axiomata (juris N. quæ statui corrupto propria sunt:)* Si enim nobis post lapsum connascuntur, quæ statui corrupto propria sunt, quomodo eadem apud Christianos ex cognitione status integri resultare dici potest? Cum illa, quæ ex cognitione Christianis propria resultant, non connascantur; quæ autem connascuntur, etiam in non Christianos cadunt. Circa vocabula *oblique* ac *perinde* importunam pertinaciam ostendit, (pag. 44.) dum ne incommodius quidem verbum sibi excidisse agnoscere decretat, velut ipse mera oracula funderet. Nec eo scieus mihi fas erit circa vires liberi arbitrii in homine integro vocula *perinde* abstinere. Par pertinacia est (p. 45.) circa phrasin à peccato retrahere,

quam peccatum jam præsupponere sensus communis dicitur: eoque absurdè adhiberi censetur, ubi de Legislatore sermo est, legem positivam primum condente. Illa vero (pag. 46.) non est eximia humanitas se à facillima & malitiosissima calumnia abstinuisse, quasi quidquam errorum illa dictione contineatur: *Deum condito præcepto positivo effecisse, ut actus, qui lege naturali peccatum non erat, peccatum fieret.* Credo apud Asinium ista calumnia etiam citra hederam venditari poterat. Sed nimirum nemo adhuc repertus est tam impudens, ut æquipollens Grotii dictum l. 1. c. 1. §. 10. (pag. 46.) cavillari auderet: *Deus positiva vetando illicita facit.* Gloriatur inde, se humanitatis, ut nempe in meliorem potius, quam deteriore partem incautius dicta interpretetur, in Compendio suo aliquoties specimina edidisse, *non applaudentibus omnibus.* Atqui non aliud abs isto heic præstitum, nisi quod naturali lege præcipitur, & bonis omnibus in usu est. Quod si tamen iactura istius adplausus Te torquet, mihi D. Alberte, age, retracta tuam humanitatem, & impudenter calumniare. Quo facto statim quatuor viri calumniarum, Schvvartzius, N. Beckmannus, Frid. Gesenius & Valent. Veltheimius in maximos plausus erumpent, teque lubenter fraternitati suæ ascribent. Sed & circa sextum operam ludit Albertus. Licet enim vel maxime *honestum* etiam *utili* opponam, ac dicam, in statu integro matrimonii inter fratres & sorores non ob utilitatem fuisse prohibita, sed ob *honestatem*: non minus tamen hæc dictio præsupponit, id quod ante istud interdictum in usu fuit, minus honestum fuisse. Quid denique (p. 47.) solidi subit commentitiæ distinctioni *inter assertiones de re practica, & præcepta* de eadem jam alibi excussum. Non puto habet Albertus, quod iactet, per Vindicias suas *plenissime* mihi *satisfactum.*

§. 14. Cæterum ne Dn. Albertus gratis mihi titulum Censoris impeggerit, pauca quædam circa *Compendium* ipsius *Orthodoxum* monere lubet. De cuius scopo haud obscure videtur colligi ex palmario isto axiomate: *Quicquid ex hypothesis status corrupti necessario nobis faciendum est, id ad analogiam status integri orthodoxe exposito facere nos jubet jus natura.* Sane analogiam istam S. Scriptura nullibi deducit, nec de illa cuiuspiam mortalium ante istum puto in mentem venit. Et pauci videntur eo delirii prolapsuri, ut bellum, & quicquid actum in genere humano ex peccato & subsecuta inde miseria redundavit, ad chimæricam analogiam

giam status integri concipere possint aut velint. Restat igitur, ut deinceps Jus N. ex *Alberti* dictatis sit metiendum, & qui cum eo senserit orthodoxi vocabulo superbus incedat; ceteri, ad quorum palatum ista non sunt, hæreticorum nomine traducantur. In *Prefatione ad Lectorem* video, *Albertum* pari sollicitudine circa Decalogum agitari, cum Indicis Novitatum autoribus; quæ unde originem duxerit, mihi persuadere non possum. Sane perstat Decalogo autoritas & sanctimonia sua, etsi disciplina juris naturalis ad ordinem decem præceptorum non digeratur. Quin ipse *Albertus* in Compendio suo non Decalogum, sed fictitiam analogiam & regulas passim inculcat. Dein scire velim, ex qua visione *Alberto* constet, quod *diabolus torvo vultu Decalogum adspiciat*. Cum, siquidem exitio hominum iste latatur, gaudium potius perfundi eundem credibile sit conspecto Decalogo, quo maledictio & damnatio adversus peccatores promulgatur. Sed & nescio, quid purulenti habet adjecta similitudo. Sane infecit genus humanum peccato *diabolus*: idem dum Decalogum quoque corrumpere satagit, num *peccati medicinam* corrumpit? Mallem quoque claro latratu, quam obscura mussitatione expressum fuisse, (*p. 2.*) quinam forent illi non pauci, qui *rationi magis, quam revelationi faveant*, & quibus *Decalogus naturæ magis quam animum moveat*. Fortasse enim fustis non defuisset. Gratis quoque dicitur; (*p. 3.*) *qui olim ac hodie in incunabula juris naturalis inquisiverunt, utroque oculo ad antiquissima tempora respexisse, & quomodo primi homines vixerint, fundamenti loco posuisse*. Idem factum est, & fieri convenit ab illis, qui de origine culturæ humanæ, aut civitatum anquirunt. Circa originem juris naturalis id neque factum ab omnibus, aut plerisque, neque fieri necessum est. Sane *Grotius* primævum hominum statum fundamenti loco non supponit, sed obiter de eo mentionem injicit, ubi origines dominii indagat. Sed nec in nostra hypothese necessarium est super primæva hominum conditione inquirere, cum etiam hodie vita humana citra socialitatem sit miserrima. Et qualem vitam primi homines egerint, quæstio facti (*p. 5.*) est; quæ nisi ex S. Scripturis cognosci potest. Sed & nullum est illud *Alberti* ratiocinium: jus naturæ perfectum est, igitur illud ex perfectissimo statu derivandum. Per imperfectum enim statum perfectioni legis N. nihil decedit, sed cognitio tantum ejus redditur difficilior, & obsequium ei debi-

debitum imminuitur. Quod porro *Albertus* in Theologiam revelationem exspatiatus quasivit & invenit, id ex primo illo & perfecto homine non eruit, sed ex cerebro suo in futes regulas facundo per vanitatem venditavit, velut summam perfectionem legi naturali dare idoneum. Quin inter spatiandum in ecstasin incidisse videtur, ita multæ phantasiæ homini occurrerunt, quas nunc exagitare non vacat. Ex dicto *Rom. I. 25. (p. 7.)* nihil minus, quam id colligi potest, hominibus in statu defectionis citra revelationem liquido de jure naturæ constare non posse, nisi in subsidium adfiscant doctrinam Christianam orthodoxam de statu integro. Et quid fiet de dicto *Rom. II. 25.* cujus heic data opera obliviscitur? Debuisset & nobis nominare *Monarchomachos* illos, qui citra paralogismos & *αυτοκρατορικήν* socialitatis via incedentes in id præcipitium inciderunt, licitum ob socialitatem esse regem, si in remp. peccet, è medio tollere. Absurde quoque pro se adducit *Albertus (p. 14.)* illa Grotii verba: jus naturæ per se hominibus non corruptū patet. Per tales non intelliguntur, qui in statu integritatis vivunt, sed quorum judicium per pravam educationem & consuetudinem non est detortum. Et alias non ignotum, quid Grotius de perfectione primi hominis senserit. Neque ob dictum *Jacobi III. 9.* ad intelligendum jus naturæ cognitio de homine integro est excutienda. Sane & qui hodie exaggerare velit peccatum injusti bellatoris, eodem modo dicere posset; cum morti objicere homines, pro quibus Salvator noster sanguinem suum effuderit. Num vero inde colligere licet: fontem, è quo à Christianis pura juris N. notitia hauriri debeat, esse orthodoxam doctrinam de passione Salvatoris? Denique & testimonium *Melanchthonis* hoc, quo *Albertus* vult, sensu prolatum non fuit. Qui sane in argumento ad Officia Ciceronis (membro 1.) quod ad hanc disciplinam attinet, expressis verbis à Scriptura abstrahi jubet. Neque ego, inquit, de religione dico, quæ ex sacris libris petenda est. Civilis vita consuetudo à Cicerone describitur, cum qua religio nihil pugnat. Scripsit de Officiis etiam *D. Ambrosius*, credo ut pueris inculcaret religionem, de qua videbat in Ciceronianis nihil præcipi. Verum ego religionem ex divinis literis censendo hauriendam esse, de civilibus malim audire Ciceronem. Obiter quoque scire velim, num qui ex cordatis Theologis fidei orthodoxæ censores se vocari velint. Sane vitiosa, aut quæ vitii suspecta sunt, censuræ obnoxia habentur. In fidem autem orthodoxam, qui cen-

rem

rem se feret? cujus tituli stoliditatem & insolentiam ipse credo Romanus Pontifex adspernabitur.

§. 15. Quanquam autem in ipso *D. Alberti* Compendio passim occurrant, quæ castigationem merentur, tamen cum tam ignobili labore tempus impendere improbum sit, paucis tantum notabuntur ea, quibus nostra tradita cavillatur, & vellicat. Inter quæ vel præcipuum est, quod dicit, (p. 39.) *me hominem in hunc mundum projectum sine artibus & extra societatem miserè viventem posuisse loco hypotheseos meæ, quantumvis ficta illa sit.* Sed non magis calumniam certorum hominum, quam stuporem circa istum locum discussisse molestum est. Thesis mea seria & vera est; hominem, prout nunc se habet, in solitudine destitutum citra ullam opem humanam, aut peculiare Dei auxilium vitam miserrimam agere. Alias enim neque in deportatione pœna crit, neque in expositione infantum scelus. Ad illustrandam hanc thesin, quam nemo sanus abnuet, dico; ei veritatem constare, si sequestrata notitia, quæ super veris humani generis originibus ex S. Scriptura hauritur, quamcunq; velis hypotheseos de origine generis humani singas. Num ejusmodi fictio veritati quid præjudicat? Sic si dicam, Nicolaus Beckmannus, si vel maxime Spartaci familia ortus, aut è nubibus ad ranæ instar depluisse singatur, obsecrissimus morio est. Unde ideo veritati natalium ejus quidquam detrahitur? Unde insipida valde est gravitas, per quam *Albertus* crepat: (p. 40.) *Nos Lutherani adsumus sumus ad fingendum nihil, (ne in Philosophia quidem, quia Christiana esse debet,) cujus contrarium à DEO ipso revelatum est.* Quasi ad Lutheranam fidem quid faciat, docendi gratia falsi quid tantisper ut fictum, non ut verum supponere. Aut quasi *Zentgravius* minus bonus Lutheranus censeretur, licet adversus me ex absurda hypothese, si DEUS non datur, disputet. Calumnia quoque est, quod quispiam *verissimam Christianorum notitiam de actuâli hominum statu, eoque felicissimo in gratiam Gentilium dissimulet, aut in fictionem de statu miserrimo transmutet.* Sane si quis Evangelium Gentilibus annuntiaturus esset, is male faceret, si in ipsorum gratiam de statu integritatis dissimularet. Sed disciplinam juris naturalis, abstrahendo à peculiari religione universaliter traditurus, non magis de statu integritatis mentionem facere necessum habet, quam qui Medicinam docet. Quod vero, *si status integritatis habeatur pro hypothese, jus natura longe certius & clarius, quam ullo alio modo sine omni errandi*

periculo deduci possit; id quidem ex *Alberti* compendio nondum adparet, ex quo generis humani oculi nondum eximia quadam luce perfusi cernuntur. Et vellem scire aliquid ad disciplinam juris universalis perti-
nens, quod ex nostra methodo *confuse* tantum, ex *Albertino* Compendio *distinctissime* percipiatur. Potro qui leges naturales ad caput de so-
cialitate (p. 42.) refert, non ideo negat, actionum humanarum finem esse *debere gloriam DEI*. Num autem solus integritatis status *naturalis* vo-
cabulo insigniri debeat, *Specim. Controv. c. 3. §. 3. (p. 44.)* satis expo-
situm. Ea quoque fada est calumnia, quod §. 33. thesin meam; in disci-
plina juris naturalis hominem esse considerandum, prout ipsius natura
est corrupta, hoc additamento interpoletur: *Reite, modo 1. non excluderetur status integer tanquam principium*. At ego non excludo statum in-
tegritatis, sed ab eo præscindo, tanquam quia d Theologiam revelatam
pertineat. Quem quare non præsupposuerim tanquam principium huic
disciplinæ, satis ostendi. Inepta quoque est secunda nota: *Modo status corruptus habeatur pro objecto*. Ubi quæso diversum à me traditur? Sane
ego pravæ inclinationes hominis considero non tanquam regulam
agendorum, sed tanquam morbum, cujus pravi affectus per legem natu-
ralem sunt sistendi. Quod carpit, à me tradi, (p. 47.) Jus N. maxi-
mam partem circa externa occupari, præter alibi dicta repono illud
*Phil. Melanchthonis Epit. Philos. moral. p. 3. Philosophia moralis est explicatio
legis nature, demonstrationes ordine in artibus usitato colligens, quantum ra-
tio judicare potest, quarum conclusiones sunt definitiones virtutum, siue præ-
cepta de regenda disciplina in omnibus hominibus, congruentia cum Decalogo,
quatenus de EXTERNA disciplina concionatur.*

§. 16. De illa quoque quæstione, (p. 49.) an congruum fuerit
in statu integritatis præcepta legis naturalis positivis potius quam negati-
vis vocabulis exprimi, alibi à nobis dictum. Frustra *Albertus* objicit;
*Exemplo legis divinæ positive cognoscimus, adea expresse incalcanda, ad quæ
nulla inclinatio est, libertatem contrarietatis sufficere*. Nam ad fructum
illius arboris utique congenitus homini adpetitus erat, innoxius, ni di-
vinum interdictum accessisset. Ast v. g. ad homicidium, adulterium,
furtum, nulla congenita erat inclinatio. Et mirum est, *Albertum* usque
adeo sensui communi ex sola contradicendi libidine reniti; cum meæ
sententiæ quoties placuerit, capere queat experimenta. Sane si etiam
infimæ

infimæ conditionis civi Magistratus pupillæ ejuspiam tutelam deferat, ac ipsi inculcet, ut pupillæ bona diligenter administret, ejusque pudicitiam custodiat; ea monita æquo is animo admittet. Ast si id sollicite ingeratur, ne dissipet aut furto subducatur rem pupillæ, ne ipse eandem constupret, aut aliis prostituat, ne venenum eidem propinet, cum indignatione ista audiet velut contumelia sibi illata. Reliqua alibi discussa sunt; aut talia, ut non sit operæ pretium istis consuetandis tempus impendere. Non possum tamen, quin impudentiam viri notem, qui, ut sese Strimesio velut nimium me laudasset, purget, dicit; *Comparative, & si cum Hobbesio comparer me laudasse*; & uti pullus ipsius, cui adhuc rostrum flavet, pipit, non tali comparatione, qua virtus cum vitio, sed qua minus vitium cum majore vitio comparatur. Ast ego te cum comparativa tua laude in malam rem abire jubeo, & te vicissim quoque comparative ad Fridericum Gesenium, & Valentinum Velthemium, aut si hæc non sufficiunt, ad Josuam Schvartzium & Nic. Beckmannum laudo. Equidem gratia Te mea opus non habere lubens agnosco. Et ita morosus ego sum, ut si vel in cælum me laudibus extollas, Compendium tamen tuum exosculaturus non sim. Vehementer tamen suaferim, ut cavillandi & calumniandi finem facias, & si utique litibus delectaris, alium tibi deligas adversarium, magis otio abundantem, qui cum vitiligationis ferram reciprocet. Est enim, cujus prurientes in satyram manus vix contineo, abs quo erudito orbi ludibrio expositus, serò ingemiscas, ni quietem tibi maturè imperare queas.

CAP. III.

Quo Objectionibus Dn. Samuelis Strimesii respondetur.

§. I.

Accedendum tandem est ad *Dn. Samuelem Strimesium*, Professorem Francofurtanum, quem adparet ingressu novi muneris me potissimum oppugnato inclarescere voluisse. Cui & ipsi quantoperè extra oleas vagetur, paucis ostendendum est, postquam jam planè istis liti-
bus defungi placet. Ac in *Praxiologia* quidem *Apodictica* p. 43. cum Hobbesii statum naturalem atrocibus verbis damnaasset, addit: *Obeandem causam me non ullam mereri excusationem, quod statum tantum corruptum,*

& ab omni integritate alienum tanquam *hypothefin* non quidem veram, se d
fiēt ampropterea praeſtuo, ut diſciplinam ita generaliter traderem, ut & eadem
ad captum Ethnicorum foret, quos ſtatum integritatis, vel rectius Creationis
ignorare facio ex ſolū divinis Scripturis addiſcendum. Circa iſtam accuſatio-
nem obſervandum, primo *Strimeſium* mihi de ſuo aſſingere, quod ſuppo-
nam ſtatum tantum corruptum, & ab omni integritate alienum. Contrarium
enim huius à me docetur l. II. c. 1. §. 5. & l. II. c. 2. §. 9. Deinde naturam
hominis nunc corruptam ego non ſuppono tanquam *hypothefin fiēt*,
ſed tanquam theſin nimis quam veram. Niſi fortè Francofurti homi-
nes absque labe originali naſcuntur. Sed longè diverſa ſunt, quæ à me
velut fiēta tantisper ſupponuntur; quæ accuratius expendiſſe decebat
Strimeſium, antequam vivum & reſpondere paratum laceſſeret. De-
nique num rectius dicatur ſtatus creationis, quam integritatis alii litigent.
Id ſaltem conſtat, illam integritatem & ſanctimoniam, quæ lapſu pri-
mi hominis amiſſa fuit, Ethnicis ignoratam, ex ſola S. Scriptura ad-
diſci. Cujus contrarium non evincunt dicta quorundam Philoſopho-
rum *Philippo Morneo* & aliis adducta, quæ nullam aliam corruptionem
hominum, quam ex prava adſuetudine & velut contagio præſupponunt.
Unde & nimis pro imperio pronunciat *Strimeſius*: *Non eſſe neceſſarium,*
ut in diſciplina Juris N. homo nunc conſideretur, prout ipſius natura eſt cor-
rupta, & prout eſt animal multis pravis cupiditatibus ſcatens. Atqui citra
iſtam conſiderationem æquè perfectum habebimus Juris N. ſyſtema, ac
fi Theologi ſua diſciplina peccatum & corruptionem hominis excludere
vellent. Quod tamen hi altius ad primævam integritatem aſcendant,
ratio eſt, quæ in diſciplinam Juris N. non cadit. Et ipſe *Strimeſius* pag. 85.
tam de ſtatu *inſtitutionis*, quam *perfectionis* poſt hanc vitam pronunciat:
Neuter ſtatus heic addiſci meretur, alibi nempe in Theologia iterum atque ite-
rum inculcandus.

§. 2. Haud ſaniora ſunt, quæ pag. 89. ſeqq. circa ſtatum naturalem
à me traditum cavillatur. Ubi primò per ſummam injuriam *idem cum*
Hobbeſio inculcare me arguit, quem prius horridorum errorum reum
peregerat. Aſt ego efficaciam, ut omnes cordati intelligant, illum quid
carperet, non intellexiſſe; quod quale ſit nemini ignotum eſt. Quam fri-
volum enim eſt, quod p. 90. ait: *Statum naturalem, qui per fiētionem talis*
eſt, nulli omnino uſui ſervire, niſi ut ſubminiſtret, vel quo modo genus hu-

manum

manum calumniis possit proscindi, vel quo pacto origo rerum Creatori erepta cum Epicuro atomis, aut alii ineptiori causa tribui. Jurares, istum Friderici Gefenii fraternitatem ambire. Talia refutationem non merentur, quæ scriptorem quid scriberet nescivisse arguunt. Circa statum naturalem qui revera existit, monet: *Male ei opponi adventitium, qui statum etiam inter patrem & filium complectitur quam maximè naturalem.* Nimirum incognita est ambiguitas vocabuli naturalis, quod pro diversa oppositione diversas fortitur notiones. 2. *Contradictoriè dici: Statum hunc id habere, ut quis cum aliquibus hominibus peculiari societate jungatur, & tamen hominem nemini, præterquam Deo in eo subjectum esse, omnibus verò hominibus aequalem.* Malè sit illi, qui *Strimesio* librum meum legenti perspicillum subduxerat. Sanè neque citato loco, neque alibi extat; in eo statu hominem soli Deo subjectum omnibus hominibus aequalem esse; sed ista verba ibi extant: *Quivis cuius alteri, cui neque ipse subjectus est, neque eundem sibi subjectum habet, æqualis censetur.* Unde magni stuporis est argumentum, quod ostendi sibi à me petit societatem, in qua omnes æquales sunt, nec alter alteri subjectus. Magnus profectò pudor est, quod Professori Moralium à me demum inculcandum sit, quod conjuges, & parentes cum liberis invicem non vivant in statu naturali. Quod de cætero ab inæqualitate virium ad inæqualitatem jurium non liceat argumentari, discere poterat ex l. 3. c. 2. §. 2. de J. N. & G. Æquè stupida est quæstio p. 91. *Ubi locorum reperiatur hominum societas, in qua omnes tum ex proprio judicio agunt, ex proprio itidem judicio de mediis ad sui conservationem facientibus deserviunt, tum singuli agunt, qua rectè rationi consona sunt.* Ego trado de Juribus eorum, qui in libertate naturali vivunt. *Strimesius* quærit, ubi locorum sit societas, in qua omnes utantur juri-
bus libertatis seu status naturalis, id est, quæ non sit societas. Est magnæ patientiæ argumentum, etiam à puero talem quæstionem æquo animo audire. Denique conservationem sui à me conservationem universi non opponi, satis adparet ex iis, quæ à me traduntur l. 11. c. 3. §. 16. Et sui ipsius conservationi quam maximè studet, qui credit, se non sibi, sed toti mundo genitum. Quia porro *Strimesius* p. 220. quam *Fridericus Gefenius* in me calumniam evomuerat, regustat, etiam illa, quæ huic dudum à me responsa sunt, sibi dicta puter. Ad illam quoque calumniam, quæ p. 221. ponitur, alibi abundè responsum. Vanum quoque est, quod

contendit, non nisi quatuor hominum status dari posse, eoque naturalem statum non dari: cum quadripartita illa divisio ad Theologiam spectet; qua non obstante in alia disciplina alia humani status potest esse consideratio.

§. 3. Sed & circa illam quæstionem, num quid malum sit ante omnem legem divinam & humanam, aliquot sophisticationes promulgat *Strimesius* p. 232. Si nulla, inquit, actio ante interdictum vel divinum vel humanum mala est, tum nec Deus nec homo unquam malum prohibuerunt. Ratio consequentia est, quia juxta hanc hypotesin prohibitio semper prior est malo, quod per & propter illam demum naturam suam nanciscitur. Sed illud absurdum foret dicere: Deum nihil unquam prohibuisse, nisi quod sua natura vel bonum vel indifferens fuit. E. nec illud sibi constat, nullum sua natura bonum vel indifferens esse. Enimvero si sophismate hoc nostram sententiam petit *Strimesius*, longè ipsum ratio fugit. Nos quippe illam actionem necessariò bonam dicimus, quæ cum conditione humanæ naturæ à Deo condita ita congruit, ut hæc sine illius observantia subsistere nequeat: malam contra, quæ ita repugnat naturæ à Deo conditæ, ut eandem destruat. Unde absurdè concipitur actio bona aut mala, antequam concipiatur subiectum, à quo actio illa exercenda sit, nō effectum prius, quam causam concipere velimus. Non autem credo aliquem eo absurditatis prolapsum, ut diceret, malum actu extitisse ante legem, quæ humano generi coarva, id est, adjunctum ante subiectum. Id autem ego nuspiam tradidi, quod vis malum per & propter solam prohibitionem naturam demum suam nancisci. Jungitur quippe à me prohibitioni certa humanæ naturæ structura à Creatore facta. Inde & secundum istius argumentum ultrò corrui: Si nihil ante est malum, quam prohibitum, & ideo solum malum, quia prohibitum, tum omnia mala possunt fieri bona. Nam ut quæ lege naturali repugnant, mala sint, non à nuda & sola prohibitione divina oritur, sed etiam, quia indoles humanæ naturæ à Deo condita violatur. Non minus inane est tertium ratiocinium: Si omnia per se sunt indifferentia, tum Deo impossibile est ad quidquam nos obligare. Nam aliàs facta etiam clarissima legis promulgatione adhuc in nostra potestate situm erit, num illi promulgationi fidem habere velimus, nisi per se bonum sit Deo credere, & per se malum illius veritatem in dubium vocare. Ad hoc jam in *Specim. Controv.* cap. V. §. 35. p. 205. respondimus. Nam quod

quod homo necessàrio fidem Deo adhibere & parere debeat, id prove-
nit ex indole naturæ humanæ, quam Deus ipsi in creatione assignavit :
quæ non posita, intelligi nequit, necessàrium esse hominem Deo pare-
re. Quæ autem rationalis creatura intelligit, hanc legem à Deo con-
ditam esse, ei non amplius integrum est jussu Dei pro libidine sequi aut
detrectari ; quia hoc indoli creaturæ rationalis adversatur.

§. 4. Idem tamen in *Originibus Moralibus* non parum in melius
profecisse videtur, saltem circa præcipuam quæstionem super origine
moralitatis in actionibus humanis ; quàm ut ante voluntatem divinam
reponat, extrema argumenta videtur adferre. Ut non videam, quid istis
destruatis amplius adversus meam sententiam reponi queat. Eo ma-
gis opera danda est, ut plane & perspicue difficultates istæ removeantur.
Ac primo quidem monendum, sermonem nobis esse de sola moralita-
te in actionibus humanis. Nam quod bonitas divina à voluntate divi-
na originem non ducat, nemo cui sensus communis, negabit. Unde à
Strimesso quæstio insidiosè formatur : *num nihilominus boni concipi possit
ante voluntatem divinam?* p. 65. Deinde quanquam alii eandem mecum,
aut similem sententiam propugnent ; tamen quatenus vel eandem justo
latius porrigunt, vel ex alio fundamento deducunt, me nolle teneri vel
ad fulciendum istorum argumenta, vel ad consequentias, quæ illis im-
pinguntur admittendas, præsertim ubi non strictissime cum nostra sen-
tentia conveniunt. Nam & sæpe exiguo discrimine veri & falsi confi-
nia discernuntur ; & fieri potest, ut duo eandem thesin tueantur, sed qua-
tenus ex diversis principiis eandem deducunt, in uno sinistra quedam
consequentia hæret, abs qua alter est immunis. Unde cæteri, quos iste
impugnat, Clarissimi Viri, si adhuc in vivis sunt, sententiam & rationes
suas defendant. Mihi de mea nunc unice curæ est.

§. 5. Jam igitur eo sunt redacti adversarii, ut admittant, contro-
versiam non esse de rebus, prout revera & actu existunt, sed de nostro
concupiendi modo, & fere quatenus nos mortales essentiam divinam
ad modulum nostræ rationis concipimus. Unde si vel maxime adver-
sarii suam intentionem obrinuissem, non tamen adhuc evictum foret,
rem utique sic se habere. Vertitur autem cardo causæ in distinctione
inter essentiam & existentiam : juxta hanc voluntas divina moralitatem
actionum humanarum antecedere conceditur ; juxta illam non item.

Huic

Huic sententiæ statuminandæ *Strimesius* p. 52. pronunciat, *essentias rerum sine existentia nil aliud esse, quam possibilitates seu aptitudines ad existendum, in ipsum existendi actum erupturas, simul ac Deus voluerit.* Enimvero valde dubito, an isthanc essentia descriptionem proceres regni Metaphysici sint probaturi, quorum concilium prius cogendum fuerit, antequam istud dogma publice recipiendum sit. Sancti essentia rerum in sola illa possibilitate consistunt, & vero universitas creaturarum omnipotentiam divinam non exhaurit, adeoque Deus intelligitur posse, quæ nunquam produxit, aut producturus est, etiam non entium dabitur essentia. Aut ostendat mihi, quantum à nihilo differat possibilitas, quæ nunquam in actum deducta fuit, aut deducenda est. Enimvero essentia illis existentia contradistinctis ortum dedit abstractio Philosophorum. Nam uti quod existit proprie & revera esse dicitur: ita & illa realis & vera est essentia, quæ cum existentia est conjuncta: & quod Deus esse jubet, id eo ipso existit. At Philosophi naturas rerum ortui & interitui obnoxiarum contemplantes ista duo, essentiam & existentiam, natura conjunctissima cogitatione cœperunt divellere; quod absurdum ducerent, veritates de indole rerum semel existentium hisce intereuntibus mutari, aut interire. Unde formati sunt generales conceptus & propositiones de rebus; quæ propositiones quia præscindebant ab existentia mutationi obnoxia, pronunciatum de illis est, eas esse æternæ veritatis, id est, eas cum individuis rerum mutationi obnoxiarum non stare aut cadere, v. g. Quæ de natura rosæ traduntur, ea in hyeme quoque vera esse, quando nullæ uspiam existunt rosæ. Hinc & factum, ut essentia rerum pronunciarentur æternæ. Id quod uti hoc sensu facile admittimus, quod nempe conceptus generales de rebus ab interitu individuorum non dependant: ita absurdum est, illam æternitatem ante primam rerum originem velut retrahere, ac fingere, essentias rerum, à voluntate Creatoris, quæ existentiam iisdem dedit, non dependere. Extra hanc explicationem pronunciatum illud de æternitate essentiarum non magis admitti potest, quam hoc; mundum esse æternum.

§. 6. His præmissis adparet, *Strimesium* arcem causæ suæ in coponere, ut possibilitates illas, quas essentias rerum vocare ipsi placet, statuatur objectum esse potentia diviniæ ante actum voluntatis, & omnipotent-

tentiam Dei veram & adæquatam essentiarum omnium causam atque originem. Et has ante voluntatem Dei concipiendas esse; quia in ordinata attributorum divinarum conceptione & apprehensione omnipotentia Dei voluntatem ejus, seu potentia actum necessario antevertit. Quoniam autem posita omnipotentia Dei, conceptaq; omnes simul possibilitates seu essentia ab omnipotentia omnino illata non possunt non poni & concipi; etiam id patere, eas ipsas essentias ante voluntatem Dei secundum nostrum concipiendi modum antecedentes esse. Eoque omnipotentiam divinam esse causam adæquatam, immediatam & proximam essentiarum, sicut voluntas divina causa adæquata, proxima & immediata existentiarum perhibetur. Enimvero probe hec observandum, quæstionem propriè non esse confusam & indeterminatam, hoc modo: quodnam primum velut fundamentum sit, ut aliquid extra Deum esse queat. Ad hanc enim quæstionem ita confuse formatam ultimata est responsio: quia Deus est omnipotens, seu quia in Deo est potentia aliquid extra se producendi. Sed quæstio à nobis agitur distincta & determinata: unde sit, quod v.g. homo talem habeat naturam, ut certa quædam ei necessario honesta, quædam turpia sint, quæ brutis talia non sunt. Ad hanc quæstionem ultimata responsio non est; quia Deus est omnipotens, sed quia Deus ita voluit. Sane aliter sese habent potentia determinata, finita & velut brutæ, quibus positus effectus talis & non alius ponitur. Sicuti in quovis genere machinarum conspicitur, ubi vera & adæquata effectus causa ad potentiam refertur. Aliter se res habet in potentia indeterminata, libera, exercitque sui moderamen penes se habente, abs qua quod talis vel talis effectus producat, causa ad liberam determinationem ejus potentia refertur. Adeoq; quando circa originem talium effectuum anquiritur, potentia quidem necessarium est præsuppositum ad producendum effectum, proxima tamè & adæquata causa est beneplacitum agentis. Et sane omnipotentia in Deo concipitur non tanquam facultas necessaria, sed tanquam libera, seu quæ non necessario sese exerit, sed prout Deo placeat, alias enim Deus semper ageret omnia, quæ posset; cum Deus illa tantum faciat, quæ vult. Ut falsum plane sit; posita omnipotentia Dei poni omnia ejus objecta. Unde quilibet ex sensu communi judicare potest: si quæram, cur Deus hominem creaverit animal rationale, in-

Ccc

con-

congrue responderi, quia est omnipotens. Nam statim excipere possem: si omnipotens est, cur non potius aliter, quam sic fecit? Sed si respondeas, quia Creatori sapientissimo & optimo ita placuit; nil habeo, quod excipere queam.

§. 7. Inde ultro corruunt argumenta, quibus sententiam suam stabilire nititur *D. Strimesius*. Quia, inquit, *essentiae rerum theoreticarum ex attributo voluntate Dei priore, nempe omnipotentia Dei derivantur. E. & essentiae rerum practicarum. Ratio consequentia est, quia inter essentias theoreticas & practicas nullum discrimen intercedit. Nam uti posita omnipotentia divina, necessario ponitur idea & essentia hominis extituri, simul ac Deus voluerit: ita eadem posita ponitur necessario idea suum cuique tribuendi. Quæ omnia inania esse ex superioribus constat. Quibus addo, in artifice quidem v.g. figulo, cui potentia sua acquiritur, ideam ollæ necessario videri præcedere voluntatem ollæ faciendæ, quæ exurgere non potest, nisi posita potentia seu facultate agendi. Ast in Deo, qui est à seipso, & cui omnipotentia est essentialis, nullas definitas ideas rerum creandarum præsupponi necessum est, antequam ponatur voluntas quidquam extra se producendi. Unde & nulla est consequentia; negata possibilitate hominis ad existendum, negatur simul ejus omnipotentia; igitur & posita omnipotentia, statim idea distincta, aut essentia hominis ponitur.*

§. 8. Quæ porro *Idem* p. 62. excipit adversus dicta à me *Specim. Controuv. c. V. §. 21.* quod in turpitudine actionum humanarum non sit ejusmodi contradictio, qualis est, si bis duo negentur esse quatuor, pariter inania sunt. Est quoque illa frivola argumentatio p. 63. *Ad ideam boni ad humanam naturam restricti non opus est certa dispositione hominis, nec præcepto aliquo superioris, sed vel sola omnipotentia divina sufficit, vel hominis essentia ex omnipotentia emanans, qua supposita bonum morale secundum essentiam adeo necessarium est, ut negans id neget idem esse idem.* Ast vel verba mea non intellexit *Strimesius*, vel data opera cavillari voluit. Nam ut res sit numerabilis, sufficit, si qualiscunque sit. Musca æque ac Elephas numerari potest. Sed ut alicujus entis actiones turpes sint, non sufficit quaecunque id esse, sed requiritur, ut certo modo à Deo sit formatum. Unde non in rem inanem aut brutum, sed in hominem turpes actiones cadunt, quia hic certo modo à Creatore præ illo for-

formatus. Interim non negamus, esse in turpitudine certum genus contradictionis, quæ exposito hominis sine & natura resultat. Nam contradicturn sibi Deus fuerat, volendo creare hominem, i.e. animal rationale, & ad subliorem quam bruta finem, & tamen certum genus actionum ipsi non interdicare volendo. Neque cuilibet ideæ turpitudi repugnat, sed ideæ hominis, quæ ab aliarum rerum ideis, in quas numerus cadit, utique differunt.

§. 9. *Secundo Argumento Strimesii* jam nervus est præcisus, ut id repetere superfluum sit. Sed nec *Tertio* quid roboris inest. Admisi ego duplicis generis impositionem; unam ex solo lubitu imponentis citra peculiare fundamentum in re: alteram ab imponentis voluntate ita ortam, ut aliter imponere velle non potuerit, siquidem sibi constare debeat. *Quærit Strimesius; Vnde sit illa necessitas volendi, & quodnam istud fundamentum in re, ob quod imponentis non potest non quadam velle?* Ast ego puto, sufficiens responsum contineri hisce verbis; *siquidem sibi ipse constare debeat.* Scilicet quia ad perfectionem sapientissimi & optimi Entis pertinet, sibi conformiter agere, & non mutari in horas: ideo recte voluntas antegressa sequentis velut regula dicitur; sic ut quia Deus voluit antecedens, non possit non velle, quod cum eo connectitur, & ex eo necessario sequitur, & si finem vult, non possit quoque non media velle. Sic vult Deus sui cultum, sed non nisi volita prius creatura intelligente. Nam si Deus nihil creasset, aut non nisi bruta creasset, cultum etiam sui velle non potuisset. Cæterum voluntati sapientia & bonitas non opponenda, sed conjungenda est; etsi effectus potissimum ad voluntatem refertur, tum quia hæc agendi principium, tum quia sapientia & bonitas sine voluntate, ac nisi liberæ, non intelliguntur. *Quartum* denique *Strimesii argumentum* est, *quia posito, omnia bona moralia ad hominem restricta à voluntate divina tanquam prima origine profluere, ratione originis inter legem naturalem, & legem Dei positivam nulla amplius reliqua erit differentia.* At quid absurderit, si dicam, ratione originis tam naturalem, quam positivam legem ad Dei voluntatem referri: id tamen esse discriminis, quod positiva à Dei voluntate absoluta proveniat; naturalis autem certam conditionem humanæ naturæ adsignatam præsupponit?

§. 10. Ex eo autem nihil sane candoris relucet, quod p. 64. arguere videtur, me in *Specim. Controv. c. IV. §. 3. p. 60.* non rectius, quam *Burman-*

num sentire, cui errorem Sociniano simillimum tribuit. Ast ubi ego nego, necessitatem justitiæ Dei punitivæ ex ipsa Dei natura fluere? Quod si tamen *Strimesius* ex solo rationis lumine demonstraverit dogmata circa justitiam divinam, quæ substernuntur & implicantur articulis fidei de lapsu Adam, & subsecuta inde generis humani labe, de incarnatione Filii Dei, ejusque satisfactione, merito & passione, de justificatione hominis, & similibus, adeoque hæc omnia captum humanum non superare, nec abire à regulis justitiæ in foro humano usitatæ, lubentissime ipsi fascēs ingenii submittram. Interim tutissimum reor ista fide amplecti, quam rationem ne quidquam fatigare.

§. 11. Conatur hinc p. 71. *Strimesius* argumenta mea elidere palmaria illa distinctione inter essentiam & existentiam, cui quid roboris inest, abunde à me ostensum fuit. Peculiariter autem circa exceptionem ad argumentum meum primum, mirum videtur, cuinam eandem opponat, aut quid ad præsentem quæstionem faciat, dixisse: *nil prohibet, quo minus peccatum vocetur à Deo: aut quo minus morales Doctores alius quam rustici ascendant, & originem moralitatis ab ea sententia derivent; ubi nullus Deus, ibi nullum bonum morale.* Nisi forte putat, qui bonum morale à voluntate Dei deducit, illum idem à Deo non deducere. Circa secundum meum argumentum id quoque mirum est (p. 72.) quare negare velit, omnem obligationem esse à superiore, ac neminem sibi ipsi obligari, *nisi de strictè dicta obligatione capiatur.* Atqui sane de proprie dicta obligatione mihi sermo fuit, & quidem de tali, quæ à principio extrinseco provenit. Circa exceptionem ad argumentum meum tertium verbo monendum, haudquaquam æquipollere; hoc rectæ rationi, humanæ naturæ, & imaginì divinæ congruit; & hoc per se & sua natura est honestum. Circa exceptionem denique ad quartum meum argumentum moneo, illam abs Deo necessitatem utique removendam, per quam voluntati ejus detrahatur, quod creaturæ tales factæ sint.

§. 12. Designat quoque p. 79. novum conceptuum ordinem *Strimesius*, ut ab origine suarum essentiarum divinam voluntatem utique excludat, qui citra animadversionem prætermitti non debet. Quando enim primo omnium loco concipitur Deus, consideratur tanquam à seipso existens, & cujus perfectiones omnes sunt essentielles, quarum in respectu ad ipsum Deum una non est prior aut posterior altera, (non loquimur de perfectionibus personalibus, de quibus ex sola religione Chri-

Christiana constat,) nec una velut ex altera emanat. Hoc modo etiam DEUS consideratur tanquam *αὐτάρκης*, nulla re extra se indigens, omnes beatitates ac perfectiones in se continens, & qui solus necessario est. Quia autem præter Deum nihil necessarium est, igitur quando ad res extra Deum concipiendas progredi volumus, primo omnium concipiendum est, Deum voluisse aliquid extra se producere; qua voluntate Dei non posita ejus omnipotentia velut otiosa quiescere intelligitur: sed eadem posita Deus rebus naturam suam pro sapientia & bonitate sua assignat, actuque ipso attribuit. Ita credo *D. Strimesius* non prohibebit, quo minus voluntas Dei primum principium rerum extra Deum sit, ac in posterum quoque maneat.

§. 13. Tandem & socialitatem tantopere agitatam plane jam *exterminare* constituit, (p. 97.) ut vacuum commento suo locum faciat. Ubi id primo reprehendendum, quod pro socialitate à me posita *socialitatem* substituit, quam sive fraudem, sive incuriam in aliis jam notavi. Rationes hæc adfert, quia ex isthac socialitate non possunt deduci officia hominis erga Deum, seu religio naturalis; neque officia, quibus homo extra societatem consideratus sibi ipsi obstringitur: neque officia nostra in bruta tendentia, quale est, ut ab omni crudelitate erga ea abstinemus. Ad primam Objectionem, præter ea, quæ alibi à me dicta sunt, repono: cum à me religio naturalis & jus naturæ pro distinctis disciplinis habeantur, non opus mihi fuisse principium indagare, ex quo officia erga Deum & homines simul deducerentur. Deinde non repugnat, præcepta de socialitate colenda, seu dilectione proximi esse partem religionis naturalis, præcipue quatenus exercentur, obsequio in communem Creatorem testando; & socialitatis humanæ præceptis firmitatem à religione accedere. Circa alteram objectionem scire velim, quænam officia homini solitario tribui possint, quæ nullum plane respectum, ad Deum aut alios homines habeant. Nam si forte objicias castitatem, sanctotus is adparatus naturæ humanæ, illique stimuli ob socialitatem sunt instituti: sic ut si ad solitariam vitam homo à Deo esset destinatus, non magis castitas in ipsum caderet, quam in arborem aut lapidem. In hoc tamen fateor à me gravissime peccatum fuisse, quod dum officia hominum inter se trado, ejusmodi principium non adsumpserim, ex quo officia quoque erga boves & asinos deduci queant. Quo nomine

etiam Advocatum Generalem asinorum, qui Leonis Fridenburgii vocabulum sibi imposuit, non mediocriter indignari video; oblitum, inter ea, quæ Sapiens Hebræus asinis præstare jubet, esse quoque fultem & verbera. Poterat tamen minore in asinos pietate tangi *Strimesius*, si voluisset inspicere, abs me tradita l. IV. c. 3. §. 6. de J. N. & G. Objicit præterea, deprehensum fuisse, quædam manifeste naturali legi repugnantia societati parum aut nihil obfuisse; uti furta, & adulteria in republ. Massagetarum & Lacedæmoniorum. Ast non sequitur, ob corruptos mores certæ reipub. hoc vel illud vitium, hanc vel illam societatem peculiarem parum turbasse: ergo id vitium non repugnat socialitati generis humani in universum. Adv. l. VIII. c. 1. §. 3. de J. N. & G. Oportet quoque valde superfuntoric *Strimesium* legisse scripta mea, dum pronunciat, omnia officia legis naturalis, quæ alios homines respiciunt, valorem, omnemque obligationem suam ultimo à cultu societatis sortiri. Ni grave est, inspiciat l. II. c. 3. §. 20. de J. N. & G. In hac porro propositione; officia adversus alios homines exhibenda in socialitatem resolvuntur, non magis tautologum quid est, quam in illo Poëtæ: ut ameris, amabilis esto. Denique theses illæ; innocentem ab æternis pœnis immunem asserere, peccatum haud impunitum dimittere, cum sint axiomata justitiæ divinæ, indagandus est quispiam *Strimesio*, qui ista ad socialitatem hominis referat. Qui autem consideraverit, quæ à me super differentia justitiæ divinæ & humanæ tradita sunt, agnoscet, absurde dici, justitiam divinam & humanam, quæ formam similem esse, non qua modum & gradum. Sane essentialis Dei, & imperata hominum justitia, quoad formam eadem non sunt; cum ad formam justitiæ quam maxime pertineat, ex quo principio id, quod juste factum dicitur, sit profectum.

§. 14. Denique quod post exterminatam, si diis placet, socialitatem substituitur principium, *suum cuique tribuere*, non est pro tanto hiatus. Revera id certam duntaxat justitiæ speciem absolvit; ac non nisi per violentiam velut ad omnia officia extenditur, ac invita plane Minerva. Sic ridicula est illatio; furtum non est faciendum, homicidium non patrandum, quia suum cuique est tribuendum. Sed & difficultatem à me *Specim. Controv. c. V. §. 23.* motam haud quidquam dissolvi posse arbitror, si cum *Strimesio* dicamus; sola terminorum explicatione opus esse, (p. 120.) Expectaveram subtilius quid à *D. Strimesio*, quam ut commento stuporis Velthe-

turæ & Gentium ab ipso editos, nonnulli haud levi animorum motu intentaverant. Nam per triennium Cantabrigiæ agentî nihil amplius ad eandem spectans occurrit fastidio Bibliopolarum Anglicorum, ejusmodi scripta fere adspernantium. Et tamen Te pro singulari in eam scientiam studio exitum istius certaminis nosse cupere, cujus primordia Tibi sæpe indignationem, quandoque & risum excitaverint. Idemque petere V. Cl. Richardum Cumberlandum, aliosque ibi eruditos viros, quibus Te suggerente ea lis innotuerit. Quibus & ejusdem disceptationis genio perspecto mirum desiit videri, tam pauca, quæ solidam, profundamque meditationem sapiant, illis ex oris prodire, quæ alias scholis, virisque literas professis refertæ sunt. Quis enim circa exponendas bonas scientias operam impendat, si id summum laboris fuerit præmium, calumniantium importunitati non succubuisse. His igitur viris ut gratificer, ac Tibi præcipue, cui imperium in me necessitudo nostra, ac singularis, quo jungimur, amor detulit, faciam, quod alteri vix annuiturus eram, non tam ob rei difficultatem, quam quia tantum temporis negotiis, quibus premor, agre in præsens decerpere licet. Ac ne mutilato officio defungat, non solum quod ex eo tempore, quo Tu hinc abiisti, scriptorum sit editum, Tibi nunc transmitto; sed & quid circa alterius partis postrema scripta mihi videatur, adjicere placet. Nam Pufendorium post editum Controversiarum Spicilegium graviora, quibus distringitur studia, non permittunt de istis altercationibus amplius cogitare, quas adversa pars prurigne scribendi & contradicendi, in infinitum extractura videtur. Præsertim cum eidem tota hac disceptatione, id tantum fuerit propositum, ut calumnias sibi intentatas depelleret; cætera securus, quid opinionum Metaphysicarum unus aut alter Jenæ aut Francofurti ad Oderam in deliciis habeat.

Inter Pufendorium igitur, & Valentinum Albertum, Theologum Lipsiensem, non tam super re ipsa & dogmatibus, quam super methodo disceptatum fuit. Nam ille quidem legibus methodi conveniens duxerat, suam disciplinam è genuinis & domesticis principiis adornare, abstractis tantisper & sepositis, quæ à religione divinitus revelata commodato sumi possunt; non quidem fastidio divinarum literarum, sed ne controversiis Theologicis velut vortice quodam involve-

volveretur disciplina universum mortalium genus spectans, non prout peculiaribus & ad salutem æternam rendentibus circa sacra dogmatibus imbutum, sed prout ratione præditum est. Tum & quia praxis ejus disciplina non inter Christianos duntaxat, sed & inter Gentiles & Muhammedanos inter se, & cum Christianis negotia tractantes conspicitur. At Alberto potius visum scita Juris Naturalis ipso è Paradiso petere: quo fine & regulas quasdam concinnavit, non absimiles illis, quæ apud Logicos de inventionem medii termini occurrunt, insigni usu ad juvandam hominum ratiocinationem, si jam antea consecutionem rerum norint. Quibus quidem ut se suosque oblectaret, Pufendorffii nihil intererat. Unicus titulus scrupulum injiciebat, cui orthodoxi vocabulum infarctum erat, quo se perstrictum, suosque libellos, à quibus adolescentes ab Alberto absterri constabat, heterodoxi argui non obscuris indicis judicabat. Qui non parum in fermento erat, adversarios suos tam detestatam cordatis artem à Monachis, & immitibus Sacerdotibus Romana sacra professis mutuari, ut etiam circa innoxias quæstiones ab se dissentientes hæreticorum vocabulo apud imperitos differre instituunt. Unde vindicandæ existimationi acrius ad destruendum id commentum connixus est, quam alias istius indoles merebatur. Albertus contra, ne per *Spicilegium* ad silentium redactus videatur, in *Paranesi* sua præcipuis rebus tacite præteritis tantum hinc inde nonnulla sat frigide vellicat, & haud eo securus velut pro tribunali calculum pro se fert; quo jure, quave injuria extra studia partium positi judicent. Mihi sane isthoc è scripto decessisse potius nonnihil, quam accessisse sentio ad æstimationem, qua alias istum virum prosequer. Equidem recenset hic exempla Philosophiæ per Theologiam locupletatæ, ubi denuo adducuntur propositiones, quas vocant, *inustitæ*: sed per quas etiam ipsius Logici theoremata non magis augentur, quam Physica aur Medicina è miraculis. Circa *aquas supracælestes* debuisset distinctius supponere certum mundi systema. Ptolomaicum, an Copernicæum aut Cartesianum. Sed nec usquam S. Scriptura docet, *fontes & flumina* ita oriri è mari, ut ex hoc ad illorum capita per tubos seu canales quasdam subterraneas aqua permanet. Eoque Scripturæ S. non contradicit, si quis docet, vapores è mari ascendere, è quibus in pluvias resolutis & spongiosa tellure

exceptis fontes & flumina oriantur. Nec ad reliqua exempla, quod excipi possit, forte defuerit. Sed si utique deinceps ita philosophari pettendit Albertus, nemo sane prohibebit, nec puto magnopere admirabitur, modo alios, quibus confusus philosophandi modus non placeat, heterodoxias crimine non adspersgat, nec velut literarum divinarum contemptores traducat. Equidem in hisce complures passim propositiones occurrunt, cum ad alias Philosophiæ partes, tum præcipue ad moralem spectantes. Sed cum is earundem scopus non sit, ut Philosophiam doceant, istæ velut obiter & extra primarium scopum adjectæ intelligi debent, quæque adeo nativam constitutionem & indolem disciplinarum, è quibus quævis istarum propositum petitur, alterant. Sic licet Propheta Regis Ezechie apostemati emplastrum imposuisse dicatur è sicibus confectum, aut Samaritanus oleum & vinum viatoris vulneribus infudisse, haud ideo chirurgia utique è divinis literis discenda, aut chirurgia Christiana est comminiscenda. Non magis, quam Geometria Christiana opus est, quia populari modo in libris divinis ratio diametri ad circumferentiam exprimitur. Quanquam autem ponas, omnia præcepta legis naturalis sacrarum Literarum complexu contineri; id tamen non obstat, quo minus peculiaris sit disciplina juris naturalis, domesticis principiis, modoque demonstrandi & deducendi sua scita constans. Sic Scriptura S. præcipit, ne quis fratrem suum in emendo vendendoque defraudet. Sed num ideo ex eadem petendum, quid emptio venditio sit, quæque ejus requisita? Aut ideo Jurisprudentia Christiana extruenda, & si quis ex indole ejus contractus, ac communi constitutione generis humani id præceptum demonstret, tantum non pro homine profano est habendus? Aut quia Apostolus ultimas voluntates validas esse debere dixit, ideo Jcti non è domesticis principiis de natura & validitate testamentorum tradunt? Unde etsi ipsa præcepta legis naturalis in Theologia & Jure perpetuo eadem sunt; manet nihilominus Juris perpetui peculiaris disciplina, alteri non subordinata, præsertim ubi non quaestio est de veritate præceptorum, sed de methodo ejus disciplinæ, principiisque & modo demonstrandi; quæ usque adeo unice è rationis lumine promanant, ut ne Theologi quidem è sacris literis petere soleant, qua methodo corpus aut systema Théologiæ sit adornandum, sed Logices tradita respiciant?

ciant: Sed & labes, qua intellectus humanus infectus deprehenditur, non minus illos urget, qui sacra tractant, aut hypotheses suas è paradiso petunt, quam alios, qui solo rationis summe prævio philosophantur; cum non minus errorum & contradictionum sit aut fuerit inter eos, qui circa sacra dogmata versantur, singuli orthodoxiæ elogium sibi raptantes, quam inter Philosophos. Ubi tamen ob prava hominum interpretamenta veritas Verbi divini in se non corrumpitur, sed abstergis istis eadem pura enitescit: ita errores Philosophantium lumen rationis, & naturam rerum, velut genuinæ Philosophiæ principia, non corrumpunt, quin ejusdem liquida scita clucescant illis, qui abdicatis præjudiciis solidam ratiocinandi & demonstrandi viam insistant, quoad quidem humanæ perspicaciæ penetrare datur. Injuriam porro Philosophiæ faciunt, qui eam hominibus, ut sunt labe infecti, autoribus attribuant, cum & illa divinæ sit originis, resurgens ex lumine rationis, nobilissima utique DEI creatura, opera divina debito studio contemplantis. Quod si labes humanæ mentis eo usque porrigi debeat, ut ne modus quidem demonstrandi & sequelas necendi sincerus superfit, non video, quid certi ipsa Theologia sibi polliceri queat. Sane hæc res ipsas duntaxat, non modum sciendi tradit, & formalis connexio thesium Theologicarum, & quam subinde in ore habent Theologi bona consequentia animæ humanæ fœtus est, quam nisi observaverit Theologus, sine mente sonum dare, aut delirare videbitur, quicquid verborum aut sententiarum hinc inde è sacris libris confarcinet. De cætero inanis est Alberti metus; universalem hominum socialitatem ideo non posse haberi regulam agendorum, quia peculiaris societatis bonum ejusmodi regulæ vicem sustinere nequit. Id enim perinde est, ac si dicerem; bonus civis non potest omnia metiri proprio commodo, igitur non potest omnia metiri bono civitatis. Sed quia Albertus causæ suæ præsidium non tam in ponderibus rationum, quam flosculis eloquentiæ suæ reposuisse videtur, dum precibus blanditiisque tantum non puellaribus deliciis suas invitât, ut Lipsiam iterum advolare velint ad degustandam compendii orthodoxi ambrosiam, nemo ipsius adversario suaserit, ut ineptiendo cum isto certet, aut ad captandos aliquot imperitorum adolescentum plausus velut ad aram Lugdunensem non sine anxietate declamet.

Acrius insurgit in *Epicrisi* sua *Samuel Strimelsius*, Professor Francofurtanus, non solum omni Sophisticæ adparatu, sed & effusa ubertim conviciorum & scommatum colluvie, qua tanto importunius jactare se cœpit, postquam immensos spiritus eidem videntur accessisse, quia Pufendorfius rationes ipsius circa quæstionem de origine moralitatis præ Veltthemii scopis dissolutis commendavit. Quem & audio ingenti desiderio responsum à Pufendorffio hætenus expectasse, quod scabiosum ipsius caput acti lixivio valde opus habeat. Sed puto præstiterit, ut Strimelsius seipsum scalpat, postquam in præsens nemo tanto honore eundem dignaturus est, ut tam fædam impudentiam aliter quam contemptu vindicandum judicet. Mihi in tui gratiam, Marce suavissime, suffecerit paucis perstrinxisse, quæ circa rem ipsam idem dicto scripto movit.

§. 1. Arguit igitur, Pufendorffium, circa considerationem hominis, in disciplina Juris Naturalis statum tantum corruptum, ac nihil integri complexum supposuisse. Pufendorffius hoc ipso injuriam sibi fieri queritur, cum locis ibi adductis d. J. N. & G. L. II. c. I. §. 5. & c. II. §. 9. consideraverit hominem prout multis, egregiisque à DEO dotibus est præditus, quæ & hodie licet infra primævam perfectionem supersunt: uti est dignitas & præstantia humanæ naturæ præ brutis, anima immortalis, ratio, ingenium, intellectus ordinis; ac non solum in statum integrum, sed & cum, qui nunc est, cadunt. Hisce bonis affectionibus ejusdem prævaræ inclinationes subjunguntur. At qui in homine bona considerat, & idem hominem considerat, prout natura ipsius corrupta est, is haudquaquam hominem tantum considerat ut corruptum: nec si posteriori considerationi particula prout adponatur, ideo statim consideratio immediate prægressa aboletur. Sic & circa statum hominis quid velut fictum, quid tanquam verum consideret Pufendorffius de *Officio* l. 2. v. 1. §. 4. & *dissertatione de statu hominum naturali* aperte tradit. Eas fictiones si Strimelsium pro sua gravitate considerare non deceat, non decebat quoque easdem haud intellectas aut cavillatione detortas damnare. Interim Pufendorffius hominem semper consideravit non ut bestiam, sed ut hominem, i. e. ut animal ratione præditum. Id quoque nullus mortalium animo concipere potest, quare indignum sit homine, aut quomodo ad genus humanum susque deque habendum disponat, si quis

si quis vel hominem ab omni auxilio humano destitutum, vel genus h u manum imperio plane sublato sibi animo conceperit, ut vel utilitatem societatis, vel imperii civilis æstimare inde discat. Hypothesin aut thes in Pufendorſii per hoc retundi, quod *in nobis supersint reliquæ bonitatis*; neque opus esse, *ut in jure naturali homo consideretur prout corruptus est, & prout scetetur multis pravæ cupiditatibus*, id gratis & sine sensu dicitur. Nam reliquæ illæ bonitatis non utique universas humanas affectiones absolunt, sed præter eas in homine multæ quoque occurrunt pravæ cupiditates. Cur ergo non liceat in homine considerare & quod bonum superest, & quod corruptum est? Addit, *hujusmodi hominem hic supponendum, non vero in disciplina 7. N. tractandum ex professo*. Sed quis veterit in disciplina regendis hominum moribus destinata pravæ in homine cupiditates non supponere solum, sed & ponere, quippe quæ etiam citra sublimioris disciplinæ subsidium ipsis sensibus deprehenduntur? Præsertim cum citra has necessitas vitæ civilis intelligi nequeat. Neque tamen ex professo de statu corrupto hic, uti in Theologia, agitur, quæ in oppositione ad statum integrum, & secundum alios effectus, alioque fine istum considerat. Ita de pravitate mortalium Pufendorſius jure agere potuit, cum de primæva integritate paucis duntaxat insinuaret, quia Juris Naturalis disciplinam pro hominibus, quales nunc sunt, tradidit, non pro illis, quales in Paradiso quondam erant.

§. 2. Circa statum hominum naturalem quæ Strimelius movet, parum candoris aut ingenii præ se ferunt. Mirum est, istum Pufendorſio Hobbesium exprobrare non desinere, cum satis constet, in Germania hunc, quæ à vero abit, à nemine solidius destructum, quam à Pufendorſio, & quidem non solo Novatoris convicio, quo velut fulmine Cartesium prosterni à se judicant veteramentarii, sed rationibus ab ipsa naturæ & rerum indole petitis: ut tamen idem multa durius dicta ad genuinum sensum, quantum res ferret, deflexerit, & recte dicta adspernanda non duxerit eam solum ob causam, quod ab Hobbesio prolata forent. Quo candore si omnes Philosophantes uterentur, plus profectum, minus rixarum in re literaria existeret. Igitur qui post tot protestationes ac demonstrationes Hobbesii nomine Pufendorſio invidiam apud vulgus literatorum facere non desinunt, malignitatem animi sui nimis quam impudenter apricantur. Porro quæ Strimelius circa statum na-

turalem, prout is à Pufendorffio designatus est, carpit, manifeste arguunt, ipsum quid hic eo sibi statu velit, non intellexisse. Ad nauseam usque à Pufendorffio inculcatum fuit, statum naturalem ipsi vocari conditionem eorum, qui nulli humano imperio subsunt, ut talium. Quali in statu omnes vivunt Reges, & qui par hisce imperium habent. Cujus indolem atque jura ira distincte & perspicue descripsit Pufendorffius, ut ante eum nemo. Eo turpius labitur Strimesius, quod cum statum naturalem à Pufendorffio *sociali statui opponi* scribit; quod nuspiam ab hoc factum. Recte porro Pufendorffius in statu suo naturali hominem à nemine præter Deum dependere statuit. Sed quod idem ejusmodi homini jus tribuat ad omnia conservationi sui se judice insertitura, idque juxta naturalem, omnibusque animantibus insitam legem; aut quod genus humanum non ad superiorem dignioremque quam de corporis sui conservatione homini cum brutis communem legem alligatum arbitretur; id quomodo salva fronte dici queat, non video. Sane rationem, eamque sensu æternæ legis imbutam in statu naturali viventium regulam facit Pufendorffius; quæ puto non omnibus animalibus est insita, nec homini communis cum brutis lex. Dum autem Strimesius Pufendorffium reprehendit, quod suo sensu statum naturalem dari dixerit; eadem opera damnat Reges atque Respublicas, quibus ea præcipua dignatio habetur, quod præter Deum neminem superiorem agnoscant. Quod de contradictionibus pergit, quibus statum naturalem à Pufendorffio designatum premi arguit, vix citra commiserationem legi potest. Jam antea monitum fuit; Pufendorffium nuspiam statum naturalem revera existentem *statui sociali* opponere. Unde non magis contradictio est, si dicam; 'status naturalis revera nunc existens id habet, ut quis cum aliquibus hominibus peculiari societate jungatur; quam si dicam: Rex Persarum vivit in statu naturali respectu aliorum Regum & Rerum publicarum, qui tamen idem cum uxoribus, cum liberis, cum ministris, cum civibus suis peculiari societate jungitur. Secundam contradictionem ipse Strimesius explodet, si mente concipere possit, unum eundemque hominem respectu quorundam hominum vivere in statu naturali, respectu aliorum in statu adventitio. Sic Rex Persarum respectu Turcæ, Mogoris, Mosci, aliorumque Regum in statu naturali, respectu subditorum suorum in statu civili degit. Nam Persa, Turca, Mo-

gor, Moscus invicem unus alteri non sunt subiecti, neque communem in terris habent dominum; quæ est definitio in statu naturali viventium: qui tamen plurimos alios homines possunt habere peculiari ipsis vinculo innexos. Tertiam contradictionem nemo somniabit, cui integra valetudo constat: *Hominem cum aliquibus hominibus peculiari societate junctum, nemini tamen præterquam Deo subiectum esse.* Sane Schach Abbas cum aliquibus hominibus, puta uxoribus, liberis, aulicis, civibus suis peculiari societate jungitur; nec eo minus gloriatur se nemini præterquam Deo subiectum. Quarta itidem contradictio expirat, si Pufendorfii thesis cum Strimesii commentio conferatur. Illa est: in statu naturali constitutus, habet facultatem è proprio judicio & arbitrio agendi omnia, quæ sanæ rationi congruunt. Quæ plurimum discrepat ab ea, quam Strimesius finxit: *hominem in statu naturali ex proprio judicio atque arbitrio agendi habere facultatem; & nihilominus singulos juxta dictamen certa rationis agere.* Id nimirum ex mente Pufendorfii est fraternitatem Gesenii affectare, non de sacris ejusdem participare velle, sed alterius theses non intellectas aut malitiose detorras impudenter cavillari. Parisindolis est quinta contradictio. Thesis Pufendorfii est: *status naturalis antequam in civitates concessum est, i. e. status patrumfamilias segregum multa habet adjuncta incommoda.* Hanc ita deformat Strimesius; *in hoc statu singulos juxta dictamen rectæ rationis agere, & nihilominus statum hunc per se plurima habere adjuncta incommoda.* Hoc nimirum est alium contradictionis arguere. Porro quanquam status v. g. parentum & liberorum recte possit vocari naturalis hoc sensu, quod naturæ rerum & placito Creatoris sit congruus; haud minus tamen fas fuit Pufendorfio eundem statum parentum & liberorum inter adventitios referre, naturali in alio sensu contradistinctos; quia idem non nisi facto humano interveniente existit. Id quoque contradictionem involvere videtur Strimesio: *Statum naturalem id habere, ut quis cum aliquibus hominibus peculiari societate jungatur, & tamen hominum nemini præterquam Deo in eo subiectus sit, omnibus vero hominibus æqualis.* Et si hoc à Pufendorfio tradi Strimesius negat: æquivalentia tamen verba, sensumque apud eundem reperiri contendit. Nam, inquit, *si in statu naturali quisvis cuiusvis alteri, cui neque ipse subiectus est, neque idem subiectum habet, æqualiscensetur: qui fieri aliter potest, quam ut aliquibus hominibus peculiari societate*

tate junctus, & nemini praterquam Deo subiectus, illis omnibus, pariter nemini praterquam Deo subiectis, equalis sit? Hanc sententiam Pufendorfio non repugnare perspicio: sed eandem priori sententiæ Strimesii haud æquivalere manifestum est. Sane æquivalentia non sunt: qui in naturali statu vivit, omnibus hominibus est æqualis: & qui in naturali libertate vivit nulli homini subiectus, is æqualis est omnibus illis, qui nemini subiecti sunt. Prius assertum, quod Strimesius sibi finxit, falsum est. Posterus Pufendorfii traditum manifestæ veritatis est: saltem illis, qui rem intelligunt. Pertinacis porro stuporis est indicium, quod Strimesius denuo sibi ostendi petiit *Societatem*, in qua omnes æquales sint, nec alter alteri subiectus. Nec minus, quod idem *societatem & statum naturalem* pro synonymis habet. De cætero, quid planius est illis, quæ Strimesius animo concipere non potest? Sane v.g. Schach Abbas cum aliquibus hominibus, puta Persis, peculiari societate jungitur, ipse velut Rex soli Deo obnoxius, cum cæteris Regibus itidem nemini subiectis, æqualis agit quod in omnes Reges congruit. Sed & nosse debebat Strimesius, statum eorum, qui in naturali libertate invicem degunt, utut communi socialitate junctorum, societatem proprie non esse, nec vocari posse: v.g. Mogor, Persæ, Turcæ, Moscæ invicem in una societate non vivunt, seu una peculiari societate non continentur; singuli tamen cum aliis sibi subiectis in societate vivunt. Sententia Pufendorfii, *quod sui ipsius conservationi quam maxime studeat, qui credit, se non sibi, sed toti mundo conditum*, quare carpatur, non perspicio, cum ei conspiret dictum 2. Sam. 18, 3. 21, 17. Negat deniq; Strimesius, rationem fuisse redditam, quare plures quam quatuor status dentur. Atqui subjunxerat utiq; Pufendorfius, in Theologia quadruplicem duntaxat hominis statum dari: id quod non obstat, quo minus hominis status seu conditio in disciplina Juris aut Medicinæ alio respectu consideretur. Ita toto hoc capite stuporem suum apricatus est Strimesius, dum à se non intellecta miro animi impetu oppugnat.

§. 4. Super principali quæstione de origine moralitatis in aperto est, statum controversiæ à Pufendorfio non insidiosè, sed ingenue & simpliciter formatum, & ad moralitatem in actionibus humanis fuisse restrictum; extraquam aliis eandem protrahere fas non est, nî cum propria umbra luctari velint; à qua culpa nec Strimesius immunis est. Cæterum principio ejus controversiæ de distinctione inter existentiam & essen-

essentiam rerum nihil jactatum reperi, sed ab autoribus rixæ illius simpliciter voluntatem Dei ab origine moralitatis exclusam; eamque distinctionem post prolatam ab illis, qui nugatoribus istis succenturiari voluerunt. Pufendorfio etli satis esse poterat evicisse, moralitatem rerum quoad existentiam voluntate Dei posteriorem esse; tamen laceffentibus adversariis ideim quoque circa essentiam asserere est conatus. Et quia de rerum essentis, ideis atque universalibus veteres juxta & recentiores Philosophi in diversa abeunt, Pufendorfio hæc arrisit sententia, quæ essentias rerum ab existentia abstractas non nisi conceptus rerum inadæquatos agnoscit, in cerebris Philosophorum primum enatos. Unde nimis liberalem putamus illationem Strimesii: *Si conceptus rerum generales è rebus utiq; existentibus aut exituris formati, ab interitu individuum, seu ab existentia vel non existentia hujus vel illius individui non dependent, (non simpliciter ab existentia vel non existentia;) absurdum non esse istorum aternitatem ante primam rerum actualem originem & existentiam velut retrahere* hætenus, ut cum existentiam earundem voluntas divina antecedit, hæc in conceptibus illis abstractis rerum naturam consequatur. Omnipotentiam autem Dei, prout à voluntate ejusdem abstrahit, essentias rerum non inferre haud obscurum arbitramur. Nam præter rationes jam à Pufendorfio allatas patet, essentias rerum utique certi quid esse, atq; definiti. Atqui omnipotentia Dei, antequam ad certi quid per voluntatem determinata fuerit, indifferenter ad hanc vel illam, talem vel talem essentiam habere se intelligitur. Igitur posita potentia Dei, ponitur sane aliquid extra Deum esse posse: sed quia illa potentia in se non est definita, & ad certi quid determinata, seu quid est *omnipotentia*, ideo illis, quæ esse posse dicuntur, certa & definita essentia tribui nequit, quousque omnipotentia illa per voluntatem Dei ad certi quid restricta fuerit. Sane qui negat hominem esse posse, negat Divinam omnipotentiam. Nequaquam tamen posita omnipotentia Divina ponitur essentia certa & definita hominis seu rei, cui certa definitio competat, nisi posita quoq; voluntate Dei. Igitur Pufendorfius quando concessit; *primum fundamentum, ut aliquid extra Deum esse possit, esse omnipotentiam*, nihil concessit, unde Strimesio præana sibi canendi tanta causa surgeret. Nam nuda & indeterminata possibilitas essentia nomine venire nequit, & *essentia indeterminata* *ενδιεικνυται* est. Contra ultimata responsio, quare

Ecc

cujus-

ejusvis rei essentia talis sit, non est hæc, quia Deus est omnipotens, sed quia Deus ita voluit. Quo non parum faciunt, quæ Pufendorffius de discrimine potentiarum adiderat; ad quæ ultro oculos sibi clausisse videtur Strimesius, ut sine rubore convitari posset. Sane quam maxime ad rem facit, omnipotentiam Dei, quantum ad exercitium & ad extra, non esse facultatem necessariam, utut eadem essentialis sit. Equidem si Deus non esset omnipotens, Deus non esset: ejus tamen omnipotentia non necessario, sed libere se exserit. Saltem id inde patet, male ratiocinari Strimesium, quando ait: *Omnipotentia divina concepta essentias rerum in genere & indeterminatas, sicque per consequens easdem in specie hominis & honesti humani determinatas, etiam non concepta Dei voluntate, concipiendas esse.* Sic posito figulo & argilla possunt fieri vasa fictilia. Sed antequam figulus secum constituerit, an operari omnino, & qualia vasa conficere velit, urcei aut patinæ essentiam frustra investigaveris; quæ tunc demum resultat, quando figulus ad operandum, & hoc ac non alio modo operandum se determinaverit. Ante eam determinationem, quæ voluntatis est actus, potentia figuli indifferenter ad hanc vel illam vasis essentiam se habet. Vasibus semel confectis licet eorum essentiam etiam ab existentia abstrahendo concipere; ut tamen, si quæstio exsurgat, unde vasibus talis & non alia sit essentia, voluntas figuli nullo modo excludi, aut illa essentia ante ejusdem voluntatem poni queat. Nam conceptus, & modi concipiendi sequuntur ipsas res prout existunt, non vice versa: Est tamen discrimen inter Deum Creatorem & figulum, id est, inter omnipotentem, & eum cui finita est potentia, disciplina aut meditatione acquisita, quod in hoc ante opus requiratur idæ, quæ & existere potest ante voluntatem producendi: quod inde provenit, quia in isto est potentia certis limitibus circumscripta. Id quod in eo non videtur necessarium, in quem quadrat illud: *dixit & facta sunt.* Igitur infelicitèr ratiocinari arbitramur Strimesium: *Si acquisita potentia idæ objectorum necessario infert, nempe propter finitam naturam; ergo & omnipotentia Dei essentielles objectorum suorum ideas necessario inferret, & quidem tales, quæ voluntatem divinam antecederent.* Perdit quoque operam Strimesius in sequentibus.

§. 8. Non negat Pufendorffius in actionibus turpibus occurrere certum genus contradictionis, quod tamen nisi posita voluntate divina intel-

intelligi nequeat. Talem tamen in actionum humanarum turpitudine contradictionem negat apparere, qualis est, sibi duo negentur esse quatuor. Hoc enim negato, idem negatur esse idem. Qualem quidem contradictionem Strimesius hic nondum demonstravit.

§. 9. Porro uti Strimesio *ἡρώδης* Pufendorffii videtur, hominis ideam à sola voluntate divina seu origine proxima suspensam, non autem ab omnipotentia Dei antecederet ad ejus voluntatem promanasse: ita contra Pufendorffius *ἡρώδης* Strimesii judicat, aliam originem existentis rerum, aliam essentis, quæ non nisi inadæquati istarum conceptus sunt, attribuire; & cum concedatur, à voluntate Dei esse, ut res quales sunt, existant, negare earundem essentias, ut tales sint, à voluntate divina esse. Cui & displicet, essentias rerum velut possibiles ab omnipotentia divina, velut voluntatem divinam atgressa, derivare. Sufficere quoque judicat Pufendorffius essentias rerum inquirere, quæ per voluntatem divinam extiteret, & adhuc existunt. Sed quia omnipotentia Dei latius se extendere posse intelligitur, quam ad universitatem rerum creatarum utpote finitam; hæc puto Strimesii mens est, illis etiam, quæ contradictionem non involvunt, cum ab omnipotentia Dei produci non repugnet, essentiam utique velut possibilem tribuendam esse, utut ea Deus neque produxerit, neque producere voluerit. Quibus essentis delineandis, ut Strimesius sese jactat, Pufendorffius credo non invidet. Cæterum neque in Cartesii, neque in ullius Philosophi verba juravit Pufendorffius, etsi valde prober institutum viro- rum ingeniosorum, qui magis è dictatis sanæ rationis, & curiosis naturæ observationibus, quam è Scholasticorum ac vulgarium Peripatheticorum nugis sapere malunt. Strimesius porro nunc omnipotentiam divinam sanctitati & bonitati sociat, cum hætenus solius omnipotentiae mentionem in hac disceptatione fecisset. Eam sapientiam atque bonitatem liberas facultates neque absurde neque incogitanter pronuntiavit Pufendorffius; quia sapientia & bonitas ideo maxime adoranda est, quod libera voluntate comitante exercetur. Sed glossema Strimesii putidam cavillandi libidinem arguit, *liberas i. e. non necessarias*: quasi quispiam sanus in dubium revocare possit, quod Deus utique essentialiter & necessario sit sapiens & bonus; cum nisi talis non esset, Deus

non esset. Nec minus tamen sapientiam & bonitatem Deus non exserit necessario velut machina quæpiam, sed libere, id est, ex optima sua voluntate. Nuspiam tamen Pufendorfius originem bonitatis & malitiæ in *absolutam* Dei voluntatem contulit. Etsi haud quidpiam sinistri humano generi metuendum autumet, si origines rerum in voluntatem Creatoris optimi & sapientissimi referantur, quam alii essentis à voluntate ipsius non dependentibus velut capitulatione aliqua Cæsarea adversus abusum potentiae circumscribere velle videntur. Quomodo autem per hanc sententiam discrimen legum naturalium & positivarum tolli, aut peccatorum æqualitas statui videatur, quod Strimesius arguit, nobis quidem haud adparet.

§. 10. Sicigitur Pufendorfius haud magnopere metuit indignationem Divorum Metaphysicorum, Regni Barbarici numinum tutelarium, nec adeo difficulter sententiam suam ab absurditatibus philosophicis liberabit, quas ut aliqua specie impugnare adversarii possent, id solenne artificium adhibetur, ut subinde vocabula quædam inferciant, quo ejusdem sententiam depravent, suspectamq; & calumniis opportunam reddant. Sicuti sane non est pro Strimesii candore, cujus ipse solus præconem agit, quod dicit; à Pufendorfio omnem bonitatem & malitiam à *libera* Dei voluntate ceu fonte ultimo arcessi, quod vocabulum circa hanc quidem materiam in scriptis ejus non extat, & quid eidem insidiarum subsit, haud obscure peliucet. Cum cordatis quoq; Theologis facile Pufendorfio conveniet, qui magno studio circa tradendum Jus Naturale id egit, ne quid controversiarum Theologicarum attingeret. Quo fine & monuit, quæ de indole justitiæ punitivæ in foro humano exercendæ docentur, ad justitiam divinam in tribunali divino exercendam omni ex parte haud quadrare, eoque ex hisce principiis Socinianos vix solide refutari posse, cum tota œconomia salutis nostræ mysterium sitrationi sibi relictæ incognitum, supraq; ejusdem captum positum. Revelatione autem divinitus facta nunquam dogmata ista parum rationalia seu rationi repugnantia censuit Pufendorfius. Cum positis principiis quæ revelatio divina suggerit, non adeo arduum sit rationalem quasi consecutionem & catenam articulorum fidei investigare; ac misere se res Christiana haberet, si id demum è Strimesio disci deberet. Sed qui revera ingens ingenii sui specimen editurus esset, si ista è sola ratione,

amota

amota revelatione divina, demonstratum iret. Quam feliciter Hugo Grotius, aut alii è principiis juris humani Socinianos refutaverint disquirere à Pufendorffii instituto alienum fuit; cuius quoque non interest, quid circa hanc materiam mediretur Strimesius, à quo inligne hic jubar edita hucusque Specimina vix pollicentur. Qui & malignum candoris sui specimen exhibet, quod cum primum de errore alterius proposuisset, post quomodo ab eodem Pufendorffius se liberet, lectorem ad ejusdem scripta remittat: quod artificium est illorum, qui imperitis scrupulos & sinistram de aliis opinionem insinuare instituunt. Quare enim is non potius apertè arguebatur, aut absolvebatur? Quod denique ex justitia Dei argumentum duci posse putat Strimesius, ut Pufendorffius causa tota cadat, id nondum ad liquidum perductum est. Est Deus utique natura sua justus, & si injustus esset, Deus non esset. Sed quia justitia est attributum Dei, ut est conditor & tector hujus universi, *Genes. XVIII. 25.* neque intelligi potest, nisi alii extra ipsum existant, sicuti & humana justitia est virtus ad alios: igitur non repugnare videtur, à voluntate Dei primo esse, ut sint objecta, circa quæ justitia Dei locum habeat.

§. 11. Cæterum postquam Strimesii vestigia legere placuit, etiam quæ ille subinde ad prius jam inculcata revolvitur, sequendum est, etsi non sine meo, tuoq; Consobrine suavissime, tædio. Protestatus fuerat Pufendorffius, à se tantum investigari originem moralitatis in actionibus humanis. Ejus origo cum quoad existentiam à voluntate Creatoris sit, quod nemo abnuat, putat Pufendorffius etiam quoad essentiam non aliud eidem principium posse attribui. Ideo nempe quia essentia rerum creaturarum non sunt aliquid ante ipsarum existentiam, sed sunt conceptus rerum inadæquati. Quarum & idea fingi cum ratione nequeunt, nisi posita voluntate Dei talibus aliquando existentiam tribuendi. Huc progressio quiescere non conceditur Pufendorffio, sed utique ad rimanda divina naturæ adyta compellitur, dum importune occinitur; in signo rationis divinæ à bono morali voluntatem præcedi; cum iste temerarium judicet, si mortales ita confidenter naturam divinam ad modulum humanæ rationis exigant. Nam id signum rationis quid aliud est, quam ordo & modus concipiendi naturam divinam ad modulum nostræ rationis? Quia tamen eam disceptionem defugere ipsi per importunitatem adversariorum non licuit, non adeo arduum ipsi fuerit ostendere, voluntatem in signo rationis post

bonitatem & sanctitatem non esse collocandam, quidquid Scholasticorum scita dictitent, quibus nondem, quod sciam, autoritas omni exceptione major consensu Deorum atq; hominum collata est. In summo quippe Ente ad normam rationis nostræ considerato tria potissimum è positivis attributis velut prima occurrunt, intellectus, voluntas & omnipotentia: cætera attributa positiva isthæc velut comitari intelliguntur. Sic sapientia concipitur velut perfectio intellectus divini; bonitas, justitia, sanctitas, velut perfectio voluntatis. Quam ob rationem bonitas in Deo, voluntati non opponenda, aut anteponenda, sed vel postponenda, vel quasi concomitans concipienda est, ut dicatur bona, sancta, justa Dei voluntas. Hæc quippe attributa in Deo, nisi posita ejus voluntate non magis intelligi possunt, quam suo gradu in homine, si huic voluntatem detrahere velis. Et si haud quidquam asseratur, illa hæc enus à voluntate divina originem ducere, ut ab actu divinæ voluntatis demum resularint. Duorum igitur attributorum, si unum se ita habeat ad alterum, ut illud absque hoc intelligi nequeat, & singularem quandam perfectionem eidem largiatur, illud utique priusquam hoc concipi non potest & debet. Jam autem Deus bonus, sanctus & justus intelligi non potest, nî voluntate præditus concipiatur, eoque ista attributa Dei sunt ut volentis, divinæque voluntatis perfectiones. Unde patet, frustra in hac disceptatione vel naturam Dei, vel ejus sanctitatem aut bonitatem voluntati ejusdem opponi, aut illam potiori jure, quam hanc primam bonitatis moralis normam dici. Palmaria si ratione destructa nil amplius periculi sententiæ Pufendorffii imminet à distinctiunculis inter actum primum obligationis, & actum secundum, inter essentiam legis, ejusque existentiam; quarum inanis applicatio facile patebit, si quis superius & alibi disputata expendere velit. Ac non nisi abusive obligatio dicitur consecutio ejus, cujus antecedens à voluntate nostra originem traxit. Nec tantas tragoedias excitari par erat, quod quædam verba ex *Osiandro* pro sua sententiâ allegasset Pufendorffius, et si circa aliam partem iste ab eadem discrepet. Deinceps quoque puto, desinet mirari Pufendorffius aliquid quantumvis ineptum, aut importunum à Strimesio proferri, postquam hic tanta Specimina tetrici ac maledici Sophistæ dedit. Qui enim antea bene de aliquo senserat, is miratur, cum turpiter eum se dare videt: sed ubi pudorem plane eundem decoxisse perspicit, nihil amplius miratur, quicquid idem stolidè effutierit. Id quoque
non

non repugnat, ut diversæ rationes adducantur, quare homini bona facienda, mala omittenda sint, puta, quia id divinæ sanctitati, aut rectæ rationi, aut imagini divinæ congruit. Ex quo tamen nullo modo consequitur, moralitatem actionum humanarum promanare à principio, quod antecedit voluntatem divinam: adeoque non sequitur; hoc vel illud congruit imagini divinæ, igitur per se & sua natura honestum est antecedenter ad voluntatem divinam.

§. 12. Denique & conceptum Pufendorffii circa attributa divina frustra cavillari videtur Strimesius. Utrique in confesso erat, attributorum divinorum ratione ipsius rei non esse unum altero prius aut posterius. De quo quod Pufendorffius verbo monuerit, nulla Strimesio mordendi causa erat. Nostro autem concipiendi modo attributa divina considerari possunt vel simpliciter, vel in ordine ad productionem rerum creatarum. Circa priorem considerationem agere, Pufendorffio propositum non fuit; qui & semper protestatus est, sibi tantum originem moralitatis in actionibus humanis investigari. Circa posteriorem autem considerandi modum haud adparet ratio aut necessitas, quare Deus prius omnipotens, quam intelligens & volens seu liber concipiendus sit. Saltem id manifestum est, voluntatem Dei velut ab ejusdem omnipotentia dependentem non intelligi; aut Deum non posse liberum ens concipi, nisi prius concipiatur omnipotens. Id enim falsum est, quod Strimesius tradit, omnipotentiam Dei voluntate divina necessario priorem concipiendam, quia *potentia in signo rationis semper actum antevertit*. Nequaquam enim omnipotentia divina habet se ad voluntatem divinam, sicut potentia ad suum actum. Quin ipsa voluntas non notat actum seu volitionem, sed potentiam libere se determinandi. Unde sophisticatio est, qua non nisi pueris illudi queat, quod subjungit Strimesius: Deus cum primis in respectu ad res extra se positas prius *posse velle, quod omnipotentia comprehenditur*, quam actu velle intelligitur. Nam id *posse velle*; id est, ea facultas libere se determinandi non comprehenditur sub omnipotentia; sed omnipotentia respicit extra Deum res creandas, quæ cum sit omnipotentia, id est, immensa, infinita, circa investigandas origines rerum creatarum prioris præ voluntate principii rationem habere nequit, quippe cum per voluntatem demum ad certi quid determinari intelligatur. Uno verbo; omnipotentia Dei non ideo dicitur, quod Deus possit intelligare

aut

aut velle, sed quia potest facere, quicquid vult. Quod autem est sententia Pufendorffii sequatur id, quod quidam Cartesiorum amittere, si Deus aliter voluisset, bis duo non fuisse futura quatuor, eoque essentias rerum ab omnipotentia, non à voluntate provenire, hoc mihi non videtur. Pufendorffio sufficit, naturam rerum & intellectum humanum voluntate Creatoris ita formatum, ut hanc propositionem, bis duo non sunt quatuor, concipere nequeat. Quid futurum fuisset, si Deus rerum naturam & intellectum hominis aliter creasset, ut ea velut vera concipi possent, quæ nunc ut se mutuo destruunt concipiuntur; alios anquirere patitur, quibus magis vacat telas arancarum texere atque retexere. Nec ideo omnipotentia DEI voluntatem ejusdem prioris loco à rebus creandis depulerit, quia confusa & indistincta quaestio, cur *aliquid* extra Deum esse queat, in potentiam Dei sit resolvenda. Nam istud *aliquid*, nunquam accedente voluntate Dei, quantum à nihilo differt? Aut quid essentiae *et aliquiditas*? Ut autem rebus certa essentia attribui queat, necessum est, potentiam Dei, quæ non definita aut limitata, sed omnipotentia est, ad certi quid & definita voluntate fuisse determinatam; unde & ad hanc præcipue origo effectus refertur. Super *Socialitate & fundamentali legis naturalis propositione* cum Strimesius maledicentiae & iratum affatum, solidæ rationis nihil adferat, non est, quod cordatus quispiam ista moretur.

Modestum se satis, & prout eruditum virum decet, exhibuit *Job. Joachimus Zentgravius in Originibus Juris Naturalis*. Earum procennio hætenus quidem satisfecisse Pufendorffio videri potest, quod declarat, non ipsum, sed alios à se insimulari ejusmodi errorum, quos bonus ac pius vir de se credi, tolerare non potest, nec debet. Et si satius fuisset, isthanc declarationem priore scripto fuisse distinctius expressam, & clarius expositam, si quid circa Pufendorffii sententiam monendum videretur, nec ejus nomen illis admixtum, qui dogmata sua ab absurditate aut impietate purgare vix possunt. Et cum non distineatur Zentgravius, discussionem sententiæ Pufendorffianæ præcipuam sibi occasionem præbuisse scriptum id formandi, non vacabat ratione suspicio, ne in ipsum iacta forent dicta, quæ nemo honestus tacite degluerit; præsertim cum non constaret, de quonam Lectores eadem acccepturi essent.

Circa controversiam primam de doctrina Juris Naturalis ad disciplinam Christianorum tradenda post factam hancce à Zentgravio declarationem parum dissensus superfuturum videtur, quæ nullas fuisse insidias ostendit, quales in Alberti Compendio *Orthodoxo* pellucebant. Id tamen non inficiabitur Zentgravius, ad liquidum prius deducendam universalem doctrinam juris naturalis è solo rationis lumine petitam. Qua adornata nemo repugnabit, quo minus si quid peculiarium dogmatum inter sectas Philosophantium, vel certam religionem professos receptum fuerit subvertatur. Ubi si quis universi juris disciplina probe imbutus fuerit, ei in proclivi est observare, quæ singularum civitatum Legislatores superaddiderunt, quemadmodum autem infelici-ter circa jura versantur, qui nullo positivorum & perpetuorum discrimine hæc invicem confusa tractant: ita intricari magis, quam illustrari disciplinam juris naturalis judicaverim, ni hoc discrimen probe observetur. In isthac autem tractatione, quod Pufendorsius nullam rationem habendam censuit Moralistarum, qui duobus abhinc seculis orbem Christianum immensa voluminum mole oppleverunt, nec adhuc opplere desinunt, causa ipsi fuit, quod eorum institutum præcis Ecclesiæ Doctoribus ignotum id spectet, ut Laicorum, quos vocant actiones non amplius è liquidis divinarum literarum, aut rectæ rationis dictatis, sed è Sacerdotum libidine suspendantur, omnia ad dominatum sacrum referentium.

Circa secundam quæstionem, quæ palmaria est, de *Origine Moralitatis seu Legis Naturalis*, id agnoscit Zentgravius, DEO ejusque voluntati cum bonitate, sanctitate, & sapientia conjunctæ quicquid est in acceptis referre suum esse, tum ut sit id, quod est, & ut tale sit, & à Creatore unicuique creaturæ assignatum tum essentiam, tum partes & requisita, è quorum combinatione talis & non alia prodiret natura. Sed si quærat de ratione ipsius naturæ rei, unde in genere causæ formalis, non in genere causæ efficientis, sit, quod v.g. homo sit animal rationale, blasphemia turpis, ad voluntatem DEI non esse recurrendum: sed sicut v.g. in triângulo è tribus angulis contiguis formaliter oritur triângulum, ita è combinatione animalitatis & rationalitatis oriri hominem. Unde sicut ratio veri, prout ficto opponitur, ita requirat in triângulo, non quæ antecedens præcisè divina voluntas: ita veritatem humana naturæ, quæ immutabilis sit, immuta-

biliter quoque determinatam certorum essentialium requisitorum connexionem requirere, cum non ex quolibet quodlibet fieri queat, nec idem ut vere idem seu eadem natura sit, & maneat, ex diversa & opposita constare possit ratione, sic ut velit proin Deus hominem creare animal rationale, quia ejus veritas quatenus sic opponitur ita habet; non autem ideo præcisè homo sit animal rationale, quia Deus ita vult. Esse quidem voluntatis divinæ etiam antecedentis & assignantis, ut animalitas & rationalitas ad creaturam completam, qua homo dicitur, constituendam combinetur: sed ipsam combinabilitatem, & veritatem hanc, quod ex animalitate & rationalitate combinata oriatur species, qua homo dicitur, & quod hac sic exoritur species, quæ talis horum & non aliorum requisitorum connexionem immutabiliter velit, hoc se vicissim ad illam habere antecedenter. Addit tamen, haud crude dicendum, voluntatem Dei ab eo penitus excludi, quod ad eam se antecedenter habet. Quod enim consequenter Deus designat, approbat & confirmat ex infinita sua sapientia & dictamine, fieri decernit, ab eo voluntas ejus non simpliciter exclusa dici debet. Puto me sensum horum distorum recte concipere, & brevius juxta, clariusque exprimere, si dicam: Voluntati Dei omnes res creatas, & cuique essentiam suam una cum existentia assignatas: sed quod homini talis natura, qualem jam habet, & non alia fuerit tributa, id non à voluntate Dei esse, sed antecedenter se ad eam habere, quia alias non verus homo, sed fictus & quasi contradictorius factus esset: cum veritas rerum ac mutui earum respectus à voluntate Dei non sint, sed eam antecedere intelligantur. Pusendorfium contra video essentias considerare, vel prout res jam sunt creatæ, vel prout nondum creatæ concipiuntur. Priori modo essentias nil aliud censet esse, quam conceptus rerum inadæquatos, qui à particularibus & variantibus rerum attributis, & hujus vel illius individui existentia abstrahunt. Sic quando v. g. ab homine omnia attributa, quibus individua varie vestiuntur, abstraham, & id solum retineam, quod ita illi proprium est, ut eo negato in diversam speciem sit abiturus, remanet natura animalis & rationalis. Quod si autem quis interroget, unde constet, homini hanc essentiam non fictæ, sed vere attribui; adeoque veram esse hanc propositionem, homo est animal rationale; id planissime putat posse responderi, quia talis creatura in rerum natura existere conspicitur, cui hominis vocabulum inditum. Contra enim si jungantur conceptus, qui in rerum natura non existunt, v. g. chimæra, ficta non vera res exprimitur,

non

non minus ac si, quæ natura disjunxit, conjungere aggrediar, v. g. si hominem animal latrabile, canem animal rationale dicam. Cum igitur existentia revera prior sit essentia, & hæc non nisi partem exprimat ejus, quod existit, & verum exprimat id, quod revera datur seu existit, fictum notet id, quod existere traditur, cum non existat, aut secus existat: dicendum ipsi videtur; sicut à voluntate Dei res habent existentiam, ita & essentia, & quod vere sint illud, quod sunt, quas si homo taliter conceperit, verum concepsit, sin prave, falsum, sin conceperit, quæ non extant, ficta concepsisse dicitur. Si igitur eidem non adparet, quomodo & à naturali connexionem attributorum cujusque rei essentialium, & à veritate ejusque fundamento, hoc quidem considerando modo excludi queat voluntas divina, etsi intellectus humanus, dum res contemplatur, tantisper ab ipsarum prima origine abstrahere queat, adeoque & à voluntate, rerum natura, quam existere conspicit, contentus. Verbo, cum essentia existentie contradistincta sit, tantum conceptus inadæquatus ejus, quod existit, & veritas velut expressio respondens ei, quod existit, existentia autem à voluntate Dei sit, igitur nec ab essentia, nec veritate rerum voluntatem Dei excludi posse, sed utramque ab hac utique promanare. Quod si autem essentia rerum, & connexiones attributorum essentialium cujusque rei ante earundem existentiam, & prout ante creationem considerentur, Pufendorfius putat, eam ab intellectu humano concipi non posse, nisi concepto decreto voluntatis de creanda qualibet re. An vero ante decretum Dei de creanda rerum universitate essentia rerum, quales nunc concipiuntur, intellectui divino observatæ sint, eademque tunc rerum veritas, & conceptuum combinabilitas fuerit, qualis nunc est, Pufendorfius inquirere non vult; nec credit alium operæ pretium facturum, si ea de re vigilans somniet. His ita positis non desunt, quæ ad Zentgravii tradita reponi queant: *Veritas humana natura est immutabilis*; esto, non tamen antecedenter ad voluntatem divinam, sed quando Deus decrevit facere hominem ad sui similitudinem. Eo decreto posito humana natura immutabiliter requirit certorum essentialium requisitorum connexionem, quia ejus, qui sapienter agit, voluntas sibi non contrariatur; quod fieret, si volendo creare animal mentis capacius altæ non veller creare id rationale. Unde *combinabilitas* animalis & rationalis nature sub hac hypothese tantum necessaria est, si Deus voluit hominem

creare. Alias in seista *combinabilitas* usque adeo necessaria non est, ut plurimæ dentur animales naturæ, quibus rationalis conjuncta non est, & rationales, quibus animalis conjuncta non est. Similitudo, quam Zentgravius adfert, de artifice candelabrum aut amphoram producente, ut ad præsentem disceptationem quadret, ita est adaptanda. Ponendus est artifex, qui primus omnium vasa formare instituit. Is habet materiam ductilem ad quasvis formas: sed prout ex vase aliquem finem querit, ita figuram eidem indit. Si igitur velit formare vas sustinendis candelis, talem formam assignat, qualem fini suo congruere judicat. At qui & forma ejusmodi valis, quod candelabrum dicimus, & congruentia ejus formæ cum fine ad voluntatem artificis antecedenter se non habet. Sed idem si, dum candelabrum voluit formare, amphoram formaverit, stolide operatus censebitur. Ita nec rationes istæ formales, nec terminorum, & attributorum connexiones voluntatem Dei antecedunt. Et plane contradictorium videtur, immutabilem & æternam essentiam veritatemque voluntate Dei priorem ponere rei, quæ quod sit, & talis sit, à voluntate Dei habear. Quanquam autem abstrahendo à voluntate Dei Creatoris, qui rebus omnibus suam formam assignavit, interna requisitorum cujusque rei habitudo considerari possit hætenus; ut illorum inter se congruentiam novo divinæ voluntatis actu sancti opus non sit: propter abstractam tamen illam considerationem dici non potest, hominem esse animal rationale, non quia Deus voluit, sed Deum voluisse talem creare, quia essentia ejus talis est. Nam ratio sanctitatis, justitiæ, misericordiæ, & sapientiæ, secundum quam Deus aliquid velle & ordinare declaratur, intelligitur quidem antecedere volitionem Dei, seu actum hoc vel illud volendi, non tamen ipsam voluntatem, ut est essentiale Dei attributum, cujus istæ perfectiones sunt. Equidem jactatur, *Deum ex infinitudine sapientiæ naturaliter intelligere ante omnem actum voluntatis per voluntatem formaliter elicited, quid fieri queat, & quid ipse facere seu creare possit.* Sed de istis possibilitatibus, quid sentiendum, jam supra ostendimus. Et istius assertionis nullum aliud est fundamentum, quam quia mortales Deum ad modulum nostræ rationis, indolemque animæ humanæ metimur. Et quomodo probari poterit, Deum intellectu suo totam velut abyssum omnipotentis suæ perlustrasse, antequam de quibusdam rebus à se creandis decerneret? Saltem quomodo essen-

tiæ immutabilis & perpetuæ vocabulum tribui poterit illis, ut humano modo loquar, cogitationibus circa vires omnipotentia, antequam voluntate Dei decretum fuerit, an, & quid creare velit? Sane formam & essentiam ædificio dant non indefinitæ speculationes architecti, antequam constituerit secum, an & quale ædificium extruere velit. Porro, uti supra jam dictum, conjunctio illa formalis requisitorum essentialium semper præsupponiteam hypothesein, si talis res datur. Quo posito intelligitur etiam, quid actionum ipsi congruat, quid non. Antequam suppositionem verum non est, hominem esse animal rationale. Prius quippe verum esse debet, homo est, quam verum intelligi queat, homo est animal rationale. Equidem quin ante voluntatem divinam concipi possit, *non repugnare hominem esse, aut hominem esse animal rationale*, non negaverim, sed hoc ipso nihil certi ac definiti exprimi apertum est; & in sola non repugnantia, ubi nihil præterea accesserit, essentias rerum collocare, voluntati Dei necessario sequendas, mihi quidem oppido quam jejunum videtur. Neque æquipollent hæc duo: Deus potest creare animal rationale; & homo est animal rationale. Porro ad veritatem cujusque rei requiritur, ut hæc sit, saltem ex hypothesi; cum veritas nil aliud sit quam expressio quæpiam, aut ἐκτύπωµα rei. Unde tunc demum vera est hæc propositio: homo debet colere Deum; si homo datur, aut si Deus eum creare decrevit. Sic posito Deum præter ea, quæ jam extant, aliud corpus naturale producere velle, id est materia & forma constabit. Neque tamen vera erit propositio hæc; corpus quod nunquam exiit aut exiturum est, constat ex materia & forma. Sic posito luminarium cœlestium motu regulari in multa secula prædici possunt eclipses, non nisi tamen sub conditione mundi exituri. Unde vera erit propositio hæc; erit eclipsis Solis anno post Christum natum 2400. si tunc orbis adhuc supersit. Posito autem finem mundi interim intervenisse, falsum est, eodem anno eclipsin fore. Denique quod Pufendorfius judicat, inaniter constitui discrimen inter id, quod *debet* hominem, & quod eidem *præceptum* est, hætenus ut illud antecedere, hoc consequi voluntatem divinam dicatur, hæc ipsum ratio movit; quia quando de moralitate, id est, bonitate & malitia (non de aptitudine ad imputandum) in actionibus humanis sermo est, hominis essentia à Deo jam definita & constituta utique præsup-

ponitur. Atqui hac posita id, quod eum decere dicitur, hoc ipso quoque præceptum intelligitur; cum hæc duo ex uno eodemque actu divino profluant, & gratis fingatur, uno actu divino effectum fuisse, ut hoc vel illud humanam naturam deceat, alio actu idem pro imperio eisdem injunctum. Cæterum uti Pufendorfium circa ea, quæ non ipsi, sed aliis à se objecta testatur Zentgravius, facile adquieturum crediderim: ita quo minus & hic suam mentem super iis, quæ ipsi obijciuntur explicet, nemo prohibuerit.

§. 8. Porro Zentgravius, quo naturam hominis ad voluntatem Dei antecedenter se habere ostendat, quæstionem ita formandam iudicat: *num Deus aliam requisitorum essentialium combinationem velle poterit, ut inde prodiens æque verus esset homo, atque is est, quem animal rationale vocare constituit?* Sed ea nihil à Pufendorffii assertionem abire videtur. Nam posita combinatione animalitatis & rationalitatis certa creaturæ species resultat, cui hominis est vocabulum. Quod si autem Deus alias naturas combinare vellet, quæ illam ipsam creaturam absolvere deberent, ex animalitate & rationalitate constantem, tunc Deus sibi ipsi contradiceret; id quod à perfectione summi Entis abhorret. Hoc tamen modo nihil adparet, quod voluntatem divinam antecedit. Antequam autem voluntate Dei animalitas & rationalitas ad unam creaturam constituendam fuerit combinata, aut ad combinationem designata, non potest dici hominem esse animal rationale; sed id tantum: Deus duas illas naturas combinare valet: per quam propositionem nondum essentia hominis inferitur saltem hæcenus, ut vere dici queat, homo est animal rationale. Exempla Mathematica, quæ in hac disputatione passim adducit Zentgravius, peculiarem & profundiorē habere videntur disquisitionem, quam aliis relinquo, quibus pinguius otium suppediat per inania consumendum. Addit Zentgravius; *Deum ante decretum voluntatis ex intellectus sui infinitudine æque cognoscere, quid & quæ ratione aliquid fieri possit & debeat, atque suam essentiam cognoscit;* quæ cognitio naturalis vocatur, contradistincta libera, quæ voluntatem Dei sequitur. Atqui admissa etiam hac distinctione non video, quomodo negari queat, naturaliter Deum cognoscere quædam ut creanda, quædam ut nunquam creanda. Prioribus voluntas Dei utique includitur: posterioribus quid essentia & veritatis immutabilis tribuere possit aut velit

velit Zentgravius, ipse viderit. Sane Pufendorffio eadem somnum haud abruptum. Quod præterea idem pronunciat: *humana natura requirit combinationem animalitatis & rationalitatis tanquam requisitorum essentialium, non quia Deus vult, sed quia ita humane nature veritas se habet*, id si penitus inspiciatur, identicum & inane est. Concipitur quippe humana natura velut aliquid antecedens combinationem animalitatis & rationalitatis; cum tamen ex horum combinatione ejusmodi natura resul- tet, quæ humanæ vocabulo ab hominibus notatur. Dum combinatio illa divina voluntate decernitur, vera quoque sit hæc propositio, homo est animal rationale, & si homo diceretur, qui vel animal, vel rationalis non esset, is fictus, non verus foret. In quibus tamen omnibus nihil est, quod voluntatem Dei antecedit. Non adparet etiam, quis casus Zentgravii splenem titillaverit, ut ridiculum pronunciet, quod Pufen- dorfius absurdum judicet ab ipso *concedi de individuo aliquo, Deum, uti li- bere illum hominem condidit, ita si voluisset, brutum condere potuisse*: addita ratione, quod utique ipse gratias agat Deo, quod animal rationale eximiiis donis ornatum sit creatus: Sane singulos nostrum poterat Deus non crea- re, sed quod nos voluerit existere, eo nomine Creator utique grates me- retur, licet dum noluerit condere Me aut Te, non potuerit non animal rationale creare. Et quid sit individuum adhuc ad certam speciem deter- minandum paulo distinctius à Zentgravio fuerit explicandum, ut constet, an ei assertioni sanus sensus insit.

Minus difficultatis circa originem moralitatis videtur, quam Pu- fendorfius voluntatem Dei consequi, Zentgravius antecedere conten- dit. Sane cum honestas aut turpitudine actionum certam & determina- tam hominis naturam requirat, non adparet, quomodo ista intelligi queat, nisi hac posita. Fides, inquam, gratitudo honestæ, idololatria, adulterium, furtum turpia intelligi non possunt, nisi præsupposita natu- ra humana, cujus determinatio voluntatem divinam antecedere non potest. Neque sequitur homines sancti & misericordes esse jubentur ad exemplum Dei, igitur non à voluntate divina determinata & desi- gnata est natura hominis, ut tales actiones ipsi utique quadrent. Equi- dem jactatur, *infinite sapientia & scientia Numen posse utique scire, qui re- rum in se possibilitum motus ad sapientiam & justitiam ipsius exigi debeant, etiam antequam eas creare secum constituerit*. Enimvero conceptus rei præ-

præcise ut possibilis id tantum infert, ut ea res per potentiam, de qua sermo est, produci queat. Unde idem hac propositione exprimitur; potest produci à Deo creatura, cujus naturæ conveniat fides, repugnet adulterium. Ea tamen propositio nondum infert hanc, fides est servanda, adulterium est omittendum, quia uti vulgo dicunt, à posse ad esse non valet consequentia. Sed ut è possibili oriatur certi quid ac definiti, necessarium est, ut à voluntate agentis fiat determinatio. Et cum possibile ita præcise sumptum concipiatur velut aliquid incertum & vagum, cujus determinata non est veritas, à voluntate potius, quam à sanctitate & justitia determinatio fieri dicenda est; cum istæ perfectiones Deo insint, ut est voluntate præditus, quæ ideo ante voluntatem ejus collocari nequeunt. Sic si de homine dicam, fecit pro sua clementia, pro sua humanitate, non negatur primus fons ejus actionis esse voluntas hominis, quæ clementiæ & humanitatis virtute est imbuta. Igitur cum aliud sit posse esse, aliud esse, quorum prius indefiniti quid, hoc certi & determinati norat, essentiæ autem, naturæque rerum certum quid & determinatum sint, necessum est earum primam originem non à nuda omnipotentia Dei, sed ab ejusdem voluntate, sancta illa & justa, & cum sapientissimo intellectu conjuncta derivari. Unde & cognitio illa Dei naturalis, quamdiu possibilitatem tantum, & vastitatem potentiæ divinæ concipere intelligitur, certas & definitas rerum essentias concipere censenda non est, nisi concepto prius principio, quo essentiæ rerum determinantur. Multo minus dici potest, ab eadem concipi adulterium ut turpe, nisi prius concipiatur natura cerra & ita determinata, ut ea actio isti repugnet; qualem determinationem sola possibilitas non infert. Et quo fundamento quis probaverit, per naturalem Dei cognitionem res adprehendi tantum ut possibiles, præcise futuræ sint, an minus, & earum omnium essentiam designari: ac non potius res futuras, velut certam ex voluntate Dei essentiam habituras concipi, possibiles autem & nunquam futuras velut indeterminatas in medio relinqui? Nam speculari possibilitatem absque suppositione futuritionis non est speculari essentias rerum, sed suam tantum potentiam. Non recte quoque hoc loco jactatur tritum illud, non ex quolibet fieri quodlibet, ut idem revera sit & maneatur, velut ante voluntatem Dei detur rerum veritas, & interna requisitorum essentialium, & eaque definita ad talem præcise quid-

quid ditatem convenientia, eaque immutabilis. Nam dictum illud præsupponit res certas & definitas, ac proprie locum habet in mutationibus rerum jam existentium, quæ mutabilitatis suæ certas fines habent. Cum autem potentia Dei hæc creaturarum natura exhausta non censetur, quin plura producere poterit, nec dubium habendum, quin plures sint rerum convenientiæ, quam in actum deductæ sunt: igitur non videtur cuicunque rei extra Deum immutabilem attributorum essentialium connexionem attribui, nisi sub hac hypothesis, si Deus talem rem producere velit. Nam omnipotenti Deo & qui è nihilo producere aliquid potest, materia sua velut in infinitum obsequitur, nec ullam formam adspernatur velut incongruam, quam ipse pro sapienti & optima sua voluntate eidem attribuere placuit. Sic ut nexus ille essentialium partium utique à voluntate Dei sit, optimi & sapientissimi. Sed & valde adhuc dubium est, num intellectus Dei infinitus, & cui omnia præterita, præsentia, & futura uno velut momento intuentia sunt exposita, abstractionum & præcisionum leges, quas Philosophi commenti sunt, observet, & puras possibilitates à *futuritione* præcisas prius speculetur, voluntate interim velut otiosa, quoad illa speculatio fuerit absoluta. Denique cum veritas sit aliquid rem consequens, aut affectio rei prout est, combinatio autem animalis & rationalis ad constituendam creaturam, quæ homo dicitur, voluntate Dei facta sit, non adparet, quomodo nudus conceptus possibilitatis seu combinabilitatis duarum istarum naturarum essentialium & veritatis rationem habere possit, & talis quidem, quæ voluntatem Dei antecesserit, quemque voluntas Dei in designanda velut creatione utique sequi necessum habuerit. Cum super duabus istis naturis, antequam per voluntatem Dei combinatæ intelligantur, nihil aliud vere pronuntiari possit, quam hoc, si Deo placuerit naturam animalem & rationalem conjungere, evadet creatura aliqua egregia brutis nobilior, Angelis inferior. Eoque veritas hæc, homo est animal rationale, ante divinæ voluntatis suppositionem intelligi nequit: quia aliud est esse, aliud posse esse, seu non repugnare ut sit. Sic non repugnat Zentgravium esse Doctorem Sorbonicum. Interim quousque Deus hoc decreverit, vera non est hæc propositio, Zentgravius est Doctor Sorbonicus, ne in intellectu quidem divino; sed tantum hæc, si Zentgravius Deo volente foret Doctor Sorbonicus, verus esset, & non fictus Doctor. Sic non repu-

gnat Lunam creatam fuisse triquetram, aut quadrangulam, sexangulam, octangulam, cylindri figura, &c. Neque enim hic aliquid supra potentiam Dei positum adparet. Antequam igitur per voluntatem Dei figura ejus rotunda fuit determinata, concipi potuit tanquam possibile quid Luna triangula, quadrata, sexangula: id quod tamen Deus non voluit, nec forte unquam volet. Et nihilominus juxta Zentgravii tradita quia datur ejus conceptus tanquam possibilis, veræ erunt simul omnes hæc propositiones, Luna est triquetra, Luna est quadrata, Luna est sexangula, octangula &c. Id si Zentgravio absurdum videtur, concedendum ipsi erit, certas & determinatas veritates, seu ut veræ propositiones formari possint, non fluere ab omnipotentia Dei antecederet ad voluntatem Dei res determinantem. Est enim vera quidem hæc propositio; non repugnat, Lunam potuisse creari quadratam: sed isthæc propositio non æquivaleret huic: Luna est quadrata. Quod si igitur Zentgravius pro essentiis rerum nunquam futurarum pugnare perrexerit, valde meruo, ne cordati ipsum de lana caprina litigare judicent.

Super indifferentia motus Physici in actione morali parum aut nihil controversiæ interitos superesse videtur. Quod autem Pufendorfius eo loco concitatus egisse arguitur, id sine dubio ideo factum, quia Zentgravius hunc Sophistis quibusdam pravas sententias foventibus ita immiscuerat, ut non cuivis in proclivi foret discernere, num eadem ipsum cum cæteris classe censeret, an minus. Et vel suspitione ejusmodi opinionum perstringi atrox injuria est, quam inferens si acerbius repellatur, habet quod sibi imputet, qui virum bonum nulla necessitate lacessitum ivit. Quæ supersunt disensiones, exigui momenti sunt, & super quibus viros amplius certare vix decorum sit. Sicuti nec operæ pretium videtur de *Roberto Scharrockio* quid movere, qui nova editione libri sui de *Officiis* Pufendorfii tradita uno & altero loco carpere voluisse videtur: Mihi sane quid reprehendat, aut qua de causa nondum divinando assequi licuit. Cæterum uti Pufendorfius, quæ initio intentabantur calumnias, plane dissipavit, ac si quid solidæ controversiæ fuit, eo deduxisse videtur, ut facile ferre possit, cruditos in suffragia super iisdem ire: ita dissimulare non possum eundem à multis accusari, quod nimium acerbis, & salem plus satis asperum scriptis suis expromserit, ac male temperato calore litem aluerit, quæ moderatione adhibita mox ultro

ultra expiratura videbatur. Etiam bonam causam iracundia aëloris sæpe corrumpi. Tum non sat magnanimitatis ostendere, qui amulorum injuriis plus justo commoveatur. Alii contra qui propius virum norunt, placido ingenio memorant, & cui nunquam alios lacessere libido fuerit; & qui provocatus joco potius, quam investivis adversarios protelare maluerit. Ast quæ ipsi mota fuerit, litem ita malitiose fuisse instructam, ut eadem ad modum disceptationis literariæ expediri non potuerit. Ad eum fortunis evertendum incubuisse primo Nicolaum Beckmannum & Josuam Schvartzium, aliosque. Id cum non succederet Beckmannum edito libello famoso profugum, infamiaque per sententiam judicalem notatum, ut impune furorem expromere posset, sacra murasse, ac insulsißimis scriptis exempli fæditate sæculo dedecus conciliasse. Alterum, quem superiorum respectus utrumque continuerat, mox furori prophetico fræna laxasse, postquam Suecorum res per Scaniam tunc ipsi conclamata videbantur. Itaque Lundini aurigas inter & vetulas in absentem Pufendorffium è cathedra sacra declamasse heroica plane confidentia, cum neminem responsum noster. Mox Hasniam delatum publicatis istis declamationibus, nil aliud effecisse, quam ut Nicolao Beckmanno improbitatis palmam ambiguum redderet. Ad quas calumniæ & vesaniæ manifestas aliquid reponere Pufendorffio nunquam tanti fuit visum. In tales quid tam aspere dici potuit, ut non longe infra eorum merita id sit? Fridericus quoque Gesenius, & Valentinus Veltheimius quomodo mollius potuerunt tractari non adparet; quorum huic audio suecenturiatum Slevogtium quendam, insipido libello famoso in Pufendorffium composito, quo ipso quodnam operæ pretium facturum se speraverit divinando consequi non licet, facinore apud omnes bonos detestabili, & quod nil salis insuper homini inesse arguat. Strimesium quoque longe asperiore ictu repelli potuisse, ni Pufendorffio magis quid se deceat, quam quid ille meritis foret, respicere curæ fuisset. Accedere, quod protervis ingenius, & pruritu scribendi laborantibus insolentia gliſcat, si ipsorum improbitas modestè velut re bene gesta excipiat; qui aspere protelati facilius in se descendunt. Neque vero dubitandum, si Pufendorffio adversarii contigissent, qui citra obscenas calumniarum artes solo veritatis amore disputationem suscepissent, quin ipse nemini eorum mo-

deratione & humanitate concessurus fuerit. Nunc dolendum ejusdem fatum, qui fere à talibus laceffitus fuit, adversus quos cruditos decens gravitas adhiberi non potuit, præsertim cum talia ipsi impingere instituerint, quæ si levi brachio rejeceris, prope agnovisse videaris. Habes epistolam argumento spinosam, verbis incomtam, quam quidem nemo alius à me extunderet, præter Te, cui cupienti quidquam abnuere nefas mihi dico. Meum studium tibi non displicuisse hoc judicio colligam, si paris prolixitatis epistolam de rebus, quæ apud vos in re literaria aguntur, remisseris. Bene Vale! Hamburgi, die 3. Junii Anno 1683.

F I N I S.



INDEX

INDEX RERUM INSIGNIUM hoc libro comprehensarum.

A.

IN attributis divinis perfectissima unio
est intelligenda. Pag. 13. 244. 245
Affectibus imperare posse haud omnino
impossibile. 39
Quosdam intra mediocritatem etiam
consideratos, vitiosos esse. 295
Actio omnis sua natura adiaphora. 34
Actiones indifferentes quæ? 88. 274. 275
Anterioris rationibus destituta parum va-
lida. 22
Aristoteles præcipuus Politicæ Archite-
ctonicæ autor. 177. 187
Ejus nimia æstimatio scientiarum au-
gmenta retardavit. 204. 250
Ejus Ethica & Politica quid conting-
ant? ibid.
Cur mundi æternitatem statuerit? 337
Abstrahere in Philosophia quomodo li-
ceat? 334

B.

Bellum injustum quale? 35. 36
Nicolaus Becmannus notatur. 81
Quis sit? 113
Plagiarius. 81. 113. 143. 147. 159
Cum Collega de prædria litigat. 114
Multorum facinorum reus. 119
Libellos famosos contra Autorem
disseminavit. 81. 116. 157. 169
Cum lanista congressus vapulat. 117.
163. 302
Relegatus cum infamia. 82. 107. 141.
143. 157
Apostata factus. 138. 143. 146. 152
Barbaricus rursus emergere laborat. 155
J. H. Bacleri commentarius in Grotium
commendatur. 106

C.

Cultus divini ex religione naturali præ-
cipuæ partes. 19
Clerus Pontificius Jus Naturæ & doctri-
nam moralem obfuscavit. 203. 409
Christianus Vigil calumniæ & mendacii
reus arguitur. 4
Quis sit? 78
Censura librorum cui competat? 108
Richardus Cumberlândus Hobbesii ad-
versarius. 83. 122. 207
Quis? 123. 135. 208
Renati Cartesii philosophia ex Helvetia
& Belgio proscripita. 83. 212
An jure? ibid.
Civitas doctrinis Politicæ sive haud re-
pugnantibus personare debet. 7. 8.
84. 124. 324. 327

D.

Defensio sui necessaria est legitima. 2. 61.
112. 329
Discriminis honestorum atque turpium
natura atque lege explicatio. 3
DEUS supra leges positus. 12. 16
Quo sensu quædam agere non posse
dicatur? 12. 243
Cur non peccare possit? 15. 16. 243. 244
De Deo quomodo loquendum? 13
Cur neminem ex absoluto placito ad
infernum condemnet? 16
Qua ratione justus sit. 17. 18. 42. 234.
237
Autor Legis naturalis. 89. 352
Sibi ipsi legem esse, quomodo intelli-
gendum? 241. 245
Ad actionem humanam quo pacto
concurrat? 274
Ggg 3 Deca-

I N D E X.

- Decalogi præcepta cur leges civiles dicantur?* 49. 394
Disciplina philosophica ex Theologia haud deducenda. 251. 252
 E.
Epicuri notantur. 19
Essentia rerum cur æternæ pronuntiantur. 86. 291. 384
Eruditorum fors. 177
Entia moralia quid? 24. 219
Quot? 27
Ex quo resultent? 219
Ethnici ex contemplatione rerum Deum cognoscere potuerunt. 40
Errorum apothecis, pessima res, Baconis dictum. F. 213
Facultas propagandi quo sine homini indita. 28. 214
Falsa doctrina sub spe religionis obrudis solita, è republ. eliminanda. 324. 325
 326
Facultas intelligendi legem naturalem infantum animis inest. 354
Fingere, quot modis dicatur? 357
 G.
H. Grotius notatur. 58
Primus Juris naturalis disciplinam excoluit. 205
Haud tamen perfecit. 249
Ejus summa eruditio. 205
Arminianis additus. ibid.
Liber de J. B. & P. à Pontificiis cur prohibitus. ibid.
Fr. Gesenius Præsul Garlebiensis, cujus sub nomine latitare voluerit. 78
Refellitur. 79. 104. 105. 199. 212. 321
Gubernatio regia in Angliæ exosa. 91
P. Gassendus Epicuri dogmata renovavit. H. 206
Th. Hobbesius defenditur. 47
notatur. 34. 49. 58. 122. 249.
- Ejus laus* 206
Epicuri placita in Moralibus renovavit. ibid.
Regis Angliæ de illo judicium. ibid.
Scopus. ibid.
Censura de ejus hypothesi. ibid. & 249
Haberkornius Jætus Gôrlicensis notatur. 146. 162. 184
Hofmanni, Prof. Helmstadiensis, lis de duplici veritate. 247. 361
Homo integer ad bonum potius quam malum proclivis fuit. 263
Hominem à voluntate Dei Creatoris suæ existentiam habere evincitur. 291. 305
Honestæ esse faciendæ &c. non esse prima J.N. principia demonstratur. 103. 270. 271. 297. 328
 I.
Justitiæ divinæ & humanæ discrimen. 17. 235. 357
Commutativæ & distributivæ. 18
Jus Naturæ & Gentium ad captum omnium hominum accommodatum. 20. 46. 217. 232. 359
Illius principia animis hominum congenita. 40. 85
Cognitio etiâ gentilibus impressa. 42
Nostra demum ætate in formam disciplinæ redactum. 100
Jæia Romanis quid? 232
An sit inôpina justitiæ Dei essentialis disquiratur? 42. 232
Ex literis sacris haud deducendum. 251. 252. 254. 257
Theologiæ non subordinatur. 367. 394
Hebræum quomodo ab universali illo differat? 330
Maximam partem circa externa occupatur. 262. 355. 371. 378
Intellectui humano post lapsum rectitudo adhuc quædam inest. 37. 38
 Tabu-

I N D E X.

Tabulæ nudæ similis. 41
Indifferentismus Moralis oppugnatur. 31.
 32. 122. 136. 168. 335
Iustiniani institutum improbat. 203
Imago DEi quid fuerit? 229
Iussum Deo commune an velut fundamentum J. N. admitti possit? 241

L.

Lex Civilis dupliciter dicitur. 49
Lutheri animositas. 19. *Qua* methodo Patrum oppugnatum iuerit? 216
Lex naturæ æterna. 44. *Ejus* tractatio triplex 133. Cordibus nostris inscriptam esse, quomodo interpretandū? 135. 269
 Ad moralitatē in actionibus humanis antecederet se habere, ostenditur. 279. 280. & seqq.
Libellus famosus per carnificem concretatus. 118. 157. 161

M.

Balthasar Menzeri epist. de Divortio. 3
Motus Physici quid? 32
 Quomodo indifferentes? 136. 274. 345
Moralitatis Origo in actionibus humanis 85. 87. 277. 278. 303. 383
Severinus Monzambanus falsò Auctori attributus. 59. 105. *Ejus* Scopus. 123. Encomium. 178
Musæi laus. 135
Metaphysica vulgaris Censura. 329. 352. 307
Ejus studium sterile & inane. 307. 332

N.

Nova inventa in scientiis an probanda? 5. 83. 209
Novitatum index à quo confectus. 72. 115. 196
 Per carnificem igni datus. 118. 238
Notitia innata. 260

O.

Origo moralitatis in actionibus humanis explicatur. 85. 87. 277. 278. 303. 383

Omnimoda libertas in solū Deū cadit. 243
 J. A. *Osiandri* labor in H. *Grotium* commendatur. 250. *Ejus* laus. 277
Officia hominum erga se ipsos ex quo permanent. P. 300
Pessima dogmata moralia sub larva religionis inuenta. 3
Peccatum alienum exequi, peccatum haud esse, quo sensu dicatur? 35
Polygamia statui domestico haud condicibilis. 48. 49. 109
Pedanticorum hominum mores. 78. 213
Nicolai Peirescii laus. 205
Perfectio moralis quid? 242
Philosophia à Clero Pontifi. corrupta. 247
Peculiaris Christiana haud procedenda. 255. 365. 394
Philosophus quomodo hominem considerat? 259

Protoplasti ex divina informatione præcepta legis naturalis hauserunt. 201

R.

Religio à Romanis inter instrumenta Status habita. 10
Religionem intra sphæram huius vitæ terminari, quo sensu accipiendum? 84. 109. 326. 350
Romani Ius magno studio excoluerūt? 203
Reipublica irregularis quæ? 178. 187
Eiusmodi Germania. ibid.

S.

Subditi erga Tyrannum quomodo sese gerere debeant? 9
Sacerdotes apud Romanos qui fuerunt? 10
Status naturalis absolute consideratus quis? 26. In ordine ad alios? 50. 52. Tripliciter consideratur. 219
Josue Svarzsi, Profess. Lundensis, ingenium turbulentum. 67. 196. 197. 228
Expers solidioris doctrinæ. 197. Primus Indicis novitatum fabricator. 72. è Sue-

115. 196. 220. 285. è Succia relegatus. 68
 Refutatur 221. 222. 223. & passim.
Socialistas adæquatum cognoscendi legem
 naturæ principium. 39. Adstruitur con-
 tra Chr. Vigilem. 84. Velthemium.
197. Zentgravius. 348. Strimefiū. 189
Sacerdotes nequitiam togis tegere, Luthe-
 ridictum. 170
 Carolus *Scarenfchmidius* refellitur 176.

177. 178
Scholasticorum Doctorem nœniæ taxantur.
100. Quomodo ab illis philosophia
 tractetur? 215. An illorum scitis religio
 orthodoxa contra adversarios propu-
 gnari possit? 155. 166. Illorum autori-
 tas haud valida. 406

J. Selden laus. 200. Judicium de ejus li-
 bro de Jure Naturæ. 201
Status protoplastorum an gentilibus co-
 gnitus? 218

Samuel Strimefius, Prof. Francofurtanus.
 179. argumentis ejus occurritur. 380.

381. 396. 197
Suum cuique tribuere non est adæquatum
 J. N. principium. 390. 391

T.

Theologia moralis quid? 9
Tempti Lutheranorum Heidelbergensis
 primū lapidem El. Palatinus posuit. 11
Theologia non competit censura in alias
 disciplinas. 82. 83. 113
Theologia Politica architectonica haud
 formanda. 319

F I N I S.

Errata.

Pag. 4 lin. ult. felle. p. 12. l. 12. nudus. p. 33. l. 25. Coquii. ibid. l. 28. Becani. p. 34. l. 17. prolixiorē p. 50.
 l. 11. agnaretur. p. 55. l. 32. moti. p. 56. l. 13. partes. p. 58. l. 17. haviem. p. 60. l. 1. Profeflores. p. 67. l. 18. erat.
 p. 77. l. 5. extendat. p. 91. l. 1. deconi. p. 94. l. 19. probō. ibid. l. 21. amice. p. 95. l. 20. considerare. p. 112. l. 23.
 flagrant. ibid. l. 29. quis. p. 113. l. 16. lubstifendi. p. 117. l. 3. per. p. 124. l. 10. Solidus. p. 130. l. 12. fit. p. 149. l.
 20. ex qua. p. 156. l. 6. sentinam. p. 160. l. 20. sic. p. 162. lin. pen. faviore. p. 163. l. 10. metiri. p. 176. l. 2.
 fidere. p. 189. l. 6. vestigia. p. 199. l. 26. addit. conati sunt. p. 221. statura. p. 261. l. 15. resutare. p. 268. l. 18.
 femina. p. 279. l. 2. dele. divinam ab origine moralitatis. p. 281. l. 32. dele. vult. p. 298. l. ante p. 112. com-
 par. p. 314. l. 10. obtineri. p. 344. l. 3. relucet. p. 352. l. 13. non nego. p. 357. l. 25. subitum. p. 380. l. 32. effi-
 ciam. p. 408. l. 2. admulcere.

V.

Valentinus Velthemius, Prof. Jenensis. re-
 futatur. 90. 167. 199. & passim. Censu-
 ra de ejus Nucleo Juris Naturalis. 101.
 Ejus Introductio in H. Grotium per-
 stricta. 165. 167. 183. Odii in Autore
 causa. ibid. Innitatum in Politicis do-
 gma. 191. In Scholasticos Doctores stu-
 dium & veneratio. 214. 215

Valentinus Albersi, Prof. Lipsiens. annota-
 ta in H. Grotium castigantur. 247. Ejus
 methodus tradendi Jus Naturæ impu-
 gnatur. 249. 250. & seqq. Judicium de
 ejus Compendio Juris Naturæ ortho-
 doxo. ibid. Ejus analogia fictitia explo-
 ditur. 374

Baconis Verulamii, Angliæ Cancellarii,
 encomium. 205. Primus Scientiarum
 augmenta offendit. ibid.

Voluntas divina ut concipienda? 288. Mo-
 ralitatis principium. 331. 332. & passim.

W.

Petrus Winstropius quis? 12. Factionis
 Autoris adversæ socius primarius 115.
 Cur? 142. 198. 368

Sinceri Wahrenbergii dialogus de Poly-
 gamia. 3. 4. in Succia notissimus. 110

Z.

Jo. Joachimus Zentgravius, Prof. Argen-
 toratenſis. 330. Inſcriptio libri ejus de
 Origine J. N. carpitur. ibid. è Schola-
 sticorum doctrinis ſapit. 331. Ejus ob-
 jectiones diluuntur. 409. & ſeqq.

8474



